



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


~~K~~
H. 183

27-2

3

TH

36/11





BIBLIOTHECA PATRVM CISTERCIENSIVM.

ID EST

OPERA ABBATVM ET MONACHORVM ORDINIS CISTER-
cienſis, qui ſæculo S. Bernardi, aut paulò poſt ejus obitum floruerunt, in
vnum corpus aliquot tomis diſtinctum collecta.

TOMVS PRIMVS

Complectens | Exordium Cœnobij Cisterciensis, cum Charta charitatis,
Exordium magnum ejusdem Ordinis,
Et libros miraculorum S. Bernardi, miraculo olim approbatos.

*Labore & studio J. BERTRANDI TISSIER Doctoris Theologi Bonifontis
in Theraſcia ejusdem Ordinis Prioris.*

Cum ejusdem Annotationibus in fine, quibus difficultates occurrentes in toto
opere exponuntur, & quæ fabulosa videntur confutantur, quæ autem
non improbanda ſunt, vindicantur.




BONOFONTE,

Typis ejusdem Cœnobij, Per A. RENESSON, Anno Domini 1660.

*Vit Parisijs in Collegio S. Bernardi, & in vico S. Jacobi apud Edmundum Genseros,
ſub ſigno Boni Paſtoris.*

PERMISSV SUPERIORVM







AVGVSTISSIMÆ REGINÆ COELI,
DEI-PARÆ VIRGINI Mariæ, SPECIALI
CISTENCIENSIS ORDINIS PATRONÆ.



NI Cælitum tibi, ô MAGNA DEI PARENS, virumque CISTER-
CIENSE EXORDIVM debetur, virumque merito tibi nuncupamus
& consecramus: quæ & Cœnobium ipsum, & Ordinem ab illo de-
nominatum, fundasti, fouisti, & ad hunc vsque diem servasti. Alij Ordines
Religiosi Sanctorum quempiam parentem & fundatorem venerantur, Au-
gustinum, Benedictum, Dominicum, Franciscum, &c. Cisterciensis autem,
etsi in S. Benedicti castris militat, quâ tamen ab alijs familijs Regulam ejus-
dem Sancti Patris profitentibus distinguitur, te solam *Fundatricem* suam
faterur. Nec enim magnus ille tuus cliens Bernardus ejus est fundator, quæ
jam fundatum reperit, & sub secundo aut tertio ejus Abbate vestem illius
assumpsit. Sed nec Albericus aut Stephanus. Hi namque Cistercio jam sur-
gente a Monachis illius electi sunt. Sed nec Robertus, (qui primus quidem
illius loci Abbas fuisse videtur:) nâ Molismenses eum illic residere non sunt
passi, sed mox Molisum redire compulerunt. Vnde nec hoc Exordium in
Abbatum Cistercij serie locum ei dedit, sed Albericum primū agnoscit Ab-
batem, Stephanum verò secundū. Sicut autem Ioseph olim tibi conjugio
iunctus, filij tui Domini nostri creditus est pater: sic & S. Robertus, quem
annulo tibi quondam desponsasti, creditus est Ordinis Cisterc. qui tua proles
est, esse pater & fundator. Hanc gloriam non adulando nobis usurpamus,
sed ex Authoribus fide dignis depromimus. *Pregnanti matri*, S. Roberti, ait
Otho Molismensis in ejus vita, *gloriosa Dei genitrix virgo Maria in somnis ap-
paruit, annulum aureum habens in manu sua, dixitque ei. O Ermegardis, volo filium,
quem gestas in utero, hoc annulo mihi desponsare.* Adjecisti autem eidem mulieri
iterum apparere, ut idem Author refert, sicut olim Deus Samueli ad confir-
mandam promissionem tuam. Non sine causa itaque factum est, ut S. Ro-
bertus Molisum rediret, ut scilicet nova Cistercij proles patre carens, tibi
ut matri ascriberetur: nec minùs in hoc Robertus Iosephum exprimeret,
umbram patris habentem, sed sine opere. Ioannes Decimus hanc veritatem
etiam declarat his verbis. *Hæc sancta Religio, quæ potius ad beati viri Benedicti*
Regulam reformatio dicitur, pro ut sanctissimi Bernardi, aliorumque Patrum scripta
demonstrant, peculiaris est in terris familia gloriosissimæ matris Domini: cujus viven-
di formam deuotis famulis primis patribus nostris inspirasse certum est. Nam ultra
spirituales reuelationes, intimasque consolationes, sapius fulgidissimo cæli cinium sti-
pata comitatu, eos visitabat, & etiam visibiliter consolabatur, edocebat, adjuuabat,
instruebatque: ob quod & ipsa sacri hujus Ordinis Patrona, Domina, Protectrix, &
aduocata nominatur. Sicut Ordo ipse primus est omnium Ordinum in ejus honorem
dedicatus: cujus habitum tam Monachorū, quàm Sanctimonialium tradidisse fertur.
Tuam maternā pro ordine ipso sollicitudinem beato Fastrado demonstraisti,
quando illi in Chartusia huic Cœnobio vicina, Vallis S. Petri dicta, delite-
scenti, & onus ac dignitatem Abbatialem fugienti, apparens, & filium tuum
benedictum in vlnis gestans, dixisti, accipe filium meum, & serua mihi illū.
Vir enim sanctus intellexit, hoc tuum præceptum non de filio tuo, qui sedet

*Exord. Cist.
nob. Cisterc.
c. 17. &
Exor. mag.
dist. 1. c. 15.*

1. Reg. 3.

*Exhort. ad
Monach.
Tom. 1. Pri-
uileg.*

*Exord. mag.
dist. 1. c. 24.*


Exord. magn. Distin. 3. cap. 11. Ibid. c. 19.

Exord. diff. 4. cap. 31. & 34. Mariq. an. 1201. c. 1.

In vita eiusdem.

Casarius distin. 7. c. 60.

ad dexteram Patris in excelsis, esse accipiendum, sed de Monachis filiis tuis, quos regendos illi committebas: itaque è latebris suis erumpens, mox in Clarevallis, deinde in Cistercij Abbatem fuit assumptus. Tu, pia mater, Claravallenses Monachos in agro laborantes & metentes cum Sanctis Magdalena & Elizabeth aliquando inuisere dignata es: tu aliàs electuarium eis præbere visa. Tu sæpe morientibus fratribus adesse dignata, ac eos ab insidijs & malitia dæmonū tueri. Tu Ordinem tutata es: ipsum etiam Summum Pontificē Innocentiū III. Ordini infensum, ab exactiōibus quas ab eo petebat, & ab indignatione quam in illum ob hoc ipsum conceperat, reuocasti. Tu per te ipsam personas sanctitate celebres ad eūdem Ordinem inuitasti: inter cæteras S. Ludgardem Virginum Cisterciensium decus. Dilectionem autem tuam in omnes ejusdem Ordinis personas ea præcipuè visione demonstraſti, qua eas sub chlamide tua te fouere & protegere, quasi gallina pullos suos, ostendisti. Cum enim quidam Cisterciensis tibi addiſtissimus in mentis excessu diuerſos Ecclesiæ triumphantis Ordines in cœlesti gloria contemplaretur, Angelorum, Patriarcharum, Prophetarum, Apostolorum, Martyrum, Confessorum, & eorūdem certis characteribus distinctos: item Canonicos Regulares, Præmonstratenses, & Cluniacenses: de suo ordine sollicitus cū staret & circumſpiceret, nec aliquam de illo personam in gloria illā reperiret, ad te, Beata Deipara, cum gemitu respiciens, dixit. Quid est, sanctissima Domina, quod de Ordine Cisterciensi neminē hic video? Quare famuli tui tibi tam deuotē seruientes, à consortio tantæ beatitudinis excluduntur? Tunc videns eū turbatū, benigne ei respondisti. Ita mihi dilecti ac familiares sunt ij, qui de Ordine Cisterciensi sunt, vt eos etiam sub vlnis meis foveam. Aperiensque pallium tuum, quo amicta videbaris, quod ingentis erat latitudinis, innumerabilem multitudinē Monachorum, Conuersorum, & Sanctimonialium illi ostendisti. Hanc visionē Abbati suo tuus ille famulus narrauit: & ille in sequenti Capitulo Generali Abbatibus: quos maximē lætificauit, & ad amorem tuum magis accendit. Hæc refert, ijsdem verbis, qui initio operis sui testem inuocat Deum, se ne vnum quidem capitulū in toto illo finxisse. Tibi igitur, ô magna parens, Ordo Cisterciensis maximē obstrictus est, quē sic hætenus fouisti & promouisti. Nunc eūdem, quæso, multis calamitatibus depressum & humiliatum solitæ pietatis oculo respice, & in antiquū restitue splendorē.



REVERENDISSIMO DOMINO
D. CLAUDIO VAVSSIN,
SACRÆ THEOLOGIÆ DOCTORI, CISTERCII ABBATI,
& totius Ordinis Cisterciensis Capiti ac Superiori Generali.

ADvolant in sinum tuum, REVERENDISSIME DOMINE, opuscula Sanctorum Patrum nostrorum nostro labore è tenebris in lucem, educta, ut favore tuo suffulta, & felicibus tui nominis auspicijs tuta, in cæterorum manus possint exire. Tua sunt illa, proinde tibi nuncupanda fuerunt. Prius enim Exordium Archicœnobij tui Cisterciensis primordia describit: posterius, Ordinis, qui ab ipso Cœnobio originem duxit, ejusque nomen accepit, principia & progressus enarrat, virorumque illustrium prædecessorum tuorum, & aliorum Abbatum, atque Monachorum, res præclare gestas ob oculos ponit. Fundamenta ejus sub Sanctis Roberto, Alberico, & Stephano jacta fuerunt, adeò exigua & humilia hominum judicio, ut familia illa quæ Molismo discesserat, & majoris perfectionis gratia in Cisterciense desertum profecta fuerat, propagationis defectu brevi crederetur extinguenda. Ipsi etiam viri sancti, licet thesaurum virtutum cœlitus inuentum successoribus multorum saluti profuturum committere in votis haberent, quia tamen inusitata vitæ eorum austeritate deterrebantur vniuersi, nullus ad eos conuersionis causa veniebat, ideoque, ut Exordij Author loquitur, ostio desperationis ferè appropinquabât: donec deuotis & diuturnis ad Deum precibus fufis, tandem optatis potirentur. Suscitauit enim Deus spiritum pueri junioris, (verba sunt prædicti Authoris,) cui nomen Bernardus: qui cum esset adolescens, nobilis, delicatus, & literatus, tam valido igne diuini amoris succensus est, ut relictis vniuersis mundi voluptatibus & diuitijs, arctissimam Cisterciensium conuersationem deuoto animo proponeret imitari. Paulò antè cuidam ex fratribus viam vniuersæ carnis ingressuro, apparuit innumera hominum multitudo prope Oratorium ejusdem Cœnobij, ad fontem quemdam lucidissimum lauans vestimenta sua: & dictum est ei, quòd fons ille fons Ennon esset appellandus. Hac visione & alijs propagatio Ordinis mox futura designabatur. Fons ille Cisterciensis creuit in fluvium maximū, & sol effectus est, radios suos per totum orbem vibrans, & innumeros homines calore diuini amoris accendens. Progressus Ordinis & profectus mox sub alijs patribus contigit, Fastrado, Alexandro, & ceteris: & hi quidem duo inter cæteros eminentes ex Claravalle assumpti fuerant, ex qua & tua Reuerendissima Paternitas, ad regimen Archicœnobij Cisterciensis. Horū & aliorū virtutes & exēpla his opusculis proponuntur, quæ omnibus adhortationibus ad virtutem persuadendam videntur aptiora. Ut enim ait S. Pater Bernardus. *Sermo viuus & efficax exemplum est operis, faciliè persuadens quod intendimus, dum factibile probat esse, quòd suademus.* Multi sanè hoc æuo suam desidiam velamine infirmitatis aut impotentiae obtegere nituntur, dicentes humeros suos oneri Regularium institutionū ferendo impares esse: sed mentiri, aut miserè seipso decipere conuincuntur.

tur, dum tot exhibentur illis juvenes, senes, delicati, nobiles, & principes, qui olim Cisterciense institutum professi, Christi jugum esse suave, & onus ejus leve, feliciter sunt experti. Sanctus Augustinus cum visco cupiditatum innexus teneretur, aliorum exemplo ad torporem exuendum & segnitiam abjiciendam vires non mediocres sumpsit: cum attentè considerasset, tot omnis ætatis & conditiones viros & feminas arctam viam mandatorum Dei alacriter cucurrisse, & brauium perpetuæ vitæ & beatitudinis apprehendisse. Certè usque hodie multi trepidauerunt timore, ubi non erat timor. Ut tamen aliquam excusationem suæ desidii proferant, negant hujus ævi homines esse robustos & validos, ut antiquos. Sic olim Hebræi, cum labore, qui subeundus erat in ingressu terræ Chanaan, terræ melle & lacte manantis, terrentur, dicebant ibi gigantes esse, quorum comparatione ipsi non majores locustis viderentur. Arbitramur, non vera humilitate, sed segnitie, veterum comparatione pigros nos esse, ac perniciosa ista adulatione nos ipsi palparamus, ut Regulares observantias declinemus. Non est abbreviata manus Domini, nec adeò parcus gratiarum suarum hoc tempore distributor, ut non possimus, si eis cooperari velimus, patrum præcedentium vestigia saltem utcumque sequi, si ex æquo cum eis currere non possumus. Proinde si sapimus, ad eorum, quorum præclara gesta in hoc volumine describuntur, imitationem nos totos componemus: nec declinabit cor nostrum in verba malitiæ ad excusandas excusationes in peccatis. Hoc Cisterciense Exordium, si piè & attentè legatur, multos, ut spero, à sententia reuocabit, & ad viam arctam & angustam ingrediendam illis animos addet: ideoque gratissimum illud fore Reuerendissimæ Paternitati tuæ, cujus potissimum humeris Cisterciensis Ordinis onus incumbit, mihi facile persuasi, & hac spe fretus illud tibi offero,

REVERENDISSIME DOMINE,

**Humillimus & obsequentissimus
servus tuus ac Religiosus
F. BERTRANDVS TISSIER.**

IN VNIVER-



IN VNIVERSAM
PATRVM CISTERCIENSIVM
BIBLIOTHECAM.

P R A E F A T I O.

CONSILIUM nostrum est, BENEVOLE LECTOR, in vnum corpus coacervare varia opuscula Patrum Ordinis nostri Cisterciensis, qui locum sortiri potuissent in magna Patrum Bibliotheca, & re ipsa sortiti fuissent, ut arbitror, si Authoribus illius prae manibus fuissent: cum multos inferiores istis tempore, eruditione, & utilitate doctrinae, in eam retulerint: imò & quaedam nostrorum minoris momenti quae repperunt, in eam congesserint: exempli gratia, Epistolae Nicolai Claravallensis in quibusdā editionibus, (quibus praestantiores sunt ejus sermones) Sermone vnicum Iusti Abbatis, qui circa annum 1300. floruit: Speculum Ecclesiae à S. Edmundo Cantuariensi Pontiniacensibus Religiosis scriptū, quod etsi pium sit, facile tamen & humile est. Quae ergo nostrorū Cisterciensium opera in magna illa Patrum Bibliotheca locum justè obtinissent, si ea hujus Authoribus nota fuissent, Bibliothecam novam seorsum component, quae illi magnae Appendicis maximae instar erit; nec, si Deus vitam & opem contulerit, minor erit illa Patrum Bibliotheca, qualis primò prodijt labore & opera Margarini de la Bigne octo Tomis distincta, & cum appendice adjuncta. Ante omnia autem amouendus est hic quorundam scrupulus, qui nimirum verentur, ne hoc opus à nobis susceptum minùs gratum sit, minùs publica luce dignum. E doctissimis nostri Ordinis vnus feto jam functus, mihi ante aliquot annos haec meditati, & quaedam quae me juuare possent ab eo sciscitanti, iudicium suum paucis expressit, Labor, inquit, multus, fructus exiguus. Priorem equidem sententiae ejus partem verissimam esse expertus sum, & experior. Multae enim peregrinationes ad diuersa Cœnobia fuerunt suscipiendae, multae Bibliothecae lustrandae, multi codices ibidem festinanter exscribendi, & postea hoc nostrū Cœnobium reuerso, iterum magis integrè & sine abbreviaturis describendi, (neque enim, nisi rarè admodum facultas datur libros extra bibliothecas aut Monasteria efferendi,) sumptus nonnulli in hujusmodi peregrinationibus faciendi, sed plurimi & maximi in comparanda Typographia, & in ipsa editione librorum. Nec enim potui ab hoc nostro Cœnobio abesse, nec item à Typographia: itaque hanc in hoc deferri necesse fuit. Ut mittam, quodd Bibliopolae mihi noti & amici noluerunt ad horum editionem se accingere, proinde alios rogare vel quærere superuacaneum duxi. Ego autem Dei & B. Virginis ope nixus opus ingens aggressus sum, pecunia destitutus, & in Cœnobio constitutus, quod bellorum injurijs ad penuriam magnam redactum sumptus suppeditare nullos potuit. Aliquam tamen, imò satis magnam pecuniae summam, partim gratis, partim mutuò collatam, expendi: & quamvis illi restituendae imparem me nunc sentiam, continuandi tamen operis cœpti spem non abjicio. Fructus enim laborum & pecuniarum sunt duo Tomi jam Deo donante feliciter ad finem perducti: qui Lectoribus vanum fuisse docti illius viri timorem, qui fructum laboris nostri exiguum aut nullum portendebat, demonstrabunt. Interim dum se ad Authorum nostrorum lectionem accingunt, illorū opuscula multi æstimanda, inde primò conjicere licet, quodd in optimis Ordinis bibliothecis antiquo & præclaro charactere in membranis exarata reperiantur. Secundò, quodd eorum aliqua, ut dixi, in Bibliothecam Patrū sint relata, nec ea tamen præcipua: proinde non dubium est, quin & reliqua, si ad manum fuissent, eodem beneficio donata essent. Tertiò eorum quaedā etiam in Patrum opera irrepserunt. Multae enim lucubrationes beati Guillelmi à S. Theodorico S. Bernardo ascriptae sunt: & insignis ejus liber de Sacramento Altaris S. Anselmo Cantuariensi. Præclarus liber de Cardinalibus Christi operibus S. Cypriano, aut antiquo & doctissimo Patri tribuitur, & plurimi à doctis reputatur, ille autem est Ernaldi Bonævallis Abbatis. Homilia Aëlredi de puero Iesu duodenni, & item altera de verbis illis, *Ecce nos reliquimus omnia*, quae est Gaufridi, S. Bernardi esse creduntur. Liber de Amicitia ab Aëlredo editus inter opera S. Augustini reperitur, mutilus tamen. Sermones Nicolai Claravallensis inter opera Petri Damiani & S. Bernardi reperiuntur. Aliorū quoque Ordinum Religiosi, quanti nostros Authores faciant, dum eos vel ignoramus, vel pro nihilo habemus, inde manifestū esse potest, quodd eorū nonnullos nobis eripere quidā tentarint. Epistolae Philippi de Eleemosyna cuidam Abbati Bonæ-spei Ordinis Præmonstr. nonnulli ascribere conati sunt. Expositionem moralem Thomae Cisterciensis in Cantica ad Scotum suum quidam Minores pertinere voluerunt, nec nisi à Reuerendissimo Magistro Sacri Palatii, agente D. Malgoires Ordinis Cisterc. in Romana curia Procuratore generali, damnatū nobis eam inuiti restituerunt. Ne quis autem arbitretur opera illa Patribus aut aliorum Institutorum Religiosis ascripta, illorum & non nostrorū Patrum esse, quibus ea tribuēda esse contendimus, in singulorum Praefationibus eadē nostris clarissimè vindicabimus: placet autem vindiciarum nostrarum aliquid hoc loco delibare. Liber D. Guillelmi à S. Theodorico, *De Sacramento Altaris*, à quibusdam S. Anselmo tribuitur, sed erroneè. Nam Anselmus jam obierat, quando scriptus est ille liber. Prior enim pars illius ad Rupertum scripta monet illum erroris, in quem libro 2. de Offic. c. 9. lapsus est; eumque refutat. At illi libri de Offic. adhuc scribebantur anno M. C. XI. ut constat ex lib. 8. c. 4. vbi hæc habet,

PRÆFATIO.

Hoc sancto Pasche sabbato, quo cerce annus ab Incarnatione millesimus centesimus undecimus incipit, &c. Et titulus capituli est hic. De miraculo cuiusdam fratri ostenso hoc anno ab Incarnatione M. C. XI. Obierat autem S. Anselmus anno 1106. ut constat ex ejus vita ab Edinero ipsius discipulo scripta. Non potuit ergo refutare librum qui post ejus mortem scriptus est. Porro prædictum De Sacramento Altaris, opusculum Guillelmo adscribunt omnia manuscripta exemplaria. Epistolas Philippi Abbatis de Eleemosyna Ordinis Cisterc. aliqui ascribunt alteri Philippo Abbati Bonæ-spei in Belgio Ord. Præmonstratensis. Verum vox Eleemosyna est ibi nomen Cœnobij ut constat maximè ex ep. 4. ubi Author vocat se ministrum pauperum de Eleemosyna. At nec Cœnobium Bonæ-spei, nec ejus Abbas Philippus nomen hoc habuit unquam. Item epist. 11. absoluit Conventum de Eleemosyna ab obedientia sibi debita, cedens officio. Epist. 14. Abbati de Landefio scribit, se visitasse Landesium ipso absente, eique injungit, ut exequatur quæ in visitatione sua ordinavit. Epist. 15. ait se Abbatem Begaremensem ut inutilem ab officio amovisse. Epist. 5. orat Regem Angliæ pro Cœnobijs Forda & Stanleia, & ep. 20. Comitem Palatinum pro Curia-Dei. Hæc autem 5. Monasteria sunt Ordinis Cisterc. & Cœnobijs de Eleemosyna subdita, non autem Bonæ-spei Ord. Præmonstratensis. Epist. 27. ad Abbatem Præmonstrati, sic eum salutat. Dilecto dilectorum suo H. &c. Et in ipso corpore Epistolæ. Dilectione sincera personam vestram & Ordinem vestrum fideliter amplexatus sum. Non sic autem alloqueretur quisquam Præmonstratensis superiorem & caput illius Ordinis. Sermones Nicolai Claravallensis nimia oscitantia S. Bernardi & Petro Damiano ascripti sunt. Nam eorum author Serm. de Nativ. Dñi eximie laudat S. Bernardum, & ex eo asserit se sumpsisse, quod ibi dicit, (scilicet ex ejus Serm. 15. in Cant.) Non ergo S. Bernardus est illius Sermonis Author; sed nec P. Damianus, qui obierat antequam S. Bernardus nasceretur. Item in Serm. de S. Victore fatetur Author se esse Monachum illius loci, in quo corpus S. Victoris Confessoris jacet. Illud autem jacet in Cœnobia Arremarensi Trecentis Dierum. cujus olim Nicolaus fuit Monachus, (antequam Claravallensem pereret,) non autem S. Bernardus aut P. Damianus. Petrus quoque Cellensis lib. 4. ep. 2. hunc Sermonem fatetur esse Nicolai, referens quædam illius sententiam. Idem Author Sermonem de S. Nicolao sic inchoat, Nicolam iste meus, &c. Cur autem sic loqueretur P. Damianus? Cur non potius diceret in Serm. de S. Petro, Petrus iste meus? &c. At Nicolao de S. Nicolao sic loquendi causa fuit, ut constat. Idem Author sæpe verba & sententias ac materiam Sermonum ex S. Bernardo evidenter sumit: ut constat ex Serm. de S. Andrea, ubi ea dicit de Confessione, quæ habet S. Bernardus Serm. de 7. gradibus Confessionis, inter diuersos: & quod habet in Serm. de S. Nicolao id etiam habet B. Bernardus Serm. de 5. regionibus inter diuersos: & quod de diligendo Deo dulciter, sapienter, & fortiter, differit in Serm. de S. Petro ad Vincula, id sumpsit ex Serm. 20. B. Bernardi in Cant. Denique Præfatio Sermonum illorum Nicolai est. Henrico, inquit, Trecentis Comiti Palatino Nicolaus ille servus sua sublimitatis, &c. In ea præfatione ait, se mittere illi decem & novem Sermones à festo S. Ioannis Baptiste usque ad festum S. Ioannis Evangeliste: quos eodè numero & ordine reperimus scriptos. Porro hæc multis causa deceptionis potissima fuit: quod qui olim libros sibi describi curabant, sæpe varios Tractatus diuersorum Authorum in unum Volumen coaceruabant & compingebant, & tituli non raro incuria omittebantur: sæpe in futurum differebantur ut minio postea scriberentur, & hoc postmodum frequentes negligebatur: idque adhuc in Bibliothecis nostris passim cernitur. Hinc ergo factum est, ut aliqui eidem Authori, cujus nomen in præcedenti aliquo Tractatu scriptum erat, alios consequentes Authoris nomine carentes, adscriperint: qua in re sæpissime erratum est. Multum autem refert, suas cuique Authori lucubrationes tribuere. Dum enim alienis admiscuntur, & alienæ agnoscuntur, pro quicquilijs habentur, nullusque eas lectione dignatur. Cum autem suis restituantur Authoribus, cum fructu leguntur, & ut certi testes doctrinæ cuiuspiam, quando opus est, adducuntur. Fallitur verò Erasmus, qui existimat Scriptores, quorum quædam opuscula irrepererunt in Augustini, vel aliorum Patrum scripta, consultò hæc fecisse, ut eorum labores Augustino adscriberentur, seu alteri cuiuspiam Patrum: quid enim inde commodi retulissent illi posteriores Scriptores? Id quidem Hæretici potuerunt actitare, ut errorum suorum Patronos in speciem haberent Patres: at Catholici potius aliorum opera sibi tribuerent, ut inde nomen sibi compararent, quam sua alijs, unde nihil emolumenti consequerentur. Iam, ut aliquid de hoc primo Tomo dicamus, proferuntur in eo multæ reuelationes & visiones, quas non omnes fortassis probabunt: & quibusdam viris Doctissimis visum fuerat multas omittere seu refecare. Sed post multam hac de re deliberationem eas non subtrahendas esse iudicavi. Nam hac subtractione quibusdam magis acuissem desiderium requiringendi eas quas subtraxissem. Alij plures alias fuisse abscindendas dixissent: alij aliud statuisser. Satis duxi, ea quæ minùs veritati consona videbuntur, in notis indicare. Exemplum quoque habeo in Augustini operibus multoties recursis: ubi semper relicta est epistola illa fabulosa Cyrilli ad Augustinum de obitu S. Hieronymi: & cum Reuelationibus B. Elizabeth de Sconaugia extat illa, de undecim millibus Virginum, quæ fabulas habet. Porro hoc opus à duobus Exordijs inchoandum, scilicet paruo, quod dicitur Exordium Cœnobij Cisterciensis, & magno, quod Exordium Ord. Cisterciensis. De huius authore postea dicemus. Parui authoris arbitramur esse S. Stephanum, Cistercij Abbatem. Initio enim ejus hæc verba habentur. Nos primi huius Ecclesiæ fundatores, &c. Unus ergo ex illis primis hoc scripsit. Hunc autem fuisse ipsum S. Stephanum, videtur elici ex ijs quæ de ipso Stephano dicuntur. Nam cum de S. Alberico agit, de eo honorifice loquitur: cum autem de ipso S. Stephano agitur, quilibet alius ab ipso laudes ejus non tacuisset. At author ille, hæc solum habet. Hinc (scilicet Alberico,) successit quidam frater Stephanus nomine, Anglicus natione: qui & ipse cum alijs de Molismo illuc advenerat, quique amator Regule & loci erat.


EXEMPLARIS, quo usus sum, errata plurima correxi: alia quæ tardiùs innotuerunt, innotis infra correcturus. Norunt docti, quàm arduum sit, vnicum exemplar, idque mendosum, habenti, omnia à minimis erroribus dictionum expurgata exhibere.

1

E X O R D I V M
C I S T E R C I E N S I S
C O E N O B I I

AVTHORE SANCTO STEPHANO ILLIVS ARCHI-
MONASTERII FVNDATORE ET ABBATE.

P R O L O G V S.



OS Cistercienses, primi hujus Ecclesiæ Fundatores; successoribus nostris stylo presenti notificamus, quā canonicè, quanta auctoritate, à quibus etiam personis, quibusque temporibus, cœnobium & tenor vitæ illorum exordium sumpserit: ut hujus rei propalata sincera veritate, tenaciùs & locum & obseruantiam Sanctę regulæ in eo à nobis per Dei gratiam vtcumque inchoatam ament; pro nobisque, qui pondus diei & æstus indefessè sustinuimus, orent: in arcta & angusta via quam regula demonstrat, vsque ad exhalationem spiritus defudent: quatenus deposita carnis sarcina in requie sempiterna feliciter pausent.

CAPVT PRIMVM.

Ut S. Robertus cum quibusdam Fratribus Hugonem Legatum Sedis Apostolicæ pro arctiori Regulæ obseruatione adierint.



ANNO ab Incarnatione Domini millesimo nonagesimo octauo beatæ memoriæ Robertus Molismensis Ecclesiæ in Episcopatu Lingonensi fundatæ primus Abbas, & quidam eiusdem Cœnobij Fratres, ad venerabilem Hugonem tunc Apostolicæ sedis Legatum, ac Lugdunensis Ecclesiæ Archiepiscopum, venerunt, vitam suam sub custodia sanctæ Regulæ Patris Benedicti se ordinaturos pollicentes: & idcirco ad hoc liberius exequendum, ut eis & sui iuaminis, Apostolicæque authoritatis robur porrigeret, constanter flagitantes: quorum voto Legatus ille lætanter fauēs, tali epistola exordij eorum fundamentum iecit.

Causa recessus Cisterciensium à Molismo.

CAPVT II.

Epistola Hugonis Legati ad S. Robertum & ejus Fratres.

HUGO Lugdunensis Archiepiscopus, & Apostolicæ Sedis Legatus; Roberto Molismensi Abbati, & fratribus cum eo secundum Regulam Sancti Benedicti seruire Deo cupientibus. Notum sit omnibus de Sanctæ matris Ecclesiæ profectu gaudentibus, vos & quosdam filios vestros Cœnobij Molismensis Fratres, Lugduni in nostra præsentia astitisse, ac Regulæ beatissimi Benedicti, quam huc vsque tepidè ac negligenter in eodem Monasterio tenueratis, arctiùs deinceps atque perfectiùs inherere velle, professos fuisse: primum quidem ipsam Regulam, ac deinde

Septem primi Ordinis Cisterciensis fundatores.

monachorum instituta & mores honestos, & Religioni conuenientes, vos velle imitari, in Dei & nostro conspectu statuistis. Quod quia in loco prædicto pluribus impredientibus causis constat adimpleri non posse: nos vtriusque partis saluti, videlicet inde recedentium, atque illic remanentiū providentes, in locum alium, quem vobis diuina largitas designauerit, vos declinare, ibique salubrius atque quietius Domino famulari vtile duximus fore. Vobis ergo tunc præsentibus, videlicet Roberto Abbati, fratribus quoque Alberico, Odoni, Ioanni, Stephano, Letaldo, & Petro: sed & omnibus, quos regulariter & communi consilio vobis sociare decreueritis, hoc sanctum propositum seruare, & tunc consuluimus: & vt in hoc perseveretis præcipimus, & autoritate Apostolica per sigilli nostri impressionē in perpetuum confirmamus.

Caput III.

De egressu Cisterciensium Monachorum de Molismo & aduentu ad Cistercium:

Cistercium olim vasta eremus.

POST hæc tali ac tanta ante-dictus Abbas & sui autoritate freti, Molisum redierunt, & de illo fratrum religioso collegio socios votum in Regula habentes elegerunt: ita vt inter eos qui Legato Lugduni fuerat locuti, & illos qui de cœnobio vocati, viginti & vnus monachi essent: tali-que stipati comitatu ad eremum, quæ Cistercium dicebatur, alacriter tetenderunt: qui locus in Episcopatu Cabilonensi situs, & pro nemoris spinarūque opacitate tunc temporis accessui hominū insolitus à solis feris inhabitabatur. Ad quem viri Dei venientes, locumque illum tantò religioni, quam animo iamā conceperant, & propter quam illuc aduenerant, habiliorē, quantò sæcularibus despicabiliorem & inaccessibilem intelligentes, nemoris ac spinarum densitate præcisa ac remota, monasterium ibidem, voluntate Cabilonensis Episcopi, & consensu illius, cuius ipse locus erat, construere cœperunt. Nam viri isti apud Molisum positi sæpius inter se, Dei gratia aspirati, de transgressione Regulæ beati Benedicti Patris loquebantur, conque- rebantur, contristabantur: videntes se cæterosque monachos hanc Regulā solemnī professione seruatu- ros promississe, eamque minimè custodisse: & propter hoc vti prælibauimus, Apostolicæ sedis Legati auctoritate ad hanc solitudinem, vt professionem suam obseruantia sanctæ Regulæ adimplerent, veniebant. Tunc Dominus Odo Dux Burgundiæ sancto feruore corū delectatus, Sanctæque Romanæ Ecclesiæ præscripti Legati literis rogatus, monasteriū ligneum quod incœperunt, de suis totum consummauit: illi- que inibi in omnibus necessarijs diu procurauit, & terris ac pecoribus abunde subleuauit.

Caput IV.

Quomodo locus ille in Abbatiam surrexit.

EODEM tempore Abbas qui aduenerat, ab Episcopo Diocesis illius virgam pastorem cum cura monachorū iussu prædicti Legati suscepit: fratresque, qui secum aduenerant, in eodem loco stabilitatē regulariter firmare fecit: sicque Ecclesia illa in Abbatiam canonicè Apostolicæ aucto- ritate crescendo surrexit.

Caput V.

Quod Molismenses aures Domni Papæ pro reditu Roberti Abbatis inquietarint.

IGITUR haud multo elapso temporis spatio, Molismenses Monachi voluntate Domni Godefridi Abbatis sui, qui Roberto successerat,

Domnum Urbanum Papam Romę adcentes postulare cœperunt, vt sãpe dictus Robertus in locum pristinum restitueretur: quorum importunitate motus Papa madauit Legato suo, venerabili scilicet Hugoni, vt si fieri posset, idem Abbas restitueretur, & monachi eremum diligentes in pace consistarent.

Caput vi.

Epistola Domni Papę pro reditu Abbatis Roberti.

URbanus Episcopus seruus seruorum Dei, Venerabili fratri & Coëpiscopo Hugoni Apostolicę Sedis Vicario, Salutem & apostolicam benedictionem. Molismensium fratrum magnum clamorem accepimus in Consilio, Abbatis sui reditum vehementius postulantium. Dicebant enim Religionem in suo loco euersã, seque pro Abbatis illius absentia odio apud Principes & ceteros vicinos haberi. Coacti tandem à fratribus nostris, dilectioni tuę per pręsentia scripta mandamus, significantes gratũ nobis existere, vt si fieri posset, Abbas ille ab eremo ad suum monasterium reduceretur. Quod si implere nequiueris, curę tibi sit, vt & qui eremum diligunt, conquiescant: & qui in Cænobio sunt regularibus disciplinis inseruiant. His Apostolicis literis Legatus lectis, viros authenticos ac religiosos conuocauit, & de pręsenti negotio quę subter sunt exarata, definiuit.

Caput vii.

Decretum Legati de toto negotio Molismensium atque Cisterciensium.

HVgo Lugdunensis Ecclesię seruus, charissimo fratri Roberto Lingonensium Episcopo, Salutem. Quid de negotio Molismensis Ecclesię in colloquio apud Petram-scissam nuper habito diffinierimus, fraternitati vestrę notificare necessarium duximus. Venerunt ante nos illuc cum literis vestris Molismensis monachi, loci sui desolationem atque destructionem, quam per remotionem Roberti Abbatis incurrerant, ostendentes, ipsumque sibi reddi in patrem magnopere postulantes. Nullo modo enim sperabant aliter pacem & quietem Molismensi Ecclesię posse restitui, vel monastici ordinis vigorem in pristinum statum illic reuocari. Affuit etiam ibi in pręsentia nostra Frater Gaufridus, quem eidem Ecclesię in Abbatem ordinauistis, dicens se libenter ipsi Roberto, velut patri suo, locum daturum: si nobis placeret, vt cum Molismensi Ecclesię remitteremus. Audita igitur vestra & Molismensium petitione, relectis etiam Domni Papę literis super hoc negotio nobis directis, totum dispositioni & arbitrio nostro committentis: tandem multorum virorum religiosorum, tam Episcoporum quàm aliorum, qui nobiscum aderant, consilio, precibus vestris & eorum acquiescentes, Molismensi Ecclesię ipsum restituere decreuimus: ita videlicet vt priusquam illuc redeat, Cabilonem veniens in manu fratris nostri Cabilonensis Episcopi, cui secundum ceterorum cõsuetudinem Abbatum professionem fecit, virgam & Abbatia curam reddat, atque Monachos Noui monasterij, qui ei sicut Abbati suo professionem fecerunt, & obedientiam promiserunt, ab ipsa professione & obedientia liberos & absolutos dimittat, ac sic ab ipso Episcopo professionis, quam ei & Cabilonensi Ecclesię fecit, absolutionem accipiat. Deditimus & licentiam cum eo redeundi Molisimum omnibus illis de fratribus Noui monasterij, qui cum secuti fuerint, quando à nouo monasterio re-

*Sanctum
præpositum
leuitatis in-
simulatur.*

cesserit: tali conditione, vt decetero neutri neutros sollicitare vel recipere præsumant, nisi secundum quod beatus Benedictus monachos noti monasterij præcepit recipiendos. Postquam hæc fecerit, remittimus ipsum dilectioni vestræ, vt Molismensi Ecclesiæ illum in Abbatem restituatis: ita tamen, vt si deinceps eandem Ecclesiam solita leuitate deseruerit, nullus ei substituitur viuente præfato Gaufrido Abbate, absque nostro & vestro eiusdemque Gaufridi assensu: quæ omnia Apostolica autoritate rata esse præcipimus. De capella autem prædicti Abbatis Roberti, & de cæteris rebus quas à Molismensi Ecclesia recedens secum tulit, & cum eis Cabilonensi Episcopo atque nouo monasterio se reddidit, id statuimus, vt omnia fratribus noui monasterij salua permaneant: præter breuiariû quoddam, quod vsque ad festiuitatē Sancti Ioannis Baptistæ retinebunt, vt transcribant assensu Molismensium. Huic autem definitioni interfuerunt Episcopi Horigaldus Eduensis, Gualterus Cabilonensis, Bertrandus Matiscónensis, Pontius Belicensis: & Abbates Petrus Trenordiensis, Iarento Diuionensis, Gosserranus Athanacensis, Petrus quoque Camerarius Domni Papæ: multique alij viri honesti, & boni testimonij. Hæc omnia Abbas ille laudauit & fecit, absoluendo Cistercienses ab obedientia, quam ei in illo, vel in Molismensi loco promiserant: & Dominus Gualterus Cabilonensis Episcopus Abbatem à cura illius Ecclesiæ liberû dimisit: sicque reuersus est, & quidam monachi cum eo, qui eremum non diligebant. Hac ergo ratione Apostolicaque dispensatione, istæ duæ Abbatie in pace & libertate summa remanserunt. Rediens verò Abbas, secum pro scuto defensionis has literas Episcopo suo detulit.

Caput VIII.

Epistola Episcopi Cabilonensis ad Lingonensem, pro Abbate Roberto

Dilectissimo Fratri & Coepiscopo Roberto Lingonensi Episcopo, Gualterus Cabilonensis Ecclesiæ seruus salutem. Notum sit vobis, fratrem Robertum, cui Abbatiam illam in nostro Episcopatu sitam, quæ nouum Monasterium dicitur, commiseramus, à professione quam Cabilonensi Ecclesiæ fecit, & ab obedientia quam nobis promisit, secundum D. Archiepiscopi Hugonis definitionem, à nobis esse absolutum. Ipse autē monachos illos, qui in præfato nouo monasterio remanere decreuerunt, ab obedientia quam sibi promiserant, & professione absoluit, & liberos dimisit: illūque amodò suscipere, & honorificè tractare ne vereamini. Valete.

Caput IX.

De Electione Alberici primi Abbatis Cisterciensis Ecclesiæ.

Viduata igitur suo pastore Cisterciensis Ecclesia conuenit, ac regulari electione quendam fratrem, Albericum nomine, in Abbatem sibi promouit, virum scilicet literatum, in diuinis & humanis satis gnarum, amatorem Regulæ & fratrum, quique Prioris officium & in Molismensi, & in illa diutius gerebat Ecclesia: multumque diu nitendo laborauerat, vt ad illum de Molismo transmigrarent fratres locum, & pro hoc negotio multa opprobria, carcerem, & verbera expertus fuerat.

Caput X.

De Priuilegio Romano.

PRÆFATVS Albericus cura pastoralis, licet multum renitens, suscepta, cogitare cœpit, veluti vir mirabilis prudentiæ, quæ tribulationum procel-

læ domum sibi creditam aliquando concurrentes vexare possent: præcauēs in futurum, cum consilio fratrum transmisit monachos duos Ioannem & Ilboldum Romam: Dominum Papam Paschalem per eos exorās, vt Ecclesia sua sub Apostolicæ protectionis alis quæta & tuta ab omniū Ecclesiasticarum Sæculariumue pressura personarum perpetuò sederet. Qui fratres prædicti Hugonis Archiepiscopi, Ioannisque & Benedicti Ecclesiæ Romanæ Cardinalium, Galterique Cabilonensis episcopi literis sigillatis freti Romam properè ierunt & redierunt, antequā ipse Papa Paschalis in captione positus Imperatoris peccaret: reportantes eiusdem Apostolicum priuilegium, iuxta votum abbatis sociorumque eius per omnia exaratum. Has epistolas, priuilegium etiam Romanum, congruum duximus in hoc opusculo relinquere, vt posterì nostri intelligant, quàm magno consilio & auctoritate eorum Ecclesia sit fundata.

Caput xi.

Epistola Ioannis & Benedicti Cardinalium.

Domino Patri Paschali, vndique laude eximia prædicando Ioannes & Benedictus seipsos per omnia. Quia vestri moderaminis est, omnibus Ecclesijs prouidere, & iustis poscentium votis manum porrigere, vestræque iustitiæ adiumento religio Christiana fulta debet incrementa sumere: vestram Sanctitatem obnixius deprecamur, quatenus harum literarum baiulis nostro consilio à quibusdā Religiosis fratribus paternitati vestræ missis aures pietatis vestræ flectere dignemini. Petunt enim, vt præceptum quod de quiete, & suæ religionis stabilitate, à prædecessore vestro Domino nostro beate memoriæ Papa Urbano acceperunt, & quod secundum eiusdem præcepti tenorem Archiepiscopus Lugdunensis tunc Legatus, & alij Coepiscopi & Abbates, inter eos & Molismensium Abbatiam, à qua religionis causa discesserunt, definierūt, vestræ auctoritatis priuilegio in perpetuum maneat incouulsum. Ipsi enim vidimus, eorumque veræ religioni testimonium perhibemus.

Caput xii.

Epistola Hugonis Archiepiscopi Lugdunensis ad Paschalem Papam.

Reuere[n]dissimo Patri & Domino tuo Paschali Papæ, Hugo Lugdunensis Ecclesiæ seruus per omnia seipsum. Fratres isti præsentium geruli ad paternitatis vestræ celsitudinem tendentes, per nos transitum fecerunt. Et quia infra prouinciam nostram, videlicet in episcopatu Cabilonensi mansionem habent, humilitatis nostræ literis apud celsitudinem vestram se commendari petierunt. Sciatis autem eos esse de quodam loco, qui nouū monasterium vocatur: ad quem de Molismensi Ecclesia cum Abbate suo exētes, propter arctiorem & secretiorem vitam secundum Regulam beati Benedicti, quam proposuerūt tenēdam, habitādum tenuerūt, depositis quorundam monasteriorum consuetudinibus, imbecillitatem suam ad tantum pōdus sustinendum imparem prædicatiū. Vnde Molismensis Ecclesiæ fratres, & quidam alij adiacētes monachi eos infestare & inquietare nō desinūt, estimātes se viliores & despectiores haberi apud sæculum, si isti quasi singulares & noui monachi habitare inter eos videātur. Quapropter desideratissimam nobis paternitatē vestram humiliter & cum fiducia deprecamur, vt fratres istos totam spē suam in vobis post Deum ponētes, & idcirco ad Apostolatus vestri auctoritatem cōfugiētes, benignè pro more vestro re-

*Cistercium
nouum mo-
nasterium
olim appel-
latum.*

spiciatis, & eos & locum ipsorū ab hac infestatione & inquietudine liberādo authoritatis vestre priuilegio muniatis: utpote pauperes Christi, nullam contra emulos suos diuitijs vel potentia defensionem parantes: sed in sola Dei & vestra clementia spem habentes.

*Caput XIII.**Epistola Episcopi Cabilonensis.*

Venerabili Patri Papę Paschali, Vualterus Cabilonensis Episcopus, Salutem, & debitam subiectionem. Sicut sanctitas vestra, ut fideles in vera religione proficiant, ardentem desiderat: sic eisdem vestre protectionis umbram, vestre consolationis fomentum deesse non expedit. Suppliciter ergo petimus, quatenus quod factum est de fratribus illis, qui arctioris vite desiderio à Molismensi Ecclesia sanctorum virorum consilio recesserunt, quos in nostro Episcopatu diuina pietas collocauit, à quibus transmissi presentium literarum baiuli vobis presentes adsunt, secundum prædecessoris vestri præceptum, & Lugdunensis Archiepiscopi Apostolicę Sedis tunc Legati, ac Coepiscoporum & Abbatum definitionem & scriptum, cui rei nos presentes, & eius authores cum alijs extitimus, vos approbare, & ut locus ille Abbatia libera in perpetuum permaneat, salua tamē personę nostre successorumque nostrorum canonica reuerētia, authoritatis vestre priuilegio corroborare dignemini. Sed & Abbas quem in eodem loco ordinauimus, & ceteri fratres, totis viribus hanc confirmationem in suę quietis tutelam à vestra flagitant pietate.

*Caput XIV.**Priuilegium Romanum.*

Paschalis Episcopus Seruus seruorum Dei, venerabili Alberico Noui monasterij Abbati, quod in Cabilonensi Parochia situm est, & eius Successoribus regulariter substituendis in perpetuum. Desiderium quod ad religiosum propositum & animarum salutem pertinere monstratur, auctore Deo, sine aliqua est dilatione complendum. Verumtamen nos, o filij in Domino dilectissimi, citra difficultatem omnem vestrarum precum petitionem admittimus: quia religioni vestre paterno cōgratulamur affectu. Locum igitur illum, quem inhabitandum pro quiete monastica elegistis, ab omnium mortalium molestijs tutum ac liberum fore sanximus: & Abbatiam illic perpetuò haberi, ac sub Apostolicę sedis tutela specialiter protegi: salua Cabilonensis Ecclesię canonica reuerentia, roboramus. Præsentis itaque decreti pagina interdiciamus, ne cuiquam omnino prorsus liceat statum vestre conuersationis mutare: neque vestri quod Nouum dicitur, Cœnobij monachos sine regulari commendatione suscipere: neque congregationem vestram astutijs quibuscumque aut violentijs perturbare. Eam sane controuersię decisionem quam inter vos & Molismensis Claustrum monachos, frater noster Lugdunensis Episcopus tunc Apostolicę sedis vicarius cum prouincię Episcopis, alijsque religiosis viris, ex præcepto prædecessoris nostri Apostolicę memorię Urbani secundi perpetravit: nos tanquam rationabilem ac laudabilē confirmamus. Vos igitur filij in Christo dilectissimi ac desideratissimi, meminisse debetis: quia pars vestri seculares latitudines, pars ipsas etiam monasterij laxioris minùs austeras angustias reliquistis. Ut ergo hac semper gratia digniores censeamini, Dei semper timorem & amorem in vestris cordibus habere satagite: ut quanto à secularibus tumultibus & delicijs liberiores estis: tanto amplius placere Deo

totis mentis & animę viribus anheletis. Sanè si quis in posterum Archiepiscopus aut Episcopus, Imperator aut Dux, Comes aut Vicecomes, Iudex aut Ecclesiastica quælibet sæcularisue persona, hanc nostrę Constitutionis paginam sciens, contra eam venire tentauerit, secundoque commonita, si non satisfactione congrua emendauerit: potestatis honorisque sui dignitate careat, reaque se diuino iudicio existere de perpetrata iniquitate cognoscat: & à sacratissimo corpore ac sanguine Dei & Domini nostri Iesu Christi aliena fiat, atque in extremo examine districtę ultioni subiaceat. Cunctis autem eidem loco iusta seruātibus sit pax Domini nostri Iesu Christi: quatenus & hic fructum bonę actionis percipiant, & apud districtum Iudicem præmia æternę pacis inueniant.

Caput x v.

Instituta Monachorum Cisterciensium de Molismo venientium.

DEhinc Abbas ille & fratres eius non immemores sponsionis suę, Regulam beati Benedicti in illo loco ordinare, & vnanimiter statuerunt tenere: rejicientes à se quidquid Regulę refragabatur, froccos videlicet & pelliceas ac staminia, caputia quoque & femoralia, pectina & coopertoria, stamina lectorum, ac diuersa ciborum in refectorio fercula: sagimenque, & cętera omnia, quę puritati Regulę aduersabantur. Sicque rectitudinem Regulę supra cunctū vitę suę tenorem ducentes, tam in Ecclesiasticis quā in cęteris obseruationibus Regulę vestigijs sunt adæquati, seu conformati. Exuti ergo veterem hominem, nouum se induisse gaudebant. Et quia nec in Regula, nec in vita Sancti Benedicti, eundem Doctorem legebant possedisse Ecclesias vel Altaria, seu Oblationes aut Sepulturas, vel decimas aliorum hominum, seu furnos aut molendina, aut villas vel rusticos: nec etiam fœminas monasterium eius intrasse, nec mortuos ibidē, excepta sorore sua, sepelisse: ideo hæc omnia abdicarunt, dicentes, vbi Beatus Pater Benedictus docet, vt monachus à sæcularibus actibus se faciat alienum, ibi liquidò testatur, hæc non debere versari in actibus vel cordibus monachorum: qui nominis sui etimologiam hæc fugiendo sectari debent. Decimas quoque accipiebant à Sanctis Patribus, qui organa erant Spiritus sancti, quorumque statuta transgredi sacrilegium est cōmittere, in quatuor partes distributas: vnā scilicet Episcopo, alteram presbytero, tertiam hospitibus ad illam Ecclesiā venientibus, seu viduis & orphanis, siue pauperibus aliūde victum non habentibus, quartam restorationi Ecclesię. Et quia in hoc compoto personam monachi, qui terras possidet suas, vnde per se & per sua pecora laborando viuatur, non reperiiebant: idcirco hoc veluti aliorū ius injustè sibi usurpare detrectabant. Ecce huius sæculi diuitijs spretis cœperunt noui milites Christi cum paupere Christo pauperes inter se cogitare, quo ingenio, quoque artificio, seu quo exercitio in hac vita se, hospitesque diuites & pauperes superueniētes: quos vt Christum suscipere præcipit Regula, sustentarēt. Tuncque definierūt, se conuersos laicos barbatos licentia Episcopi sui suscepturos: eosque in vita sua & in morte, excepto monachatu, vt semetipsum tractaturos: & homines etiam mercenarios, quia sine adminiculo istorum nō intelligebāt se plenariē die siue nocte præcepta Regulę posse seruare: suscepturos quoque terras ab habitatione hominum remotas, & vineas, & prata, & siluas aquasque ad faciēda molendina ad proprios tātum vsus, & ad piscationem: & equos pecoraque diuersa necessitati hominum

C. 4. Regul.

Origo fratrum Conuersorum.

utilia. Et cum alicubi curtes ad agriculturas exercēdas instituisset, decreuerunt, ut prædicti conuersi domos illas regerēt, nō monachi: quia habitatio monachorum, secundum Regulam, debet esse in claustro ipsorum. Quia etiam beatum Benedictum non in ciuitatibus aut in villis, sed in locis à frequentia populi semotis, cœnobia construxisse sancti viri illi sciebāt, idem se æmulari promittebant. Et sicut ille monasteria cōstructa per duodenos monachos, adiūcto patre, disponebat, sic se acturos confirmabant.

*Caput xvi.**De Tristitia illorum.*

Illud virum Dei prædictum Abbatem & suos aliquātulum mœstitiæ subdidit: quod rarò quis illis diebus illuc ad eos imitādos venerit. Viri enim Sancti thesaurum virtutum cœlitus inuentum, successoribus ad multorum salutem profuturum committere gestiebant: sed fere omnes videntes & audientes vitæ eorum asperitatem insolitam, & quasi inauditam, plus corde & corpore elongare, quàm approximare se eis festinabant: & de perseverantia eorum titubare non cessabant: sed Dei misericordia, qui hanc militiam spiritualem suis inspirauit ad multorum profectum, egregiè eam amplificare & consummare non cessauit: sicuti sequentia declarabunt.

*Caput. xvii.**De morte primi Abbatis & promotione secundi; & de institutis eorum.*

Vir autem Domini Albericus, in schola Christi per nouem annos & dimidiū regulari disciplina feliciter exercitatus, migravit ad Dñm, fide & virtutibus gloriosus: & ideo in vita æterna à Deo meritò beandus. Huic successit quidam frater Stephanus nomine, Anglicus natione: qui & ipse cum alijs de Molismo illuc aduenerat, quique amator regulæ & loci erat. Huius temporibus interdixerunt fratres vna cum eodem Abbate, ne dux illius terræ, seu alius aliquis Princeps curiam suam aliquo tempore in illa Ecclesia tenerent: sicuti antea in solemnitatibus agere solebant: Deinde ne quid in domo Dei in qua die ac nocte Deo deuotè seruire cupiebant, remaneret, quod superbiam aut superfluitatem redoleret: aut paupertatem custodem virtutum, quam sponte elegerant, aliquādo corrumpere: confirmauerunt, ne retinerēt Cruces aureas, seu argenteas, nisi tantūmodo ligneas, coloribus depictas: neque candelabra, nisi vnum ferreū: neque thuribula, nisi cuprea vel ferrea: neque casulas, nisi de fustaneo vel lino, sine pallio, auroque & argento: neque albas vel amictus nisi de lino: similiter sine pallio, auro, & argento. Pallia verò omnia & cappas atque dalmaticas, tunicasque extoto dimiserunt: sed & calices argenteos, non aureos, sed si fieri poterit deauratos: & fistulam argenteam, & si possibile fuerit deauratam: stolas quoque ac manipulos de pallio tantum, sine auro & argento retinuerunt. Pallē autem altariū, ut de lino fierent & sine pictura, planè præcipiebant; & ut ampullæ vinariæ sine auro & argento fierent. Illis diebus in terris & vineis ac pratis curtibque eadem Ecclesia creuit: nec religione decreuit. Ergo istis temporibus visitauit Deus locum illum, viscera misericordiæ effundens super se petentes, ad se clamantes, coram se lachrymantes, die ac nocte longa profunda que suspiria trahentes, & ferè ostio desperationis appropinquantes, pro eo quod successoribus penè carerent. Nam tot clericos literatos, & nobiles laicos, & in sæculo potētes, & æque nobiles, vno tempore ad illam Dei gratia transmisit Ecclesiam, ut triginta insimul in cella nouitiorum

*Virtus in
arduo po-
sita.*

*Humilitatis
& pauper-
tatis amor
maximus.*

;


1.

De Abbatij.

A B hinc Abbantias in diuersis Episcopatibus ordinauerunt: quę tā largā
potentiq; benedictione Domini in dies crescebant vt infra octo annos
inter illos qui de Cisterciensi cœnobio specialiter fuerant egressi & ceteros
qui ex eisdem fuerant exorti, duodecim Cœnobia constructa fuerunt
inuenta.

FORMA Professionis Monachorum, qui Molismo Cistercium venerant.

ILLAM Professionem, quam feci in præsentia vestra in Molismenti monasterio, eandem professionem & stabilitatem confirmo coram Deo & Sanctis eius in manu vestra, me seruaturum in hoc loco, qui vocatur Nouum-monasterium, sub obedientia vestra, & successorum vestrorum, vobis regulariter substituendorum.



CHARTA CHARITATIS AB EODEM S. STEPHANO,
EIVS FRATRIBVS, ET ALIIS ABBATIBVS CONSENTIENTIBVS, EDITA.

PRÆFATIO ANTIQVI, SED INCERTI AVTHORIS.

Antequam Abbatia Cistercienses florere inciperent, Dominus Stephanus Abbas & fratres sui ordina-
verunt, ut nullo modo Abbatia in alicuius Antistitis Diocesi fundarentur, antequam ipse decretū in-
ter Cisterciense Cœnobium & cetera ex eo nata exaratum & confirmatum, ratum haberet, propter scanda-
lum inter Pontificem & monachos deistandum. In hoc ergo decreto prædicti fratres mutua pacis futurum
præcauentes naufragium, elucidaverunt & statuerunt, suisque posteris reliquerunt, quo pacto quove modo,
qua charitate, monachi eorum per Abbatis in diversis mundi partibus corporibus divisi, animis indis-
solubiliter conglutinentur. Hoc etiam decretum chartam charitatis vocari censbant, quia eius statutū
omnis exactionis gravamen propulsans, solam charitatem & animarum utilitatem in divinis & humanis
exequitur.

INCIPIT CHARTA CHARITATIS.

QUIA vnus veri Regis, & Domini, & Magistri, nos omnes seruos licet inutiles, cognoscimus: idcirco Abbatibus, & confratribus nostris Monachis, quos per diuersa loca Dei pietas per nos miserimos homines sub regulari disciplina ordinauerit, nullā terrene commoditatis, seu rerum temporalium exactiōem imponimus. Prodesse enim illis, omnibusque sanctæ Ecclesiæ filiis cupientes, nihil quod eos grauet, nihil quod eorum substantiam minuat, erga eos agere disponimus: ne dum nos abundantes de eorum paupertate esse cupimus, auaritiæ malum, quod secundum Apostolum idolorum seruitus comprobatur, euitare non possimus. Curam tamen animarum illorum gratia charitatis retinere volumus: vt si quando à sancto proposito, & obseruantia sanctæ Regulæ, quod absit, declinare tentauerint, per nostram sollicitudinem ad rectitudinem vitæ redire possint. Nunc verò volumus, illisque præcipimus, vt Regulā beati Benedicti per omnia obseruent, sicuti in Nouo-monasterio obseruatur. Non alium inducant sensum in lectiōem sanctæ Regulæ, sed sicut antecessores

1. *Regula
servetur sine
novo sensu.*

B

2. *Mores
eodem sint in
omnibus
Cœnobiis.*

3. *Procul
privilegia
contra Or-
dinis statuta*

4. *Abbas
Cistercij ut
matris Or-
dinis Abbas
excipiat.*

5. *Abbatibus
hospites ut
recipiendi.*

6. *D. Cister-
ciensis quid
cauendum
in filiatio-
nibus.*

7. *Quid
possit in eis-
dem.*

8. *Pater
Abbas visi-
tet filias.*

9. *Cisterciū
quatuor pri-
mi visitent.*

10. *Reueren-
tia Abbati-
bus exhi-
beatur, cum
Cistercium
venerint.*

11. *Cum
multi con-
uenerint,
quis primus.*

Roma. 12.

12. *Abbatia
que aliam
fundauit, in
eam ins ha-
bet.*

13. *Abbatibus
ad Capit.*

nostri sancti Patres, monachi scilicet Noui-monasterij intellexerunt & tenuerunt, & nos hodie intelligimus & tenemus : ita & isti intelligant & teneant. Et quia omnes monachos ipsorum ad nos venientes in claustris nostris recipimus, & ipsi similiter nostros in claustris suis, ideo opportunum nobis videtur, & hoc etiam volumus, ut mores & cantum & omnes libros ad horas diurnas & nocturnas, & ad Missas necessarios, secundum formam morum & librorum Noui-monasterij possideant : quatenus in actibus nostris nulla sit discordia, sed una charitate, una regula, similibusque viuamus moribus. Nec aliqua Ecclesia vel persona Ordinis nostri aduersus communia ipsius Ordinis instituta privilegium à quolibet postulare audeat, vel obtentum quomodolibet retinere. Cum verò Abbas Noui-monasterij ad aliquod horum cœnobiolorum visitandi gratia venerit, illius loci Abbas, ut Ecclesiam Noui-monasterij suæ Ecclesie esse matrem recognoscat, cedat ei in omnibus locis monasterij, & ipse Abbas adueniens locum illius Abbatis, quoad ibi manserit, teneat : excepto, quod non in hospitio, sed in refectorio cum fratribus, propter disciplinam seruandam, comedet, nisi Abbas illius loci defuerit. Similiter & omnes Abbates superuenientes nostri Ordinis faciāt. Quod si plures superuenerint, & Abbas loci defuerit, prior illorum in hospitio comedat. Et hoc excipitur, quod Abbas loci illius, etiam in præsentia maioris Abbatis nouitios suos post regularem probationem benedicet. Abbas quoque Noui-monasterij caueat, ne quidquā præsumat tractare, aut ordinare, aut contingere, de rebus illius loci ad quem venerit, contra Abbatis vel fratrum voluntatem. Si autem præcepta Regulæ vel nostri Ordinis intellexerit in eodem loco præuaricari, cum consilio præsentis Abbatis charitatiue studeat fratres corrigere. Si verò Abbas loci illius non adfuerit, nihilominus quod sinistrum inuenerit, corrigat. Semel per annum visitet Abbas maioris Ecclesie, vel per se, vel per aliquem de Coabbatibus suis, omnia Cœnobia quæ ipse fundauerit : & si fratres amplius visitauerit, inde magis gaudeant. Domum autem Cisterciensem simul per seipsos visitent quatuor primi Abbates, de Firmitate, de Pontiniaco, de Claraualle, de Morimundo, die quā inter se constituerint, præter annum Capitulum, nisi forte aliquem eorum grauis ægrotudo detineat. Cum autem aliquis nostri ordinis Abbas ad Nouum-monasterium venerit, reuerentia congrua Abbati ei exhibeatur : stallum Abbatis illius teneat, in hospitio comedat, si tunc Abbas defuerit. Si verò presens fuerit, nil horum agat, sed in refectorio comedat. Prior autem loci negotia cœnobij disponat. Inter abbatias illas quæ se non genuerunt alterutras, ista erit lex. Omnis Abbas in omnibus locis sui monasterij coabbati suo cedat aduenienti, ut adimpleatur illud, *Honore inuicem praueniētes*. Si duo aut eo amplius conuenerint, qui prior erit de aduenientibus locum superiorem tenebit. Omnes tamen præter Abbatem præsentis loci in refectorio comedent, ut supra diximus. Alias autem ubicumque conuenerint, secundum tempus abbatiarum ordinem suum tenebunt : ut cuius Ecclesia fuerit antiquior, ille sit prior. Ubicumque verò confederint, humilient sibi mutuò. Cum verò aliqua Ecclesiarum nostrarum Dei gratia adeo creuerit, ut aliud Cœnobiū construere possit : illā definitionē, quam nos inter confratres nostros tenemus, & ipsi inter se teneant, excepto quod annuum Capitulum inter se non habebūt : sed omnes Abbates de nostro Ordine singulis annis ad generale Capitulum Cisterciense, omni postposita occasione

conuenient, illis exceptis, quos corporis infirmitas retinuerit: qui tamē idoneum nuntium delegare debebunt, per quem necessitas remotionis eorū Capitulo valeat nuntiari. Et illis item exceptis, qui in remotioribus partibus habitantes, eo termino venerint, qui eis fuerit in Capitulo constitutus. Quod si quis quacumque alia occasione quandoque remanere à nostro generali Capitulo præsumperit, sequētis anni Capitulo pro culpa veniam petat, nec sine graui animaduersione pertranseat. In quo Capitulo de salute animarum suarum tractent: in obseruatione sanctæ Regulæ vel Ordinis, si quid est emendādum vel augendum, ordinent: bonum pacis & charitatis inter se reformēt. Si quis vero Abbas minùs in Regula studiosus, vel sæcularibus rebus nimis intentus, vel in aliquibus viciosus repertus fuerit: ibi charitatiuè clametur, clamatus veniam petat, pœnitētiā pro culpa sibi indictā adimpleat. Hanc verò clamationem nō nisi Abbates faciāt. Si fortè aliqua controuersia inter quoslibet Abbates emerferit, vel de aliquo illorum tam grauis culpa propalata fuerit, vt suspensionem aut etiam depositionem mereatur: quidquid inde à Capitulo fuerit definitum, sine retractione obseruetur. Si verò pro diuersitate sentētiarum in discordiam causa deuenerit: illud inde irrefragabiliter teneatur, quod Abbas Cisterciēsis, & hi qui sanioris consilij, & magis idonei apparuerint, iudicabunt: hoc obseruato, vt nemo eorum, ad quos specialiter causa respexerit, definitioni debeat interesse. Quod si aliqua causa Ecclesiæ pauperiem intolerabilem incurrerit: Abbas illius cœnobij coram omni Capitulo hanc causam intimare studeat. Tūc singuli Abbates maximo charitatis igne succēsi, illius Ecclesiæ penuriam rebus sibi à Deo collatis, prout habuerūt, sustētare festinent. Si qua domus Ordinis nostri Abbate proprio fuerit destituta, maior Abbas de cuius domo domus illa exiuit, omnem curam habeat ordinationis eius, donec in ea Abbas alius eligatur: præfixa die electionis, etiam ex Abbatibus, si quos domus illa genuit, aduocētur, & consilio & volūtate patris Abbatibus Abbates & monachi domus illius abbatem eligāt. Domui autem Cisterciensi, quia mater est omnium nostrum, dum proprio Abbate caruerit, quatuor primi Abbates, scilicet de Firmitate, de Pontiniaco, de Claraualle, & de Morimundo, provideant: & super eos sit cura domus illius, donec in ea Abbas electus fuerit & statutus. Ad electionem autem Cisterciensis Abbatibus præfixa & nominata die, ad minus per quindecim dies conuocētur ex Abbatibus, quorum domus de Cistercio exierunt: & ex alijs, quos prædicti Abbates & fratres Cistercienses idoneos nouerūt: & congregati in nomine Domini Abbates & monachi Cistercienses eligant abbatem. Liceat autē cuique matri Ecclesiæ nostri Ordinis, non solum de monachis filiarum suarū Ecclesiarum, sed de ipsis quoque Abbatibus earū, liberè sibi si necesse fuerit, assumere abbatem: personam vero de alio Ordine nulla de nostris Ecclesijs sibi eligat in abbatem: sicut nec nostrarū aliquam liceat alijs monasterijs, quæ non sunt de Ordine nostro, dari. Si quis Abbas pro inutilitate seu pusillanimitate sua, à patre suo Abbate domus illius vnde sua exiuit, postulauerit, vt ab onere Abbatia suæ relaxetur: caueat ille, ne facilè ei sine causa rationabili & multū necessaria acquiescat. Sed & si tāta fuerit necessitas, nihil inde per se faciat: sed vocatis aliquibus Abbatibus alijs nostri Ordinis, eorū consilio agat, quod pariter nouerint oportere. Si quis vero Abbatū cōtemptor sãctę Regulæ, aut Ordinis esse præuaricator, vel cōmissorum sibi

*Generale
ueniant.*

*14. In Capi.
Generalis
que agenda*

*15. In eodem
Capitulo
Abbatum
lapsus corri-
gantur.*

*16. Si in
correctione
alicuius sit
dissidium,
cuius iudi-
cio standū.*

*17. Cœnobis
penuriam
patientia
ab alijs in-
ueniuntur.*

*18. Mortuo
Abbate, vt
fiat electio
successoris.*

*19. Mortuo
D. Cister-
ciensi, qui
successoris
electioni in-
teresse de-
beant.*

*20. Quis in
Abbatem
matri Ec-
clesiæ eligi
possit.*

*21. Nullus
in Abb. alterius
Ordinis
eligatur.*

*22. Abbas
volens cede-
re vt sit ad-
mittendus.*

*23. Abbas
vt deponen-
dus, si culpa
exigant.*

fratrum vitij consentiens innotuerit: Abbas matris Ecclesiæ per seipsum vel per Priorem suum, aut quomodo opportuniùs potuerit, de emendatione eum admoneat vsque quater. Quòd si nec ita correctus fuerit, nec sponte cedere voluerit: congregato aliquanto numero Abbatum nostrę cōgregationis, transgressorem sanctę Regulę ab officio suo amoveant: ac deinceps alter qui dignus sit, consilio & voluntate maioris Abbatis à monachis illius Ecclesiæ simul & Abbatibus, si qui ad eam pertinet, sicut suprà dictum est, eligatur. Si autem is qui deponitur, aut monachi eius, quod Deus auertat, contumaces & rebelles esse voluerint, vt sententijs minimè acquiescant, ab ipso Abbate matris Ecclesiæ, & à cæteris Coabbatibus eius, excommunicationi subdantur: ac deinceps ab eo coerceantur, prout potuerit, & noverit expedire. Ex hoc sanè si quis illorum ad se reuersus, de morte animæ resurgere, & ad matrem redire voluerit: tãquam filius pœnitens suscipiatur. Nam sine hac causa multo semper studio deuitanda, nullus Abbas monachum alterius cuiuscumque Abbatis Ordinis nostri sine eius assensu retineat: nullus in domum alterius cuiuslibet, sine eius voluntate, suos ad inhabitandum monachos introducat. Eodem etiam modo si fortè, quòd absit, Abbates nostri Ordinis matrem nostram Cisterciensem Ecclesiam in sancto proposito languescere, & ab obseruatione Regulę vel Ordinis nostri exorbitare cognouerint: Abbatem eiusdem loci per quatuor primos Abbates, scilicet de Firmitate, de Pontiniaco, de Claraualle, de Morimúdo, sub cæterorum Abbatum nomine, vsque quater, vt corrigatur ipse, & alios corrigere curet, admoneant: & cætera quę de alijs dicta sunt Abbatibus, si incorrigibiles apparuerint, circa eum studiosè adimpleantur: excepto quòd si cedere sponte noluerit, nec deponere, nec contumaci anathema dicere poterunt: donec in generali Capitulo, aut si illud fortè iam visum fuerit expectari non posse, in conuentu alio, conuocatis Abbatibus qui de Cistercio exierunt, & aliquibus aliorum, virum inutilem ab officio suo deponant: & tã ipsi quàm monachi Cistercienses idoneum Abbatem eligere studeant. Quòd si Abbas ille & monachi Cistercienses contumaciter recalcitrare voluerint: gladio excommunicationis eos ferire minimè vereantur. Postea verò si quis horum præuaricatorum tandem resipiscens, & animam suam saluare cupiens, ad quamlibet quatuor nostrarum Ecclesiarum, siue ad Firmitatē, siue ad Pontiniacum, siue ad Claram vallem, seu ad Morimundum, confugerit: sicut domesticus & coheres Ecclesiæ cum regulari satisfactione recipiatur, quoadusque proprię Ecclesiæ, sicut iustum fuerit, reconciliata, quandoque reddatur. Interim annum Abbatum Capitulum non apud Cistercium, sed vbi à quatuor suprà nominatis Abbatibus præuisum fuerit, celebrabitur.

24. Depositus si recalcitret, ut puniendus.

25. Resipiscetes quò se possint conferre.

26. Nullus aliò migret inuito Abbate.

27. D. Cisterciensis quomodo corrigendus.

28. Quid si ipse & eius Monachi non acquiescant.

29. Resipiscetes quò possint confugere.

30. Capit. generale ubi tunc habendum.

EXORDIVM MAGNVM

ORDINIS CISTERCIENSIS.

IN Codice manuscripto Cœnobij Fusniacensis quo utor, habetur hic titulus, seu inscriptio operis sequentis. Incipit Narratio de initio Cisterciensis Ordinis: qualiter Patres nostri de Mohismensi Cœnobio, propter puritatem Ordinis secundum tenorem Regulæ Sancti Benedicti recuperandam, egressi, fecundam Cisterciensem Ecclesiam fundaverunt, quæ est mater omnium nostrum: quoniam ex ipsa tamquam de fonte purissimo rivuli cunctarum Ecclesiarum Ordinis nostri derivati sunt: & de nonnullis reuerendis, atque in omni religione conspicuis personis, quæ in Cistercio & Clara-valle claruerunt. Quia tamen hic liber Exordium magnum Ordinis Cisterciensis solet appellari, sicut & precedens ex opposito Paruum exordium; idcirco titulum prædictum prælegi. Huius magni Exordij Authorem ignorari, ait Angelus Manrique in Annalibus. Verum Fusniacensis codex hac habet verba. Istum librum composuit quidam Abbas, Conradus nomine, Everbacensis Cœnobij, qui fuit monachus Claræ-vallis. Et monasticon quidem in Clara-valle se professum, non obscure indicat in fine huius operis; ubi temporibus B. Petri & D. Garnerij postea Lingonensis Episcopi, quorum ille octavus, hic nonus Clara-vallensis Abbas existit, se Clara-valle disciplinis claustralibus eruditum fuisse, asserit, videlicet circa annum 1180. Est autem Eberbac, cui Conradus iste dicitur præfuisse, monasterium de linea Clara-vallis in Moguntina diœcesi, cuius ipse Author summa cum laude meminit in distinct. 5. cap. 17 & alibi; ubi tamen non indicat eiusdem loci se Abbatem esse. Sed quisquis sit libri author, hunc lectu dignissimum & utilissimum, & in Bibliotheca Patrum nostrorum capite locandum, iudicari. Notandum superest, perierisse unum aut etiam plures huius libri quaterniones, ante cap. 15. qui de B. Alberico agebant, de quo iam nil omnino dicitur. Vnde cum cap. 37. dicatur corpus S. Stephani iuxta prædecessoris sui, scilicet Alberici, tumulum fuisse conditum: constat, olim locum sepulchræ Alberici in isto libro declaratum fuisse; alioqui ignotum per ignotum declararetur. Vide Manriq. to. 1. Annal. an. 1106.

DISTINCTIO PRIMA

QVOD DOMINVS IESVS IN DOCTINA SVA
formam perfectæ pœnitentiæ tradiderit.

CAPITVLVM PRIMVM.

DEVS æternus æterni Dei filius, Dominus noster Iesus Christus, Creator omnium rerum, Redemptor omnium Fidelium, dum in diebus humilitatis suæ salutem in medio terræ operaretur, salutarem perfectæ pœnitentiæ viam mundo prædicauit dicens. *Pœnitentiam agite, appropinquabit enim regnum cœlorum.* Math. 4. Gratias inæstimabili misericordiæ Dei, qui sereniori tandem oculo respiciens miserum genus filiorum Adam, distriktionem legis, quæ oculum pro oculo, dentem pro dente, omnimodamque talionem pro omni excessu immisericorditer reddebat, per incarnatam Verbi sui dulcedinem temperauit dicens. *Pœnitentiâ agite* Ne verò imbecilles homines ad verbum pœnitendi, id est pœnam tenendi, terrerentur, mox verbo consolatorio, verbo omni acceptione digno, præmissæ sententiæ seueritatem dulcorare curauit, subiungens. *Appropinquabit enim regnum cœlorum.* Quis enim sanum sapiens, licet infirmus, licet delicatus sit, non patienter, imò gratanter, præsentis pœnæ momentaneum pondus sustineat, non solum ut æternitatem futuræ pœnæ fugiat, verum etiam ut cœlestis regni nūquam finiendi particeps fiat? Verum quia beatus baptista & præcursor Domini Ioannes in ordine præcursionis suæ pœnitentiâ prædicans, dignos eiusdem pœnitentiæ fructus agi censuit: quærendum Ibid. c. 3.

summo opere nobis est, quæ sit formula perfectæ pœnitentiæ, quæ ad dignos promerendû fructus sufficiens esse videatur. Sed ubi formulâ illam dignius quærimus, quàm in ipsius magistrorum magistri Domini nostri IESV Christi dictis & factis? Cùm enim quidâ possessiones habens multas à Domino quæsisset, quid faciendo vitam æternam obtineret, & Dominus madata legis ei proposuisset, illeque se omnia à iuventute sua seruare dixisset: subiunxit Dominus. *Adhuc unû tibi deest. Si vis perfectus esse, vade, vende omnia quæ habes, & da pauperibus, & veni sequere me: & habebis thesauros in cælo.* Ille verò qui non se, sed sua, & illa non tota, sed ex parte, & parte satis modica, videlicet decimas, primitias, cæterasque legales oblationes, offerre confueuerat, & hoc magnum aliquid esse putabat: audiens verbum consumatæ iustitiæ resiliit, & trahens cor in terram abiit tristis: quia nimirum testate veritate, qui diuitias quas habent affectuose diligunt, difficile saluantur. O quâ aliter affectus erat beatus Petrus, ô quàm largo cælestis gratiæ rore perfusus ab æstu mundanæ cupiditatis refrigerat: qui de se suisque cõdiscipulis, tam humiliter quàm fiducialiter Dño dicebat. *Ecce nos reliquimus omnia, & secuti sumus te.* Hic planè formâ perfectæ pœnitentiæ reperimus, quam Saluator consilium salutis quærenti suasit, discipulis etiam sequentibus se tradidit: licet legamus nonnullos in diuitijs & in omni gloria mundi continenter & humiliter vixisse. Sed quia priuilegia paucorum cõmunem legem non faciunt, tutius multò quicûque celsitudinem perfectionis sectari conantur, obaudiunt vocem Dñi in Euangelio dicentis. *Siquis non abrenuntiauerit omnibus quæ possidet, non potest meus esse discipulus.*

Mat. 19.

Ibidem.
Forma perfectionis à Christo tradita.

Luc. 14.

Caput II.

Quod à primitiua Ecclesia communis vitæ traditio cœperit. & quod hinc Monastica Religionis institutio principium sumpserit.

ENimvero decebat, ut summi patris sapiëntia, quæ perfectæ iustitiæ normam tradere venerat, hanc in ipso statim nascentis Ecclesiæ pusillo grege signanter imprimeret: quatenus vniuersi qui eorum exemplo prouocati viâ arduam & angustam incedere proponerent, tantæ maiestatis informati magisterio, tantorum etiam patrum exemplo roborati, viam Dñi dilatato corde currebant, dicentes cû Psalmista Domino. *Propter verba labiorum tuorum ego custodivi vias duras: sciens quoniam centuplum quod promisisti reddes, & insuper vitam æternam adijcies.* Passo verò in carne Dño, postquam à mortuis resurrexit, & in cælum ascendit, discipulis etiâ Spiritum sanctum quem promiserat misit, multiplicatis iam credentium turbis, clariùs eiusdem spiritualis vitæ, quam perfectam pœnitentiâ dicimus, nitor elucere cœpit: cùm sicut Lucas testatur, *multitudinis credentium erat cor unû & anima una, nec quisquam eorum suum aliquid esse dicebat, sed erant illis omnia communia. Possessores etiam agrorum & domorum vendebant quæ possidebant, ponentes pretia ante pedes Apostolorum.* Quantam verò reuerentiam in cordibus non credentium sublimis illa conuersatio generaret, testatur idem beatus Lucas, cùm dicit, *quia cæterorum nemo audebat se coniungere illis, sed magnificabat eos populus.* Nec solum Ierosolymis hæc schola primitiue Ecclesiæ cælestibus instituebatur disciplinis, verù etiam Antiochiæ sub magistris Paulo & Barnaba gloriosissime floruit: ibique discipuli primò appellati sūt Christiani. Philo quoque disertiss. Iudeorû in lib. quæ *Theorica vita* prætitulauit, de feruētissimis eorû in Do-

Psalm. 16.

Apor. 4.

Apor. 5.
Vbi cœperit
vita Cœno-
bitica.

mino studijs multa conscripsit: Monachorum etiam Cœnōbitarūque nomen, vitam, & institutionem, ab eis exordium sumpsisse, perspicuum est. Cæterum disseminato verbo Dei per vniuersam regionem, cū iam in omnem terram exisset sonus prædicationis Apostolorum, necesse erat, vt arca sanctæ Ecclesiæ, quæ perfectissimæ huius religionis typo in superioribus suis angusta vnitatis cubitum perficiebat, dilatato charitatis sinu in inferioribus suis, pusillanimes, & ad perfectionis celsitudinem minùs idoneos, colligeret: quatenus omnipotentis Dei misericordia non solum homines, sed & ipsa quoque iumenta, id est terrenæ substantiæ puluere se ex infirmitate fædantes, dignantissimè saluaret. Hinc iam nobilis illa Respublica, quam Dominus IESVS Christus instituerat, & Spiritus sanctus roborarat: (in qua cū nullus quidquam possideret, nemo tamen egens erat inter illos,) cœpit ad priuatas res distrahi, cœperuntque Christiani substantijs licenter vti: sic tamen, vt terrena cœlestibus non præponerēt: sed temporalia bene dispensando, faciliùs ad cœlestia peruenirent.

*Monachi
ab initio
Ecclesiæ fa-
uerunt.*

Caput III.

*Quod Monachicus Ordo per beatum Antonium, caterosq; sanctos Patres
roboratus, excellenter claruit.*

Licet verò imperfectorum multitudini condescendens mater Ecclesia, remissioris vitæ laxauerit habenas: tamen ab ipso nascentis Ecclesiæ principio vsque ad hæc nostra tempora nunquam defuerunt viri virtutum, qui feruentissimo diuini amoris igne flagrant, remissioris quoque vitæ blandimenta respuentes, communis vitæ rectitudinem, que sola perfectæ penitentiæ, quam Dominus Iesus prædicauit, stabile fundamentum est, indefesso pietatis studio tenuerunt: & posteris suis tenendam, multiplicibus sanctæ conuersationis Regulis & exemplis tradiderunt. Inter quos primi vel præcipui extiterunt, Antonius, Pachomius, Basilus, quorum prior Antonius, non atramento neque litera, sed spiritu Dei viui scriptam legem charitatis in corde suo demonstrans, perfectissimæ conuersationis suæ perfectissimos discipulos reliquit: quales fuerunt Macharius, Paphnutius, Pambo, Isidorus, alijque quamplures: qui monasteriorū per Ægyptum & Thebaidem patres effecti, cateruasque innumerabilium monachorum per tramitē perfectæ pœnitentiæ ducentes, de mūdo, eiusque principe diabolo, cū suis omnibus gloriosissimè triūpharunt. Pachomius verò cū factus esset Apostolica gratia insignis, scripsit monachorū Regulas, quas Angelo dictate didicerat: ad quarum institutionē infinitam multitudinem viuorū lapidum poliens, muris cælestis Ierusalem reædificandis conuexit. Beatus etiam Basilus Cæsariensis Episcopus, Ecclesiæ Doctor eximius, scripsit monachorū Regulā: quæ sicut testatur B. pater noster Benedictus, rectissima norma est vitæ humanæ, per quam ad cœlestem patriam sine offensione perueniatur. Ad horum itaq; tam venerabilium Patrum documenta & exempla virtutū, tota Orientis Ecclesia multo tempore per monasticæ religionis sectatores insigniter floruit: sicut etiam paulò ante hæc nostra tempora beatæ memoriæ Anselmus primū Havelbergensis Episcopus, post modum Rauennas Archiepisc. disputatione, quam ipse cum Græcis de pertinacia schismatis eorū habitā elegantistylō conscripsit, testatus est. Hic cū esset à Lothario Romanorū Imperatore Christianissimo, ad Constantinop. vrbis Imperatorem apocrisarius missus, & subtiliter diuersarum Religionum statuta scrutaretur:

*S. Bened. 6.
vlti. Regu-
la.*

vidit in monasterio, quod Pantocraton, id est Omnipotentis, dicitur, septingentos ferme monachos sub Regula beati Antonij Domino militantes. In Cœnobio quoque, quod Philoantropon, id est amantis hominem, dicitur: vidit circiter quingentos monachos sub Regula sancti Pachomij Domino seruientes. Vidit etiam quàmplura monasteria sub Regula beati Basilij iugum Domini suaue portantia.

Caput. IV.

De institutione & authoritate Regulae sancti Patris Benedicti: quomodo per gratiam Dei floruit, & usque hodie floret.

DOMINVS noster Iesus Christus, qui sacratissimæ humanitatis suæ præsentia Orientem illustravit, quos digniores & sublimiores in Ecclesia sua habuit, beatissimos videlicet Apostolorum principes Petrum & Paulum, vice sua destinavit Occidenti: quatenus Occidentis populi pretiosum fidei arcanum, quod Petrus non per carnem & sanguinem, sed per inspirationem summi patris acceperat: & item Euangelium quod Paulus non ab homine, nec per hominem, sed per revelationem Iesu Christi didicerat, Spiritus sancti magisterio edocti, cum populis Orientis in eandem fidei plenitudinem concurrerent: & sic ex omnibus vna Christi Domini sponsa non habens maculam aut rugam efficeretur. Porro eadē gratia, quæ ad instituendam roborandamque monastici ordinis disciplinam, prædictos sanctos Patres contulit Orienti, non inferioris meriti virum in dignatione misericordiæ suæ prærogavit Occidenti: sanctissimum videlicet Patrem nostrum Benedictum: qui non solum Antonij & Basilij spiritum, verum etiam testante beato Papa Gregorio, iustorum omnium spiritu plenus, tanquam sidus purissimum & lucidissimum, singulari prærogatiua sanctitatis, superexcellenti puritate conversationis, signorum denique miraculorumque inestimabili gloria, ab Occidente usque in Orientem clarissime refulsit: ita ut quicquid Oriens in diuersis Patribus diuisis charismatibus habere se gaudet, hoc totum in vno sanctissimo patre suo Benedicto, iustorum omnium spiritu pleno, se possidere Occidens non immerito gloriatur. Scripsit namque idem reuerendissimus Pater noster monachorum Regulam, quam diuturno virtutum exercitio non per hominem, sed per vñctionem illius qui docet hominem scientiam, didicit: in qua mirabilis artifex Spiritus sanctus summam perfectionem & moderatissimam discretionem tam subtili connexionē copulauit, ut quantumcumque religiosus, in ea inueniat unde adhuc proficiat: & quantumcumque pusillanimis aut infirmus, infirmitatis suæ in ea æquè remedia inueniat. Quis enim verbi gratia adeò iustitiæ tenax, quis sanctæ religionis adeò feruens æmulator erit, cui si gratia duce datum fuerit, ut duodecim gradus humilitatis, qui in Regula describuntur, ascendat: & si crescentibus meritis eatenus profecerit, ut ad sextum & septimum, id est ad vltimum primi, & primum secundi senarij gradum perueniat, qui numerus perfectionem significans, & in ijs gradibus humilitatis geminatus, dilectionem Dei & proximi, quæ est perfectionis summa, per Regulam doctoris demonstrat: nonne si se sine dissimulatione respiciat: si cunctos infirmantis conscientie angulos diligenter excutiat: nonne inquam vires suas metiens, defectumque sentiens, continuo lugens exclamabit cum

*S. Benedicti
laus.*

Apostolo, quòd qui putat se aliquid esse, cum nihil sit, ipse se seducit? Quis *Galat. 6.* rursus adeo delicatus & infirmus erit: ut in obseruantijs Regulæ, ieiuniorum suorum, vigiliarum, & laborum, cæterarumque institutionum moderatissima discretionem dispositarum, infirmitatis suæ congrua remedia non inueniat? Quocirca, quod idem legislator in ultimo capitulo eiusdem Regulæ dicit, in ea non omnem iustitiæ obseruationem esse descriptam, & vocat eam minimam inchoationis Regulam, & ad perfectionis fastigium tendere volentes mittit ad doctrinas & Regulas veterum patrum, testante Beato Bernardo causa humilitatis facit: ne videlicet in describendo Regulam, videretur se veteribus Patribus arroganter æquare: studens & in hoc humilianti conscientia suæ providere. Beatus quoque Gregorius vir Apostolicus, non minus merito quam officio, commendat eam sermone esse luculentam, discretionem præcipuam: latenter auctoritate sua suadens monachis, ut relictis cæterarum institutionum consuetudinibus minùs fortasse discretis, Regulam Deo dilecti Patris Benedicti discretionem præcipuam deuoto corde susciperent: & ad eius normam cunctum vitæ suæ ordinem informarent. In Concilio quoque quod postmodum in Gallijs celebratum est, communi decreto sancitum est, ut monachi per prouincias Galliæ & Germaniæ degentes, relictis cæterarum regularum institutis, in omnibus cœnobijs suis Regulam prædicti Patris reciperent: & in omni conuersatione sua formam ab eo præscriptam obseruarent. Ad huius itaque sanctæ Regulæ exemplar, plura per Italiam monasteria correctæ: multa quoque per venerabilem Patrem de nouo constructa sunt: in quibus multitudines monachorum in spiritu humilitatis Domino feruientes, tanquam veri Israëlitz dignos poenitentia fructus faciebant.

*Greg. 2.
dial. c. 36.*

Caput. v.

Quod beatus Benedictus rogatu Cenomanensis Episcopi, sanctum discipulum suum Maurum, causa fundandi cœnobia ad partes Gallia direxit.

NEc solum Italia, verum etiam Gallia trina diuisio, sacrae huius religionis bono odore respersa: iugum Domini suaue, & onus eius leue, sanctæ videlicet Regulæ instituta suscipere laudabili desiderio gestiebat. Vnde accidit, ut vir magnificus Cenomanensis urbis Episcopus legatos suos ad venerabilem patrem Benedictum dirigeret, Flodegarium suum Archidiaconum, & Harderadam vicedominum suum: deuotissima instantia petens, quatenus ei aliquos sui monasterij fratres transmittere dignaretur: qui sibi in Galliarum partibus cœnobium secundum instituta Regulæ sancti Patris edificare deberent. Beatus vero Benedictus conuocans discipulum suum Maurum, quem ab infantia in timore Dei educauerat: ipsum cum alijs religiosiis fratribus, ad Galliarum partes dixerit: ubi etiam cœnobium religione pariter & diuitijs clarum construxit: magnæque multitudinis monachorum pater effectus: signis & virtutibus ornatus quieuit in pace. Fertur, quod in eodem monasterio libra panis, & hemina vini, quam sanctus illuc transmisit Benedictus, in memoriam antiquitatis atque ob tanti patris reuerentiam, usque hodie referuetur. Abhinc per vniuersas Galliarum prouincias creuit & multiplicata est religio monachorum, sub Regula patris Benedicti Christo Domino vero regi militantium: multique ad eam diuina gratia inspirati confluebant: qui sacrae

*S. Maurus
in Galliam
à S. Benedicto missus.*

*Cænobiorū
& morū de-
structio.*

discipline officijs exercitati, de terra cordis sui fructum boni operis afferebant in patientia. Verum succedenti tempore, irruentibus intra Gallias barbaris, cum Dominus peccata populi sui multiplici paganorum incursione castigare decerneret: multa etiam cænobia Sanctorum aut igne cremata, aut ad solum usque destructa sunt: quæ verò remanserant, in tantam negligentiam resoluta sunt, ut antiquæ religionis vestigium vix in aliquibus monasterijs inueniretur. Cæterum gratia Domini nostri IESU Christi, quemadmodum Ecclesiam suam refrigescente charitate, & abundante iniquitate, varijs tribulationibus flagellari permittit, nec tamē umquam ab ea viscera misericordiæ suæ claudit: ita nimirum ordinem monasticum per infirmitatis humanæ corruptionem continuè ruentem, temporibus opportunis per viros virtutum restaurare non desinit.

Caput VI.

*Quod Beatus Odo Cluniacensis Abbas Ordinem Monachicum
collapsum per gratiam Dei strenuè reparauit.*

Hinc est, quod beatus Odo, nobilissimi illius Cluniacensis Cænobij Rector eximius, ad tantum sanctitatis apicem excreuit: ut Ordinem Monasticum temporibus suis omnino in præceptis ruentem, secundum gratiam sibi à Domino collatam, per omnia in antiquum sacræ Religionis vigorem restaurauerit. Ut enim de ruina morum temporis illius breuiter dicamus, cum cœpisset idem venerabilis pater Odo in monasterijs suis disciplinam regularis rigidè, sicut oportebat, tenere: alij quidam monastici videntes quosdam de fratribus eius subtilares suos lauantes, vel vngentes, seu alia quælibet vilia opera facientes, silentium etiam studiosè tenentes, & si necesse fuisset, signis pro verbis vtentes: nimio iracundiæ felle commoti, ô infelices, inquit, quid facitis? Quæ lex, vel quis ordo præcipit, ut tam vilibus & seruilibus operibus insistatis? Vbi quæso scriptura hæc iubet, ut manibus pro lingua vtamini? Nonne ipsi Creatori iniuriam facere conuincimini, qui relicto naturali vsu linguæ, & vocis organo, manibus irrationabiliter tumultuamini? Sed vir beatus disputatorum & pseudo-monachorum garrulitatem paruipendens, fratres suos ut in melius proficerent, verbo & exemplo commonebat: sicubi etiam à religiosis viris euocatus fuisset, impiger pergebat: & cænobia aut dissoluta ad disciplinam ordinis reuocabat, aut noua fundabat. Planè quàm rigidè monachi ipsius discipline censuram tenuerint: per hoc vnum virtutis eorum indicium, quod ad demonstrandam in eis animi constantiam referre volumus, innotescere poterit. Quadam namque vice dum quidam ex eis iter agerent, medijs noctis tenebris à prædonibus circumuenti, cum suis omnibus capiuntur, trahuntur, spoliantur, contumelijs afficiuntur, ad vltimum in vincula conjiciuntur: prædonibus sanè mirantibus pariter & indignantibus, quod in tantis malis ipsis à se illatis, ne vnum quidem verbum ab eis vllatenus extorquere potuissent. Tanquam enim muti & elingues seu damna & contumelias non sentientes, in silentio durabant: quousque nocturnæ & matutinæ laudis solemnitate peracta, aurora quoque radios suos vibrante, linguam ad loquendum laudabili discretione soluerent: quam prius laudabiliore censura propter timorem Dei & Ordinis disciplinam coercuerant. Nec modò in Gallijs Ordinis sacri statum reparauit, sed etiam in Italia. Ad speciale quoque sancti Benedicti cæno-

*Insigne ex-
emplum si-
lentij obser-
uandi.*

bium in Francia, vbi sicut dicitur, sacratissimum corpus eius requiescit, ipso beatissimo patre Benedicto inuitante perrexit, sicut in gestis eiusdem sancti Odonis inuenitur. Cum enim quadam die monachi eiusdem loci in claustro sedentes contentionibus & scurrilitatibus occupari non erubescerent: sanctus pater Benedictus cuidam monacho ante portam monasterij visibiliter apparuit, dicens ad eum. Vade, & dic fratribus istis, quod peruersis moribus suis nimium me contristant; ideoque iam nunc vadam, vt adducam virum secundum cor meum de Aquitania: quatenus peruersos istos corripiat, & Ordinis disciplinam in hoc meo monasterio restauret. Stupet ille, celerique gradu ad fratres veniens, quod spiritualis eorum pater mandauerat, cunctis audientibus refert, consternatosque & attonitos reddit vniuersos. Querebant tamen inter se cum magna admiratione, quidnam esset, de quo pater sanctus dixisset: ipsumque, sicut postmodum rei exitus docuit, beatum Odonem fore trepidi suspicabantur. Deuotissimus itaque patris Benedicti pedisequus Odo veniens ad predictum locum, licet per multas tribulationes & contumelias, quas ab illis qui perniciosam libertatem magis quam regularis vite districtiorem diligebant, passus est: tamen per gratiam Dei & adiutorium sancti patris Benedicti laudabiliter satis Ordinis disciplinam in eodem monasterio reformauit. Ceterum speciale eiusdem Deo dilecti patris Odonis coenobium quod Cluniacum dicitur, quodque vsque hodie maximum & nobilissimum refulget, maximum multitudine fratrum, nobilissimum possessionibus diuitijs & gloria: sed & monasterium de quo pater Odo cum fratribus suis Cluniacum secessit, quam consummata fuerint, quamque perfecti & Deo digni in eis claruerint viri, literis traditum scimus. Vnde & nobis duo iucunda valde miracula excerpta huic nostro opusculo inferere placet: quatenus prudens lector ex his duobus cetera perpendere valeat.

Sancti pro nobis solliciti.

Quam vitanda sint contumeliones & scurrilates.

Caput VII.

De fratre, in cuius manu mica panis in pretiosissimas margaritas conuersa sunt.

CAnon erat monasterij, quatenus fratribus ad mensam sedentibus refectione peracta micas quae de fragmentis panum deciderent, diligenter colligerent & insumerent: ne vel in hoc negligentiae rei coram Deo inuenirentur. Accidit autem quadam die; vt vnus ex fratribus, qui conscientiae suae non incuriosus seruator erat, cum ceteris ad mensam residens, refectione peracta micas secundum consuetudinem collectas replicans in volam, digitis manus clausas teneret, atque cum multa cordis dulcedine lectioni intenderet: sed priusquam eas sumeret, repente ad nutum Prioris lector lectionem finiuit. Quid tamen ageret? Nec reiicere fas, nec sumere iam licebat: nimirum utrobique periculo preuaricationis occurrente. Itaque clausas manu tenet: cogitans hanc negligentiae culpam non nisi per confessionis & poenitentiae remedium aboleri posse. Dictis vero gratijs signo confessionis facto Priorem in partem trahit, & cadens in faciem veniam petit, cum multa cordis simplicitate negligentiam suam manifestans. Priore autem culpam eius, sicut dignum erat, corripiente, & quid de micis fecisset inquirere: ecce, inquit, Domine in manu nostra sunt. Cumque Prior praeciperet, vt eas ostenderet, ille exerto brachio manum aperuit: & ecce in vola ipsius pro micis inuentae sunt pretiosissimae margaritae. Vtinam laudabile

Confessionis etiam de minimis usus.

fratris huius feruorē attendere dignentur quidam negligentes fratres, qui finita lectione si fortē offulam in manu habuerint, quam edere velint, aut si in cyphulo aliquid remanserit, quod ebibere cupiant, sine respectu timoris Dei id facere non verentur: cū vtrique sacri Ordinis consuetudo tradat, vt ex quo lector incōperit dicere, *Tu autem Domine*, neminē quidquam cibi aut potus sumere debere. Sed quid putamus, quare omnipotens Deus tam gloriosum miraculum, & sicut videbatur, minū necessarium, in rebus quoque minimis facere voluit? Vtrique propterea, vt palā cunctis innotesceret, quantū sibi placeant fratres in congregatione spiritu feruentes: qui non solū maiora, sed etiam minima mādāta propter timorem ipsius cum sollicitudine custodiunt.

Caput VIII.

De fratre moriente, qui vidit multitudinem candidatorum ad se venire.

FRATER quidam in Cluniaco cū laudabiliter in omni feruore & deuotione sacre religionis vitam suā custodisset, tactus infirmitate peremptoria, ad extrema deductus est. Cumque iam morti proximus agonizaret, aperiens oculos vidit magnā multitudinem monachorum ad se intrantē, qui omnes candidis vestibus induti erant, illo suo genere vestimenti, quod vsu Ecclesiastico alba vocatur: sicut solent conuētus Ordinis illius in præcipuis solemnitatibus reuestiri. Quos cū videret, putans conuentum fratrum esse, mirari valde cōpit, cur ad se reuestiri intrarent: & infirmario sibi assistēti quasi cum quadam indignatione dixit. Quid est carissime frater, quod video? Quando solebat conuentus noster ad fratrem morientem reuestitus venire? Respondente infirmario, & dicente, conuentum fratrum nondum venisse, quid est, inquit, quod loqueris? Nonne vides turbam magnam fratrum circa me, qui omnes candidissimis albis reuestiti sunt: & ad exequias meas celebrandas mutuō se præueniunt? Quod cū infirmarius audisset, sed nil tale ipse videret, intellexit religiosum fratrem visionem beatorum spirituum videre. Post modicum verō sancta illa anima carne soluta est: & de conualle plorationis, de tabernaculis Cedar, hoc est de nigredine peccati, ad cādidos ciues cōlestis Ierusalem, quos adhuc in carne viuens videre meruerat, feliciter, vt credimus, transmigravit. Præfato verō Cluniacensi Cœnobio post reuerendissimum patrem Odonem præfuerunt Abbates religione conspicui, quorum præcipui fuerunt sancti & Deo digni, Maiolus & Odilo, modernis quoq; tēporibus beatus Hugo: qui Ordinem Cluniacensem lōgē lateque per vniuersas Europæ terras & insulas propagantes, incontaminatum monastici ordinis tramitem subditis suis tradiderunt. In eadem quoque magna & religiosa domo inter cætera spiritualis vitæ exercitia saluberrima, & omni pietate plena, consuetudo inoleuit, vt pro liberandis animabus fidelium defunctorum, sancta illa fratrum multitudo deuotis precibus Missarumq; celebrationibus, sollicitē inuigilet: & aut pœnas addictarum mitigent, aut pœnis omnibus absolutas in requiem transferri obtineant. Sed & præter quotidianam orationum psalmorumque instantiam, solemnia pro fidelibus defunctis officia certis temporibus per annum fieri pia patrum solertia in eadem domo decreuit, ita vt sollemnis dies fidelium animarū, quem post festum Omnium Sanctorum Sancta & vniuersalis Ecclesia celebri officio peragere consuevit, à Cluniacensi Ecclesia initium sumpsisse dicatur.

*Memoria
& dies ani-
marum.*

Caput

Caput I X.

*Quomodo Beatus Hugo Cluniacensis Abbas Paralyticum curauit.
[Deplorat & hoc capite Author negligentiam monachorum, & lapsum
Ordinis Cluniacensis.]*

VERVM quoniam beati Hugonis, qui moderno tempore Cluniacensi Cœnobio laudabiliter præfuit, mentionē fecimus: vnum ejus miraculū ad vtilitatem legentium memorabimus: quod tantò erit jucundius, quantò recentiori tempore hoc gestum esse constat: quodque Venerabilis viri Guillelmi quondam Superioris Sanctæ Genouefæ Parisius, postea verò Abbas Paracliti, quæ est de Ordine domus Sancti Victoris, certa relatione cognouimus. Apud Parisiorum ciuitatem extat Cœnobium Regularium Canoniorum: in quo quidam de Fratribus ejusdem Congregationis paralyti adeò dissolutus jacebat; vt sine adminiculo alteriùs de lectulo surgere non valeret. Venerat fortè illuc venerabilis Hugo Cluniacensis Abbas. De cujus aduentu fratres plurimum exhilarati, spem recuperandę sanitatis infirmo fratri non minimam conceperunt. Itaque accedentes ad virum Dei, suppliciter postulabant: quantinus apud omnipotentem Deum, sanitatem fratri diuturna egritudine laboranti suis precibus obtinere dignaretur. Fertur autem in eodem Monasterio esse media pars casulę beati Petri Apostoli; quæ, sicut dignum, est à Fratribus in magna veneratione habetur. Sanctus ergo Domini, quod à fraterna charitate petebatur, negare non potuit: sed pro salute fratris infirmi Domini clementiā intimo pietatis affectu rogabat. Denique celebratis Sacrosanctis mysterijs, accedens ad altare, supradictam partem casulæ beati Petri reuerenter inde tulit: veniensque ad infirmum, sacra eum veste operuit, tenensque manum ejus antiphonam illam moderata voce cœpit cantare, *Petrus Apostolus dixit paralytico* duobus verbis in ea commutatis: scilicet pro *dixit*, *dicat*, & pro *Ainea*, *Roberte*: vocabatur enim idem infirmus Robertus. Cumque tenendo manum ejus cantaret, *Petrus Apostolus dicit paralytico: Roberte, surge, & sterne tibi*, continuo surrexit: omni membrorum debilitate prorsus fugata, cunctique qui aderant, glorificauerunt Deum: qui virtutem beati Apostoli sui Petri, per merita Venerabilis Hugonis declarare dignatus est. Tantò quippe facilius Abbas Sanctus tam gloriosum miraculum à diuina largitate impetrare potuit, quantò hoc non suis meritis, sed specialis Patroni sui beati Petri Apostoli virtuti assignauit: cujus reuerendo nomini se attitulatam esse nobilis Ecclesia Cluniacensis gloriatur: cuiq; sacræ venerationi Fratrum vniversitas deuotissimè in vigilat. Sub talibus itaque tam Sanctis & in omni Religione conspicuis Patribus, Cluniacensis Ordo clarissimè refulsit, multisque extitit odor vitæ in vitam: ita etiam vt beatus Henricus Romanorum Imperator Augustus eiusdem nominis secundus, cujus memoria apud Deum & homines in benedictione est, audiens famam religionis illius, Cluniacū adiret: oblatiſq; donarijs & redditibus, prout Imperialem magnificentiam decebat, fratrum se orationibus deuotissimè commendaret. Libéret nunc, si optio daretur, cum beato Petto Apostolo exclamare, & dicere Domino. *Domine, bonum est nos hic esse.* Bonum esset vtique omnibus ad monasticę religionis apicē venientibus, vt Ordinis disciplina per sanctos Patres

*Infirmus à
S. Hugone
sanatus in
uocatione
S. Petri.*

Matth. 17.

*Quàm sit
cauenda Re-
ligiosis ne-
gligentia.*

Prover. 30.

*Quales sint
falsi Reli-
giosi.*

ad lineam veritatis correctâ & renouata, inconuulsa perduraret: propul-
fata lethali negligentia, feruor sacræ religionis per omnia vbique vigeret.
Sed quid agimus: cum sub sole nihil in eodem statu permanere posse, sa-
piens plangat? Quid agimus: quòd negligētia, quæ, proh dolor! in ipsa
quoq; Religiosorum conuersatione deprehenditur, ad vitia tam procliu-
is est? Væ semel, & væ secundo, sed & tertio. Væ tibi, negligentia, mater
dissolutionis, rubigo mentium, tinea cordium, morum corruptio, disci-
plinæ effugatio, religionis subuersio, virtutū eneruatio, mala bestia, vul-
pecula callidissima: quæ tanta dolositate exterminas vestigia tua, vt mordēs
non sentiaris: demoliens non videaris: & non nisi grauissimo damno per-
acto deprehenderis: quanta mala fecisti: quanta mala facis: quanta mala,
quod Deus auertat, non immerito factura timeris. O inquam detestanda
negligentia, quàm modica, quàm exigua, quàm nullius momenti videris
in oculis hominum: ita vt etiam reprehensione vix digna iudicaris: sed
tamen qui te tam modicam spernit, paulatim decedit. Quis crederet, si
experientia fidem non faceret, guttulâ cum primùm stillare leni lapsu cœ-
perit, duritiâ lapidis penetrare posse: vel quis anulum nouum & rigidum
digito immitti videns, eum vsu consumi posse putaret? At tamen verum
est quòd dicitur, quia gutta cauat lapidem, consumitur anulus vsu: sic etiâ,
quod sine magno cordis dolore dicere non possumus, negligentia paula-
tim subintrans religionem exterminat. Sanguisugæ duæ sunt filiæ, ait
sapiens: dicentes, affer affer. O quanti sunt, qui latas hujus sæculi vias, quæ
ad mortem trahunt, deseruisse, & arctâ angustamque viam, quæ ad vitam
ducit, apprehendisse videntur: sed quia pessimæ hujus sanguisugæ, dete-
standæ hujus meretricis, id est negligentia complexum minimè deuitant,
generant ex eo vipereo semine duas filias, ipsa matre sua deteriores, volup-
tatem, scilicet & vanitatem: quæ sine cessatione, sine omni prorsus inter-
polatione clamant miseræ matri suæ, dicentes, affer affer. Isti sunt qui se-
gregant semetipsos, animales spiritû non habentes: qui habitum religionis
gestantes, mentiri Deo per tonsuram noscuntur: qui non Dominicis sed
suis inclusi ouilibus, pro lege habent desideriorum voluptatem: qui cum
nutriri deberent in croceis, amplexantur stercora: locati in loco pascuæ, quo-
tidie mutantur de pascuis ad pascua, & tamen moriuntur fame: quorum cibus
est radix juniperorum, & filiquæ porcorum: quorum vinum est fel draco-
num, de botro præuaricationis amarissimo: qui cum castimoniam corpo-
ris, & sanctimoniam spiritus profiteantur, exemplum tamen mulieris ne-
quam, & procacis imitari non verentur, quæ comedit in occulto, & tergens
os suum dicit, non sum operata malum: qui in hujusmodi letantur: & esse
sub sentibus dissolutionis, delitias computant. Et quid facient miseri, cum
inspicere cœperit Deus? Certè rebus ipsis experimur, quâ non immerito
Propheta planxerit, obscuratum esse aurum, mutatum colorem optimum:
dispersos lapides sanctuarij incapite omnium platearum. Sed non est no-
strum, mordacius aliena vitia carpere: ne forte dicatur & de nobis, quòd
lippientibus oculis ad nostra cœcutientes: in aliorum vitijs cernamus acu-
tum. Legat qui voluerit apologeticum beati Bernardi Abbatis, quem
scripsit ad venerabilem Guillelmum Sancti Theodoric Abbatem: inue-
niet quomodo obscuratum sit aurum, mutatus sit color optimus: ibi
inquam inueniet, quomodo nobilis illa religio Cluniacensis Ordinis,

de qua multa jam diximus, quàm peregrinis & adulterinis consuetudinibus, imò desolationibus fuscata & obnubilata, à pristina suæ puritat̃s sanctitat̃isque integritate degenerauerit. Sed quorsum ista? Quid intēdimus: alterius Ordinis & prius perfectissimam religionem, & postmodū miserrimam, quam hodie oculis nostris cernimus, dissolutionem replicando & inculcando? Nimirum ad hoc nititur intentio, vt nos qui per gratiam Dei inrenouato, & ad tramitem veritatis per Cistercienses patres correcto monastico ordine, Domino militamus, ex aliorum ruina cautiore effecti, lauemus manus nostras in sanguine peccatorum: & semper memores simus, quòd beatus Pater noster Benedictus in Regula præcipit, negligentiam & obliuionē omnino fugere: illud etiam Apostolicū continuè ruminemus, *Qui stat, videat ne cadat*: certissimè scientes, quoniā res nostra agitur, paries *1. Cori. 10.* cum proximus ardet.

CAPVT X.

Qualiter fratres qui Cisterciensem Ordinem fundauerunt, adhuc in Molismo degentes diuina gratia sunt illustrati.

SED jam nunc operæpretium reor, generationibus futuris diligentius describere, qualiter Cisterciensis Ordo sumpserit exordium, quamque copiosa benedictione gratiæ Dei à principio sui perfusus sit: sicut partim per literarum monimenta tradiderunt nobis viri sancti, qui ab initio sacræ huius religionis authores extitere: partim vero majorum relatione didicimus: quatinus ij quos in sæculis superuenturis diuina gratia ad ordinem nostrum vocare dignabitur, si hanc nostræ paruitatis paginam, quam ad ipsorum consolationem elaborauimus, legere dignum duxerint; considerantes quàm nobili regum mamilla lactati sint, erubescant filij degeneres inueniri. Porro ad hoc opus non solum deuotio & vtilitas rerum nos inuitat: verum etiam necessitas nonnulla compellit. Monachi namque nigri Ordinis, maximè in prouincijs Germaniæ degentes, vbicumque vel apud quoscumque possunt, sacro Ordini nostro derogare non cessant: asserentes sanctos patres nostros cum scandalo & inobedientia, contra voluntatem Abbatis sui de Molismensi Cœnobio egressos fuisse: quorum quàm sit impudens mendacium, subsequētis narrationis textus rem gestā enucleatiùs pandens, manifestè declarabit. Propositi nempe nostri est, diuina fauente gratia, non solum plenissima ratione, verumetiam grauissimæ authoritatis pondere, obstruere os loquentium iniqua: fratribus quoque nostris, qui hæc hæctenus fortassis adeò perspicuè non nouerant, ad refellendam malitiosæ detractio-
nis falsitatem, instrumenta sinceræ veritatis testimonio subnixâ contrade-
re. Ocæca semper stultæ æmulationis impietas: quæ cum oculis videat, ratione probet, diuino pariter, & humano iudicio, Cisterciensem Ordinem super candelabrum virtutis & honoris exaltatum, vt luceat omnibus qui in domo Dei sunt: clandestinis tamen susurrijs ab ejus amore & veneratione nititur auertere quos potest: quasi tantum sibi honoris accedat, quantum proximorum famæ derogare potuerit. Verum, quoniā secundum sententiā Apostoli, non qui se ipsum commendat ille probatus est, sed quem Deus commēdat: postquam literis summi Pontificis, Cardinalium quoque & Episcoporum, qui negotiū tantæ pietatis tractauerunt, ostenderimus, quàm rationabiliter, quamque authorabiliter humano iudicio probatus, & approbatus sit in initio sui Cisterciensis Ordo: consequenter etiam demonstrare curabimus, qualiter Diuino iudicio approbatus sit.

*Monachi
nigri Cister-
ciensibus
olim insens.*

*Purgatorij
ignis affectio*

*Author
Clarevallis
fuit Mona-
chus.*

*Origo Ci-
sterciensis
Ordinis.*

Cunctis namque sanum sapientibus liquet, omnipotentem Deum approbare Religionem, quam tantis charismatum benedictionibus à principio sui perfundere, & in qua tantos, tantæque perfectionis & sanctitatis Nazaræos suscitare dignatus est. Sed quis dignè æstimare, ne dicam referre sufficiet, quàm præclare in diuersis mundi partibus, non solum in maioribus, verum etiam in minoribus quibuscumque Cisterciensis Ordinis domibus sacre Religionis vigor effulserit, quàm sublimes in virtutibus, quàm graues & humiles in moribus extiterint Prælati: quàm deuoti, & ad voluntariam paupertatem pro Christo tolerandam patientissimi, atque ad omne opus bonum parati subditi, quàm crebris reuelationibus, supernisque visitationibus Religiosæ Ordinis personæ sint glorificatæ; quamque multis spontaneæ tribulationis angustia decocti, felici decessu absque igne purgatorio, (quod quidem in alio genere hominum rarissimum est,) transierint ad terram viuentium: ad videndum Deum Deorū in Sion. Ne tamen illustrium personarū copia, nos ad loquendum inopes fecisse videatur, postquam ad exhilarandum deuotos, & ad reprimendum detractores falsiloquos, exordium sacri Ordinis diligentius descripserimus: etiam de Reuerendissimorum Patrum quorundam, videlicet Abbatum Cistercij atque Clarevallis virtutum studijs, aliqua breuiter perstringemus: seniorum quoque qui in Claravalle purissimæ Religionis imitatores effecti, memoriam sui posteris in benedictione reliquere: quatenus per hæc fidelis quilibet & deuotus proficiat in fide roboratus: infidelis autem & detractor liuidum cordis oculum purgans, Religioso Ordini nequaquam detrahere, sed magis Religiosorum deuotionem imitari consuecat: aut certè propalatae veritatis radijs reuerberatus, maliciosæ derogationis materiam sibi subtrahā esse, contabescens ingemiscat. Si quem verò mouet, quòd Claravallensium tantum, & non etiam Cisterciensium seniorum mentionem fecimus, nouerit, nos ut Ecclesiæ Clarevallis alumnos, nostrorum seniorum sacra studia familiaritè & efficacitè inuestigare potuisse: nec ea quæ de paucorum sincera conuersatione, seu felici consummatione, ad absolutionem sponsionis nostræ descripsimus, innumerabilium seruorum Dei, qui tam in Cistercio, quàm in vniuersitate sacri Ordinis, spirituales agones viriliter desudarunt, præjudicare sanctitati. Cum igitur, sicut suprà diximus, in tantum negligentiae torporem Monasticus ordo collapsus fuisset, ut venientibus ad conuersionem, non tam profectus quàm periculū multis in locis imminere videretur: nec spes vlla restorationis vspiciam arrideret: omnipotens Deus qui seruos suos ab æterno præscitos in tempore vocat & iustificat, ut in æternū quandoque glorificet: dum medium silentium tenerent omnia, Spiritum sanctū suum de secretis coelestibus à regalibus sedibus misit in corda quorundam fratrum: qui in Cœnobio quodam degebant, quod in Burgundiæ partibus situm Molisimus vocatur. Hi itaque serui Dei pauci numero, sed igne illo quem Dominus Iesus mittit in terram, & vult vehementer accendi, fortiter inflammati: dum quotidianas Regulæ lectiones in Capitulo audirent, & aliud regulam præcipere, atque aliud consuetudines Ordinis tenere perpenderent, grauissimè contristabantur: videntes se ceterosque monachos Regulam beati Patris Benedicti solemni professione seruaturus fore promississe: sed secundum instituta ejus nequaquam viuere. Primitus ergo priuatim sepius inter se colloquentes, transgressionem suam conque-

rebantur : & quonam modo hujus tanti mali remedium inuenire possent, sollicitè tractabant. Cum verò postea verbum effusum esset in publicum, cæteri qui carnales erant, nec poterant dicere cum Propheta, quia *de excelsis misit ignem in osibus meis : & erudiuit me*, seruos Dei deridere, modisque omnibus, quibus poterant, ut à tam sancto proposito cessarent, infestare cœperunt. At illi qui spiritu Dei agebantur, & propterea liberi erant, non curantes eorum maliuolas insectationes; toto mentis annisu ad Deum conuersi, precibus instantissimis postulabant, ut Domini pietas eos ad talem locum dirigere dignaretur, in quo vota labiorum suorum, quæ secundum Regulam firmauerant, sed non seruauerant, reddere possent. Deinde considerantes, quod Apostolus monet, non omni spiritui esse credendum; & quod regula quam modis omnibus perfectè seruare cupiebant, præcipit corripere eum, qui sine permissione Abbatis quippiam facere præsumpserit, Abbatē suum humiliter adeunt: de transgressione Regulæ querimoniam proponunt, voti sui feruentissimum desiderium pandunt: & ut ejus consilio pariter & auxilio, quod Spiritu sancto inspirante mente conceperant, perficere possint, suppliciter precantur. Nutu verò Dei ad horam compunctus Abbas ille, propositum seruorum Dei laudat: & non solum consilium auxiliumque se præbiturum, verum etiam seipsum indiuiduum comitem eorum in tam sancto proposito futurum, firmissimè pollicetur. Quo audito humiles spiritu fratres illi magnificè corroborati sunt: tunc primùm intelligentes, quòd verè à Domino egressus est sermo: nec somnia cordis sui in tali desiderio secuti sunt: sed dexteram Dei viui virtutem operantis in eis

Thren. 1.

1. Ioan. 4.

Hic Abbas
erat S. Robertus, qui
sanctamiam
tunc vitam
ducebat.

Caput XI.

Quòd Dominus Robertus Abbas, & Fratres cum eo, desiderium innouandæ Monasticæ Religionis habentes, legatum sedis Apostolicæ adierunt.

ITAQVE magnanimes viri innumerabilium militum Christi ducēs & signiferi futuri, non tam nouarum quàm magnarum rerum, totique mundo profuturarum cupidi, cum assiduo tractatu quærent inter se, qualiter id quod piè cupiebant, congruenti modo ad effectum perducerent: consulto rationis iudicio prudenter aduertere, loci vel Ordinis sui mutationem, absque sedis Apostolicæ consensu, se præsumere nequaquam debere. Erat tunc in Galliarum partibus sedis Apostolicæ Legatus, venerabilis Hugo Lugdunensis Archiepiscopus: vir Religione, prudentia, & auctoritate venerandus. Hunc prædictus Abbas & fratres, qui desiderio innouandæ Monasticæ religionis flagrabant, adeunt, æstus & vota cordium suorum humiliter pandunt, consuetudines Ordinis à Regula quàm erant professi, nimium discrepare conqueruntur: & propterea manifestè perjurij crimen se scienter incurrisse dolendo farentur. Addunt præterea, se vitam suam ex integro secundum instituta Regulæ Sancti Patris sui Benedicti ordinare velle, & ut eis ad hoc liberius exequendum, idem legatus sui iuaminis robur Apostolica auctoritate porrigat, constanter flagitant. Dominus autem Legatus cum esset prudens & discretus, consideratis subtiliùs allegationibus eorum, laudabiliter eos moueri pronuntiauit: ipsorumque spiritalibus votis lætis auspicijs fauens, tali epistola eos ad perficiendum tota libertate, quod pia mente conceperant, exhortatus est.

Epistola Hugonis Apostolicæ Sedis Legati, per quam Cisterciensis Ordinis exordium sua auctoritate fundatum est.

HVGO Lugdunensis Archiepiscopus, & Apostolicæ Sedis Legatus, Roberto Molismensi Abbati, & fratribus cum eo secundum Regulam Sancti Benedicti servire Deo cupientibus. Notum sit omnibus de Sanctæ matris Ecclesiæ profectu gaudentibus, vos & quosdam filios vestros Cœnobij Molismensis Fratres, Lugduni in nostra præsentia astitisse, ac Regulæ beatissimi Benedicti, quam huc usque tepidè ac negligenter in eodem Monasterio tenueratis, arctius deinceps atque perfectius inhærere velle, professos fuisse. Quod quia in loco prædicto pluribus impedientibus causis constat adimpleri non posse: nos utriusque partis salutem, videlicet inde recedentium, atque illic remanentium, providentes; in locum alium, quem vobis diuina largitas designauerit, vos declinare, ibique salubrius atque quietius Domino famulari, utile duximus fore. Vobis ergo tunc præsentibus, videlicet Roberto Abbati, fratribus quoque Alberico, Odoni, Ioanni, Stephano, Leraldo, & Petro: sed & omnibus, quos regulariter & cōmuni consilio vobis sociare decreueritis, hoc sanctum propositum seruare, & tunc consulimus: & ut in hoc perseueretis præcipimus, & auctoritate Apostolica per sigilli nostri impressionem in perpetuum confirmamus. Post hæc præfatus Abbas & sui tanta ac tali auctoritate freti, Molismum redierunt, & de illo fratrum collegio socios remissioris vitæ blanditias respuentes, ad puritatem simplicitatemque sacre Regulæ purè simpliciterque tenendam prompto animo flagrantem, elegerunt: ita ut inter eos qui legato Lugduni astitierant, & illos quide Cœnobio vocati sunt, viginti & unus monachi essent, qui perfectioris vitæ, & Regulæ S. Patris Benedicti ad literam tenendæ desiderio, arctam & angustam viam ingressi sunt.

Septem primi fundatores Ordinis Cisterciensis.

Caput XIII.

Qualiter & quoto anno Dominica Incarnationis, Sancti Patres Cisterciensis Ordinis de Molismo egressi, eremum Cisterciensem adierunt.

ANNO igitur ab Incarnatione Domini millesimo nonagesimo octauo, Dominus Robertus Molismensis Cœnobij in Episcopatu Lingonensi fundati Abbas, & cum eo fratres quorum Deus tetigerat corda, malentes cum dilecto patre suo Benedicto pro Deo laboribus fatigari, quam vitæ hujus commodis resolui, de Molismo egressi sunt: atque ad locum quem proposito suo congruum iam antè per gratiam Domini præviderant, id est ad eremum, quæ Cistercium dicebatur, alacriter tetenderunt. Qui locus in Episcopatu Cabilonensi situs, & pro nemoris spinarumque densitate tunc temporis accessui hominum insolitus, à solis habitabatur feris. Ad hunc itaque locum horroris & vastæ solitudinis viri Dei venientes, tantòque illum Religioni, quam jam dudum mente conceperant, & propter quam illuc aduenerant, habiliorem, quàm tunc secularibus despicabiliorem, & inaccessibleiorem intelligentes: nemoris ac spinarum densitate præcisa ac remota: Monasterium ibidem voluntate Cabilonensis Episcopi, & consensu illius, cujus ipse locus erat, construere cœperunt. Eodem itaque anno, quo prædiximus, duodecimo Kalendas Aprilis, solemnidie natalis sanctissimi Benedicti, quem geminata lætitia tunc celebrem reddiderat, ob Dominicam Palmarum, quæ in ipsum occurrerat, lætantibus Angelis, tabescentibus

Cistercium olim vasta eremus.

Dæmonibus; Cisterciensis domus, ac per hoc totius Cisterciensis Ordinis Religio, per viros ad Christianam philosophiam penitus expeditos exordium sumpsit, prudenti sanè consilio: ut qui canonē diuini seruitij cunctūque vitæ suæ ordinem, secundum formam in Regula præscriptam disponere decreuerant, hoc in ejus potissimum natali, qui legem per Spiritum viuificantem ad multorum salutem dederat, felici omine inchoarent. Ecce summus & æternus pastor, qui relictis in supernis montibus, in æternæ viriditatis pascuis beatis ouibus, dignationæ suæ gratiæ descendit, vnam in hac lachrymarū valle errantem querere: nouo miserationis suæ ordine caulas pietatis statuens, signum salutis super eas exaltauit: quatinus ouiculæ ipsius moribundæ & languidæ, quæ spinis cupiditatum & voluptatum carnalium irretitæ, per siluas vitiorum vagabantur, audientes vocem turturis ad caulas pietatis inuitantis, veri Samaritani stabulū, vino pœnitentiæ, oleoq; remissionis peccatorū curandæ intrarent: demumq; salutis signum veraciter apprehenderent. Sicut enim initio gratiæ, nascente Christo domino Salvatore nostro, mundus dum nesciret, pignus redemptionis nouæ, reparationis antiquæ, felicitatis æternæ, suscepit: sic in diebus istis nouissimis refrigerentē jam caritate, & abundante vsquequaque iniquitate, omnipotens & misericors Deus ejusdem gratiæ suæ seminarium plantauit in eremo Cisterciensi: quod Spiritus sancti pluuia rigatum, spiritualis pinguedinis largissimum sumpsit incrementum, crescens & proficiens in arborem grandem, pulchrā & fructiferam nimis: ita ut diuersarum nationum populi tribus & linguæ, sub vmbra ejus requiescere, atque de fructu ipsius se satiare gratulentur. Ceterum Domnus Archiepiscopus Apostolicæ Sedis Legatus, cujus benedictione, præcepto, & autoritate, tantum bonum stabile fundamentum acceperat, considerans paupertatem seruorum Dei, & quia in loco sterili quē occupauerant, prorsus nec subsistere, nec ædificia construere possent, nisi personę alicujus potentis adminiculo fulcirentur: scripsit ad illustrem Principem Odonem tunc Burgundię Ducē, petens & suadens, quatenus pauperes Christi zelum gloriæ Dei & monastici Ordinis habentes foueret, & manuteneret; eorumque necessitatibus secundum magnificentiā principatus sui subueniret. Cujus petitioni & consilio Domnus Odo Burgundię Dux acquiescens, fratrum etiam illorum feruore delectatus, Monasterium ligneum, quod ipsi in paupertate sua inceperāt, de suis impensis totum consummauit, eosque ibidem in omnibus necessarijs diu procurauit: terris etiam & pecoribus abunde subleuauit.

*Cistercium
die Palma-
rum & festo
S. Benedicti
sumpsit exor-
dium.*

Caput XIV.

Quod locus ille, consensu Cabilonensis Episcopi, ad cuius Diocesim pertinebat, Canonice in Abbatiam surrexit, & de recessu Abbatis illius, qui aduenerat.

Eodem tempore Abbas qui aduenerat, ab Episcopo Cabilonensi, ad cuius Diocesim locus ipse pertinebat, virgam pastorale cum cura animarū jussu prædicti Legati suscepit: & monachos, qui secum aduenerant, in eodem loco stabilitatē firmare regulariter fecit: sicq; Ecclesia illa diuino pariter & humano fauore vallata, Apostolica quoque autoritate munita, in Abbatia secundum Regulam S. Patris Benedicti disponēdam surrexit. Haud multo verò post elapso temporis spatium, Molismeses Monachi voluntate Domni Gaufridi Abbatis sui, qui Roberto successerat, nuntios

*S. Robertus
1. Abbas
Cistercy.*

ad Romanam curiam destinarunt, à Domino Papa Urbano importunè postulantes, quatenus præfatus Abbas Robertus loco pristino, id est Molis-
mensi Ecclesiæ redderetur. Quorum importunitate Dominus Papa man-
dauit Legato suo, venerabili scilicet Hugoni, ut si fieri posset, idem Abbas
reuerteretur, & monachi eorum diligentes in pace consisterent.

Caput xv.

*De promotione beati Stephani secundi Cisterciensis Abbatis, qualia instituta ipse
nouello adhuc Ordini superaddiderit, qualiter etiam sub eo multiplicatus
sit Ordo, & quibus virtutibus clauerit.*

*Exciderunt,
quæ hic de
B. Alberico
fuisse dî-
cenda.*

Post decessum sui Pastoris Cisterciensis Ecclesia adhuc pauper & mo-
dica conuenit, de electione Abbatis sine personarum acceptione tracta-
tura. Et mediante gratia Spiritus sancti elegerunt virum bonum, nomine
Stephanum, natione Anglicum, qui cum eis de Molismo exierat: virum
conspicuæ sanctitatis, omniumque virtutum gratia decoratum, eremi ama-
torem, & feruentissimum sanctæ paupertatis æmulatorem. Hic beatus vir
in adolescentia sua exiens de terra & cognatione sua, limina Sanctorum
Apostolorum peregrinus adiit. In quo itinere non otiosis fabulis, sicut fie-
ri solet, occupabatur: sed cum socio suo diuinis laudibus vacans, Psalteriū
ex integro quotidie decantabat. Peregrinationis autem voto peracto, cū
ab vrbe rediens Gallias intrasset, suprā dictum monasterium Molisium
adiit, ibique sacrum monastici ordinis habitum suscepit. Postmodū verò,
cū verbum innouandæ Religionis in eadem domo motum fuisset, ipse
primus inter primos feruentissimo studio laborauit, ac modis omnibus in-
stitit, ut locus & Ordo Cisterciensis institueretur: cuius ipse postmodum
ordinante Deo, pastor & doctor eximius erat instituendus. Quod cū do-
nante Domino, sicut præfati sumus, factum fuisset: tāquam fidelis & pru-
dens dispensator, cœpit illic deuoissima mentis intentione tractare, qua-
liter Ordinem suum nouiter fundatum, & adhuc in multis vacillantem:
quippe nondum perfectis, & meram paupertatem redolentibus instituti-
onibus excultum, in melius prouheret & extolleret, talique moderamine
roboraret, ut Domino Iesu fructum plurimum afferre valeret. Conuocatis
itaque fratribus suis, & habito cum eis consilio, tam ipse quàm fratres ejus
interdixerunt, ne Dux terræ illius, seu alius aliquis Princeps, curiam suam
aliquo tempore in illa Ecclesia teneret: sicut in solemnitatibus agere sole-
bant. Deinde, ne quid in domo Dei, in qua die ac nocte Deo deuotè ser-
uire cupiebant, remaneret, quod superbiam aut superfluitatē redoleret:
aut paupertatem virtutū custodem, quam sponte propter Deum elegerāt,
aliquando corrūperet: confirmauerunt, ne retinerent cruces aureas vel ar-
genteas, sed tantū ligneas coloribus depictas: neque candelabra, præter
vnum ferreū: neque thuribula, nisi cuprea vel ferrea: neque casulas, nisi de
fustaneo, vel lineo, sine palleo aureo & argēteo: neque albas vel amictus
nisi de lino, similiter sine palleo aureo & argēteo. Pallia verò omnia, &
cappas atque dalmaticas, tunicasque, ex toto dimiserunt: calices tamen nō
aureos, sed argenteos, & si fieri potest, deauratos: fistulam argenteam, &
si possibile sit, deauratam; stolas quoque ac manipulos de palleo tantū, sine
auro & argento retinuerunt. Pallē autem altarium, ut de lino fieret & pla-
næ sine pictura, statuerunt, & ampullę ad ministerium altaris sine auro &
argento essent. His & huiusmodi sanctis & Deo placitis institutis, novum
Ordinem

*Vide amorē
paupertatis
etiam in Ec-
clesiastica
suppellectile.*

Ordinem suum serui Dei robóran-
tes, & ex ijs quæ prius in vſu habuerút,
alia quidem tamquam veræ humilitati contraria penitus amputantes, alia
verò melioribus, & sanctam paupertatem magis redolentibus consu-
dinibus commutantes, posuere praua voluptatum in directa continentia,
& aspera vanitatis & superbiæ in vias planas iustitiæ: ita vt secundum Pro- *Isai. 35.*
phetam etiam stulti in hac via errare non possint. O quanti in Ordine
Cisterciensi ligone exculi disciplinæ, fructus reddunt continentię: qui si
alibi locati fuissent, vbi disciplinæ rigor minimè vigeret, per voluptatum
& carnalium desideriorum monstruosa portenta facile præcipitarentur.

Quapropter nequaquam putandum, sanctum Ordinem nostrum adin- *Ordo Cister-*
uentiones esse hominum, sed verè Spiritus sancti magisterio traditum: *cienſis à spi-*
qui sacrae religionis candorem, quem negligentia cordis humani ab ado- *ritu sancto*
lescentia in malum proni denigrare non cessat, réporibus opportunis per *est.*
humiles seruos suos reparare non desinit: vt non gloriatur in conspectu
Domini omnis caro: & longè sit ab omnibus religiosis blasphemà illa
vox, de sua prudentia & industria præsumentium & dicentium. *Manus Deuter. 32.*
nostra excelsa, & non Dominus fecit hæc omnia. Cùm itaque venerabilis Ab-
bas Stephanus & fratres eius quotidianis virtutum incrementis in melius
proficerent, & felici experientia probarent, quoniam bona erat negoti-
tio eorum, dare scilicet terrena, temporalia, atque caduca; & recipere
cælestia, æterna, diuina: vnum erat, quod spirituales eorum exultationē
interpolabat, & non mediocri tristitiæ subdebat; quod scilicet rarò quis
illis diebus ad eos causa conuersionis veniebat. Viri enim sancti thesau-
rùm virtutum cælitus inuentum successoribus suis ad multorum salutem
profuturum committere gestiebant: sed ferè omnes videntes & audien-
tes vitæ eorum asperitatem insolitam & quasi inauditam, plus corde &
corpore se elongare, quàm approximare eis festinabant, & de perseveran-
tia eorum penitus desperabant. Sed Dei Omnipotentis misericordia,

qui hanc militiam spirituales seruis suis inspirare dignatus est, ad mul-
torum profectum magnificè eam amplificare & consummare decreuit: si-
cut sequentia declarabunt. Nam cùm ferè ostio desperationis appropin-
quantes, deuotissimis precibus ad Dominum clamarent, pro eo quòd pe-
nè successoribus carerent, petentes, vt viscera misericordiæ suæ super eos
Dominus effundere dignaretur: meritis & precibus, vt credimus, beatissi-
mæ Dei genitricis & virginis Mariæ, cuius sancto nomini specialiter Ordo *Ordo Cister-*
noster attitulatus est, necnon & Sanctissimi Patris nostri Benedicti, cuius *cienſis B. Vir-*
prædicti fratres ex integro Regulâ seruatu-
ros promiserant, exaudiuit Dñs. *gini sacræ.*
preces eorum. Et suscitauit Dominus spiritum pueri junioris, cui nomen
Bernardus; qui cùm esset adolescēs, nobilis, delicatus, & literatus, tam va-
lido igne diuini amoris accensus est, vt relictis vniuersis mūdi voluptatibus
& diuitijs, Ecclesiasticis quoq; dignitatibus, arctissimā conuersationē Cister-
ciensem tãquam primitiæ frugū Dñi deuoto animo proponeret imitari. O
quàm mirabilis est Deus in operibus suis, quàm velociter currit sermo ejus,
quàm facilia sibi fore demonstrat, cùm voluerit, quæ apud homines impos-
sibilia sunt. Cùm enī non solum nobiles & diuites, sed etiam mediocres,
ipsi quoque pauperes, videntes Ordinis asperitatem, detrectarēt accedere
ad eos, iste tam tener & delicatus iuuenis, quasi de cella vinaria præueniē-
tis se gratiæ Dei egressus, & inebriatus vino, quod letificat cor hominis,
feruens & æstuans circuibat & prædicabat verbum vocationis, quod in se-

*Apocal. 12.**S. Bernardus Cisterciensis cum alijs 30. adijt.*

creto cordis sibilo auretenus audierat, cupiēs & alijs propinare, sicut scriptum est. *Qui audit, dicat, veni.* Vnde factum est, ut associatis sibi fratribus suis, propinquis & amicis, alijsque nobilibus, literatis, & potentibus in sæculo viris, triginta simul in Ecclesia Cisterciensi cellam nouitiorum alacriter intrarent: & in spiritu fortitudinis contra vitia carnis & incitamenta malignorum spirituum incipientes decertare: & suadebant cæteris hominibus, non verbis, sed factis, omnem illam asperitatē Ordinis, quam refugiebant, non esse aliud, nisi jugum Domini suaue, & onus ejus leue. Quorum exemplo prouocata innumera multitudo hominum diuersę etatis & conditionis, nobiles, mediocres, pauperes, ita stabulum illud Christi pannis innocentie ejus obuolutum repleverunt, ut fratres illo tædio & desperatione posteritatis afflictos mirabiliter lætificarent: & tamquam è stagno rationabilium piscium pennulis pię intentionis, & squamis sanctę operationis munditiam suam declarantium, rivuli multorum cœnobiorum exundantes, vniuersas occidui orbis partes occuparent.

Caput XVII.

Quomodo Abbas Stephanus dilatationem sui Ordinis, Domino reuelante, & defuncto fratre sibi vigilanti apparente, recognouit.

HANC inspiratam diuinę visitationis gratiam Dominus humili seruo suo Domno Abbati Stephano, paulò antè quàm fieret, clementissima reuelatione præostendere dignatus est. Cùm enim, sicut suprà retulimus, graui mœrore afficerentur, pro eo quòd successoribus penè carerent, accidit, ut vnus ex eis presentis vitę cursu consummato, tamquam emeritę militię famulus in gaudium Domini sui introducendus, & laboris sui brauium recepturus, morti approximaret. Qui cùm jam in extremis ageret, venerabilis Abbas tædio desperatę posteritatis nimium affectus, ausus est aliquid præsumere, quod quidem temeritati ascribi potuisset: si non pietas intentionis præsumentem excusasset. Cùm enim constet, quòd quidquid agant homines, intentio iudicet omnes: credimus, quia coram oculis Domini pietas intentionis, & durę articulus necessitatis nẽvum excluderet præsumptionis. Dum itaque, sicut præfati sumus, frater ille in extremis positus finem vitę præstolaretur, accedens ad eum Abbas sanctus, talia locutus est. Vides carissime, in quanto tædio & defectione mentis verlamur, quia arctam & angustam viam, quam in Regula nobis beatissimus pater noster Benedictus proposuit, vtcumque ingressi sumus: sed vtrum hæc nostra conuersatio Deo placeat, necne, non satis nobis constat: præsertim cùm ab omnibus vicinis monachis tamquam nouarum rerum adinuentores, & scandali schismatisque incētores dijudicemur. Super omnia verò mœroris acerbissimi jaculo transfigit cor meum paucitas nostra: quoniam singuli quotidie morte interueniente tollimur è medio, & sicut valde pertimesco, nobiscum pariter hæc noviter cœpta religio finem accipiet: quoniam personas industrias, & ad humilitatem sanctę paupertatis idoneas, vsque ad præsens Dominus associare nobiscum nequaquam dignatus est; per quas hujus nostrę institutionis formulã ad posteros transmittere valeamus. Quapropter in nomine Dñi nostri Iesu Christi, pro cuius amore arctã & angustam viã, quã ipse in Euangelio sequacibus suis pponit, ingressi sumus, & in virtute obediētię tibi præcipio, quatenus post obitũ tuũ, tẽpore & modo, quo ejusdem Dñi nostri gratia decreuerit, ad nos redeas: &

Præceptum redeundi post mortem moribundo impostum.

de statū nostro, quantum ipsius misericordia voluerit, certos nos facias. Cui eger. Faciam, inquit, libenter, domine pater, quod precipis: si tamen precibus tuis adjurus mandatum tuum effectui mancipare valero. Dixit, & post modicum de conualle plorationis ad montem gaudij, ad montem æternæ beatitudinis feliciter ascendit. Pauci post hæc fluxerant dies, & venerabilis Abbas cum conuentu fratrum in labore positus, sicut moris est, pausandi dederat signum, ipse quoque paululum remotus ab alijs, meditationi insistent, caputio coopertus caput, sedebat: & ecce frater ille defunctus magna claritatis gloria perfusus repente coram ipso astitit: ita tamē vt magis in aëre ferri, quā in terra consistere videretur. Requisitus quomodo se haberet, vel qualiter sibi esset, respōdit. Bene, optime pater, bene mihi est, bene sit & tibi: quia per doctrinam & sollicitudinem tuam illius interminabilis gaudij, illius incomprehensibilis pacis Dei, quæ exuperat omnem sensum, participium merui: pro qua adipiscenda duos noui Ordinis nostri labores patienter & humiliter sustinui. Et nunc juxta præceptum tuum redij, gratiam & misericordiam Domini nostri Iesu Christi tibi pater, & fratribus tuis annuntians. Quia verò præceperas, vt de statu vestro vos certificare deberem: sciatis, & omni scrupulo dubietatis excluso certū teneatis, quod sancta & Deo placens est vita & conuersatio vestra. Porro mœrorem qui de non relinquenda posteritate precordia tua nimium depascitur, quantocius à te repelle, & in jubilum & exultationem spiritualem euade: quoniam adhuc dicent filij sterilitatis in auribus tuis. Angustus est nobis locus: fac spatium, vt habitare possimus. Ecce enim jam nūc ex hoc tempore magnificabit Dominus facere nobiscum, mittens nobis personas multas: inter quas erunt nobiles & literati viri plurimi, qui ita domum istā replebunt, vt hinc tamquam examina apum æstuantia & redundantia euolantes, plurimas mundi partes penetrent: & de semine Domini benedictio, quod in hoc loco per gratiam ejus coaluit, multiplices sanctarum animarū manipulos de vniuersis mundi partibus collectos cælestibus granarijs inferant. His auditis Abbas sanctus gaudio & exultatione repletus, diuinę pietati gratias ex intimis medullis cordis retulit: felici experimento probans, quā veraciter Scriptura testatur, quoniā non derelinquet Dominus sperantes in se. Parabat nuntius cælestis abire: sed sine benedictione patris spiritualis, quod mirum dictū est, minimè præsumpsit. Dixit itaq; Abbati. Tempus est, domine pater, vt reuertar ad eum, qui me misit: & propterea peto, quatenus benedictione tua me firmatum dimittas. Cui stupens & pauens Abbas respondit, Quid est, quæso, quod loqueris? Tu de corruptione ad incorruptionem, de vanitate ad veritatem, de tenebris ad lucem, de morte ad vitam transtisti: & à me, qui sub his omnibus adhuc miserabiliter gemo, benedictionem petis? Hoc contra omnē juris & rationis integritatem esse videtur. Ego potius à te debeo benedici: & propterea obsecro, vt benedicas mihi. Cui ille. Non ita cōuenit, pater. Tibi enim à Domino collata est benedicendi potestas, vtpote in apice dignitatis & spiritualis magisterij constituto: mihi verò discipulo tuo, qui per salutarem doctrinam tuam mundi hujus inquinamenta deuitali, benedictionem à te accipere, optabile est. Nec enim prorsus hinc recedam, nisi benedictionem tuam meruero. Abbas namque stupore & admiratione repletus, nec ausus ultra pertinaciter reniti, eleuata manu benedixit ei:

*Anima dñi
sancti monachi S. S. r.
phano apparet.*

Is. ii. 49.

*Psal. 9.
& 16.*

*Ennon vox
est hebraica,
de qua in
notis.*

sicque sancta illa anima disprens, speciem visibilem, quam assumpserat, secretis invisibilibus restituit. Altera vice cuidam ex eisdem fratribus viam vniuersę carnis ingressuro apparuit in visione innumera multitudo hominum prope oratorium ejusdem Ecclesię, ad fontem quendam lucidissimum lauans vestimenta sua: & in ipsa visione dictum est ei, quia fons ille fons Ennon vocaretur. Quod cum indicasset Abbati, intellexit vi magnificus diuinę per hoc consolationem significari: & multum quidem jam tunc quidem de promissione, sed magis postea de exhibitione letatus, gratias egit Deo. Nam cum per continuos quatuordecim annos patientiam & fidem seruorum suorum Dominus per varias tribulationes & multam paupertatem probasset, & fideles eos inuenisset: quintodecimo demum a constitutione domus Cisterciensis anno, supradictas personas eis mittendo visitauit illos oriens ex alto. In ipsis etiam diebus in pratis vineis & agris, curtibusque, eadem Ecclesia crevit, nec tamen religione decrevit.

Caput XVII.

De eo quod Beatus Abbas Stephanus quadam secreta nouitij sui per spiritum prophetię deprehendit.

PVer Domini Bernardus, Clarevallensis Ecclesię postmodum primus futurus Abbas, cum adhuc apud Cistercium nouitius esset, solitus erat diebus singulis pro anima matris suę septem pœnitentiales Psalmos in silentio dicere. Die verò quadam cum supradictos psalmos post completorium inchoasset, omisit eos, per obliuionē nescio, an per somnolentiam, antequam perdixisset: veniensque ad litratum suum, quiete soporifera membra refecit, & solitam refectionem parenti non impendit. Abbas verò per spiritum cognita negligentia, die postera cōuenit eum dicens. Frater Bernarde, vbinam, quęso, illos Psalmos tuos hesternā die dimisisti, aut cui eos commendasti? Quod audiens adolescens, vt erat verecundus & timoratus erubuit: & cœpit intra se mirando cogitare & dicere. Domine Deus, quomodo palam factum est verbum istud, de quo mihi soli conscius eram? Et intelligens à viro spirituali se esse deprehensum, procidit ad pedes ejus, negligentiam cōfitens, atque indulgentiam petens. Qua facillē impetrata, curauit deinceps in hujusmodi tam priuatis quàm publicis obseruationibus sollicitior inueniri, & quę consulta ratione seruāda proposuisset, non facillē transgredi.

*Non facillē
deferenda
cōsuetudo pie-
tatis exerci-
tia.*

Caput XVIII.

De pisce S. Stephano calitus delato; & victu diuinitus concessō.

MInuerat aliquando sanguinem propter Christum pauper Abbas Stephanus: & propter inopiā domus, Cellerarius, cui ex pręcepto Regulę pauperum & infirmorum cura incumberebat, nil ad manum habebat, vnde pauperi & infirmo Abbati suo qualitercumq; lautius edulium prępararet. Et sincera charitate Abbatem suum diligens discurrebat, si fortē alicubi aliquid inueniret, vnde charitatem, quę intus ardebat, etiam foris ostenderet: cum ecce grādis quędam auis aduolat, non mediocris quantitatis piscē vnguibus ferens: quem continuo coram mirantium fratrum oculis projecit, & recessit; copiosam prędā Cellerario relinquens, vnde Abbatibus sui minutioni sufficienter prouideret. Instabat aliquando sacrosancta solemnitas Pentecostes: & in ipsa sacratissima die vix tanti panes inueniri in eadem domo poterant, qui fratribus sufficerēt. Tum verò fratres vehē-

menter exhilarati, tāquam si de ipsa paupertate sua, quam propter Deum sustinebant, saginarentur, Missam tantæ solemnitatis cū summa deuotione in iubilo cordis cantare cœperunt: & ecce nondum finita Missa de prop-
tuarijs gratiæ Dei largam benedictionem repente, vnde non sperabatur, sibi transmissam cum multa gratiarum actione susceperunt. In his & similibus vir Dei perpendens, quā veraciter Scriptura dicit, quoniā nihil de-
est timentibus Deum, largitatem etiam miserationum Domini super se & super fratres suos vehementer admirans, magis ac magis in sancta religio-
ne proficiebat, & beatę paupertatis angustijs gloriabatur, sicut in omni-
bus diuitijs.

Psal. 33.

Caput XIX.

De hujus Sancti deuotione & humilitate.

CÆterum quā non surdus auditor sanctæ Regulę fuerit, præcipiētis, vt sic stemus ad psallendum, vt mens nostra concordet voci nostræ, ex eo quod subdimus, liquebit. Mos erat ei, vt lecta collatione cū Eccle-
siam intraret, ostium Ecclesię manu teneret, & digitis firmius, quasi pro signo premeret, sicut solent homines signum aut nodum facere: quatenus per hoc admoniti, memoriæ arctius imprimant, quod obliuisci nolunt. Cumq; hoc frequenter faceret: quodam die vnus de fratribus cui familia-
ritas ausum præbebat: interrogauit eum, cur hoc faceret. Cui pater sanctus; omnibus, inquit, cogitationibus, quas ex injuncto officio pro dispositio-
ne domus per diem admittere cogor, dico, vt foris remaneant, nec pror-
sus ingredi mecum præsumant: sed expectēt, quousq; dicta prima hic eas inueniam. Quod audiens frater ille multum ædificatus est: nimirum intel-
ligens sancti Patris conuersationem cōmunem cæterorum negligentiam transcendisse. Quantę verò humilitatis fuerit hic verè pastor, non merce-
narius, quāmq; odio habuerit omnem fastum superbię, ferula pastora-
lis ejus cum qua in festiuis processionibus incedere solebat, satis indicat: quæ vsque hodie in Cisterciensi secretario ob reuerentiā tanti patris conser-
uata, & in magna veneratione habita, non multum à communibus susten-
tatorijs, quibus senes & debiles inniti ferè solent, distare videtur. Hic est
beatissimi patris nostri Bernardi in sancta religione pater: hic tam perfectus
magister, perfectissimum habere discipulum meruit: quorum doctrina &
exemplis, vsque hodie innumera captiuitatis vasa regi superbię, idest dia-
bolo auferuntur: & Christo Dño verò Regi humilitatis incorporantur.

S. Benedikt.
in Reg. c. 19.Qualis bac-
culus pasto-
ralis S. Ste-
phani.

Caput. XX.

De eo quod S. Stephanus misit fratrem quendam ad nundinas, sine pecunia,
vt necessaria emeret: prædicens ei cuncta prospera futura.

QUODAM tempore cum domus Cisterciensis magna fuisset paupertate
constrieta, venerabilis Abbas Stephanus vocauit vnum ex fratribus
suis: & loquēs ad eum in spiritu Dei, dixit. Vides carissime frater, quia ma-
gna coarctati sumus inopia: & prope est, vt fratres nostri fame & frigore
cæterisq; molestijs periclitentur, nisi eis concitè subueniatur. Vade ergo
ad nundinas Verzelliaci, quæ proximè instant: & compares ibi quadrigas
tres, & earū singulis ternos equos fortes atque tractores; quibus maxime
indigemus ad onera nostra comportanda. Cūmq; quadrigas illas pānis
& alimentis, alijsque rebus necessarijs oneraueris: adducēs eas tecum, cum
gaudio & prosperitate reuerteris ad nos. Respondens autem frater, dixit.
Paratus sum Domine Pater, vt tuis jussionibus obsequar, si pretium dede-

*Fiducia in
Deum quā-
ta sit vis &
efficacia.*

ris mihi ad illa subsidia comparanda. Cui venerandus Abbas in paupertate sua de misericordia Dei magnificè præsумens, respondit. Verè frater scias, quia cū sollicitus & anxius quærerem, vnde necessitatibus fratrum nostrorum subuenirem, tres tantū denarij in tota domo ista reperti sunt. Hos si volueris tolle: reliqua verò quæcūque defuerint, tibi Domini nostri Iesu Christi gratia providebit. Securus itaque vade: quia mittet Dominus Angelum suum tecum, & prosperum faciet iter tuum. Profectus itaque frater cū Verzeliacum peruenisset, à quodam viro fideli & timorato hospitio receptus est. Qui dum itineris ejus causas, & fratrum indigentias agnouisset: abiit in instanti ad quendam locupletissimum hominem finitimum suum, qui desperatè languens, ac pene iam moriens, facultates suas pauperibus erogabat. Cūq; Cisterciensium monachorum, quorum jam in partibus illis sanctitas celebris habebatur, eidem infirmo penuriā indicasset, vocatus est ad domum ejus supradictus frater: tantamque pecunię summā in eleemosyna ab ipso moriente recepit, ut cuncta quæ ei iniunxerat Abbas sufficienter ex ea compararet. Acceptis itaque tribus rhedis cum nouem quadrigarijs equis, oneravit atque ornauit eas cunctis quę fratrum vñibus oportuna esse cognouit: & ita qui vacuus venerat, secundum prophetiā Abbatis plenus & gaudens ad suos remcauit. Cumque Cistercio appropinquaret, nuntium misit, qui Abbati significaret ejus aduentum pariter & prouentū. Quo audito venerabilis Pater exultauit in Domino vehementer: & convocatis in vnum fratribus ait. Deus miserationum Dominus: Deus miserationum liberè ac liberaliter egit. Verè nobiliter, verè eleganter egisti nobiscum, Domine procurator & pastor noster: aperiēs manum tuam & implens benedictione tua penuriam nostram. Tunc ordinata processione, occurrerunt obviam venienti fratri vsque ad portam, ita ut Abbas ipse procederet indutus vestibibus sacris cum pastoralis virga, ministris præcedentibus eum cum cruce & aqua benedicta. Exceperunt ergo soléniter, & cum multa gratiarum actione eleemosynam illam, non ut ab homine præstitam, sed tãquam cælitus missam benedictionem à Domino, & misericordiā à Deo salutari suo. Porro vir iste prudens & spiritualis, sicut intelligi datur, in hac tam celebri susceptione beneficij filios suos tam præsentēs, quàm posteros, admonere voluit, ut hujus miraculi gratiā iugi meditatione retinerēt: atq; ex eo discerent, in cunctis necessitatibus suis pia confidentia præsumere de misericordia Dei, qui nūquam deserit sperantes in se: sed est semper pauperum suorum pijsissimus consolator, atq; adiutor in oportunitatibus in tribulatione. Ab illo ergo die & deinceps, sicut in illa domo, largiente Domino, spiritualia semper abundant, ita non defuerunt etiam tēporalia bona: quamvis juxta Ordinis instituta, parcitas in omnibus obseruetur.

Caput XXI.

Quod Ecclesia Cisterciensis Cænobia in diuersis Episcopatibus fundauit: & de institutione Capituli Generalis; & de Priuilegio, quod Dominus Abbas Stephanus cum Coabbatibus suis à Sede Apostolica promeruit.

POSTQUAM diuina largiente gratia crescente numero personarum in Cisterciensi Ecclesia, cœpit jam mater multorum filiorum lætari, quę prius diu sterilitatē suā mœrendo doluerat, cœpit etiam vinea illa Domini Sabaoth longè latèq; ppagines suas omittere, & in duersis locis, diuersisque regionibus ciuitates refugij constituere: ut qui sanguinē animarum fudissent,

ad illas confugientes, per mortem summi Pontificis, qui per propriū sanguinem semel introiuit in sancta, eternam redemptionem, & exilij sui perpetuam absolutionem inuenire mererentur. Sanè Abbatia, quas eadem Ecclesia in diuersis Episcopatibus ordinauit, tam larga potentique benedictione Domini crescebant in dies, ut ab illo tempore quo fundata est Firmitas, quæ est primogenita filia domus Cisterciensis, & pulchrè significatione nominis sui firmitatem & stabilitatem Ordinis jam tunc præfigurabat, inter illos qui de Cistercio specialiter sunt emissi, & ceteros, qui ex eisdem sunt exorti, infra octo annos duodecim Cœnobia constructa fuerint inuenta. Iucundo namq; satis spectaculo & in hoc beatissimi patris Benedicti imitatores extitere, qui vitam & instituta ipsius toto conamine mētis æmulari cupiebant: ut sicut ille statutis patribus duodecim monasteria construxit, quibus præcepta Regulæ suæ seruanda tradidit; sic & isti in renouatione Ordinis secundum eandem Regulam duodecim cœnobia statuerunt, quæ in similitudinem duodecim Apostolorum Christi Spiritus sancti gratia debriata, salutis poculum vniuerso mundo propinarent. Verum, antequam Abbatia Cistercienses florere inciperet, Reuerendissimus pater Stephanus cum consilio fratrum suorum decretū, quod charta charitatis vocatur, Spiritu sancto inspiratus exarauit: in quo docemur, qualiter cœnobia Ordinis nostri per diuersas mundi partes propagata, diuersis quoq; linguis diuersa, mirabili charitatis connexionem, & honoris in inuicem exhibitione conglutinata, vna Ecclesia, vnus Ordo, vnum denique in Christo corpus efficiantur. Hoc verò decretum propterea chartā charitatis appellari censuit, quia eius statutum omnis exactionis grauamen propulsans, solam charitatem & animarum salutem in diuinis & humanis sequitur. Inter cætera sanè, quæ in charta charitatis ob pacis charitatisque custodiam, disciplinæ & sacri Ordinis censuram conseruandam, mirabili prouidentia beati viri fratrumque ipsius digesta sunt, hoc præcipuum, & omni acceptione dignum inuenitur, ut cuncti Abbates Cisterciensis Ordinis semel per annum apud Cistercium conuenientes, generale Capitulum celebrent, & de totius vitæ suæ ordine, ac indissolubili pace inter se custodienda, diligentissimè tractent: quatenus tenor viuendi sæpius replicatus, ac diuinarum scripturarū autoritate corroboratus, non facile tepere, sed per multa plurimorum annorum spatia possit vigere. Hac ergo ratione ex tunc vsque ad hæc tempora, reuerendi patres Cisterciensis Ordinis semel per annum matrē suam visitant, generale Capitulum celebrant: & vñctione S. Spiritus edocti, capitula quæ in libro definitionum plenius descripta continentur, tamquam confecta ex diuersis speciebus antidota saluti animarum prorsus necessaria, per vniuersam congregationum nostrarum fraternitatem tenenda decernunt. Consideras autem pius pater Stephanus, talia nequaquam consultè absque Sedis Apostolicæ autoritate actitari, prædecessoris quoque sui religiosum imitatus exemplum, cum conuiuentia Coabbatum & fratrum suorum Romā misit, à Domino Papa Calixto tunc sedis Apostolicæ Pontifice suppliciter petens, quatenus ea quæ ipse cum Coabbatibus & fratribus suis, ad roborandam monastici ordinis disciplinam statueret, Apostolica autoritate in perpetuum rata & inconvulsa fore decerneret. Cujus petitioni summus Pontifex clementer annuens: ad confirmationem Ordinis tale decretum promulgauit.

Deuter. 19.
Iosue 20.

Firmitatis
nomen factum
fuit
omen.

Charta cha-
ritatis cur
sic appellata.

Decretum Calixti Papæ, Ordinem Cisterciensem confirmantis.

*Calixtus II.
electus anno
1119.*

** forè
habitum.*

CALIXTUS Episcopus, servus servorum Dei, carissimis in Christo filiis, Stephanov enerabili Cisterciensis monasterij Abbati, & ejus fratribus, Salutem, & Apostolicam benedictionem. Ad hoc in Apostolicæ sedis regimen Domino disponente promoti conspiciamur, ut ipso præstante religionem augere, & quæ rectè, atq; ad salutem animarum statuta sunt, nostri debeamus autoritate officij firmare. Idcirco filij in Christo carissimi, petitioni vestræ caritate debita impertimur assensum: & religioni vestræ paterno congratulantes affectu, Dei operi, quod cœpistis, manum nostræ confirmationis apponimus. Siquidem assensu & deliberatione communi abbatum, & fratrum monasteriorum vestrorum, & Episcoporum in quorum parochijs eadem monasteria continentur: quædam de observatione Regulæ beati Benedicti, & de alijs nonnullis, quæ ordini vestro & loco necessaria videbantur, capitula statuistis: quæ nimirum ad majorem monasterij quietem, & religionis observantiam, auctoritate sedis Apostolicæ petitis confirmari. Nos ergo vestro profectui in Domino congratulantes, capitula illa & constitutionem auctoritate Apostolica confirmamus: & omnia in perpetuū rata permanere decreuimus: illud nominatim omnimodis prohibentes, ne Abbas aliquis monachos vestros sine regulari commendatione suscipiat. Interdicimus etiā, ne quis conuersos laicos vel professos vestros ad *habitandum suscipere præsumat. Si qua igitur Ecclesiastica secularisue persona nostræ huic confirmationi & vestræ constitutioni temeritate aliqua obuiare præsumpserit, tamquam monasticæ religionis & quietis perturbatrix, autoritate beatorum Apostolorum Petri & Pauli, & nostra, donec satisfaciatur, excommunicationis gladio feriatur. Qui verò conseruator extiterit, omnipotentis Dei, sanctorumque Apostolorum ejus, benedictionem consequatur. Amen.

Caput XXIII.

De eo quod beatus pater Stephanus successoris sui indignitatem per spiritum agnouit, & de pretiosa morte ejus.

CV M autem beatus pater Stephanus officium sibi commissum secundum veram humilitatis Domini nostri Iesu Christi Regulam strenuè administrasset, longo confectus senio, ita ut caligarent oculi ejus, & videre non posset, curam pastorem deposuit: soli Deo & sibi per sacræ contemplationis gustum vacare desiderans. Successit itaque ei quidam indignus honore nomine Wido: quidonis exterioribus ad instar sepulchri dealbati, non mediociter pollens, interius erat putredine vitiorum sordens. Cumq; in ipso promotonis suæ primordio fratrum professiones de more reciperet: idem Dei famulus Stephanus in spiritu vidit immundum spiritum ad illum venientem, atque in ejus os ingredientem. Vix mensis præterierat vnus, & ecce reuelante Domino, denudata est impuritas ejus: & eradicata est mox de paradiso Dei plantatio spuria, quam pater cœlestis non plantauerat. Instante verò tempore, quo emeritorum laborum senex in gaudium Domini sui introducendus, & de vltimo paupertatis loco, quem secundum consilium saluatoris in hoc mundo elegerat, ad summi patrisfamilias conuiuium ascensurus decumberet, conuenerunt fratres: quidam etiam ex Abbatibus sui Ordinis, quorum numerus eo tempore vsque ad viginti excreuisse

creuisse traditur: ut amicum fidelem, & patrem humillimum repatriantē, deuotissimis obsequijs & precibus prosequerentur. Cumque in agonia constitutus morti approximaret, cœperunt fratres inter se loquentes tanti meriti hominem beatificare: dicētes, eum securē pergere posse ad Deum, qui tantum fructum in Ecclesia Dei temporibus suis fecisset. Quo ille audito, recollecto prout poterat spiritu, quasi increpantis voce dixit ad illos. Tacete fratres, tacete. Quid est, quod loquimini? In veritate dico vobis, quia sicut trepidus & sollicitus ad Deum vado: quasi qui numquam aliquid boni fecerim. Nam & si boni aliquid in me fuit, vel si fructus aliquis per paruitatem meam prouenire potuit cooperante gratia Dei, timeo valde & cōtremisco: ne fortē minūs dignē, minūsue humiliter eandem gratiam apud me detinuerim. Hoc ergo perfectæ humilitatis scuto, quæ in ore sonabar, & in corde vigebat, munitus, hominē exiit: & omnia nequissimi aduersarij tela, quamvis ignea, quamvis sulphurea, potenter repellēs, aëreas potestates securus pertrāsijt: & ad portas paradisi coronandus ascendit. Sacri corporis ejus exuviæ juxta prædecessoris ipsius reliquias venerabiliter conditæ sunt: ut quibus in hac vita vnus erat spiritus, & vna fides, sit etiam in æterna beatitudine non dispar gloria. Amen.

*S. Abbas
trepidat in
morte.*

*S. Stephanus
iuxta B.
Albericum
sepultus Ci-
sterci.*

Caput XXIV.

De vita & optimis moribus Reuerendissimi Fastradi Cisterciensis Abbatis.

EA quæ de sancta conversatione sancti ac Deo dilecti Fastradi Cisterciensis Abbatis edificatione plena, & vtilitati legentium accommodata, religiosus quidam, & veracis testimonij monachus Clarævallensis conscripsit, qui etiam familiaritatem tanti viri habere meruit: sed & nonnulla de senioribus Clarævallis admiratione digna, sicut in libello ipsius digesta inuenimus, huic operi nostro inseruimus: ut quæ ille sparsim, & alijs narrationibus permixta posuit, hic in ordinem redacta, & sibi similibus copulata, clariùs elucescant: & ad vtilitatem legentium magis proficiant. Sic ergo scribit. Venerabilis ac piæ memoriæ Fastradus, quondam Cisterciensis Abbas, vir eximiæ sanctitatis: nobilis quidem genere, sed morum elegantia nobilior fuit. Qui liberalibus studijs non mediocriter initiatus, facis tamen literis, ardentiori desiderio semper inhæsit: ita ut cum postmodum sapientia & ætate proficeret, eas præ oculis & manibus incessanter haberet: & ne ad mensam quidem, sine lectione diuina discumbere vellet. Quod non modo faciebat in propria domo, verum etiam in scholis peregrinādo. Hic cum esset Abbas Camberonensis, decedente piæ memoriæ Dōno Roberto, qui beato Bernardo successerat, electus est ad regimen Clarævallis. Ad quam tamen electionem venire dissimulauit, quāuis ex nomine vocaretur: timens utique, ne hoc illi accideret, quod semper accidere verebatur. Verumtamen antequam legati Clarævallenses ad eum requirendum peruenire potuissent, garrula fama prævolante cognouit, quia in ejus personam omnes vnanimiter conuenissēt. Hoc itaque rumore turbatus & anxius, fugam arripuit: veniensque ad domum Vallis Sancti Petri, quod est monasteriū Ordinis Carthusiensis, per dies aliquot ibi latuit. Vbi cum die noctūque in oratione persisteret, factus est in mentis excessu. Et ecce apparuit ei in magna gloria Virgo puerpera Domina Angelorum, portans in manibus Regem gloriæ parvulum suum Iesum. Quā cum vidisset, pro-

*Delitescit B.
Fastradus
in Carthusia
S. Petri.*

cidit ad pedes ejus, obsecrans, ut sui miseretur. Cui beata Virgo respōdit. Quid turbaris, ô homo? Et imponens in vlnas ipsius, velut alteri Simeoni, nobilem illam sarcinam quam gestabat, ait. Accipe filium meū, & serua illū. Quo factō sublata est visio ab oculis ejus: & rediens ad seipsum, intellexit, quoniam à Dño egressus est sermo: & quia verè filij Dei & membra Christi essent, qui ejus providentiæ cōmittebantur. Hac igitur letā visione prēmōnitus, jam nō est ausus ultra recalcitrare: ne videretur ordinationi Dei velle resistere. Suscepto autem tam insignis cœnobij regimine, quā discretū, quā sollicitum, quāque benignissimum Pastorem exhibuerit se, non est nostræ simplicitatis exponere. Nam quēadmodum alios præcellebat officio dignitatis, ita etiam præcedebat religionis exemplo, & merito sanctitatis. Castus, pius, & humilis, māsuerus, atq; modestus, super omnes, quos in diebus ejus vidisse me memini. Parsimoniā verò, ut ait ille Severus de beato Martino, non est necesse in eo laudare: cū adhuc in sæculo positus ita frugaliter vixerit, ut non scholasticus, sed monachus putaretur. Nam sicut ipse quibusdam intimis suis secretè innotuit, biennio āte conuersionem suam, licet ætate nondum adultus, ita abstinentiæ operam dedit, ut numquam voluerit pane saltem & aqua saturari. Carnium autē edulium, quamvis in ipso tempore penē vsq; ad mortem ægrotasset, numquā sumere acquieuit. Iam verò monachus factus, quā sobriè viuēdo, imò quā rigidè abstinendo, corpus in servitutem redegerit, supersedeo dicere: quia ut verum fatear, vehementior extitit in hac parte. Satis etenim illum super hujusmodi notavi: quippe qui pluribus annis eidem in mensa sua ministravi. Nam cū in seipso vitia carnis sine miseratione persequeretur: ipsi quoque misere carni, cui naturaliter insunt, minū quā oportebat, cōpati videbatur. Cæterū in exteriori habitu & cultu, pro officij sui dignitate quā humilis, & quā temperans extiterit, hoc vno quod dicturus sum, facilè advertere erit. Quadam siquidē die cū vestiarius monachus in lectulo illius cucullā nescio an tunicam, qua ipsum indui vellet, solito meliusculam apposuisset: increpauit eum pater, audiente me, & dixit. Quid est, dilecte mi frater, quod facere cupis, ut à cōmunionē fratrum nostrorum me separe, & notabili habitu decolores? An quia Abbatis nomine censeor, propterea monachusse non debeo? Nūquid idcirco constitutus sum minister & servus aliorum, ut lautioribus epulis debeam saginari, & cultioribus vestibus ornari? Si ergo me diligis, si pacem meā quæris, & præceptis meis obedire non despicias: precor atque præcipio, ne id ampliùs facere velis. Nam cū ego sim omniū minimus, & apud Deum indignus, magnū mihi est, si communi omniū victu atque vestitu fuero honoratus. Ex quo enim assumptus sum ad regimen animarū, hoc vnum est, quod præ ceteris timui sēper & timeo: ne occasione hujus administrationis, pauperē vitam, quam professus sum, deferam, & monachi præmium perdam. Hic itaque dilectus à Deo & hominibus, charismatū donis excellenter adornatus, non solum verbo & exēplo subditos informabat, verum etiam gratissima corporis habitudine mira deuotione intuentes afficiebat. Tanta siquidē Spiritus paracliti gratia in ipsius vultu Angelico radiabat, ut vix posset fidelū aliquis desiderabili ejus aspectu satiari, præsertim qui puritatē animi ejus, & singularem mansuetudinem cogitabant: quam in exteriori homine, velut in proprio sigillo diuinitus impressam esse cernebant. His virtutum ornamen-

*B. Fastradi
virtutes.*

*Author huius
libri testis
oculatus
gestorum S.
Fastradi.*

*Vultus eius
Angelicus.*

tis decoratus vir venerandus, cum pastore vacaret Cisterciensis Ecclesia, quæ est mater omnium nostrum: Abbates & monachi qui electioni intererant, bono odore ejus allekti, pari voto, cõmuni consilio, ipsum Cisterciensis Cœnobij, ac totius Ordinis patrem vniuersalem elegerunt. Quo regimine suscepto, magnum, vt credimus, in eo fructum fecisset: nisi peccatis nostris exigentibus tam citò subtractus fuisset. Sed quia ejus sanctissima vita diutius frui digni non fuimus, præcisa est velut à texente, dum adhuc diretur. Ipse verò consummatus in breui explevit tēpora multa: placita enim erat Deo anima ejus, & Angelico consortio digna. De cujus felici transitu mox futuro cuidam de senioribus Clarævallis, beatæ videlicet memoriæ Petro Tolosano, de quo in consequētibus aliqua dicemus, facta est hujusmodi reuelatio. Videbat in visu noctis, & ecce in nubibus cœli Filius Dei, Sanctorum frequentia comitante, de cœlo adueniēs, & in ipso aère consistens in throno gloriæ residebat, & splendor ex eo procedens mundum illuminabat. Porro ad dexteram majestatis illius monumentum quoddam gloriosissimum in aère suspensum apparebat: quod miro opere fabricatum intuentium oculos valde delectabat. At verò ante fores basilicę Claræuallis multitudo promiscui sexus innumerabilis assistebat: qui sursum erectis vultibus Regem gloriæ Dñm nostrum Iesum Christum, ipsumque mausoleum intentē respiciebant. Præfatus autē monachus Petrus accedens ad eandem turmam, de sepulchro illo, quod coram Domino apparebat cœpit interrogare, quid esset, aut quid significaret. Tūc vnus ex eis respondit. Sepulchrum istud de quo sciscitaris, scias esse cuiusdam sancti viri de terra proximè assumendi: de cõjus transitu magna in partibus istis longè latēque desolatio erit: cuius etiam mors futura est in conspectu Domini pretiosa: & in conspectu hominum præclara. Transacta autem visione, senior qui viderat eam, cœpit de ea cogitando turbari, & mœstus esse. In crastino autem cum eum vidissem obnubilato vultu, animi dolentis inditiā prætendentem: sciscitatus sum ab eo mœstitudinis ipsius causam. Cumque rogatus multum, tandem exposuisset mihi per ordinem visionem quam viderat: ego sciens illum multa gratia præditum, magnis consolationibus à Domino frequenter honoratum: cogitavi & credidi, quia verbum quod viderat homo tam sanctus, tamque perfectus non poterat omnino non impleri. Euolutis autem postea diebus circiter viginti, ecce repente perculit aures nostras de inopinato ejusdem sanctissimi Abbatis obitu rumor tristissimus: quo tristiores à multis retro diebus in tempore illo accidisse non credimus, neque in partibus istis, neque in vniuerso Ordine Cisterciensi. Verumtamen juxta prædictæ reuelationis modum, mors illius, vt verè confidimus, in conspectu Domini extitit pretiosa, & in conspectu hominum celebris atque præclara. Nam cum Parisius pro negotijs Monasterij ac totius Ordinis sui Domino Papæ Alexandro assisteret, correptus ægritudine lecto decubuit: & infra quintum diem sancto fine quieuit. Huic autem decedenti tota Romanæ Curia dignitas astitit: ita vt ipse quoque Dñs Papa proprijs illum manibus inungens, atq; Apostolica benedictione cõmuniens, magno pietatis affectu morienti cõpateretur, & mortuo congratularetur. Et non solum Apostolicus, verū etiam piissimus Francorū Rex Ludouicus, qui & ipse præfēs erat cū sua Curia, plāctu magno sanctissimum virū quasi patrē carissimū planxit, multasq; super eū lacrymas fudit. Tandē

*Mors D.
Fastradi su-
blimi visione
præstensa.*

*Morienti
B. Fastrado
assistunt Pa-
pa & Rex
& eorum
curia.*

sacrum corpus ejus Cistercium relatum est, magnaue deuotione tumulatum. Constat ergo quia felix consummatio sancti patris, ipsaque claritas celeberrimi funeris designata fuerit euidenter, in splendore illius pretiosissimi & coram Deo positi monumenti. Aliam quoque de eodem patre pijsimo visionem breuiter refero: de qua quamvis intertum habeam, quis eam viderit, certum tamen habeo, quod eam à pluribus & pluries audisse me contigit. Ferunt in regione Angliæ quendam religiosum magnæque virtutis virum existere, qui in ipsa die, qua beatus Bernardus Abbas in Claraualle de mundo migravit, cum esset in Anglia, vidit in spiritu maximum quendam Angelum de cælo transmissum, maximam nihilominus animam quandam de terra assumentem, & eam cum ingenti gaudio secum ad astra ferentem. Postmodum verò cum hic de quo loquimur, beatus Fastradus Abbas exiret à corpore, eadem die vidit ille qui supra, eundem Angelum ad terras descendente, assumptamque ex ea quandam animam ad cæli fastigia subleuantem. Quæ quamuis magna atque præclara videretur, prioris tamen magnitudini minimè equiparabatur. Hæc de beatissimi patris conuersatione, pretiosa quoque morte ejus succincta relatione differui: non ut illius viræ & opera, quæ vtrique magna sunt, & meam omnino paruitatem excedentia, stylo comprehendere cuncta intenderem: sed ut ea solummodo quæ vel mihi soli, vel paucis mecum nota esse sciebam, literarum monumentis tradita, non perirent.

*Visa est
anima B.
Fastradi in
colum ab
Angelo ferri
ut & prius
anima S.
Bernardi.*

Caput x x v.

De mirabili conuersione Domni Alexandri Cisterciensis Abbatis.

APUD Coloniam Agrippinam, quæ est insignis metropolis Germaniæ, fuit magister quidam, Alexander nomine, Canonicus, Doctorque famosissimus in eadem vrbe. Accidit autem, ut Dei famulus beatus Bernardus Clarauallensis Abbas iubente sancto Papa Eugenio Germaniam ingrederetur, Ierosolymitanum iter Conrado Imperatori & populo terræ prædicaturus. Cumque ibidem signis & virtutibus innumeris coruscaret: videns Imperator mirabilia magna, quæ Dominus per eum ostendebat, compunctus corde, crucis signum de manu ejus accepit, Ierosolymam profecturus. Nec distulit hoc idem facere infinita hominum multitudo: ita ut incredibili fidei ardore succensi scissuras & fimbrias de vestimentis famuli Dei, quæ propter hoc ipsum noua frequenter accipere cogebatur, vndique certatim diriperent: seque infelices arbitrarentur, quicumque de indumentis ejus cruces habere non mererentur. Multi quoque ex eis nobiles ac sapientes viri, per manum illius sese Domino reddiderunt: qui in Claramvallem ab eo deducti & monachi facti, maximum deinceps in Ecclesia Dei fructum attulerunt. Ex quibus etiam extitit vnus supra memoratus vir nobilis Alexander: qui eo tempore iuuenis, & sæcularis scientiæ typho turgens, diuitiarum quoque & transitorij honoris infulis adornatus, nihil minus quam conuersionem cogitabat: sed Deus qui comprehendit sapientes in astutia sua, mirabili hoc ordine, sicut sequentia declarabunt, adimpleuit. Cum enim beatissimus pater Bernardus ipsum de conuersione monuisset, ille sæculari scientia vel opulentia tumens, respondit, se ad præsens nil minus cogitare vel velle, quam habitum sumere monachalem. Eadem igitur nocte, cum membra sopori dedisset, apparuit ei in visione idem homo Dei: erigens eum de grabato, in quo grauiter languere videbatur, ac restituens sanitati. Deinde tulit ha-

*Erat hic
Alexander
Canonicus
S. Mariae
ad gradus.*

bitum suum, quo erat ipse indutus, & ex eo contexit Alexandrum. Qui cum eundem habitum semel & secundo reiectum ab humeris indignatione repulisset; tertia tandem vice collo ejus injectum, & corpori valenter astrictum compulsus est retinere. Deinde pater sanctus baculum quem manu tenebat, ipsius manui tradens, futuræ prælationis gratiam denotavit, & ita abire præcepit. Euigilans autem Alexander, nihil adhuc pro hujusmodi reuelatione mollescere poterat: sed in eadem animi duritia persistebat. Eodem verò die cum ille beatissimus Abbas ad mensam recumberet, oblatus est ei piscis, qui perca nominatur, ut ex eo reficeret. Quo viso vir Domini erectis in cælum oculis, super eundem piscem diutius orauit: & benedicens illum, præfato Alexandro pro pitantia transmisit. Quem dum ille gustare inciperet, ad primum illico morsum meruit in semetipso feliciter experiri, quantæ virtutis esset oratio famuli Dei. Nam repente mutatus in alterum virum compunctus est valde: & cepit vberim super eundem piscem lacrymas fundere. Mirabatur verò seipsum: nesciens quid haberet, vel cur flieret. Tandem recordatus visionis, quam nocte præterita viderat, intellexit, à Domino gratuita ejus miseratione se esse præuentum. Vnde supernæ vocationi ex intimo corde gratias agens, beato Dei famulo incontinenti se reddidit. A quo benignè susceptus, & in Claravalle monachus factus, & deinceps Grandissilæ pastor effectus, adeò in sanctitate vitæ profecit, ut postmodum fieret Cisterciensis Abbas Cœnobij, ac totius Ordinis pater vniuersalis. Hæc nos, sicut ab eodē Dei famulo Alexandro audiuius, fidei relatione deprompsimus.

*Hic Alexander fuit
nomen Cister
cij Abbas.*

Caput XXVI.

*De reuelatione, quam beatus Christianus monachus de Domino Abbate
Rainardo & Cisterciensi Conuentu videre meruit.*

RAINARDVS vir venerandus, quondam Abbas Cistercij, audiens famam beati Christiani monachi, virum tam sanctum alloqui cupiebat. Scripsit itaque Dōno Abbati de Eleēmosyna, sub cuius cura idem Dōnus Christianus erat, quatenus ipsum sibi cum reuerentia transmitteret. Qui accito vno de fratribus, quem ad hoc idoneum esse sciebat, eundem Dei famulum ipsi cōmendauit: ut, sicut sibi præceptum fuerat, ad domum Cisterciensem duceretur. Dum verò quadā die iter agerent, & secundum estimationem tēporis, regularem horam sextā simul dixissent, retraxit se monachus, qui cum viro Dei ibat, in partem, ut horā de Domina nostra secretò singuli per se psallerent: quia nondū data erat licentia, horas de beata virgine publicè cantandi. Vir autem Dñi dum solus præcederet, subito in excessum mentis raptus est: & stillantibus lacrymas oculis, facie quoque ad cælum erecta, in diuersa nutabat, ita ut equo quo vehabatur vix hæreret. Quod monachus alter cernens, licet multum timeret, ne forte de equo laberetur, tamen dans honorem Deo, non præsumpsit propius accedere: sed patiēter expectabat, quem res exitum habitura foret. Cumque post modicum senior ad se reuersus fuisset, socius itineris ejus reuerenter accedens, cepit humiliter petere, quatinus si aliquid ad honorem Dei & ad edificationem proximī pertinens vidisset, sibi pandere dignaretur. Tum Dñi famulus hilari vultu respondit. Frater mi dilecte, quam, rogo, parte sita est domus Cisterciensis? Et cum numquam Cistercium vidisset, nec umquā viam, qua illuc itur, ambulasset: in directum protensa manu ad illam plagam cœli, ubi ip-

*Flora Beata
Virginis
iam olim re-
citari solita.*

sum cœnobium situm est, dixit. Nonne ex hac parte? Cùmque monachus admirans diceret, etiam sancte pater: ille in jubilo corde & ore erumpens, ô beati inquit fratres qui Cistercij habitant: ô quam beatus & sacer ille conuentus: qui domino tam sincere quam deuotè die noctuque deservire contendit. Et conuersus ad monachum, modo, ait, cùm sicut vidisti in excessum mentis venissem, raptus sum in spiritu Cistercium: & vidi conuentum monachorum in choro in ordine suo stantem multa claritate perfusum: laudes Deo deuotissimè persoluentem. Supra eundem verò conuentum vidi alium conuentum sanctorum Angelorum eodem ordine stantium; qui etiam multo maioris luminis claritate radiantes, fratrum deuotioni congratulari videbantur. Porro in superiori illo choro vidi Dominum Abbatem quasi in stallo suo stantem: qui & ipse competenti gloria circumdatus magnæ lucis radios emittebat. Cùmque frater ille quæreretur, utrūnam vidisset Dominum Abbatem pari cum Angelis claritate refulgentem, respondit senior. Scire debes, quia in hac mortali & corruptibili vita quantumcumque quis proficiat, non poterit paritum sanctis Angelis claritatis gloria vestiri. Audiens hæc frater ille multum ædificatus est: & indubitater agnouit, Dominum Abbatem Cisterciensem magni apud Deum meriti esse.

D. Rainardus adhuc viuens visus in choro Angelorum.

Caput XXVII.

De visione per quam conuersus est Dominus Ioannes quondam monachus Cisterciensis, postea Episcopus Valentinae Ecclesiæ.

VIR vitæ venerabilis Ioannes Episcopus, qui de Ordine Cisterciensi assumptus, Valentiam satis strenuè rexit Ecclesiam, dum adhuc esset sæcularis, proposuit in animo suo vanitatē sæculi abijcere, & habitu Religionis accepto seruire Domino in Ordine & in domo Cisterciensi. Cumque hoc quod salubriter proposuerat, per negligentiam differret: cœpit paulatim in mente ipsius fervor ille bonæ intentionis tepescere. Interim verò profectus est ad sanctum Iacobum orationis gratia. Qui cùm ab illa peregrinatione regressus fuisset in domum suam, eadem nocte apparuit ei per visionem Dominus Iesus Christus cū beatis Apostolis suis Petro & Iacobo. Porro beatus Iacobus librum quendam habebat pulcherrimum, quem & apertum coram Domino tenebat: in quo ejusdē clerici nomen erat descriptum. Et ait Dominus ad sanctum Petrum. Dele nomen ejus de libro meo, quoniam resiliuit à proposito suo. Accedens autem beatus Iacobus ad Dominum, ait. Obsecro Domine, parce illi, quia peregrinus meus est: iamque seipsum corrigere festinabit. Cumque prædictus clericus pauens & tremens hoc ipsum affirmando promitteret, Dominus ait. Et quis me inde securū faciet? Respondit beatus Iacobus. Domine, ego fidejussor illius sum. Eui-gilans autem idem clericus, dum secum ista miraretur: iterum obdormiens vidit eandem visionem. Cumque beatus Petrus suprædictum librū teneret apertum coram Domino: in loco ubi fuerat nomen clerici exaratum, apparuit huiusmodi inscriptio. *Murenulas aureas faciemus tibi, vermiculatas argento.* Transacta verò visione expergefactus, & gratiam Dei vocantem se toto animo secutus, relictis vniuersis mundi vanitatibus, ad domū Cisterciensem festinanter accessit: ibique probatus, & fidelis inuentus, monachicum habitum suscepit. In qua etiam domo religione & sapientia proficiēs, factus est postmodum Abbas Bonevallis. Inde verò assumptus est etiam ad Episcopatum Valentinae vrbs: quem per annos plurimos strenuè regens,

Inuocatio Sanctorum, & eorum pro nobis preces.

Cantic. I.

multas ibi aduersitates pro defensione iustitiæ tolerauit. Attendant quæso, istud, qui boni aliquid proponunt facere, & ad effectum perducere negligunt: qui nullo se reatu constringi putant, si bonum, quod facere proposuerant, non solvant, dummodo non uoveant: cum manifestè B. Gregorius doceat, quia si quis in minori bono constitutus majus aliquod bonum facere proponat, iam sibi minus bonum illicitum fecit: & si non soluat quod proposuit, quamuis in oculis hominum in minori bono stare videatur, jam tamen in oculis omnia cernentis Dei à majori bono cecidit: qui non solum operum, verumetiam cogitationum & intentionum cordis iudex venturus est. Certè iste servus de quo loquimur, nullum votum fecisse scitur, sed tantum quod simpliciter proposuerat, per negligentiam distulisse: & tamen subtilissimus ille scrutator cordium hoc ita persauit, ut eum de libro vite deleri iussisset, nisi bonum quod mente conceperat, quantocius effectui mancipare curasset. Hæc pauca, quæ de virtutibus Reuerendissimorum patrum Cisterciensis cœnobij ad nostram notitiâ peruenire potuerunt, fideli relatione perstrinximus; certissimè scientes, quod sanctissima domus illa perfectis, & in omni religione consumatis viris claruerit: ad quorum virtutes investigandas parvitatem nostram minus idoneam fuisse profiteamur.

Gregor.
hom. 3. in
Ezechiel in
fine, & refer
tur. 17. q. 1.
c. Qui bo-
na.



DISTINCTIO SECVNDA.

*De Virtutibus & Miraculis B. Patris nostri Bernardi primi Claravallis
Abbatis, & quorundam ejus successorum.*

CAPVT PRIMVM.

De visione qua monachus defunctus S. Bernardo apprensus, ei fausta prædixit.

POSTQVAM Diuina largiente gratia, sicut supra memorauimus, vinea Domini Sabaoth, Cisterciensis videlicet Ecclesia, propagines suas emittere cœpit: fundatis jam domibus de Firmitate & de Pontiniaco, tertio loco in nomine Sanctæ & indiuiduæ Trinitatis, anno ab Incarnatione Dñi millesimo centesimo quinto decimo fundata est domus Claravallis: cui etiâ beatæ memoriæ Dñus Stephanus Cisterciensis Abbas beatissimum patrem nostrum Bernardum primum ordinauit Abbatem. De cujus admirabili conuersatione, singulari sanctitate, speciali signorum atq; virtutum prærogatiua, licet liber vitæ ejus plenius edisserat: tamen aliqua quæ illic prætermissa sunt, ad memoriam tanti viri, simul & ad ædificationem legentium, scribere congruum puto: ne in hoc libello qui de viris virtutum cuditur, splendidissimam columnam, cui vniversitas Ordinis nostri innititur, sub silentio transisse videamur. Accidit aliquando in Claravalle, dum missa in conuentu celebraretur eodem venerabili patre præsentem, ut lecto Euangelio sacerdotis manibus lauandis aqua per negligentiam decisset. Quæ cum aliquatulum diutius expectaretur, conuentus interim versis vultibus ad orientem stabat. Cumque pater sanctus in stallum suum ante gradum presbiterij staret, monachus quidam ante paucos dies defunctus ei visibi-

Claravallis
fundata an-
no. 1115.

liter apparuit: & stans contra eum, caput quasi redarguendo mouere cepit. Quem famulus Dei videns agnouit: & quare caput contra se agitarer, quæsiuit. Cui ille. O si sciretis, quantos, & quales socios haberetis in cœlis, profectò caueretis vobis ab omni negligentia. Quod verbum sanctus grater audiens, respondit. Verène putas, quòd omnes qui in hoc monasterio sunt, fratres, saluabuntur? Etiam, inquit, saluabuntur. Et non solùm ipsi, sed & omnes, qui in Ordine nostro obedienter & humiliter fuerint conversati, saluabuntur. Recordatus verò pius pater cuiusdam fratris, què pro negligentia & duritia cordis sui frequentius corripì oportebat, & ob hoc super eo multùm contristabatur, subintulit dicens. Numquid de salute fratris illius certi aliquid nosti? Respondit. Nec ipsi deerit misericordia Dei. Quo audito vir Domini vehementer gavisus est: & tantò alacrius cū fratribus suis propter verbalaborum Dñi custodiebat vias duras, quantò certius spem mercedis æternæ sinu suo repositam tenebat.

Caput II.

De Fratre defuncto ope S. Bernardi è purgatorio erepto.

Frater laicus defunctus purgatorio deputatus & demonibus traditus.

Demonum crudelitas incredibilis.

Orationes & sacrificia iussu Sancti Bernardi pro defuncto oblata.

DEfunctus est quadam vice Conversus quidam in Claravalle. Cùmque concurrentibus fratribus Commendationis officium ex more fieret, monachus quidam senior magnæ religionis vir audivit turbas dæmonum per centurias suas incedentium, cum magni strepitus vociferatione clamare & dicere. Eja modò bene, eja modò bene. Solùmmodo de hac mala valle vnam animam in nostræ sortis partem acquisiuimus. Cùm verò idem senior per noctis quietem sopori membra dedisset: frater defunctus ei in visu apparuit tristi & lugubri vultu, dicens ad eum. Quia audisti heri dæmones de meis supplicijs exultantes: veni & vide, quàm terribili tormento, Dei omnipotentis iusto iudicio, traditus sum. Et duxit eum ad puteum quandam magnæ latitudinis, & horrendæ profunditatis: & dixit ei. Ecce in hunc puteum frequenter à dæmonibus injicior: quorum tanta est crudelitas, vt si optio daretur, mallem centies ab hominibus, quàm semel à dæmonibus hic immergi. Mane autem factò, dum quæ audierat & viderat præfatus senior beato patri Bernardo retulisset, licet ipse quoque per spiritum ea cognuisset, ingemuit & ait. Scio, quia nisi grauis causa existeret, numquam dæmones talem ausum præsumpissent. Itaque Capitulum fratrum ingressus, coram omnibus calamitatem defuncti fratris exponit: dehinc salubri exhortatione singulorum conscientias conveniens, monebat, vt cautiùs in via sanctæ religionis ambularent: multam esse malitiam dæmonum erga omnes Christianos, tum præcipuè contra monasticæ religionis professores, affirmans. Post hæc animæ fratris in supplicijs constitutæ subvenire eos attentius monens: psalmis & orationibus, missarum quoque celebrationibus, iram domini placare hortatus: si fortè pius pater pulsatus precibus eorum, per singularis hostiæ immolationem tyrannicam dæmonum superbiam debellare, & ab eorum nequitia fratris animam dignaretur liberare. Quod cùm fratres deuotissimè facerent: paucis euolutis diebus, idem frater defunctus suprascripto seniori iteratò apparuit: hilaritate vultus statum suum melioratum esse significans. Quærente verò sene quomodo se haberet: respondit. Deo gratias, bene. Rursus requisitus quomodo liberatus esset: ait. Veni & vide. Et continuò introduxit eum in oratorium ejusdem loci: vbi ad singula altaria sacerdotes cum ministris stabant: salutaris hostiæ immolationem

tionem summa cum deuotione celebrantes. Ecce, inquit, hæc sunt arma gratiæ Dei, quibus creptus sum : hæc est virtus misericordiæ Dei, quæ invincibilis permanet : hæc est hostia illa singularis, quæ totius mundi peccata tollit. Et verè dico tibi, quia his armis gratiæ Dei, huic virtuti misericordiæ Dei, huic hostiæ salutaris, non est quidquam quod resistere valeat, nisi cor impœnitens. Evigilans autem senex, de liberatione animæ fratris oppidò gavissus est : modum quoque visionis ejusdem cæteris fratribus exponens, tantò eos devotiores ad immolationem hostiæ salutaris reddidit, quantò certius eius efficaciam in fratris ereptione meruerat experiri.

*Quanta sit
virtus &
efficacia sa-
crificij missæ.*

Caput III.

Sancto visi Angeli annotantes ea, quæ singuli monachi in choro orabant.

Intererat aliquando nocturnis vigilijs pater sanctus ea puritate & deuotione, qua solebat : Deo tantum nota, & sibi. Cumque morosa psalmodiæ modulatio vigilias protelaret, aperuit Dominus oculos ejus : & ecce respiciens vidit singulos Angelos juxta singulos monachos stantes ; & quod quisque eorum psallebat, in schedulis more notariorum tam diligenter excipiebant, ut nec minimam syllabam, quantumcumque negligenter prolata omitterent. Scribebant verò diuerso modo. Nam quidam eorum scribebant auro, alij argento, nonnulli atramento, aliqui etiam aqua : quidam verò penitus nil scribebant. Spiritus autem qui hæc revelabat, intelligentiam quoque diversitatis scripturæ cordi ejus inspirabat. Qui enim auro scribebant, ferventissimum in Domini servitio studium, & absolutam cordis intentionem in ijs quæ psallebantur, significabat. Qui autem argento, minorem quidam fervorem, puram tamen psallentiū deuotionem declarabant. Qui verò atramento, continuū quorundam bonæ voluntatis usum in psalmodia, licet non cum multa deuotione, notabant. Sed qui aqua scribebant, exprimebant eos qui sonolentia seu pigritia pressi, vel vanis cogitationibus abducti, videntur quidem aliquid sonare : sed cor eorum longius abstractum prorsus non concordat voci. Et ô mira Dei clementia. Sicut enim nullum malum impunitum : ita nullum bonum, quamcumque modicum, quamcunque negligenter factum, erit irremuneratum. Cæterum illi qui nihil scribebant, lamentabile quorundam cordis duritiam redarguebant : qui obliti professionis suæ, timoris Dei immemores, aut lethali sono prona se voluntate immergunt, aut certè vigilantes, clauso ore vanis & noxijs cogitationibus, non ex infirmitate, sed ex voluntaria intentione occupantur : & in conspectu Domini contra legis præceptum apparere vacui non pertimescunt. Pater itaque sanctus qui hæc videbat, recordatus sententiæ illius, quoniam *Omnes administratores spiritus sunt, in ministerium missi propter eos, qui hereditatem capiunt salutis*, sicut proficientium congratulabatur fervori, sic paterno pietatis affectu deficientiū miserabatur tepiditate. Caput. IV.

Diuersa orantium mentis affectus nota auro, &c. designata.

Hebr. 2.

Videt Sanctus Angelos chorum excitantes, dum caneretur canticum, Te Deum.

Celebrabantur aliquando solemnes vigilie : & vir Domini cum cæteris fratribus aderat. Cumque hymnus *Te Deum laudamus* cantaretur, vidit sanctus Angelos multa claritate fulgentes, mira etiam vultus alacritate deuotos, qui utriusque chorum percurrentes, modo hunc modo illud excitabant, cantantibus aderat, & quasi congratulantes astabant : & ut diuinus ille hymnus cum deuotione percantaretur, modis omnibus elaborare satagebant. Intellexit ergo vir sanctus, hymnum illum verè esse diuinum, & Angelis sanctis esse familiare,

quos tanta instantia videbat operā dare, quatenus à fratribus ad honorem Dei cum fervore devotionis cantaretur. Cuidam etiam fratri spirituali videre concessum est, dum idem hymnus inciperetur, quòd ab ore incipiētis flamma magni splendoris erumpebat, & sursum conscendebat.

Caput v.

Sanctus sentiens in spiritu quosdam nimio timore turbari, magnificè eos consolatur.

LOquente aliquādo verbum Dei fratribus B. Bernardo, cum vehementer vitia carperet, terrorē tremendi iudicii Dei mentibus incuteret: sensit in spiritu quosdam de sedentibus graviter in conscientijs suis turbari, & ferè in baratrum desperationis prolabi. Tum verò spiritu fraternę charitatis tot⁹ flānescens, mirantibus omnibus qui aderant, in hæc verba prorupit. Quid est, quod sic in conscientijs vestris turbamini, fratres mei? Ut quid enormitatem & numerositatē criminum vestrorū sic intuemini, ut inexhausta viscera miserationum Dñi obliviscamini? In veritate dico vobis, quia si filius ille perditionis Iudas, qui vendidit & tradidit Dominū, in hac Christi schola lederet, & huic Ordini incorporatus esset: per pœnitentiam veniā consequeretur. Audito itaq; tam magnifico consolationis verbo, non solum qui prę pusillanimitate spiritus iam ferè desperabant: sed & omnes qui aderant, in sp̄e diuinę gratiæ respirantes Dominū glorificabant.

Nulli clauditur ianua salutis, dum vivit.

Caput. vi.

Monachus incredulus cōmunicare in fide B. Viri jussus, ad fidem reducitur.

Quidam monachus hujus S. Patris, per fallacias demonū & per proprij sensus simplicitatem in tantam cordis inopiam devenerat: ut diceret, panē & vinum aquā mixtum, quę pponuntur in altari, nequaquā transsubstantiari posse in verum corpus & sanguinem Christi. Quapropter eadem vivifica sacramenta tāquam nil profutura sibi, sumere despiciebat. Notatus denique à fratribus, q̄ sacramentis altaris nō participaret, convenitur secreto à senioribus suis. Requisitus causam, non negat: dicit se sacramētis nequaquam fidem adhibere. Quibus dum docentibus & monentibus non acquiesceret, nec sanctarum Scripturarū testimonijs in medium prolatis crederet, ad venerabilē Abbatem res delata est. Cūque vocatus venisset, & Abbas sāctus secundum datā sibi sapientiā infidelitatem illius confutaret, ille respondit. Ego nullis assertionibus ad hoc ptereo induci, ut panem & vinum quę in altari proponuntur, credā verū esse corp⁹ & sanguinem Christi: & ppter ea scio me in infernū descēsurum. Quod audiens vir Dei, sicuti semper rebus in arcto satis mirabilem solebat auctoritatē ostendere, dixit. Quid? monachus meus in infernū descendet? Absit. Si tu fidem non habes, per virtutem obedientiæ præcipio tibi: vade & cōmunica fide mea. O piū patrem! ô verē sapientem medicū gratiarum, per vñtionem gratię docentē se de omnibus, qualiter infirmantiū tentationibus mederi deberet. Non dixit, fuge heretice, vade damnate, recede perditē, sed cōfidenter dixit, vade cōmunica fide mea: credens indubitanter, parvulū suum, quē sacri desiderij vulva parturiebat, donec Christus in eo formaretur, sicut nequaquā à visceribus caritatis suę, sic nec à fundamento fidei suę alienum existere. Constrictus itaque virtute obedientiæ monachus, penitus sine fide, ut sibi videbatur, ad altare accessit, communicavit: & per virtutem obedientiæ, sanctiq; patris merita: confestim illuminatus, fidem sacramentorum recepit: quam etiam intemeratam, vsque in diem mortis suę conservavit.

Hæresis contra veritatem corporis Christi in Eucharistia.

Fides Sācti prædicta hæresis opposita.

Caput VII.

Visa aliquando Christi crucifixi imago S. Bernardum orantem amplecti.

DOMNVS Menardus quondam Abbas de Moris, quod est Monasterium vicinum Claræ-valli, vir Religiosus, mirabilem quandam rem, quasi de alio retulit familiaribus suis: quam tamen sibi met euenisse putamus: ita dicens. Notus est mihi monachus quidam: qui Beatum Bernardum Abbatem aliquando reperit in Ecclesia solam orantem. Qui cum prostratus esset ante altare: apparebat ibi ei quædam crux cum suo crucifixo, super pavementum posita coram illo: quam idem vir beatissimus deuotissime, adorabat, ac deosculabatur. Porro ipsa maiestas separatis brachijs à cornibus crucis, videbatur eundem Dei famulum amplecti, atque astringere sibi. Quod dum monachus ille aliquamdiu cerneret: præ nimia admiratione stupidus hærebat, & quasi extra se erat. Tandem verò metuens ne patrem sanctum offenderet: si eum veluti secretorum suorum exploratorem, ita sibi de proximo imminere conspiceret, silenter abscessit: intelligens nimirum, ac sciens de illo homine sancto, quod verè supra hominem esset tota ipsius oratio atque conuersatio.

Verba Menardi, qui creditur viderisse quod hic refert.

Caput VIII.

S. Bernardus monacho epilepsia laboranti impetrat, ne improvisus ea tangatur.

EXIIT aliquando pater sanctus ad visitandum fratres suos merentes in agro. Sed quoniam infirmus erat, & pedes ire non poterat, perrexit in asello. Porro monachus quidam cum eo tunc ambulans, atque alinū mihi nans, cum ab olim pateretur caducum morbum, subito coram eo in ipso itinere corruit, & coepit ab eadem epilepsia graviter torqueri. Quo viso vir sanctus condoluit ei: vnde & deprecatus est pro eo Dominum, ut passio illa non apprehenderet amplius improvisum. Igitur ex eodem tempore usque in diem mortis sue per viginti deinceps & eo amplius annos, quibus postea superuixit, datum est ei quod antea non habebat: quod cæteris epilepticis vix aliquando contingit. Quoties enim ex eodem morbo cadere debebat, passionem ipsam per aliquantulum temporis spatium præsentiebat: ita ut opportunè posset lecto decumbere, & repetini casus elisionem præcauere. Et quidem pater sanctus, qui hoc ei munus à Domino impetrauit, credimus quia perfectam ei sanitatem obtinere potuisset, si hoc saluti animæ ipsius expedire cognovisset. Sed quoniam homo ille gravis moribus ad portandum, & duri admodum cordis erat, cui salvando & virga correptionis, & baculo consolationis sæper necessaria videbantur: concessum est ei misericorditer, ut subitanei casus periculum præsciendo iugiter declinaret, & salutiferi morbi stimulo non careret.

Morbus huiusmodi monacho relictus est, quia utilis.

Caput IX.

Præcipit Sanctus moribundo, ne ante vigilias decedat, cui ille obedit.

QUIDAM de fratribus Clarævallis cum esset positus in extremis, ingressus est ad eum visitandum B. Bernardus post completorium. Et videns hominem morti vicinum, jamjamque migraturum, dixit ad eum. Nosti carissime frater, quia conventus noster modò fatigatus est labore, & post modicum habet ad vigilias surgere. Quod si te interim obdormiente oporteat illum suam interrumpere dormitionem, nimium vexabitur, & prægrandes vigilias minime solènter exequetur. Ut ergo bene sit tibi, & eternaliter viuas in terra viuendum ad quam ingrederis possidendam: in nomine Dñi nostri Iesu Christi præcipio tibi, quatenus usque ad horam diuini officij expectes nos. Cui eger respondit. Faciam Dñe libenter, ut imperasti: si tamen voto meo tuis precibus suffrageris.

*Ad nutum
S. Patris
sape mona-
chorum è
vita exitus
differebatur.*

Abijt itaque Abbas sanctus cum silentio in dormitorium: & ille qui extremum ferè anhelitum trahebat, non obiit anteterminum constitutum. Mox namq; vt signum ad vigilias pulsari cœpit, pulsata est etiam tabula, & ille decessit. Quod non modò de isto fratre, verumetiam de pluribus alijs pluries accidit, vt ad nutum & ad voluntatem beatissimi patris, finis eorum protelaretur.

Caput x.

Prædicit S. Bernardus Guidonem fratrem non moriturum in Clara-valle.

*Pertinacia
pœnas luit
Guido.*

CV. M. audisset aliquando vir Domini, quendam de filiis suis spiritalibus, virum bonum & religiosum, missum ab eo in Normanniam, desperata ibidem ægitudine laborantem, decrevit mittere, & reducere eum ad se: vt deuotus frater in nidulo suo moreretur, & desiderata sibi sepultura non priuaretur. Verumtamen vnus de fratribus ejus carnalibus, nomine Wido, nitebatur huic obviare consilio: quia cum esset vnus ex provisoribus Clarevallis, intendebat, vt credo, parcere sumptui & labori. Qui cum pertinaciter huiusmodi persuasioni insisteret, dixit ad eum beatus Bernardus. Numquid maior cura est tibi de pecunia vel iumentis, quàm de fratribus tuis? Quia ergo non vis, vt fratres nostri nobiscum requiescant in valle ista, nec tu ipse requiesces in ea. Et factum est ita. Nam idem Wido, quàm alias vir bonus & religiosus esset: tamen, vt sermo Sancti impleretur, non est consumatus in Clara-valle, sed apud Pontiniacum preuentus ægitudine lecto decubuit, ibiq; disponente Deo terminum vitæ, & locum sepulturæ accepit.

Caput xi.

S. Bernardus Roma agens, mirabiliter visitat in spiritu Claram-vallem.

*S. Bernardus
Prophe-
tia dono cla-
ruit.*

VENERABILIS pater Bernardus, cum aliquando per annos tres moratus fuisset in vrbe Roma, atque in partibus Italicis, pro sedando schismate Petri Leonis, in quo videlicet opere eundem famulum suum Christus Dñs magnificè honestauit: tandem reuersus Clara-vallem, statim post factam orationem Capitulum fratrum introiuit. Et quia fatigatus ex itinere diu loqui non poterat, breuem quidem sermonem, sed consolatione plenum protulit, ita dicens. Benedictus Deus, qui vos dilectissimos fratres meos mihi reddidit: & me qualemcumq; patrem vestrum vobis. Et ego quidem filioli, quamvis per hoc triennium visus fuerim longè remotus à vobis, nò tamen putetis me semper absentem fuisse. Sciatis enim, quòd tribus vicibus interim reuersus sum ad vos, visitans domum istam, officinasque perambulans, & semper exhilaratus, semper consolatus abscessi: videns vnanimitatē atque instantiam vestram in proposito Ordinis nostri. Innumera sunt illa, quæ iste Dei famulus dixit & fecit: in quibus manifestè apparebat, eum Prophetali gratia prædictum, multoties ibi præsentem eum esse in spiritu, vbi absens corpore videbatur: multaue abscondita, & etiam longius posita Domino revelante cognoscere, quæ ipsum latere putabantur. Hęc autem significauit nobis Domnus Gerardus quondam Abbas Longipontis: qui vnus ex antiquis senioribus Clarevallis, dicta & facta sancti patris studiose rimari satagebat. Ipso quoq; referente audiuimus, quòd iste Dei sanctus, dum in quodam monachorum Capitulo verbum Dei prædicaret, duo ex fratribus illis qui aderant, viderunt eum in subsellio, in quo residebat, in aëre suspensum, & quasi mensura vnus pedis à terra subleuatum.

Caput XII.

Iterum visitans Sanctus in spiritu Claramvallem, videt omnia quæ ibi aguntur.

ISTE fidelis & prudens Dispensator annonæ Dominicæ quodam tempore pro causis Ecclesiæ solito diutius foris moratus fuerat: siquidem pro pace faciendâ, pro schismate resarciendo, pro hæresibus confutandis, frequenter ex mandato summi Pontificis, licet invitissimus, exire cogeatur. Explicitis itaque causarum nexibus, pro quibus exierat, ad monasterium revertitur, & quàm citius oportunitas datur, cellam novitiorum ingreditur: quatenus novelli & teneri filiolî, quos lacte nutrebat, quantò diutius sacræ exhortationis ipsius dulcedine carperât, tantò copiosius ab vberibus consolationis ejus rehererentur. Quaquâversum enim pater sanctus exhibat, semen verbi Dei seminabat super omnes aquas, & vix numquam absquæ fœnore spiritualis lactis redibat: implens cellam probationis multitudine novitiorum: quorum numerus aliquando usque ad centum extendebatur: ita ut ad horas divini officij novitijs chorum replentibus, exceptis paucis senioribus, qui disciplinæ providebant, monachi foris stare cogèrentur. Cum ergo, sicut prædiximus, cellam novitiorum intrasset, & in lingua sua illa placabili & edificatoria cunctos hilares, & ad observantiam sacri propòsiti ferventiores reddidisset, vnum ex eis seorsum revocans, dixit ad eum. Fili carissime, vnde tibi hæc tristitia, quæ intimos recessus cordis tui tam perniciosè depascitur? Novitio autem præ verecundia vix aliquid loqui audere, ait illi verè mitis & humilis corde, qui se pastorem, & non mercenarium ouibus exhibere nouerat. Scio fili dilectissime, scio ea quæ circa te aguntur: & propterea paterno pietatis affectu tibi compatio. In hac namque tantâ mora absentiae meæ, cum desideratissima semper mihi fratrum meorum præsentia corporali carere compulsus fuisssem: & per Domini gratiâ concessum mihi esset, ut quod corporaliter non poteram, spiritualiter supplerem: rediensque in spiritu singulas circuirem officinas, qualiter se fratres haberent diligentius explorans, etiam ad cellam novitorum accessi. In qua cum vniuersos in timore Dei exultantes, & ad penitentiæ labores accinctos inuenissem: te solum nimia tristitia deperire considerans ingemui. Cumque blandiendo tibi te mihi astringere vellem: tu me aduersatus, faciem à me auertens amarissimè flebas: ita ut cuculla nostra lacrymis tuis infunderetur. Hæc dicens pater sanctus, & salutaribus monitis aggressus captivum, mœrorè fugauit: & ad spiritualis letitiæ libertatem, jam penè tristitia absorptum reuocauit. Verè mirabilis Deus in sanctis suis: verè ineffabilis Deus: & ineffabilia opera ejus. Quid enim in hoc beatissimo Patre nostro magis admirer nescio: an quod tantam & tam insolitam gratiam à Domino percipere, non semel sed pluries meruit: seu quod tam excellentem gratiam percipiens, non eam apud se seruauit teste conscientia: sed nec paucis tantum familiaribus suis eam reuelauit, quod certè & ipsum sine periculo vix fieri posse videretur: verum publico conuentu sicut supra retulimus coram vniuersitate fratrum eam sibi collatam esse manifestauit: & tamen mentem adeò in timore Dei solidatam habuit: ut vanitatis spiritu pulsari nequaquàm timeret. Inuenitur etiam in gestis hujus beati viri, quòd adhuc in carne degens, novitio cuidam in Clara-valle grauiter egrotanti, cum multitudine monachorum in spiritu apparuit: predicens ei, quòd quinta die foret moriturus: & quòd in ipsa quinta die, sole jam ad occasum vergente, visitans

Novitiorum ingens in Clara-valle aliquando numerus.

Novitiam tristitia absorptum confirmat.

Alij novitio egrotanti apparuit & diem mortis predicat.

eum, iussit confidere & nihil timere: sed recto protinus cursu pertingere ad Dominum Iesum Christum & offerre ei humilem suæ Claræ-vallensis familiæ salutationē. Ad quam vocem nouitius quā potuit capitis inclinatione, & motu annuens labiorum: clausis oculis eadem hora obdormiuit in Domino.

Caput XIII.

Multi literati lacrymis & sermonibus S. Bernardi conuersi, mundo vale dicunt.

QVADAM præterea vice cū vir Domini Bernardus, causa exigente, parisiis adisset: rogatu clericorum ingressus est de more scholas eorum. Quibus ostendens formam veræ philosophiæ, monebat eos attentius de mundi contemptu, & subeunda pro Christo Domino voluntaria paupertate. Explicito verò sermone, cū nemo ex eis conuerteretur, tristis egressus est: eo quod præter votum & præter solitum, id ei accidisset. Veniensque ad domum cuiusdam Archidiaconi, qui eum ad hospitium suum traxerat: secessit in oratorium ibidem constitutum. Cumque cœpisset orare in spiritu vehementi, validissima compunctione totus in lacrymas resolutus est: ita ut gemitus & singultus quos cohibere non poterat, foris audiri contingeret. Quo cōperto præfat⁹ Archidiacon⁹ à socijs ejus inquirere cœpit, quānam esset tanti causæ mœroris. Respondens autem vnus ex eis, vir religiosus quondam Abbas Fusniaci, nomine Renaldus, qui secretorum famuli Dei magis cōsci⁹ erat, & cujus etiam relatu ista cognouimus: dixit ad eum. Homo iste mirabilis, totus igne caritatis accensus, & totus in Deo absorptus, nil aliud in mundo desiderat, nisi tantummodo ut valeat errantes ad viam veritatis reducere: & eorum animas Christo acquirere. Et quia modo verbum vitæ seminavit in scholis, & de conuersione clericorum fructum verbi sui non recepit, Deum sibi putat iratum: cujus hodie in sua prædicatione non persensit respectum. Hinc ista procella gemituum: hinc effusio lacrymarum. Proinde nunc certissimè spero: quod hodiernam sterilitatem crastinæ satisfactionis vbertas grandi fœnore compensabit. Mane itaque facto, cum scholas reperisset prædicator egregius, ad nutum Domini nauem cogitationis duxit in altum: & sacræ doctrinæ retia laxauit in capturam. Finito verò sermone, plurimi ex eisdem clericis per manum illius sese domino reddiderunt. Quos ille protinus de mundi periculo, tamquam de marinis fluctibus extractos, & vehiculis conductis impositos: in saluatorium Claræ-vallis inferre non distulit. Tandem egressus de ciuitate, cum comitatu suo vsque ad villam sancti Dionysij venit: ibique pernoctauit. Summo verò mane cū eum recto itinere profecturum fratres illius existimarent: dixit. Redundum est nobis omnimodis Parisius, quia sunt adhuc ibi aliqui ex nostris: quos etiam oportet nos inde adducere, & jungere huic ouili dominico: ut fiat vnus grex & vnus pastor. Cū ergo cœpissent introire in ciuitatem, vidit clericos tres à longè in occursum ej⁹ venientes: dixitque ad socios suos. Expediuit nos Dominus: jamque in viam nostram proficiscemur. En isti sunt clerici: propter quos venimus. Illi verò accedentes, cū eum adesse cognoscerent: gauisi sunt gaudio magno, & diceretur. O quā desideratus aduenis beatissime pater: quia propositum nostrum erat adire te: vix putabamus abeuntem consequi posse. Qui respondens, dixit ad illos. Et ego noueram dilectissimi: propterea festinabam cum panibus occurrere fugientibus vobis. Gradiamur itaque simul: eroque per gratiam Dei ductor

Flet S. Pater, se nullū conuertisse suo sermone.

Vide. & hic Prophetam Bernardum.

itineris vestri. Adjunctis ergo cæteris suprâ memoratis, secuti sunt hominem sanctum, adhærentes ei: & sub disciplina magisterij ejus spirituales militiam exercentes cunctis diebus vitæ suæ.

Caput XIV.

Prædictio S. Bernardi de quibusdam nouitijs mirabiliter impleta.

AD benedictionem hujus sancti patris quidam aliquando nouitij ejus veterem hominem cum actibus suis exuentes, novum qui secundum Deum creatus est in justitia & sanctitate veritatis induerunt: de quibus vir beatus in spiritu Dei loquens prædixit, omnes eos gratiam spiritualis dignitatis adepturos, & nomen & officiû Abbatis sortituros. Cûque succedentibus annis, temporibus oportunis in singulis eorum verbû prophetiæ huius effectui manciparetur: vnus ex eis, nomine Petrus, quem in Suecia ad domum Nouævallis Abbas sanctus direxerat, post obitû ipsius per annos quâplures vsq; ad senectam, imò penè decrepitam ætatem absque hoc munere gratiæ vixit, eo quòd simplicioris esset naturæ: & ad tantum officiû administrandû minùs idoneus existimaretur. Sed quid? Numquid vel in extremis finibus mundi latens, vel gravioris ætatis incommoda sustinens, omnipotentiam Sancti Spiritus effugere potuit: quò minùs impleretur de eo, quod per os Prophetæ sui Bernardi idem Spiritus tantò antè prædixerat? Deniq; post tâti temporis spatium, cû jam ferè in oblivionem venisset, quod de hoc columbinæ simplicitatis homine pater reuerendissimus prædixerat: accidit, vt fratres de quadâ domo Nouævallis, * in insula, quæ Godandia dicitur, sita, destituti pastore, secundum generalē consuetudinem Ordinis ad matrem suâ recurrerent, quatenus per prouidentiam & sollicitudinē patris Abbatis domui ipsorum dignus dispēsator constitueretur. Et volente Domino, sine cuius nutu nec folium arboris, nec vnus passer in terrâ cadit, tam patri Abbati, quàm cæteris qui electioni intererant, placuit, prædictû senem in hanc partem sollicitudinis assumere: vt tantò fiducialius de pietate Dei, sanctissimiq; patris sui meritis consideret, quâtò humilius de sua insufficientia diffideret. Quod vbi factum est, & verbum quod olim sanctus prædixerat, ad memoriâ reuocatum vbique divulgatum est, mirati sunt vniuersi qui audierunt, dicentes promotionem tam senis & simplicis hominis ad hoc tantum diuina dispēsatione fuisse p̄uisam: ne ex omnibus quæ per spiritû prophetiæ locut⁹ est homo Dei, vnum saltem iota, vel vnus apex incassum prolata viderentur.

Caput XV.

S. Bernardus latronem eripit ab imminente morte, & Religiosa veste donat.

Contigit aliquando eundem Dei famulû pro quibusdam negotijs adire Comitem Theobaldum. Cûque appropinquaret oppido vbi ille tûc erat, obviam habuit turbam hominû copiosam: qui iubente Comite latronem quendâ facinorosum atque famosum ad supplicium pertraherent. Quo viso clementissimus pater apprehendens manu sua lorû, quo erat missus astrictus, ait tortoribus ejus. Dimittite mihi sicarium istum: ego enim volo manibus meis suspendere eum. Audiens autem Comes aduentû hominis Dei, festinavit illicò occurrere ei. Miro namque deuotionis affectu semper eum dilexit, atque eum honorauit. Cumque videret funē in manu ejus, quo latronem post se trahebat, exhorruit vehementer, & dixit. Heu venerabilis pater, quid est hoc quod facere voluisti? Vt quid enim fureiferum istum milles condemnatum à porta inferi reuocasti? Numquid eum

* Id est de domo Nouævallis subdita.

Theobaldus Comes Campaniæ, in qua prouincia sita est Claravallis

*Pœnitentia
continua
mors est di-
uturna.*

salvum facere poteris, quia iam totus diabolus factus est: Desperata est pœnitentia corruptio ejus: nec unquam bene facere poterit, nisi moriendo. Sine igitur domine pater, sine perditionis hominem perditum iri: quia de pestifera vita eius multorum periclitatur. Respondens autem pater sanctus dixit. Scio quidem virorum optime, scio hunc esse latronem sceleratissimum: omniumque tormentorum acerbitate dignissimum. Non me ergo existimes hujusmodi peccatorem impunitum velle relinquere, quin potius cogito eum tortoribus tradere, & dignam ex eo capere ultionem: quæ utique tantò dignior erit, quantò diuturnior. Tu illum decreueras brevi supplicio & momentaneo interitu consummari: sed ego eum faciam diuturno cruciatu, & morte longissima mori. Tu furem appensum per unum aut per plurimos dies mortuum in patibulo manere permitteres: ego cruci affixum per annos plurimos faciam in pœna iugiter vivere & pendere. Quo audito princeps Christianissimus siluit: nec ausus est ultra contradicere sermonibus sancti. Protinus ergo benignissimus pater, exuta tunica sua induit ex ea captivum suum, & attonsa coma capitis eius, sociavit illum ouili Dominico: de lupo faciens agnum, & de latrone conuersum. Qui veniens cum eo ad Claramvallem, factus est deinceps obediens usque ad mortem, pulchrè nominis sui etimologiam exprimens in constantia propositi sui: Constantius enim vocabatur. Itaque triginta ni fallor, aut eo ampliùs annos in ordine superuiuens, migravit ad Dñum, qui eum per merita beatissimi patris nostri à duplici morte, corporis videlicet & animæ, misericorditer eripere dignatus est.

Caput xvi.

Ciuis Mediolanensis vidisse se S. Bernardum inter Apostolos palam fatetur.

*Mira deuotio
erga S.
Bernardū.*

DOMNO Renaldo, cujus suprà mentionem fecimus, indicante cognouimus, quod famulus Dei Bernardus cum venisset aliquando Mediolanum pro reconciliando schismate Petri Leonis, cum tanta exultatione vniuersorum susceptus est: ut tota ciuitas fere per vnam leugam rueret in occursum eius. Multi verò eorum: per quatuor aut quinque miliaria processerunt. Ita denique sibi in ipso complacuerant, ut cum eum antea non vidissent: ingressum in urbem, mox in Archiepiscopum vnanimi consensu raperent potius quàm eligerent. Quod cum ille recusasset, parati erant omnino vim facere: nisi fuga latenter euasisset. Cum ergo ibi sederet in quadam amplissima domo, tanta circa eum erat hominū multitudo: ut nullus ingredi posset. Interea quidam de ciuibz eiusdem vrbs, vestitu & vultu honorabilis, cum Dei hominem adire omnimodis cuperet, & nusquam aditum reperiret, medijs se turbis ingessit: manibus ac pedibus reptans, & super colla sedetium gradiens, quousque ad ipsum quem desiderabat perueniret. Cumque apprehendisset pedes eius: cœpit eos mira deuotione amplecti ac deosculari. Quod videns supradictus Renaldus, qui propius assistebat, accessit ut amoueret eum: sciens utique, quia vir sanctus hujusmodi venerationibus & obsequiis nimis grauabatur. Ille verò conuersus dixit ad eum. Dimitte me obsecro, dimitte me videre & tangere hominē proximū Deo: & verè Apostolicū virū. Dico enim tibi, & in fide Christiana testificor: quia vidi illum inter Apostolos Christi. Quod audiens monachus ille miratus est, & cupiēs plenius nosse, volebat ab eo inquirere modū visionis huius: sed præ pudore præterstantes nō presumpsit. Verūtamē magnā extitisse reuelationē ipsā certissimè credidit, p̄qua vir ille tā vehementer affectus erat erga famulū Dei.

Caput xvii.

Caput XVII.

Prudenter respondet Sanctus Hæretico, de collo equi ipsius eum suggillant.

QUODAM tempore cum Legatus Domni Papæ, alijq; Episcopi, procō-
futanda hæresi Manicheorum, ad partes Tolosanas sanctum Dñi Ber-
nardum secū traherent: parauerunt ei fratres equitaturam solito meliorem,
quæ tam longo itineri sufficere posset. Qui cum ad illas partes comitantibus
Episcopis deuenisset: Henricus quidam quondā monachus niger, tunc autē
apostata vilis, & eorumdem hæreticorum princeps, cognito aduētu famuli
Dei veritus est à facie ejus: sciens, quia non posset resistere sapientiæ & spi-
ritui, qui in eo loquebatur. Proinde maturata fuga delituit: & minimè po-
tuit vsquam eo tempore reperiri. Ibi quoque glorificauit Dominus seruum
suū in conspectu totius populi & principum terræ, faciens quotidie per ma-
nus illius signa & prodigia magna in plebe. Nec facile credi potest, quanta
turbarum infinitas Apostolicum virū tota die prosequeretur; dum alij eru-
ditionem, alij curationem, vniuersi benedictionē ab eo postularent. Qua-
dā igitur die præsentē innumerabili hominū multitudine, cum eos copiosius
de fide catholica conseruanda, & de immunda hæreticorum societate vitāda
cōmonuisset, contrigit adesse quendam de hæreticis illis, qui potentior cæte-
ris, atq; prudērior videbatur. Qui cum amaro oculo cerneret venerationem,
quam Dei famulo popul⁹ impendebat, moliebatur aliquid agere, vnde cla-
ritatē opinionis ejus aliquatenus obnubilaret, & daret maculā in gloria illius.
Iamque expletis omnibus, quæ ad præsens necessaria videbantur, vir Dei
equū suum ascenderat, vt abiret. Et ecce prædictus hæreticus, quasi coluber
tortuosus erecto capite venit ante hominem Dei, & clamans corā omnibus
ait. Dñe Abbas, sciatis, quia caballus magistri nostri, qui tam malus vobis
apparet, non ita ceruicosus & pinguis est, sicut iste sonipes vester. Quo au-
dito vir mitis & patiens, respondit ei mox tranquillo vultu & animo, dicēs.
Non diffiteor, amice, quod astruis. Verumtamen scire te conuenit, quia
jumentum istud, de quo mihi insultas, brutum est animal: vñdm vtrique ex
illis, quæ natura pna atq; obedientia vñtri finxit. Quòd si pro libitu suo co-
medit atque pinguescit, nihil inde iustitia lēditur: quia jumentum quod suum
est facit. Proinde non erimus arguendi in iudicio Dei, ego & magister tuus,
de cervicibus jumentorum: sed vnusquisque de collo suo iudicabitur. Nūc
igitur, si placet, respice collum meum, & vide: & si grossius est collo ma-
gistri tui, inde me forsitan iustē reprehendes. Hoc itaque dicto caputium
exiit, & capite denudato vsque ad humeros, apparuit ipsi⁹ collum, vt erat,
productum & gracile: quod quamvis esset carnibus exesū & tenue, erat ta-
men ex dono cælesti pulchrum & candidū nimis, sicut collum oloris. Quod
cum viderent vniuersi qui aderant, lætati sunt læticia magna: benedicentes
Dominum, qui dedit in ore famuli sui tam paratum & conueniens respon-
sum, vnde confunderetur, & obstrueretur os loquentium iniqua.

*Hæresiar-
cham fugat
aduētus
sancti.*

*S. Pater
omnibus
beneficentia*

*Sanctus col-
lum suum
denudat.*

Caput XVIII.

Cæcus illuminatur: vnde Catholici confirmantur, Hæretici confunduntur.

Humilitas quoque Sancti Patris commendatur.

DVM adhuc in eadem regione reverendissimus pater moraretur, &
tāquam ex Apostolis vnus circuiret per castella & ciuitates, euangeli-
zando, & curando omnes languores, hæreticorum quoque turpissima de-
liramenta redarguendo, convincendo, cōfutando: accidit, vt cæcus quidā

H

*Fama mira-
culorum S.
Bernardi.*

*Cæcus pulue-
re loci in
quo steterat
Sanctus, il-
luminatur.*

*Manus San-
cti nimis
osculis po-
puli intume-
scentes.*

in vicinia eadem, comperta fama virtutum atque signorum, quæ per manus hominis Dei multiplicabantur per dies, spe recuperandæ sanitatis animæ, eundem Dei famulum adire decreuit: si fortè beneficio cælestis gratiæ, quæ per ipsum miseris mortalibus copiosè tribuebatur, sibi quoque cecitatis caligine deterfa lumen dulce restitueretur. Accelerans itaque, & vbinâ sanctû Dei reperire posset, sollicitus inquirens; audiuit eum in quodam celebri cõventu in medio magnæ multitudinis consistere, verbûque vitæ disseminare. Quò, cùm pedibus offendès, & anhelus currens, peruenisset; tristi rumore percellitur: quoniam vir Domini jam inde recesserat, & ad alia loca transmigrauerat. Quid tamen ageret? Siquidem desiderium recipiendæ sanitatis cùm eum vltèrius currere compelleret; densissimæ tenebræ, quæ oculos ipsi⁹ obsederant, pigrum & min⁹ expeditum reddebāt. Cumque in defectione mentis constitutus multa tristitia contabesceret, subitò diuina gratia inspiratus, & de meritis beatissimi viri spem toto corde concipiens, circumstantibus ait. Rogo per misericordiam Dei, ducite me ad locum illum, in quo hominem Dei stetisse, vel sedisse, certissimè scitis. Quod cùm beneuolentiæ eorum qui aderant, continuò consecutus fuisset, veniens ad locû, toto corpore in terram prosternitur: miraue deuotione puluerem ipsum, in quo sacra viri Dei vestigia steterant, deosculando, Domini quoque misericordiã per merita serui sui enixi⁹ implorando. Quod dum faceret, & de ipso puluere, fide plenus, oculos suos confricaret: repente miserante Domino, qui sanctitatem famuli sui, licet absentis, etiam in hac gratia declarare dignatus est, lumen oculorum recepit. Quod factum non solùm Catholicis Orthodoxæ fidei firmamentum contulit: verùm etiã malignis hæreticis confusionis & opprobrii notã adauxit. Ceterùm quis dignè referre sufficiat, quã fundatus in humilitate, submissus in timore, pavidus circûspectione, fuerit hic vir beatus, in omni gloria & honore, quo colebatur à populis, tribubus, & linguis: quocûque cū negotiorum Ecclesiasticorum causa deuenire contigisset? Vt enim de cæterarum regionum nationibus taceam, qui Catholicæ fidei puritate illustrabantur; certè ij ipsi Gasconiæ populi, quos de faucibus putidissimæ hereseos pater sanctus verbo prædicationis, signis etiã & prodigijs admirandis, tãquam de ventre inferi reuocabat, ipsum tãto feruore deuotionis venerabantur, vt cedens aliquando importunitati eorum, & in cathedra residens, seipsû voluntati eorum exponeret. Tantaq; fuit multitudo irruentium populorum benedictionem poscentium, ac sacras man⁹ deosculantiũ vt tenerrima prorsusque attenuata carne ipsius compressionē & impetum crebrò deosculantium ferre non valente, manus & brachia sacra in modum pugnorũ intumescerent: & vnde alij benedictionem sibi per virtutem quæ de illo exibat, procurabant, inde ipse debilitatus, & penitus cõquassat⁹, graues corporis molestias sustineret. Per omnia benedictus Deus, qui in his nouissimis diebus in Cisterciensi Ordine tã perfectæ religionis & consummatæ iustitiæ hominem suscitare dignatus est: per quem monasticus ordo in antiquũ sacræ religionis vigorem restitueretur: & Ecclesia Dei per Apostolicam gratiam ipsi collatam diuinæ misericordiæ beneficia plurima consequeretur.

Caput XIX.

De mortuo, quem beatus Bernardus suscitauit.

TErram Ierosolymorum tempore quodam occupantibus Saracenis, beat⁹ Bernardus, cujus animã Christianæ desolationis gladi⁹ acerbitate

Singulari perfoderat, circumquaq; discurrens, ad vltiscendam Saluatoris Injuriam, & ad expugnationem gentis incredulę, turbas fidelium non verbis tantum, sed signis & virtutibus hortabatur. Accidit autem, cum in Alemanniam deuenire, & egredientem die quadã de Fribure, oppido memorabili in partibus Brisgaurie constituto, a quodam Henrico viro nobili, & adhuc iuuenulo ad quandam mansionem ipsius ubi erat, in vespere pernoctandum deduci, copiosa multitudo eum secutæ. Cum autem idem Henricus accepto jam crucis signatulo, non equitare, sed pedes proposuisset incedere, donec expensarum apparatus collecto propositę peregrinationis iter arriperet. * Ascenso igitur equo secutus est eum protinus ab eunte. Videns hoc & inuidens quidam vir belial, seruiens eiusdem Henrici, homo totius prauitatis amator, & boni totius incredulus, in servum Dei ait. Ite modo, & diabolũ illum sequimini, & ipse vos diabolus apprehendat. A latere verò duę mulierculę venientes, inter se deportabant tertiam, pedum & quorundam membrorum destitutã officio, & contractam: virumq; Dei rogare volebant, vt calamitatem infirmę, & bacularum angustias, curationis opatę remedio releuaret. Porro Henricus hanc intuens & misertus, agrã, inquit, super collum equi mei mihi porrigite: & vos ad servum Domini properantes subsidium implorate. Prefatus ergo seruiens ad hoc pietatis opus domini sui indignans & impatiens vsquequaq; ipsum invectione arguit acriore: quasi ad incantatorem & maleficum, & mentium eversores, esset miseram delaturus. Cui Henricus, non, inquit, sed defero, vt ad benedictionem viri Dei recuperet sospitatę: & ex certissima salutis eius fiducia tibi polliceor, quod si eam non sanaverit, equũ cui insideo tibi dabo. Verbum igitur hoc ille gratulanter & gratanter accipiens, tota diffidentia faciendę virtutis risit pariter & irrisit, tam de curatione diffidens, quàm de adaptione equi pręgaudens. Illa verò dum ad sanctum Dñi delata fuisset, & desideratam sibi benedictionem illius adepta, illico surrexit incolumis, alieno jam sicut hactenus ministerio non gestanda. Viso hoc seruiens sepefatus in impetu spiritus maligni quem gerebat in pectore, festinauit, & conversus in faciem viri Dei, quicquid nequius vel turpius, aspirante Satana, concepisset interius, in ipsum, toto conamine maledicens & convitiis, iactabat. Verum, vltione Domini protinus occurrente, ipse retro corruit resupinus, & ceruice collisa spiritum exhalavit. Vnde subito lamentandę mortis eius dolore percussus Henricus, casum hunc lugubrem, & occasum nuntiavit Abbati: supplicans, cum paululum processisset, vt ad tam triste spectaculum remearet. Dicente quoque eodem Henrico, hoc ei propter vos accidit, quoniam in vos blasphemus esse, & contumeliosus, non timuit: heu, inquit, Dominus, vt propter me quispiam moriatur. Retrogressus igitur ad orationem, in qua sola in omni difficultate fidebat, se contulit: & ad longitudinem vnus PATER NOSTER, super eum silenter orauit: & mox præcepit astantibus, illum erigere; qui erectus, vtpoteq; iam defunctus, caput carens ceruicis suffragio quaquaversum agebat, miserabili circumflexu. Rursusque ait: tenete, tenete firmiter ei caput. Demum appropians, & saliva sua, cuius medicinali vnctione persæpius utebatur, loca læsura deliniens, & consignans: IN NOMINE DOMINI, ait, SVRGE. Et iterum. IN NOMINE PATRIS, & FILII & SPIRITVS S. DEVS tibi spiritum tuum reddat. Ille verò

* Sensus hic imperfectus est.

Charitas heri, & in pietas serui.

Verba quibus S. Bern. mortuum suscitauit.

recepto mox spiritu factus est in animam viuens, vel potius rediuuans mirantibus præ gaudio, & in cælum voces ac laudes attollentibus vniuersis qui aderant, & viderant, tam manifestè quàm miraculosè mortuū revixisse. Interrogat⁹ denique ab eodem sancto Dei, quomodo victurus, quid acturus esset in reliquum: domine, ait, modo quo iusseris, viam, faciamque quidquid præcipies, quidquid voles. Ab astantibus etiam requisitus, vtrum esset jam mortuus: mortuus, inquit, eram, & sententiam damnationis acceperam: ac nisi Abbas sanctus festinasset accurrere, irrevocabiler erā ad inferna ducendus. Ad exhortationem quoque quorundam astantium crucis accepit signaculum, & cum cæteris Ierosolymam est profectus. Henricus iste in eodem itinere Deo & beato Bernardo se reddidit, & in Claravalle postmodum monachus ejus fuit. Hoc ipse miraculum cum fidelibus oculis esset intuitus, crederetq; scriptoribus vitæ sancti patris esse notissimum, deprehenso tandem fuisse silenter omissum, indoluit: & ad gloriā Dei & sancti sui, juxta quod præsentaneè fuerat contemplatus, narrauit: vt in quanta gloria sit habendus, quem ita glorificauit altissimus, audiat & intelligat omnis generatio in sæculum sæculi sequutura.

*Miraculum
ingens omis-
sum à scrip-
toribus vitæ
S. Bernardi.*

Caput x x.

De obitu beatissimi Bernardi Abbatis.

*Epilepticus
sanatus co-
ram fenere
Sancti.*

*Sanatus &
alter habens
manum con-
tractam.*

DILECTVS à Deo & hominibus venerabilis pater Bernardus, dum in Claravalle sua feliciter consummasset dies suos, plenus dictum, sed plenior virtutum, requieuit in pace. Ad cuius exitum Episcopi & Abbates, aliique religiosi viri multi cōvenere. Cumq; per biduum exequiæ celebrarentur, tanta hominum multitudo convenit: vt penè nulla Episcopis, nulla fratribus reuerentiā haberetur. Nam gratia sanitarum quæ adfuerat vivo, nequaquam recessit à defuncto. Cum enim sanctum corpus sacerdotalib⁹ indumentis decenter ornatum, revelata facie, manibus quoque discooper- tis in medio positū esset: frater quidam diuturno & gravi morbo epilepsiæ detritus, reverenter & humiliter accedens, patrem sanctū tamquam adhuc viuentem lacrymosis precibus, vt sui miseretur, orare cœpit: nec poterat pius pater adhuc in medio filiorū positus tam grauē filij sui calamitatē dissimulare, sed tāquam diceret, fili, ego dormio, & cor meum vigilat, cōtinuò quod petebatur, per gratiam Dei concessit. Nam ex illa hora frater idē perfectè convaluit, & Abbatem sanctum viuere post mortē felici experientia didicit. Pridie etiam quàm reconderetur pretiosissimus ille thesaurus, puer quidā de proximo viculo aduenit, præ siccitate nervorum aridū habens brachium, & manum contractā. Cujus etati & debilitati qui præsenres aderāt compassi, tantò hunc fiducialius ad sacri corporis tactum invitauere post horam orationis nonā, quantò id minùs innocens ætas per se præsumere audebat. Vbi verò brachium aridū brachio sancto, & manus contracta manui benedictæ applicata est: repente vigore naturæ redeunte brachium conu- luit, & manus liberè extendens & reflectens digitos, sub oculis totius multitudinis, quæ sacrum funus quaquaversū circumdederat, perfectæ sanitati restituta est. In cuius curatione tantus illicò factus est clamor omnium qui aderant, vociferantium in laude Dei, vt vix eum potuerit Fratrum disciplina reprimere. Superueniente verò nocte allatus est alius toto corpore debilis, procubuit loculo, & coram psallentibus erectus est, & deductus ad altare. Enimvero Dominus Cisterciensis, qui cum alijs pluribus Abbatibus sui Or-

dinis ad exequias viri Dei venerat, considerans tantam importunitatē tumultuantis populi, & ex presentibus futura coniiciens: vehementer timere cœpit, ne si crebrescentibus signis tam intolerabilis illuc populorum turba concurreret, earum improbitate disciplina periret Ordinis, & sanctę Religionis fervor in eodem loco tepesceret. Quapropter habita super hoc deliberatione, reuerenter accedens, per virtutem obedientię, ne signa ulterius faceret, inhibuit. Sed cum dicat Apostol⁹ de Domino nostro Iesu Christo, quia factus est obediens Patri usque ad mortem, & ipsius exemplo Legislator noster sanctus Benedictus obedientiam nobis usque ad mortē in Regula pponat: sancta & verē humilis anima patris nostri mortali homini, etiā post mortem carnis, obediens fuit. Nam signa quę tunc jam radiare cœperant, ita cessavere, ut ex illa die & deinceps nūquam publica miracula facere visus sit: licet quibusq; fidelibus, præcipuē sui Ordinis fratribus, pro varijs incōmoditatibus ad se clamantibus, usque hodie deesse non possit. Nāque sola illa signa, quę disciplinam Ordinis per turbas concurrentium populorum minuerent, domnum Cisterciensem fieri noluisse, manifestū est. Evolutis dehinc post transitum beati viri pluribus annis, erat in partibus Italię matrona quędam, quam correptā spiritus malignus atrociter vexare cœpit. Quo tam lamentabili casu propinqui & amici ejus vehemēter consternari, si quid remedi; foret, sedula meditatione pensare cœperunt. Erat autem in vicinia Cœnobiū quoddā Ordinis Cisterciensis. Et sicut mentibus in angustia constitutis spēs vndercū; concepta solet parere fiduciam, ad eandem domum dæmoniacam illā causā curationis ducere cōmuni consilio decreverunt. Quod & factū est. Sistitur misera ad portam: & aliqui ex simul comitantibus, qui tantum malum Abbati & fratribus nuntiarent, opēque flagitarent, mittuntur. Abbas verō quosdam de senioribus, quos magis nove- rat spirituales, assumens, cum cruce Dominica & Sanctorum reliquijs egreditur ad patientem. Cūq; malignus ille spiritus per Dñi crucem & per sacra Sanctorū pignora conjuratus nil moueretur, recordatus est Abbas, habere se venerandas reliquias de capillis & barba S. Bernardi: quas eodē, ni fallor, anno ad Capitulum vadens in Claravalle pro benedictione acceperat, & ad tutelam sui continuē secum ferebat. Et nil dicens, manus sub cuculla silēter misit: quaten⁹ extractis his reliquijs dæmonē per has vrgeret. Quod pestifer ille lynceis oculis deprehendens, cœpit continuō scabellum pedibus terere, sputa jacere: totius quoq; corporis indecenti motu, quid intus pateretur, prodebat invitus. Et erūpens in vocem, eja, inquit, Abbatule, quid vis facere? Quid modō mali contra me sub illa veste tua machinaris? Frustraniteris, incassum laboras: serua Bernardulum tuū, nec enim proficies quidquam. Dicente verō Abbate, per Domini gratiam, & huj⁹ sanctissimi viri merita, modō egredieris, respōdit. Quid? An excidit tibi, quod phibitum est ei signa facere? Hoc ergo sciens, secur⁹ in hoc meo domicilio requiesco. Audiens autem Abbas & fratres qui cum ipso erant hęc verba, valde mirati sunt: quod scilicet spiritus nequā interdictū illud in scutū suę defensionis tam celeriter invenerit. Hęc nos de virtutibus B. Bernardi Abbatis breviter perstrinximus, Dñi misericordiam postulantes, quatenus dulcissimi patris nostri meritis & precib⁹ nos ab omni malo custodiat: & post tanti patroni sacra vestigia diuinę gratię spicas legētes, eternę vitę participio nō fraudari concedat.

Philip. 2.

S. Bernardi
discretiam
post mortem
obediens.Reliquiarū
Sanctarum
veneratio.

*Humilitas
successoris
S. Bernardi.*

*Viso cuius-
dam Clara-
vallis.*

*Conversio
subita An-
dree Virdu-
nensis Ar-
chidiaconi.*

SUCCESSIT beatissimo patri Bernardo in regimine Clarevallisensis Cœno-
bij Dominus Robertus Abbas de Dunis: cujus prælationem sex vel sep-
tem annis antequàm ipsa promotio fieret, Dominus revelare dignatus est.
Cum enim ante tanti temporis spatium duo de fratribus Clarevallis de feli-
cibus actibus dilecti Abbatis sui Bernardi colloqueretur, sciscitavit, ait vnus ad
alterum, quantum temporis iste pater noster adhuc victurus sit? Altero
verò se nescire respondente, ego scio, inquit, quòd sex vel septem annos
victurus est: & quia Dominus Robertus, qui hodie est Abbas de Dunis, in
huius monasterij regimine succedere debet. Quod ubi Deo donante factum
est, idem religiosus Abbas pastorem curam tantò humiliter exercuit, quan-
tò se inferiorem meritis prædecessori suo iudicavit. Quanto enim eminenti-
ores pensabat virtutes illius qui præcesserat: tantò in se magis despiciebat,
quidquid boni facere poterat. Sicque factum est, ut cum magnæ religionis
speciem daret; comparatione tamen melioris, in oculis suis propria sibi vita
vilesceret. Huius venerabilis Abbatis temporibus erat in monasterio Clare-
vallis religiosus quidam monachus, qui vidit gloriosam quandam visionem,
quam ad consolationem humilis suæ Clarevallisensis familiæ Dñs ostendere
dignatus est. Verum, frater ille qui eandem visionem videre meruit, utrum
dormitans, an plenè vigilans eam viderit, incertum habet: magis autem vi-
gilans & in extasi raptus vidisse se credit. Igitur secunda feria paschæ, cum
esset ad vigilias in choro Clarevallisensi: facta est super eum ibi manus Do-
mini. Et ecce sursum in aëre contra medium chori apparuit ei dextera reful-
gens atque gloriosa: quæ præsentem familiam, in psalmis & hymnis & canticis
spiritualibus sancto nomini suo confitentem, benedixit, & vivificæ crucis
signaculum semel ac secundò longo tractu super eam impressit. Spiritus autem
revelans mysteria loquebatur in corde videntis hæc, atque dicebat. Istud est
brachium dominantis, hæc est dextera omnipotentis. Eadem itaque die cõ-
versus est ibi vir nobilissimus Andreas Virdunensis Archidiaconus, qui cau-
sa orationis illuc aduenerat: nec tamen aliquod ad præsens conversionis
propositum habebat. Sed cum orationum suffragia petiturus, Capitulum
fratrum introisset, videns sanctæ illius multitudinis ordinem; & velut An-
gelicam conversationem, compunctus est vehementer: & insiliente in se
spiritu Domini mutatus est in virum alterum. Tanto namque fervore mû-
dum deseruit, ut ne ad horam quidem, vel pro amicis salutandis, vel pro do-
mo rebusque disponendis, ad suos remearet: sed in continenti omnia, rum-
pendo magis quàm solvendo, reliquit, ut Christo citius adhereret. Ut autem
gemina crucis impressio evidentiùs appareret, alius clericus, Gaufridus no-
mine, cum eo se reddidit: genere quidem humilior, sed probitate morum,
& generosa conversione, forsitan non inferior. Ambo igitur intrantes, am-
bo simul in Ordine perseverantes, bonam militiam militarunt: jamque con-
summato certamine benedictionis æternæ participes existunt. Porro præfa-
tus Andreas multa in novitate conversionis suæ tentamenta sustinuit: sed
dextera cælestis, quæ benedictionem dederat, eum in omnibus illæsum con-
servavit. Erat enim quasi tenerimus ligni vermiculus, mollis & delicatus
nimis: ut tantò gloriosius in eo dextera Domini triumpharet, quanto infir-
mius erat vasculum, in quo virtutem operabatur. Cum enim teneritudinem

pristinæ conuersationis ægrè dedisceret, & noviter inchoatæ laborē nimis arduum reputaret: cogitauit vt Loth, quia egressus de Sodomis non posset animam suam in monte saluare: vnde & proposuit ad aliquem remissioris observantię Ordinem declinare. Quod cum spiritali patri suo venerabili Roberto iam sepius indicasset, & ejus salutaribus monitis ab hac intentione pedem aliquandiu cohibuisset: tandem vna die victus à pusillanimitate spiritus & tempestate, denūtiavit ei, quia non poterat ampliùs sustinere. Tunc Abbas precibus ac blanditijs multis extorsit ab eo, vt sibi ipsi vim faceret: & vsque ad diem tertium patientiam teneret. Quo tandem vix impetrato, Capitulum fratrum ingressus, orationem Conuentum ad Deum facere pro eo instituit. Ipse etiam pius pater toto mentis annisu conuersus ad Dominum, deuotissimis precibus orabat, vt ouiculā, quam diabolus rapere conabatur, Dominus sua misericordia conseruare dignaretur. Eadem itaque die, cum idem novitius ad mensam accederet, pisorum edulium appositum reperit, quod genus leguminis ita præ cæteris omnibus fastidire solebat, vt etiā nauseam ei provocaret interdum. Intuitus verò pulmentum quod nimium abhorrebat, conturbatus est: & vix fame compellente, vt aliquid sumeret, reluctanti stomacho persuadere poterat. Et ô Deus bone, quā diues es in misericordia, teneris & delicatis morem gerens: vt in omnibus consiliū voluntatis tuæ adimpleatur, & sanctum nomen tuū glorificetur. Præfat⁹ verò novitius cum cibum sibi inuisum vix tenuiter gustare cœpisset, mirabilem quandam sensit suauitatē: ita vt carniū vel piscium esum saporis illius præstantia vinceret. Quod vbi deprehendit, arrepto protinus cochleari catinū propius admovit: oblitusque parsimonię, cocticiñē leguminis vorauit vsq; ad fundum. Inter edendum autem digitem in os frequenter mittebat, existimans se deprehendere posse cremia lardi, in quo legumen illud frixū esse putabat. Finita autem refectione festināter Abbatem adiit: sollicitè perquirens, vtrumnam præcepisset pulmentum illud saginare, vel quavis alia pinguedine propter ipsum ex industria condiri. Illo verò negante, conuenti sunt etiam super hoc pulmentarij. Tunc & ipsi protestari sunt in veritate, nil in eo, præter sal & aquam apposuisse. Quo audito neophytus ille diuinæ circa se visitationis miraculum letus aduertit: & gratias agēs Deo, deinceps à proposito Ordine moueri non potuit. Cumque magno Dei munere secunda & tertia die, & multo postea tempore, prædictā suauitatem in ejusmodi cibarijs persentiret; magistra tandem experientia didicit, quia potens est Dominus, cum voluerit, ad consolationem servorū suorum eandem saporis gratiam conferre leguminibus & oleribus, quam carniū & piscibus indidit. Vnde & sæpe dicebat, quia magis nūc delectabatur in comestione pisorum & olerum, quā antea in comestione altilium & venationum.

*Tentatur
novitius.*

*Fiunt preces
pro eo.*

*Mirabili
modo confir-
matur.*

*Deus vili
cibo dat
saporē ma-
ximum.*

Capitulum XXI.

De Seniore, qui apostasiam cuiusdam monachi in spiritu prævidit, & eam

Domno Roberto Abbati prædixit.

SED quoniam iucundum satis exemplum de his duobus athleticis Christi retulimus, ad incitandum teneros & delicatos, ne conversionem refugiant: quoniam non est invalida manus Dñi ad tinendum, roborandum, & confirmandum in sacro Ordine quantumlibet deliciosos: nunc triste nimis exemplum de alijs duobus subiicimus, qui suscepto Religionis habitu, redierūt retro post Satanam: ne fortè quis sancto Ordini incorporat⁹, con-

*Demon-
dantes vi-
sitas & ex-
plorat.*

*Monachum
ad apostata-
miam clara
vocavit*

*Negat mo-
nachus, se
turpi cogita-
tione pulsari*

*Fit apostata-
ta, & alter
post eum.*

tinuò securitatem sibi promittat: cum tunc primum manus ad fortia mittere debeat, & nisi legitime certauerit, coronam propositam minimè consequatur. Quidā de senioribus Clarevallenſibus, Guillelmus nomine, religione pariter & ætate provectus, quem etiam Dominus Robertus Abbas ob ipsius sanctitatem plurimum venerabatur, premente corporis molestia quadam vice in infirmitorio decumbebat. Nocte verò quadam post matutinos quiescentibus cæteris infirmis, ipse sicut erat feruentissimus, more solito vigilabat & orabat in lecto. Et ecce per ostium infirmitorii dæmonium intrans, oculis ejus manifestè apparuit in vestitu & vultu fornicariæ mulieris, quæ coram eo transiens, circuibat oberrans, & quasi aliquem quærens. Erat autē in medio domus lampas accensa: quæ copiosè refulgēs, petulantes illi⁹ mōstri motus & gestus lascivos apertè videri faciebat. Ibat ergo phantastica meretrix obrutu gyrovago cuncta perlustrans, & singulorum penè lectulos explorans, quis dormiret, quis vigilet, diligentius investigans: si quæ fortè de suis ibidem agnosceret: si quis blandienti ac lenocinanti consentiendo occurreret: illum citò præteriens, hunc morosius intuens: istum de lōgè visitans, illi magis appropians: manus quoque interdum vsq; ad ora quiescentium molliter applicans, nihil intactū, nil indiscussū relinquere volebat: & quod per suggestionem semper interiùs actitat, hoc permittēte Dño ad admonitionem nostram, in oculis spiritualis illius viri visibiliter exercebat. Tandem verò quem quærebat offendens, sistitur ante lectū. Erat autem iuuenis monachus, & noviter monachizatus. Tunc illa procaci manu injecta à parte capitis opertorium parumper amovit: & tactu leni pulsitans dormientem, clara voce sic ait. O homo insensate, quid hic habes facere? Surge celeriter, & sequere me: & dic etiam socio tuo, ut exeat post te. Ego autem foris ad anuam præstolabor vos. Hoc itaq; dicto pervicax bellua festinanter recessit, & per ostium quo intrauerat, exiit. Expergefactus verò iuuenis resedit in lecto: & frontem manibus fricans huc illucq; respiciebat, scire cupiens, quis eum excitasset. Qui cum neminem cerneret, capite iterū reclinato obdormiuit, sed nō in Domino. Mane igitur factō, vir Dei qui talia viderat, Abbati suo, piæ videlicet memoriæ Dōno Roberto, rei gestæ ordinem intimat. Ille verò tamquā bonus pastor sollicit⁹, ne aliquam de sibi creditis ovibus perderet: iuvenem super cogitationibus suis secretius convenit, diligentius admonet, cautius instruit: accepitque ab eo responsum, quod nulla turpi cogitatione aliquatenus pulsaretur, verū ad perseverantiam propositi sui voluntate firmissima traheretur: sed mentita est iniquitas sibi. Erat enim cordi ejus præſidente diabolo confessionis aditus obstructus: ne per pœnitentiæ portam, venia salutaris ingrederetur. Cum ergo Abbas prædicto viro Dei iuuenis responsum insinuasset: ille respondit. Expectate paulisper; & ex facti fine probabitur, verū esse, quod dixi. Quid multa? Non multi fluxerant dies, & ecce iuuenis ille libidinum furijs agitato, immemor tremendi iudicii Dei, professionis vinculum rupit: & ad vomitū sæculi reuersus, apostata vilis efficitur: & sic demum phantasticæ illius meretricis seductioprehenditur. Porro socius ille, quem secum educere iussus fuerat, ipse cum eo novitius extiterat: & sacrum habitum, licet frustra, cum eo susceperat. Qui ad aliam transmissus domū, cum audisset, socium suum jugum Ordinis abjecisse: tunc & ipse rupto professionis vinculo, cum eo apostatare non distulit. Vnde patenter innotuit, quod spirit⁹ fornicationis ille,

ille, qui secundum Prophetam sufflat prunas in fornace, virulentas carnalis voluptatis delectationes in cordibus eorum accenderat: & per hoc utrosque seduxerat. Cujus inextricabiles nequitiae nexus, quoniam secundum sententiam beati Iob, nervi testiculorum ejus perplexi sunt, longè faciat ab infirmis servulis suis omnipotens & misericors Dominus.

Isai. 54.

Iob. 40.

Caput XXIII.

*De jucunda visione, quam Dominus Abbas Robertus in obitu
cuiusdam spiritualis viri vidit.*

Quidam de spiritualibus filiis Reuerendissimi patris Roberti, cum viam angustam & arduam, quae ducit ad vitam, indeclinabili studio cucurrisset, tandem placuit Domino laboribus ejus finem imponere: ut in pace in idipsum obdormiens requiesceret. Cumque jam instaret hora, qua de mundi hujus stadio euocandos, & ad celeste brachium esset invitandus, Dominus Abbas cum ceteris fratribus gratia quietis in lectulo suo se collocauerat. Et ecce sopor Domini irruit super eum: viditque in somnis duos pulcherrimos adolescentes, vultu & habitu insigniter relucentes: qui quasi lilia, rosas, & violas, ac diuersi generis flores in choro Clarevallensi copiose spargebant, ita ut pavementum omne pictum, ac varijs coloribus venustatum esse videretur. Quo viso miratus est valde: & quasi simplicitate Ordinis zelans, dixit ad eos. Quid vobis visum est, o boni iuvenes, contra consuetudinem nostram pavementum hoc floribus sternere, & monasterio nostro hujusmodi novitatem inducere? Illi vero dixerunt ad eum. Noli ista mirari, neque molestus nobis sis in hac executione officij nostri: quoniam modò jam in choro isto celebrabitur nova cuiusdam noui sancti festiuitas: de cuius solemnitate gaudebunt Angeli, & hymnus Domino cantabitur in Sion. Adhuc loquebantur illi, & animu videntis & audientis hæc in admirationem rapiebant, cum ecce concitatus tabulae crepitus excitat dormientem: & ut festiuitatem, quam celebrandam intus in spiritu cognouerat, foris secundum dignitatem officij sui exequeretur, signo consuetudinario inuitatur. Accurrens ergo cum ceteris fratribus properanter venit ad eum, & cum magna deuotione commendauit animam ejus: certissime credens atque confidens, quia hic erat novus ille sanctus, de quo in requie assumendo Angeli sancti nouam festiuitatem & nouu gaudium essent illico celebraturi. O beati, & verè beati, quos elegisti & assumpsisti Domine, qui nunc in hac vita per ardorem poenitentiae eatenus excoquunt in se omnem scoriam peccati, ut in illa vita, ad quam per praesentis vitae mortem transitur, in qua Dominus abluit sordes filiarum Sion tremendo spiritu iudicij & spiritu ardoris, purgatione non egeant; sed mox sine omni obstaculo delicti ad beatitudinis requiem pertingant. Beatæ itaque memoriae Dominus Robertus secundus Clarevallensis Abbas, cum talentum sibi creditu in lucra animarum fideliter, prudenter, & humiliter expendisset; in gaudium Domini sui introductus est: sanctissimi predecessoris sui, etsi non par meritis, tamen beatitudini conjunctus, ut simul cum eo gaudeat in caelis, cuius in tam religiosa congregatione dignus successor esse meruerat in terris. Reliquiae corporis ejus conditæ sunt in monumento, quod constructum est in muro claustrum Clarevallensis, prope ostium Ecclesiae: vbi & alij perfecti, & verè Deo digni, monachi requiescunt: de quibus in consequentibus aliqua dicemus.

Angeli floribus pavementum sternunt in obitu pij monachi.

Isai. 42.

Corpus D. Roberti iuxta Ecclesiam conditum est.

Caput XXIV.

De Domino Pontio, quinto Clarevallis Abbate, postea Clarimontis Episcopo:
 & de quibusdam sanctis monachis, ejus fratribus & filiis.

Grandissil-
 ma viri san-
 ctis facun-
 da.

Psal. 41.

Oratio mor-
 tem operans.

Tertio loco præfuit Clarevallensi Cœnobio beat^o cum omni reuerentia nominandus Fastradus, cujus suprà fecimus mentionem: quo ad regimen Cisterciensis Ecclesiæ, sicut superiora declarant, assumpto, Dominus Gaufridus quondam notarius S. Patris nostri Bernardi, plurimūque ab eo dilectus, qui etiam ultimos tres libros vitæ ejus mellifluo sermone descripsit, quarta institutione pastor & Abbas Clarevallis subrogatus est. Quo post aliquantos annos cedente, venerabilis Pontius Grandissilvæ Abbas, meritò religionis & prudentiæ suæ, cōmuni Abbatum & fratrum Clarevallensium electione ad hujus officij dignitatem sublimatus est. Iste servus Dei dum adhuc esset monachus in domo Grandissilvæ, quæ est vna de filiabus Clarevallis in partibus Tolosanis, in qua etiā constat multos præclari & magni meriti viros ab initio fuisse: studebat omnib⁹ modis mundū sibi, seque ipsū crucifigere mūdo: vitia carnis & cordis resecare: votis & sacri desiderij suspirijs ad celestē patriā anhelare: seniorū, quos spirituales & religione cōspicuos esse nouerat, amicitias & familiaritates auidē expetere, quatenus ipsorū exemplis & exhortationibus, renouaretur in spiritu mentis suæ de die indiem: quotidianisq; proficiens incrementis, aduersæ Philosophiæ scientiā transcendere. Inter cæteros verò vni specialiū adhæsit, qui nouitiorum magister erat in eadem domo, vir eximie virtutis, & in omni virtutū puritate fundatus. Hic ergo velut emeritorum laborū senex cœpit de requie felicitatis eternę cogitare, vniuersa quæ mundi & carnis sunt fastidire: ad Christi Domini nostri beatissimam præsentiam totis medullis cordis suspirare: feruentissimum habens desiderium dissolvi, & cum Christo esse; hoc enim multò magis melius. Ipso itaque in hoc spiritualis desiderij agone constituto, & dicēte quotidie in orationibus suis, *Quando veniam & apparebo ante faciem Dei?* superuenit sacratissimus dies Cœnæ Domini, in quo solēniter, sicut moris est, conuentus ad mensā Dominicam accedere, viuificisq; sacramentis participare debebat. Cumque jam instaret hora diuini sacrificij, & fratres ad percipiendam sacram cōmunionem in ordine suo ad altare accederent, ipse quoque inter cæteros accessit, diuini muneris particeps fieri gestiens. Sūpta verò sacra cōmunionē, cum adhuc eandem Eucharistiā salutare in ore teneret, præ inenarrabili dulcedine diuinæ dilectionis liquefacta est anima ejus in ipso: & præ impatientia sacri desiderij admouens gutturi suo digitum, petiuit animæ suæ, vt moreretur: hujusmodi orationem fundens ad Dominum. Domine Iesu Christe Fili Dei viui, Salvator generis humani, qui hanc purissimam & innocentissimam carnem, quam indignus sumere præsumpsi, ex immaculatæ & intemeratæ Mariæ Virginis utero pro nobis peccatoribus sumere dignatus es: si tibi non displicet ista petitio qualiscūq; seruli tui, precor & supplico pietatis tuæ clementiæ, quatenus per meatū gutturis hujus, per quod nunc cibum cœlestem, panem vitæ æternę, trajcere debeo, terrenum panem, seu quācumque aliam terrenam substantiā, de cætero nullo modo transire permittas. Et hæc dicens, hostiam salutis, quā ore tenebat, cum summa alacritate & deuotione ad interiora potius animæ quàm corporis trajecit. Continuò itaque, tamquam si Dñs responderet ei,

fiat tibi sicut petisti, eadem hora & eodem in loco viribus corporis cœpit repente destitui: & die tertia, hoc est Sabbato sancto Paschæ, obdormivit in Domino: vultu illo, quem tantis suspirijs & votis quæsierat, æternaliter satiandus, in quem desiderant angeli prospicere. Beatus vir, qui sic implevit desiderium suū: felix oratio, quæ tam celerem suæ petitionis consequi meruit effectum. Porro prædictus Dominus Pontius tunc ejusdem monasterij monachus, qui cum vnicè diligebat, & infirmati ac morienti sedulum ministerium deuotus impendebat, percunctat⁹ est eum, vtrum corporali molestia grauitè premeretur. Ille verò respondit, se placidum ac tranquillum existere, nihilque sentire molestiæ: nisi tantum in gutture, vbi digitum apposuerat; ibi se aliquantisper dolere dicebat. Cumque idem Dominus Pontius mira deuotione circa tam feliciter morientem afficeretur, accessit ad eū: & cum magna contritione cordis, intimis precibus rogauit, vt si per diuinam concessionem fieri posset, post mortem ad se reverteretur, & de his quæ circa se gererentur, eum certificaret. Quo annuente, post paucos dies dormitionis suæ ad fratrem prædictum reuertitur, cum magna claritate refulgens, & quasi cristallus aut vitrum purissimum toto corpore translucens: dixitque ad eum. Norum tibi facio carissime quia miserante Domino susceptus sum in magna beatitudine. Corpus verò istud, in quo me conspicias, collarum est mihi vsque ad diem generalis resurrectionis: in quo proprium corp⁹, quod modò vermibus scæter, & in puluerē redigitur, recuperabo, incomparabili gloria præstantius atque præclarius isto. In hoc autem interim suavissimè requiesco: quod per omnia mihi accommodum & ita translucidum est, vt de singulis membris, ac de cunctis partibus ejus, quasi de oculis clarissimè cernam: & totum corpus ita mihi sit vndique, ac si esset oculus vnus. Ceterum in pede vno ejusdem purissimi & translucidi corporis apparebat obscuritas cuiusdam maculæ: de qua tristè aliquantulum vultu sic locutus est. Macula ista quam cernis, contracta est à me per negligentiam meam: eo videlicet quòd ad laborem quotidianum aliquando segniter incedere solebā, nec conuentum fratrum ad opus manuum exeuntem, eo feruore quo debebam, sequebar. Hæc & alia multa, multumque miranda, prædicto monacho anima illa sancta innotuit: tandemque ab eo recedens magnificè edificatū consolatumque dimisit. Attendant, quæso, istud, qui non solum ad laborem segniter incedere, verū etiā pro frivola quavis occasione à cōmuni labore solent remanere: cū certum sit, omnem Ordinis institutionem sanctam & Deo placentē esse, nec sine graui periculo animarū negligi posse

*Apparet in
magna cla-
ritate mona-
chus defun-
ctus.*

*Macula in
pede quid de-
signet.*

Caput x x v.

De fratre moriente, qui gloriam sibi præstentam Domino Pontio declarauit.

Famulus Domini Pontius, qui prædictam visionem ad consolationem nostram, qui in ordine Cisterciensi pondus dici & æstus portamus, videre meruit, cū succedenti tempore proficientibus meritis, ad regimen ejusdem Ecclesiæ assumptus fuisset: locum dignitatis condignis adornabat moribus, pastorem quidē curam debita auctoritate exercens: sed ovis mansuetudinem & innocentiam non amittens. Factum est autem, vt in diebus prelationis ejus Dominus occulta dispensatione tremendorum iudiciorum suorum in eādē domū immitteret mortalitatē vehementer grassantē: ita vt infra duos menses quadraginta circiter & quinq; fratres de medio tollerentur. Qui fere omnes cū tanto pietatis desiderio dormitationē accipiebant:

*Mortalitas
in Grandisil-
va.*

*Monachus
silentij cul-
tor & in
morte.*

*Prescius sue
beatitudinis*

quasi jam cælitus præuidissent, se, post miseras hujus vitæ, continuò beatitudinis eternæ vitæ participes futuros. Et multi quidem ex eis cælestē gratiam sibi conferendam præuiderunt, & præuisam accipere meruerunt. Vt nūc verbis fidem faciamus: exempli gratia pauca de pluribus referem⁹. Erat ibidem monachus quidā probatissimæ conversationis, qui in præfata mortalitate defunctus est: hic itaque cū jam ad horam ultimā deuenisset, pulsata est tabula post completorium: & conuenerunt fratres ad ejus exitū munniendum. Cantantibus autem monachis circa illum Letaniam & Psalmos, & ipse confortatus à Dño, voce qua poterat, cum alijs psallebat. Explicita verò psalmodia, Dominus Abbas Pontius signo factō præcepit Conuentum abire: eo quòd infirmū psallentem aspiceret, & putaret eum adhuc aliquandiu spiritum trahere. Quod cū frater ille videret, protensa manu significauit Abbati, vt faceret eos ibidem adhuc subsistere paululum: quia sciebat, se ad punctū in modico migraturum. Cernens itaq; Abbas feruentissimum virum, quia propter regularis discipulinę censuram, post Còpletoriū, etiam in mortis articulo, silentium frangere nollet, præ gaudio se continere non potuit: sed rupto ipse silentio, & præmisso, Benedicite, ait. Obsecro dilectissime frater, quia video Dominū esse tecum, vt indices nobis, si tibi reuelatum est aliquid de illa beata spe, quam expectas: vt & nos valeam⁹ in Domino respirare, & tibi pariter congraudere. Tunc idem infirmus respondit. Vt ad ea quę poscitis, domine pater, respondeā breviter: sciatis, me vidisse, quæ loqui non licet. Verumtamen hoc vnum dicere possum, quia si omnium hominū merita solus ego transcenderem: necdum vtique dignus existerem adipisci æternę beatitudinis gloriam, quæ preparata & præmòstrata est mihi, jamjamque habituro. Et cū hoc dixisset, obdormiuit in Domino.

Caput XXVI.

De fratre pusillanimi, quem Dñus Abbas Pontius magnificè ad pœniā animauit.

*Abbas fide-
iussor pro sa-
lute fratris.*

FRATER quidam magnę religionis in eodem tunc Cænobio degebat, nomine Bernardus. Hic in primordio conuersionis suæ, dum peccatorū suorum enormitatem, districtique judicis æquitatem attentius intueretur, tanta formidine motus est: vt in desperationem propemodum laberetur. Quo còperto venerabilis Abbas ipsius Pontius, exemplis & monitis multis ei persuadere conabatur, quia confessus & pœnitēs quilibet, quantumlibet reus, nūquam indulgentia priuaretur. Et cū necdum ei hoc modo satisfacere posset, adjecit & ait. Ego salutis tuæ fideiussorem me constituo, & anima mea pro tua requiratur: dūmodò obediens perseueres in Ordine isto. Hac ergo promissione frater ille magnificè roboratus, spiritum diffidentię à quò expugnabatur, penitus expugnauit: & exultans in Domino cum tremore, misericordiam & judiciū deinceps cantare consuevit. Qui cū esset nobilis genere, nullam tamen generositatem arbitrabatur, nisi pro Christo pauperem fieri, & seruire pauperibus. Erat enim infirmarius pauperum in hospitio deputatus. Quibus officiosissimè superintendēs, non sicut extraneis & mendicantibus seruiebat: sed tamquam dominis suis, & tamquam mèbris filij Dei. Si quem inter eos morbidū, si quem vlcerosum, & vermib⁹ scaturientem, aspiceret: huic omnem pietatis operam impendens, abluēdo, tergendo, atq; refocillando, quasi mater ægrotanti filio iugiter assistebat. Dum hæc & his similia Dei famulus agere non cessaret, còtiguit eum in prædicta mortalitate migrare ad Dominū. Cū enim videret socios suos quo-

ridie subtrahi, & ipse desiderabat desiderio magna dissolvi, & esse cū Christo. Et pius verò Dominus, qui semper præsto est corde contritis & spiritu contribulatis servis suis, decreuit adimplere desiderium ejus. Oborta verò febris parva cū tenuiter ægrotare cœpisset, lecto decubuit. Cūq; Dominus Abbas introiisset ad visitandum illum, mirabatur, quòd homo ferventissimus tam leui occasione lecto detineretur. Vnde & subridens aiebat. Ne timeas, frater mi Bernarde: quia non modò morieris, sed adhuc comessurus es nobiscum de fabis & oleribus nostris. Ipse verò respondit. Non timeo, pater, non timeo: sed confido in Domino, quia minimè jam fraudabor à desiderio meo. Quid multa? Post quatuor aut quinque dies scintillula crevit in incendium magnū: & facta est peremptoria febris, quæ ephemera putabatur. Tunc proprium iudicium Abbas reprehendit: & fratris sententiā, quam de seipso protulerat, prævalere cognovit. Appropinquante autē hora migrationis, inunctus est frater oleo sacramentali. Expleta verò ypcrione factus est statim in spiritu: & raptus in contemplationem, per multum temporis spaium jacuit sine sensu & sine motu, ita vt penè mortuo similis videretur. Interim ergo aperti sunt ei celi: & revelata facie meruit inspicere gloriam Dei, adeò vt dicere posset. *Vidi Dominum facie ad faciem, & salva facta est anima mea.* Cūque per multam horam velut exanimis jacens, secreta celi, non præsumptione, sed gratia duce, rimaretur: tandem ad se reuersus, ipsa hilaritate vultus vbinam fuisset, satis indicavit. Ad quem pius pater accedens, interrogavit, quomodo se haberet. Qui respòdens, bene mihi, inquit, est, domine pater; per indulgentiam Dei. Et nunc, carissime pater, absolvo te à debito spòsionis tuæ: multas gratias agens sollicitudini tuæ circa me peccatorem. Iure enim promissor absolvitur, quādo promissionis exhibitio jam teneretur. Abbas autem pristinæ illius obligationis suæ, qua se pro anima ejusdem fratris responsalem fecerat, oblitus, mirabatur, vnde loqueretur. Tūc frater expressius cōmonefecit illum, & ait. Ergone excidit tibi, quēadmodum olim salutis meæ responsalem te constituisti? Ab illa ergo fideiussione securū te facio: quia jam de saluatione mea per misericordiā Dñi nostri Iesu Christi securus existo. Tum verò Abbas sollicita inquisitione cœpit ab eo indagare, quonā modo id potuisset agnoscere. Quod cū modis omnib⁹ dicere recusaret, cernens Abbas nil se precibus proficere: in nōmine Domini per virtutem obedientiæ præcepit, quatenus ea quæ vidisset, ad ædificationem & consolationē multorum exponeret. Quo audito frater ille infirmus ira effatus est. Quoniam virtus obedientiæ veritatē me silere prohibet: rem dicturus sum vobis, cui fortasse fidem dubiā adhibebitis. Sed vt testimonium hoc credibile faciam: scitote, quia cum fine dicti etiā finem vitæ accipiā. Nouerit ergo dilectio vestra, me, licet miserum & indignū, Dño & Saluatori nostro Iesu Christo fuisse præsentatum, vidisse illum facie ad faciē: non tamē in sua diuinitate, sed tantū in illa beatissima humilitatis forma, quā dignatus est pro nobis assumere: cujus benignissima indulgentia remissionem peccatorū accepi, & spem felicitatis æternæ per gratiam ipsius in sinu meo repositā habeo. Ex ipsius etiā sacratissimo ore audiui, quia omnes, qui obediētes in isto Ordine vsque ad mortem perseverabunt, salutem æternā ab ipso consecuturi sunt. Fratres autem nostros, qui de sæculo migrauerūt, in magna beatitudine pausantes aspexi: & meū ipsi⁹ locum, quem inter eos miserante Domino jā nunc sortiturus sum, prævidi. Cū ergo ista dixisset,

*Desiderantē
dissolui ex-
audis Deus.*

Gen. 32

*Monachū
moriens
Christū vi-
det, & glori-
am sibi præ-
paratam.*

obticuit: statimq; felicem animam reddidit. Accingamur ad pœnitentiã fratres, & cum hoc pœnitente prœueniamus faciẽ Dei in confessione & cordis contritione: quatenus postmodum cum ipso mereamur faciem Dei videre in cordis iubilo, & spiritus exultatione. Verè secundum Dei testimoniũ, Regnum cœlorũ vim patitur: & violenti diripiunt illud. Ecce magnus iste peccator, qui in initio conversionis suæ numerositatem & enormitatẽ criminum suorũ districtè, sicut oportebat, considerans, penè in desperationem lapsus fuerat, diuina gratia illustratus erexit se contra se, studens in lacrymis & luctu pœnitentię, infirmantibusq; sedula seruitij exhibitione, sacrificium cordis contriti & spiritus humiliati Deo quotidie immolare: ideoque faciem, quam nimium tremebat iratam, quãque modis omnibus sibi placare satagebat, ad consolationem omniũ verè pœnitentiũ, adhuc in hoc fragili mortalitatis corpore positus non solum placatã videre: verum etiam benignissima lenitate peccata sibi indulgentẽ, seque ad æternę beatitudinis gloriam inuitantem, contẽplari promeruit. Non enim dormientibus & negligentibus, & peccata sua dissimulantibus, seu de numerositate annorum, quos in sancta conversatione fecerint, præsumentibus, provenit regnũ cœlorum: sed vigilantibus, & in observantia mandatorũ Dei voluntaria exercitatione die noctuq; laborantibus. Igitur sanctę recordationis Dñi Pontius Grandissilvæ Abbas, cujus sanctitatem & religionẽ in tam perfectis & religiosis discipulis, de quibus locuti sumus, æstimare licet, vt sicut scriptũ est, sanctus sanctificaretur adhuc, & qui in modico fidelis inuentus est, supra multa bona domini sui constitueretur: diuina pariter & humana electione Clarevallensis Ecclesię, totius quoq; Clarevallensis generationis pater & pastor constitutus est. Vbi dum vigilanti sollicitudine gregi Dñico superintenderet, & in prælacione Domini lucra, non sua quæreret: ne lucerna per Spiritus sancti benignitatẽ accensa sub modio lateret, vocãte Domino, totiusq; Cleri & Populi electione annitente, in Episcopũ Clarimontis assũptus est. Pontificatus verò honore sublimatus, monachi humilitatem non reliquit, geminam hanc gratiam mirabiliter in se copulatam ostendens: ita ut summi sacerdotij dignitas monasticę humilitatis puritatem cõmendabiliorem redderet; & rursus religionis vigor Pontifici auctoritatem tribueret: sicq; verbo & exemplo populũ, cui Episcop⁹ datus fuerat, pascens & instruens; inter Antistites sui temporis spectabilis apparuit: demũq; cursu vitę suę laudabiliter peractõ, laboris sui præmium à Dño recepturus requieuit in pace.

Pontius humilitatẽ monachi cõ dignitate Episcopali coniungit.

Caput xxvii.

De beato Gerardo sexto Clarevallis Abbate.

Assumpto ad Pontificatus apicem Dño Pontio, qui quintus à sancto Bernardo Clarevallis Abbas extiterat: beat⁹ Gerardus Fossenovæ Abbas, vir puritate conversationis & morum integritate per cuncta laudabilis, senarij numeri perfectionem, tam in vita, quàm in morte sua, adimpleturus: sexto loco eidem Ecclesię Abbas substitutus est. Hic venerabilis pater acceptus Deo, & hominibus carus, tanta gratia decoratus erat, vt vniversitas fraternitatis ipsum tamquam paradisi vernantissimum florem aspiciens, miro veneraretur affectu. Quẽ enim perfuderat Deus gratia, necesse erat, vt ab omnibus amaretur. Auct⁹ nẽpe & dat⁹ omnium virtutum Christus, in quo omnes thesauri non solum sapientię & scientiæ, verum etiam pietatis & gratiæ sunt absconditi, ita hunc famulum suum spiritualium charismatum

nectare repleuit: ut non tantum in ipsum credere, ipsique feliciter scribere, sed & duram horrendamque mortem pro eo pati non timuerit. Nam si qualis cujusque sit fides, tribulatio probat, & si constat perfectam habere charitatem, illum qui in ipsa perseverauerit: liquet hunc beatum virum in utraque fuisse perfectum: qui tamquam servus bonus & fidelis curavit in tribulatione fidem servare non fictam, charitatem de corde puro & conscientia bona proferre, ita ut etiam inimicum sanguinem suum crudeliter sitientem diligeret: pluris aestimans animae vitam, quam corporis: minus horrescens carnis mortem, quam fidei detrimentum: malens pro iustitia agonizare, quam meticuloso silentio Ordinis inhonestatē, & periculum animarum dissimulare. Itaque qualiter post laudabilem, & in omni religione perspicuam vitam, ad palmam martyrij pervenerit, succincta, quantum possumus, relatione pandamus. Monachus quidam nobilis quidem genere, sed degener moribus, contra formam & honestatē Ordinis ubique vagabatur, frequentans curias Principum, & secularibus negotiis seipsum impudenter ingerens: in omni conversatione sua magis se gyrovagum, quam monachum claustralem ostendens. Hunc Dō- nus Gerardus Abbas Clarevallensis, zelo iustitiæ, & Ordinis emulatione succēsus, teneri iussit: & ablatis ei tam equis, quam omnibus quæ habebat, venerabili viro Dōno Petro Abbati Ignyaci ipsum commisit: quatenus in domo ejus regulari districtione coercitus, omni denique vagationis licentia decisa, poenitentiam ageret vel invitatus. Et licet pastor bonus laudabili intentione ad correctionem fraterni erroris hoc fecerit, malignus tamen ille sinistra suspitione præventus, minus sana intentione hoc factum esse murmurabat: idcircoque unde meliorari debuerat, deterior effectus est. Nempe diabolicum spiritum tota mente concipiens, horrendum vitus immanitatis & saevitiæ spirabat: & tamquam crudelissima bestia pii patris cruorem sitiebat. Accidit interea, ut Dōnus Gerardus Clarevallensis Abbas partes Germaniarum ingrederetur, gratia visitandi Cœnobia, quæ in partibus illis habet Claravallis. Inter eundem vero contigit eum Treverim deuenire, Belgicę primę Metropolitim: quę olim nobilissima & secunda Roma vocata, nunc vastitate ruinarum suarum quid olim fuerit, demonstrat. In hujus suburbio civitatis erat famosum Cœnobium, quod S. Mathiæ nomine vocatur, eoquod corpus ejusdem sanctissimi Apostoli integrum illic requiescat: quod Helena Augusta Constantinii magni mater à Iudea translatum ibidem honorifice recondidit. Accedit autem ad auctoritatem conferendam loco, quod discipulorum beati Petri Apostoli, scilicet Eucharij, Valerij, atque Materni, corpora in crypta ejusdem Ecclesię decenter locata, magna fidelium devotione coluntur: qui beati à præfato Apostolo directi, primi Germaniæ populis verbum salutis, & trophæum crucis prædicaverunt: quiq; diebus suis tres nobilissimas Germaniæ civitates, Treverim, Tungrim, & Coloniam, Pontificatus honore insigniter illustrarunt. Ad præfatam itaque Treverorum civitatē Dōnus Abbas Gerardus veniens, gratia hospitandi Cœnobium S. Mathiæ petijt: atque ab Abbate & fratribus ejusdem loci officiosissime susceptus est. Sed is qui non tam corporalis commodi, quam spiritualis emolumenti gratia illud diuturnius, intēpestę noctis silentio surgens oratorium petit, cryptam ingreditur, ante memorias prædictorum Confessorum Christi corpore pariter & mente prosternitur, affectuosis precibus sibi suisque divinum auxilium per eorum suffragia postulat. At ubi protelata oratio gratiam devotionis promeruit, infusa devotio mentē dila-

*B. Gerardus
gyrovagus
igni. circū-
cludit.*

*Corpus S.
Mathiæ &
S. Helena
Treveros
translatum.*

*S. Euchar.
Matern. &
Valer. Tre-
mirorum A-
postoli.*

tauit, dilatata mens cælestium secretorū capax effecta est, vidit repente eos-
dem Domini Cōfessores cælesti gratia refulgentes prope se assistere: quo-
rum vnus, idest, Eucharis, talibus eum verbis allocut⁹ est. Frater, ne time-
as, neque paueat cor tuū in aspectu nostro. Nos enim sumus, qui ab Apo-
stolo Petro directi, primi in his partibus Christū euangelizauimus, ego qui-
dem Eucharis, isti quoque fratres mei Maternus & Valerius: quorū opem
flagitaturus memorias nostras adisti. Quapropter & nos fidei & deuotioni
rue congaudentes, per voluntatem Dei ad te venimus: super ijs quę in cor-
de tuo versantur, consilium tibi daturi. Voluntas tua & propositū cordis
est, vt officio prælationis absolurus, & mordacibus negotiorū tumultibus
exoneratus, soli Deo & tibi vacare incipias: sed scire debes, quoniam hæc
voluntas tua non est, secundū voluntatē Dei. Quocirca suadeo & admo-
neo, ne gradum honoris, quem Diuina largiente gratia consecutus es, te-
merè deferas: sed constans esto, & viriliter age: quia in proximo est, vt à
Domino visiteris, & pro laboribus tuis immarcescibilem gloriosæ victoriæ
coronā adipiscaris. His dictis disparuere, Abbatē qui hæc audierat & viderat,
stupore pariter & admiratione confirmatum relinquentes. Interea cœptum
accelerat iter, domos pro quibus partes illas adierat visitat: & iucunda sua
præsentia & doctrina fratres in Dei laudibus & sacri Ordinis obseruatione
feruentiores reddidit: prædictę visionis dulcedinē mente reuoluens, vimq;
verborum quæ audierat, quod scilicet in proximo à Dño visitandus esset,
sedula meditatione pertractans. Cæterū affectuosiùs de eisdem Sactis, qui
sibi apparuerant, cogitare incipiens, mirabatur valde de anima B. Materni
vbinā fuisset, vel quali vita vixisset, spatio quadraginta dierum illorū, quibus
corp⁹ eius in sepulchro iacuit, antequam per baculū Apostoli resuscitaretur.
Et quasi poenitentia duct⁹ ingemuit: quod cum in prædicta visione cōgru-
am satis oportunitatē querendi nactus fuisset, minimè hoc quæsisset. Expli-
citis ergo negotijs, pro quib⁹ ierat, Treverim reuertitur, sed minimè apud
S. Matthiam hospitatur. Nam quidā potens & diues homo de eadē ciuitate
magnis precibus extorserat ab eo, cum priori vice illic fuisset, quatenus in
reditu suo benedictionem domui ipsius dare dignaretur. In eadem itaque
domo susceptus hospitio priusquàm cubitū iret, Conuersum suum secretiùs
alloquitur, & vt duos equos sibi ante lucem sternat, imperat: ipseq; solus
cum eo ad Sanctum Matthiam vadat. Paret ille, dictisque tempestiue matu-
tinis, Abbas orationis gratia corpora sanctorū deuot⁹ inuisit. Vbi dū lacry-
mosis precibus attentius insistit, magno Dei munere eosdem sanctos eodē
schemate quo prius, videre promeruit. Tum verò S. Eucharis respiciēs ad
Abbatem, & protensa manu ad S. Maternum, dixit. Ecce iste frater meus
est Maternus: sciscitare ab eo quod vis. Cumque nutaret ille, & præ reuerē-
tia & gloria vultus eorum nihil respondere præsumeret, beatus Maternus sic
ad eum locut⁹ est. Meritò, frater carissime, caues frontosè requirere, quod
scire desideras: quia tam profundā iudiciorū Dei abyssum, & à sensibus hu-
manis prorsus seclusam, scrutari velle, temeritatis esse videtur. Quia tamen
pius magis quàm curiosus scrutator es: arcanum huius secreti tibi, quantū
capere potes, patefaciā. Tu cogitas, & sedula mentis intentione versas, vbi-
nam anima mea fuerit, vel quali vita vixerit spatio quadraginta dierū illorū
quibus corpus meum in sepulchro iacuit: & hoc scire ardenti pietatis affectu
desideras. Scito igitur, quia sicut infans intra viscera clausus viuit, nec tamē
sentiit

*De hac visi-
one & præce-
denti vide
notas no-
stras.*

fentit, sic eram ego in visceribus terræ jacens, & somno mortis in corpore dormiens, Deo tamen in anima viuens: in cuius omnipotentis præsentia jam tunc eram, quod postea resuscitatus in oculis hominum futurus eram. Hac ergo gemina visione & allocutione Sanctorum Dónus Gerardus Clazvallis Abbas confortatus, studebat de die in diem proficiens, Christo sedulum exhibere famulatum: tantò certior de imminente sibi termino vitæ; quantò minùs falli posse, vel fallere velle, sciebat nuntiū celestem, qui hūc in proximo esse prædixerat.

Caput XXVII.

Domnus Gerardus visitans Igniacense Cænobium crudeliter occiditur.

Igitur eodem anno, quo hanc beatam visionē viderat, imminente tempore, quo sanctus Abbas hostia Christi effici mereretur, & agni immaculati pedisequus sanguinem pro iustitia, sicut ille pro vniuersali Ecclesia funderet, visitationem domorum suarum secundum Ordinis instituta facere proposuit: & inter cæteras etiā Igniacum adire decrevit. Fratres autem, quia belluinam pseudo-monachi illius rabiem, quem supra à Domno Abbate correptum, & in eadē domo sub pœnitentia constrictum retulimus, suspectam habebant, monebant Dónum Abbatem, ut cautiùs se haberet: ne fortè, quod vehementer abhorrebant, lucerna in Israël extingueretur. Ille verò metu mortis intrepidus, & totū se diuinæ voluntati cōmendans: nec propter mortem, si immineret, ea quæ officij sui essent se intermittere posse dicebat. Cumque in procinctu itineris positus jam pararet exire, frater quidam spiritualis accedens, ut secretiùs sibi loqui dignaretur, orabat. Quo impetrato, lacrymosis suspirijs cœpit rogare, ne iter quod proposuerat exereretur: dicens sibi per revelationē ostensum, quia si tunc Igniacum veniret, crudeli morte esset perimendus. Cui vir Dñi respondit. Care frater gratias ago solitudini tuæ pro me: sed scire te volo, quia non facio animam meā, id est temporalem hanc vitā, pretiosiores quā me: nec omnino expedit mihi, ut quod ex debito officij, quo indignus fungor, facere incumbit, meticulosa mortis imaginatione territus intermittam. Quis enim scit, si tentat me Dominus meus? Quis item nesciat, omnipotentem esse Deum: qui si voluerit, mortem quā tu imminere dicis, & quam ego secunda conscientia me non meruisse confido, facillimè auertere poterit? Quod si noluerit: nos tamen quāquam servi inutiles ipsi per omnia voluntati obsecundare necesse habemus. Ipsius ergo voluntas de nobis & vobis fiat. Sic dixit, & fratres omnes diuinæ gratiæ cōmendans, in spiritu fortitudinis iter quod proposuerat aggressus, Igniacum peruenit. Vbi ab Abbate ejusdem loci beatæ memoriæ Domno Petro cunctisque fratribus cum multa, sicut dignum erat, reuerentia susceptus, jucundū se & affabilem exhibebat vniuersis. Cumque singulis publicè & privatim de salute animarum, & de Ordinis observatione loqueretur: etiā illum, de quo supra diximus, non monachum, sed detestabilem parricidam mox futurum, ad se vocari præcepit. Qui cum venisset, Pater sanctus hostia Christi post paululum futurus dulcissimis eū verbis adorsus monere cœpit: ut quod causa salutis animæ ipsius factum fuerat, patienter ferret: se nullo modò quidquā rancoris adversus eum habere, imò verò sicut filium suum carissimum amplecti paratū, si correctionē ejus sanctæ humilitatis & patientiæ indicijs deprehendere potuisset. At ille, qui cū diabolo ab initio homicida existente vnus jam spiritus effectus fuerat, ne scelus horrendi parricidij, quod jam dudū mente conceperat aliquo modo appareret,

*Fratri cui-
dam mors
Abbatis re-
uelatur.*

*Igniacum
venit B. Ge-
rardus, ibi-
dem pro in-
iuria occi-
dendus.*

*Filius pſeu-
demonachj
humilitas.*

& sic effectu malitię suę priuaretur : tamquā callidissimus serpens capite demisso simulabat se ea quę dicebantur humiliter audire : verbum etiā mansuetudinis & pacis proferebat ore, quam non habebat in pectore. Exhilarantur fratres, & superducto falsę humilitatis habitu, quo se pestifer ille, ne deprehenderetur, induerat, dignos pœnitentię fructus sperabant : nilq; min⁹ fieri posse putabant, quā quod in tam brevi tam horrendi facinoris perpetratione seipsum æternę mortis & dānationis laqueo innecteret. Postero die fratribus ad nocturnę synaxeos officiū persolvendum congregatis, dum ex more de via venientiū Dōno Abbati oblatum fuisset, quaten⁹ de matutinis exiens lassitudinem ex itinere contractam nocturna quiete repelleret, sicut erat fervens spiritu, perstitit : & toto vigiliarū spatio diuinis laudibus vigilantiter intendens, quasi jam præsago spiritu quę super eum ventura erant prænoscere, futuro se agoni pręparabat. Quid plura ? Finitis laudibus dum secundū consuetudinē Ordinis Prima continuatim subjungeretur, Dominus Abbas de Choro exijt, dormitoriū ascendit : inde ad abluendas manus descensurus, quatenus finita hora, ad celebranda sacra mysteria expeditior occurreret. Quod execrabilis ille non monachus, sed parricida, nequiter deprehendens, nequiū infecutus est eum : & in loco dormitorij, quē tanto facinori perpetrando congruū pręviderat, tamquam leo paratus ad prędā, in insidijs se occultabat. Vir itaque Domini rediens, & per Dormitoriū versus gradus quibus in Claustrum descenditur incedens, ad insidiarum locū peruenit. Et ecce filius ille perditionis subitō exiliens, impetum fecit in eum : & cultrum acuminatū longum & latū visceribus ejus immergens, crudeliter scindendo, secando, fodiendo, vsque ad spinā dorsi peruenit. Sed sicut verus Agnus Dei Domin⁹ noster Iesus Christus, non quidem coram tondēte, sed coram sacras manus ac pedes fodiente, obmutuit, & non aperuit os suū : sic & iste verus imitator & hostia Christi coram terribili laniatore & fessore viscerum suorū non modō clamorem, sed vix aliquam vocē doloris emisit. Tum verō Deo odibilis, & hominibus invisus ille homicida, cū cratem costarū obsistere sentiret, ne sacrū corpus sicut volebat transfodere posset : grauib⁹ tormentis grauiora superaddens, detestabilem sicam intra viscera versando atque reuersando, omnibus modis fatagebat, ne pater sanctus vivus de manibus ejus euaderet. Mitis verō pastor execrabilem ipsius instantiam perhorrescens, leni voce dixit ad eum. Quæso frater, parce, cesset jam manus tua : quia nullo modo de cætero vivere potero. Ad quam vocē malignus ille pernici cursu aufugit : & dæmonū pręda factus, vlticem tanti sceleris conscientiam secū ferebat. Venerabilis autem Abbas relictis viribus, per gradus quibus in Ecclesiā descenditur, tam horrendo vulnere confossus descendit : sed cū ad extremos gradus venisset, prę nimia sanguinis effusione sentiens defectū corruit, & tamquam exanimis jacebat. Nutu verō Dei Sacrista per Ecclesiā incedens jacentem offendit : sed quis esset, aut quare illic jaceret, in tenebris discernere non poterat. Territus itaque vehementer, concitus candelam accendit : & admoto lumine Patrem Sanctum recognouit. Procinus ergo lamentabiliter exclamans, & heu, heu, congeminans, Fratres vniuersos ad tam miserabile spectaculum concurrere fecit. Ipse etiam Dominus Abbas Petrus adfuit : & videns MARTYREM CHRISTI in sanguine suo volutari : lachrymosis suspirijs internum cordis prodebat dolorem.

*B. Gerardus
in morte
Christi pati-
entiam imi-
tatur.*

*B. Gerardus
Martyr in
re dicitur.*

Itaque manibus fratrum lugentium in infirmitorium est delatus. Vbi verò paululum conquieuit, relecto spiritu immensas omnipotenti Deo gratias agere cœpit: quod cum in præsentit tam dura morte puniri permetteret: ne pro peccatis & negligentijs suis post mortem in purgatorijs locis graui-
Purgatorijs
ignis.
ores pœnas exsolueret. Triduum, si bene memini, post ea superuixit: in quo spatio sacramentis Ecclesiasticis munitus, deuotis præcibus & pijs sancti desiderij votis ad beatitudinem futuræ vitæ suspirabar. Occisori suo ex corde indulgit: & omnes qui aderant attentius precabatur, ut si fortè comprehenderetur, nil malè quoquàm pateretur. Speciales filios suos Claravallenses ex intimo cordis affectu diuinæ gratiæ commendauit: sicq; sancta illa anima carne soluta, tantò liberior, ut credimus, æthereū penetrauit cælū, quantò durius hic camino tribulationis & horredæ mortis extremitate purgari meruerat. Sacrum corpus ejus balternæ impositum, diuinis psalmis & hymnis per totam viam resonantibus, Domino quoque Petro Abbate funº cum magna reuerentia presequente: Claram-vallem honorificè delatū est. Vbi quàm sublimi & manifesta reuelatione, de gloria martyrij ejus, idem Abbas certificari meruit, ad commendandam posteris tanti martyris memorie referre non incongruum puto.

Caput XXVIII.

Quod Dominus Abbas Petrus de glorificatione Christi martyris Gerardi per reuelationem certificari meruit.

CVM à conventu Claræ-vallis pro commendatione beatæ animæ missa solemniter, sicut moris est, celebraretur, præfatus Dominus Abbas Petrus sacro altari astat: solita sua deuotione salutare hostiam immolaturus. Qui licet hilaritatem vultus intuentibus se prætenderet, erat tamen tristis & mœrens valde super tam indigna morte pij patris: maxime quod in domo sua, scilicet Igniaco, Dominus tam immane scelus fieri permisisset. Cumque diuersis cogitationibus æstuarer, reputans ne fortè propter peccata sua hoc accidisset: vidit repente visibili specie beatissimum Bernardum à dextris altaris stantem; cū quoq; de cuius morte lugebat, Dominum Gerardum à sinistris: utrosque inæstimabili claritatis gloria refulgentes. Quorum visione obstupescens dum attonitus hæreret: dixit ad eum beatus Bernardus. Cur, quæso, tamquam mortuum luges eum, cujus transitoria mors in perennitatem beatæ vitæ commutata, pretiosa est in conspectu Domini? Et protensa manu ad martyrem Christi Gerardum, qui in sinistra parte altaris stabat, en inquit, iste est frater meus, cujus funeri debitas persoluitis exequias: qui quantò crudeliorem & indigniorem mortem in oculis hominum pertulisse visus est, tantò majori gloria à Domino sublimatus, inter victrices & purpuratas martyrum cateruas sortem suæ vocationis accipere meruit. His dictis, tam iocunda visio ab oculis intuentis sublata est. Tanta verò lætitia & securitas de glorificatione dilecti amici sui, in corde ejus qui hæc videre & audire meruerat, successit: ut non jam quasi mortuū plangendum putaret: sed propulsato omni mœroris & dubietatis nubilo, tamquam fidelissimum intercessorē apud omnipotentē Dei misericordiā habendū censeret. Hanc reuelationē à piæ memoriæ Dño Gerardo quodā priore Claræ-vallis, postea Euerbacensi Abbate audiui: qui quantæ veritatis, puritatis, & innocentiae vir fuerit, norunt ij qui cū eo conuersati sunt;

*S. Bernard.
& Gerard.
Petro appa-
rent.*

*Gerardi Pri-
oris Clara-
vallis inno-
centia.*

*B. Gerardi
Abbatis
Corpus ho-
norifica se-
pultura do-
natum.*

*Parricida,
à Papa pri-
mum repelli-
tur; mox
questus nō
comparuit.*

de quo etiā à senioribus Clarevallis referri audiimus, quia cū ad manus beatissimi Bernardi accederet, quatenus se per eum Ordini & domui Clarevallis redderet: idem venerabilis pater in spiritu Dei loquens, audientibus qui aderant, innocentie ejus testimoniū reddidit dicens. Ecce verē Israēlita, in quo dolus non est. Exequiarum itaque celebritate, luctu mixto gaudio, peracta, & spiritualibus ejus filiis tanti patris non tam temporalem mortē ejus lugentibus, quā gloriosę victorię ipsius, qua de inimico, pro justitia fortiter occumbens triumphavit, congratulantibus: sanctū corpus ejus ante fores oratorij Clarevallis in cellula, quę olim ob receptionem corporum sanctorum Confessorum Bernardi & Malachię constructa fuerat: in sarcophago super pavementum exaltato venerabiliter conditum est. Igitur dum fama pretiosę mortis ejus, quomodo scilicet innocēs pro iustitia & zelo Ordinis crudeli morte mulctatus esset, vbique vulgaretur: ad aures sūmi Pontificis, beatę videlicet memorię Alexandri, pervenit. Qui quoniā speciali cū dilectione pro suę reuerentia sanctitatis amauerat, multo pietatis affectu super tam indigna morte ipsius contristatus est: ipsumq; tantifacitoris patratorem excommunicatum & extorrem à societate omnium fidelium habendum censuit. Evolutis post hęc aliquantis annis, crudelis ille carnifex, qui tantū scelus cōmiserat, pœnitentia ductus summū Pontificem adiit: atq; ad pedes ipsius misericordiam postulaturus corruit. Domino verò Apostolico quærenti, quis esset, vel quid mali cōmisset, ego sum, ait, ille, qui Gerardum Abbatem Clarevallis occidi. Cūq; Dōnus Papa dilectum olim sibi Abbatem nominari audisset, & authorem mortis ejus coram se positū cerneret, totus inhorruit: & vehementer turbatus, minū discretē, sicut dicitur, pede eum repulit, dicens. Vade, fili perditionis. Quo audito miser ille cōcitus surgens recessit. Cardinales qui aderant, reuerenter accedētes suggererunt Dño Papę, quāvis sceleratissimum hominem, non debere sine misericordia dimitti, Dñm Iesum in cruce pro crucifixoribus suis orasse: nec expedire Apostolatui ejus, si tam immite desperationis exēplum posteris relinqueret. Quorum verbis territus Apostolicus, festinanter parricidā illum vocari præcepit: quoniam non propterea ad horam illū repulit, vt desperandum de ipso censeret: sed vt horrorem & enormitatē tam immanis flagitij præcordijs ejus arctiūs imprimeret, & per hęc ad dura quęque pro scelere suo toleranda provocaretur. Sed ô quā terribilis est Deus in consilijs super filios hominum: quoniam nemo valet corrigere, quē ille neglexerit. Cū enim ad jussū Pōtificis miserabilis ille peccator à ministris quaqua versum quæreretur, non in consistorio, non in palatio, sed nec in vniuersa vbe inveniri potuit: quòve deueniret, vel quali fine defecere, vsq; hodie ignoratur.

Caput XXIX.

*De pia memoria Domino Henrico septimo Clarevallis Abbate,
postea Albanensi Episcopo Cardinale.*

Glorificato per martyrij palmā beato Gerardo sexto Clarevallis Abbate, Dominus Henricus Altacumbæ Abbas, ad sabbatismū populi Dei jam in septima ætate quiescentis, cui dicit spiritus, vt requiescat à laboribus suis, desiderio, vita, & moribus, suspirans: septima ordinatione nobilis illi⁹ in sincera religione Clarevallenſis congregationis, spiritualis pater elect⁹ est. Hic venerandus pater nobilis quidem genere, sed longē nobilior virtutum generositate, à primis adolescentię suę annis in sanctuario Dñi locatus, ma-

num misit ad fortia: magis eligens ferre jugum Domini suaue, & onus ejus leue, quàm dici & esse filius Belial, id est absq; jugo: plùs appetès pro Christo. Dño humiliari cū mitibus, quàm diuidere spolia cum superbis, ac per hoc in sortē illius cadere, qui est rex super omnes filios superbię. Porro dies adolescentiæ suæ tanta puritate & innocentia pertransiit, sicque canos sapientię in annis tenerioribus induerat, vt dum vix adhuc limen virilis ætatis attigisset, merito magis religionis & prudentiæ, quàm ætatis, sequester inter Deū & homines constitueretur: & vicarius Filij Dei factus, nomen patris & officium patris & pastoris adipisci mereretur. Quam tamen prærogatiuam honoris, vel potiùs pondus sollicitudinis, semel susceptum, tanta fidei & deuotionis alacritate administrauit: vt internus ille iudex, discretor cogitationū & intentionum cordis, qui in manu omnium signat, vt nouerint singuli opera sua: fidelem in minori dispensatione probans, maiori eū charismatum gratia sublimare decerneret. Nempe maturiori jam ætate, virtutibusque in habitum versis, Abbas Clarevallensis factus, rigore disciplinę per quem alios ad tramitem iustitię cogebar, in seipso minimè neglexit: sed quantū dignitas officij sui patiebatur, ad cōmunis vitę socialitatem se constringens: ipsi etiam labori manū aliquoties pro tempore cum cæteris fratribus insudabat. Cæterum, quàm sanum consiliū dederit Sapiēs omnibus in sublimitate constitutis dicens, *Quanto magnus es, humilia te in omnibus*, quæque acceptum sit Deo, si Prælatus propter umorem ipsius duris etiā & vili-bus laboribus carnem suam castigare non dedigneretur, pius Dominus huic famulo suo demonstrare dignatus est: qui cum pro quadā negligentia sua, quam, dum labori manū ardentius insisteret, contraxerat, nec tam gravē fuisse putabat: mirabiliter simul & misericorditer corripere voluit. Accidit enim quadam vice, vt idem venerabilis Abbas tempore secationis colligendo fœno instans, in pratis grangiæ, quæ trans flumen Albam sita, proxima est monasterio Clarevallis, cū fratribus suis impigrè laboraret. Et ecce dum ferventiùs operi insisteret, frater quidā festin⁹ aduenit: nuntians, vnū de Conversis infirmis, egritudine præualescēte morti appproximare: & propterea gratiam inunctionis desiderare. Abbas autem sciens, cæteros sua præsentia roborari, & ad laborandū ferventiùs incitari, ægrè nimis tulit, se ab opere divelli: ideoq; vnum de senioribus vicarium pro se misit, qui eidem infirmo solemne inunctionis officium impenderet. Quod vbi factum est, frater ille sacramentis ecclesiasticis contra aëreas potestates rite munitus, in pace vitam finivit. Post hæc die quadam dicto Cōpletorio dum clara adhuc luce fratres se in lectulis suis collocassent, ipse etiam Dñus Abbas vigilans in lecto suo jacebat. Cui sic jacenti monachus quidam, qui paulò ante prædictum fratrem vita decesserat, visibiliter apparuit, sicq; ad eum locutus est. Scias domine pater, quoniam frater ille, qui proximè defunctus est, mox vt carnis induvias exiit, ante thronum gloriæ Domini nostri Iesu Christi à sanctis Angelis præsentatus est. Vbi cū subtilissima examinatione vita eius discutitur: tandem ad ea, quæ circa eum in extremis agentē gesta sunt, discussionis scrutinyum processit. Cūque benignus Iudex quæreretur, si omnia quæ circa morientes fratres fieri solent, rite circa eū adimplera fuissent, responsum est, quia rite: excepto eo solo, quòd Abbas dum labori ferventiùs instaret, eum in propria persona inungere neglexisset: sed pro se vicarium misisset. Quapropter Domin⁹ me vocans, cuius cum cæteris tremendę ma-

Iob. 41.

Henricus
dolescens Al-
sacumba fide
Abbas.

Eccli. 3.

Sacramen-
tum Extre-
mionis.Monachus
defunctus
Henrico ap-
paret.

*Pœnitentia
Henrico
Abbati à
Christo im-
posita.
1. Petri. 5.*

jestati aſtabam, dixit mihi. Vade, & ex parte mea dic Abbati, quatenus pro hac negligentia ſua, cuncto tempore vitæ ſuæ ſingulis diebus ſeptē pſalmos pœnitentiales perſolvat. His dictis, nuntius cœleſtis, dum ea quæ intus audierat foris nuntiaſſet, ad Dominū mittentem redijt: à quo, licet foris apparens, intus minimè receſſerat. Abbas verò cū tremore & admiratione multa quæ audierat mente pertractans, diuinę pietati ex inrimo corde gratias retulit: proprio experiēto probans, irrefragabili veritate ſubnixam eſſe ſententiam, quam de Domino teſtatur Apoſtolus dicens, quoniā *Ipsi cura eſt de nobis*. Humillima itaque obedientia pœnitentiam ſibi à ſummo omniū Abbatum Abbate injunctam ſuſcipiens, tanta curavit ſollicitudine obſervare: vt etiam poſtea factus Albanenſis Epiſcopus Cardinalis ſolitus eſſet familiaribus ſuis dicere, quia ſi hoc articulo premeretur, vt vnum è duobus modis omnibus fieri oporteret, ſcilicet in die ſancto Paſchæ, ſeu Natalis Domini, aut miſſam aut pſalmos illos obmittere, potiùs miſſam intermitteret. Benedictus igitur Deus in donis ſuis, & ſanct⁹ in omnibus miſericordijs ſuis, qui in his nouiſſimis diebus tam perſpicuis & evidentibus revelationibus conſolatur humiles ſervulos ſuos: vt per hoc à viſibilibus abſtracti, inviſibilibus pedem fidei fortiùs imprimamus: certiffimè ſcientes, quoniā viſibilium & inviſibilium ipſe vnus & ſolus eſt Dominus: qui incōprehenſibili maiestate ſua ſoli polique patriam, vnā facit eſſe Rempublicam.

Caput XXX.

*De Conuerſo, qui per gratiam Dei, & orationem venerabilis Abbatis
Henrici, damnationis ſententiam euasit.*

FRATER quidam laicus in Claravalle quidem aliquandiu conuerſat⁹, ſed ſubſtiſſima Clarevalleniſum diſciplina nequaquam fuerat nutritus, verū de alia domo illuc tranſmiſſus, crimina grauiffima, quę in priori domo ſua commiſerat, vſque ad ipſum mortis articulum, horrenda cordis durtia, ſine confeſſione & pœnitentia abyſſo peſſimæ celabat conſcientiæ. Hunc Deus omnipotens, in cuius ditione & voluntate vniuerſa ſunt poſita, tam liberaliter quā miſericorditer ab æternæ damnationis voragine, jā jamque ſuper caput ipſius imminentis, eripere dignatus eſt. Preſſus enim grauiffima infirmitate, cū iam mortem vicinam ad eſſe ſentiret, diuina gratia, quæ quandoque miſeris & indignis peccatoribus miſeretur, illuſtratus: accito confeſſore peccata ſua confiteri voluit. Liuida verò malignorum ſpirituum caterua, quæ quantum in ipſa eſt, ſemper gratiæ Dei aduerſatur, timens, ne per ſalutare confeſſionis antidotū peccatorem perderet, quem diu laqueis ſuis irretitum in continenti ſe rapere poſſe præſumebat, tanta vim malitiæ ſuæ ſuper eum irruit: vt perduto flaminis officio diutius permanens, mutus jam vltimum trahere flatum videretur. Pius verò Dominus, qui ſicut nouit parcere ſupplicantibus, ita novit etiam debellare ſuperbos; ſicut quondam typicum illum Pharaonis exercitū mediæ noctis ſilentio per columnam ignis & nubis reſpiciens contriuit: ita & nunc medię noctis ſilentio per interceſſionem, ſicut credimus, beati Bernardi, ſanctorumque, qui in Clara-valle requieſcunt, tyrannicam dæmonum ſuperbiam increpans & fugans, reum ſuum abſoluit: redditoque linguæ officio, ad confeſſionis ſacramentum animauit. Denique cū fratres infirmarij ſollicitè circa eū obſeruarent, & jam nullus aliud, niſi mortem illius præſtolaretur: ecce repente medię noctis hora inſtante aperuit oculos: & abſolutè loquens, ſe

*Dæmonum
quanta in-
uidia.*

*quid valeat
oratio ſancto-
rum.*

confiteri velle, fratribus indicavit. Tunc velociter accersito venerabili Dōno Henrico Abbate, confessus est ei, loquens in amaritudine animæ suæ, & dicens. Ego peccator immundus, ego omnium flagitiosissimus, confiteor Deo, & tibi pater, quia cū essem pridē in monasterio meo, nomine Esrō, quod situm est in Dacia, ex quadam fornicaria filium genui: & neq; confessionem, neq; pœnitentiā, super huiusmodi scelere hætenus egi. Proinde nunc cū obmuruissē, maligni spiritus miserrimam animā ad loca infernalīa rapuerunt: ibique vidi supplicia, quibus mox exutus corpore mancipandus ero ad puniendum. Ibi quoq; ad eumulum damnationis meę filium meum jam pridem mortuū reperi, iniquitates meas arguentem & exprobrātem mihi huiusmodi verbis. Heu detestande peccator, heu execrande proditor castitatis & religionis, numquam natus fuisses, nūquam adultus fuisses: quasi qui non esses, de vtero ad tumulum translatus fuisses: quoniā exigente malitia tua, ego in istas perducī merui miseras. His igitur auditis & visis conturbor, atque coarctor nimis: tum propter ejusdem filij mei imputata pœnalitate, tum pro mea ipsi⁹ jamjāq; imminente damnatione. Cū ergo hæc audisset discretus & prudens pater Domn⁹ Abbas Henricus, commota sunt viscera ejus vehementer, super tāta tribulatione peccatoris in supremo agone periclitantis. Vnde & salutaribus verbis aggrediens hominem cœpit cum omnimoda argumentosā pietatis instantia ad spē veniē animare: consulens & suadens efficacibus monitis, ne vtrquā aliquo modo de ineffabili misericordia potentissimi Redēptoris diffideret: sed plena fidei devotione clamaret & diceret ei. Credo Dñe, quia si etiam in profundū inferni de-

merfus fuero: inde me potens est misericordia tua liberare. Tandem itaque injuncta pœnitentia, factaque absolutione, Abbas dimisit ægrotū, seq; recepit in dormitorium. Vix hora transierat, & ecce denuo, sollicitante infirmo, Abbas ad eum revocatur, ac sine mora revertitur. Ad quē sic ait infirmus. Obsecro te Dñe pater, miserere mei, & ora pro me misero peccatore: quia modo postquā tibi locutus sum, ad loca pœnarum reductus sum: vbi etiam significatū est mihi, quoniam propter confessionem quam miserante Deo feci, & propter pœnitentiā quam accepi, per gratiam Dei liberandus sum ab æternæ damnationis voragine: in purgatorijs tamen supplicijs scelera quæ cōmisi, & omnia peccata mea vsq; ad novissimū quadrantem exsoluturus. Quia verò min⁹ purē confessus sum, & absque pura confessione salvari nequeo, magno Dei munere ecce secunda vice redire permissus sum, quatenus virus, quod adhuc remordet conscientiā, per salutarem confessionis potionem evomere festinem. Confiteor itaq; Deo, & tibi pater, quod à quodam fratre tunicam vnam sine licentia accipere præsumpsi: & de hoc proprietatis & inobedientiæ crimine hætenus sine confessione & pœnitentia vixi. Itaque religiosus & pius pater Henric⁹, tantā divinæ bonitatis abundantiam super tanto peccatore vehementer admirans, & tamquā bonus pastor oviculæ perditæ quidem, sed inventæ congratulans: facta denuo absolutione, pœnitentiāq; injuncta, infirmū & pœnitentem tenerrimo pietatis affectu gratiæ Dei cōmendavit, Qui etiam infirmus orante Abbate animæquior factus, & ipsa serenatione vultus statum suum melioratū esse significans, rursus obmutuit: & post modicū intervallum in pace quieuit. Quis accusabit aduersus electos Dei? Si Deus justificat: quis est, qui condemnet? Ipsius omnipotentię soli licitum & possibile est, de eadem massa generis hu-

Infirmus pœnas Inferni videt.

Iob. 30.

Pœnitentia & Confessionis efficacia

Proprietatis crimen.

Rom. 8.

*Misericor-
dia Dei etiā
Angelis in-
comprehen-
sibilis.*

Ioann. 6.

Psal. 15.

*Priuilegia
paucorum non
faciunt com-
munem le-
gem.*

*Ex Abbate
Clareuallis
Henricus
fr. Alba-
nensis Epif-
copus Car-
dinalis.*

mani facere aliquod vas in contumeliam, aliquod in honorem: nec quisquam valet ei dicere, quare sic fecisti: cuius iudicia vera justificata in semet ipsa: cuiusque misericordiā ab æterno & vsque in æternum super timentes eum sicut nullus ex omnibus filiis hominū, sic nec quisquam ex omnibus virtutibus Angelorū comprehendere poterit. Sicut namque conscius ille cælestium secretorū Augustin⁹ super sententiam illam, quam in Euangelio ait Dñs, *Nemo potest venire ad me, nisi Pater qui misit me traxerit eum*, dicit, *Quem trahat Pater omnipotens, vel quem non trahat: quare illum trahat vel non trahat, noli velle discutere seu iudicare, si non vis errare*. Cæterum sicut beati nimis, qui tam speciali priuilegio gratiæ saluari merentur, vt hic de quo locuti sumus, sic e converso miseri & infelices nimis, qui talium exemplo peccata sua vsque ad mortis articulū confiteri dissimulant: temeraria valde impudentia eandē se gratiam in extremis suis consecuturos præsumentes: cū Dominus per Psalmistam dicat, *Non congregabo conuenticula eorum de sanguinibus*, quia pauci sunt, qui in sanguine peccatorum perdurantes hanc gratiā consequantur: sed neque priuilegia paucorum faciunt cōmunem legem: ideoque quicumque de misericordia Dei tam superbè præsumunt, & temp⁹ gratiæ quod præ manibus, per negligentiam suam perdunt: cū tempus gratiæ transierit, & horror & caligo sempiternę mortis lucē huius vitę contenebraverit; tūc sicut capiuntur pisces hamo, & aues laqueo, sic capientur miseri tempore malo: tunc omnipotentis Dei tremendā maiestatem, quam nunc despiciunt peccata hominum propter pœnitentiā benignissimè dissimulantem, sentiet iustissima & sævissima districtione peccata supplicij numquā finiendis punientem. Igitur reuerendissim⁹ pater Henricus Abbas Clarevallis, dū quotidianis virtutū incrementis ad meliora proficeret, & opinio sanctitatis ejus clara ubique vulgaretur: volūate & electione summi Pontificis, fratrum quoque Cardinalium consilio annuente, in Albanensem Episcopum Cardinalem assumptus est. Quam dignitatē adeptus, sic ea quæ Pontificis erant exquebatur, vt primę suę professionis & humilitatis nequaquā immemor existeret: foris auctoritatem sacerdotio condignā prætendens, sed intus luctū monachi in spiritu contrito & corde humiliato sacrificans, obtotibus interni inspectoris placere festinabat. Factus autem Episcop⁹, Clarāvallem suam oblivioni minimè tradidit, sed sincero eam semper dilexit amore: honori & utilitati ejus tam in curia Romanā, quā alibi, ubicūque poterat, fidelissima deuotione intendens. Consummatis verò feliciter diebus vitę suę sepultus est in Claravalle, in loco quem sibi elegerat, & magno desiderio præoptauerat: qui locus medius est inter memorias sanctorū Confessorum Christi Bernardi & Malachię, quęque ea intentione sibi ad locum sepulturę præelegit, vt in die generalis resurrectionis præfatis sanctis adherēs, quidquid meritorum sibi deerit in se, sanctissimorum contubernalium suorum meritis adipiscatur.

Caput XXXI.

De venerabili viro, Domino Petro octavo Clarevallis Abbate.

Postquam mater vniuersalis, videlicet Sancta Ecclesia Romana, quæ habet plenitudinem potestatis, in partem sollicitudinis asciuit Domnū Henricum quondam Clarevallis Abbatem, cū quærerent enixius Abbates & fratres Clarevallenses, quem in locū ejus subrogarent, citò de proximo obtulit se fragrantissimam virtutum suarū colentia Domni Petri Abbatis Ignia-
censis

census, cuius suprà mentionem fecimus: qui hanc specialem gratiam ab
 hominibus sui temporis obtinuerat, vt sanctus & bonus, electus ex milli- *Praconium,*
 bus prædicaretur. Hunc itaque dignum dignorum successorem, octavum *quo adhuc*
 Claræ-vallis Abbatem vnanimò consensu elegerunt: dignum, inquam, *vincens lau-*
 qui pro suæ reuerentia humilitatis ad altiorum locum ascendens, templi *dabatur B.*
 Domini, quod ex viuis lapidibus ædificatur, minister constitueretur: de *Petrus*
 quo per Ezechielem dicitur, quoniam in octo gradibus ascensus ejus: hoc *Ezech. 34.*
 significante Spiritu Sancto, quòd per gradus octo principalium virtutum
 ad octauam æternæ beatitudinis ascenditur. Iste Dei famulus, cum ante
 susceptum regimen Claræ-vallensis Ecclesiæ perfectus & sanctus iudicio
 omnium habitus fuisset: tamen tamquam præterita conuersatio sua nulli-
 us momenti fuisset, ad nouum agonem seipsum extendere cœpit: studens
 modis omnibus dare voci suæ vocem virtutis, id est, vt quæ ore docebat,
 opere non destrueret: omnia iusta & sancta factis magis, quàm verbis, of-
 tenderet: Patrum quoque præcedentium vestigia continuè præ oculis ha-
 beret: præcipuè Sanctissimi Patris nostri Bernardi, cuius se indignum vi-
 carium iudicabat. Cùmque cæteris floreret virtutibus, gratia tamen man- *Humilitas*
 suetudinis ita decoratus erat: vt in habitu, in incessu, in vultu, in locu- *B. Petri,*
 tione ipsius, nihil aliud, nisi sanctæ humilitatis, quæ altius in corde ipsi-
 us radicaucrat, iudicia reniterent. Denique uniuersa ferè domus admini-
 stratione in temporalibus Cellarijs & provisoribus ejusdem domus cõ-
 missa, ipse soli Deo vacare, salutique animarum intendere proposuit.
 Nempe quotiescumque exoccupatus esse poterat, in auditorio solus in
 silentio, demisso in terram vultu sedebat: vt si quis de junioribus, vel in-
 firmioribus fratribus multitudine tentationum percussus, seu quavis mo-
 lestia grauatus fuisset, liberam cum adeundi facultatem haberet: quem
 etiam continuò, secundum datam sibi gratiam, salutaribus monitis, &
 dulcissimis ædificationum eloquijs, ad agonis pro Christo suscepti tole-
 rantiam roborabat. Cæterum, quàm rigidus castigatorem corporis sui fu-
 erit, ex hoc satis apparet, quòd numquam duabus tunicis & duabus
 cucullis simul, sed aut vna cuculla & duabus tunicis, aut vna tunica & du-
 abus cucullis, etiam in asperrimo frigore vestiebatur: botis quoque rarif-
 simè utebatur. Frugalitati verò & parsimonie intantum operam dabat,
 vt ipsis quoque cõmunibus cibis parcissimè vtens, magis quaecumque
 sustentamentum fragilis corporis quærere, quàm gulæ irritamentis indul-
 gere se comprobaret. Semper in corde, frequenter & in ore habebat: se
 indignum, se insufficientem esse, qui tantam domum regeret: se minùs
 idoneum, minùsque discretum, ad quem de vniuersis mundi partib⁹ tanta
 Abbatum & fratrum multitudo respicere deberet, Vnde etiam Regi Fran- *B. Petrus Ro-*
 corum, cui propinquus erat, quadà vice dixisse fertur. Vide, domine mi *gi conlan-*
 Rex, quòd ego tantillus homuncio, nullam prorsus habens personam, *guineus?*
 mentis etiam & rationis inops, tam sublimem domum regendam susce-
 pi: & timeo graviter, ne fortè per imprudentiam & insufficientiam me-
 am, status Claræ-vallis, qui hucusque inuolatus permanfit, labefacte-
 tur. Cuius humilitate Rex admodum delectatus, respondit ei. Cur, do-
 mine Pater, in tantam pusillanimitatem temet ipsum dejicis: vt curam
 animarum, quas Deo auctore regendas suscepisti, deferere velis? Ne
 quæso, ita feceris: sed secundum gratiam tibi à Domino collatam, curam

B. Petri vi-
sa quam
facta fuerit.

Dominici ovilis vigilanter exercere non negligas. Tu tantum esto Abbas intus, in ijs quæ ad honorem Dei, & ad salutem animarum pertinent: ego foris ero Abbas, in omnibus quæ ad utilitatem domus vestræ spectant, possessiones vestras tutando, & ab omni exactione liberas reddendo: omnem etiam qui maligna voluntate vos quolibet modo inquietare præsumpserit, Regiæ animadversionis ultione feriendo. Purissimam & Deo placitam huius beati viri in sancta religione conversationem manifestius indicat gloriosa illa revelatio, quam supra expressimus: per quam glorificationem Christi Martyris Gerardi quondam Claravallis Abbatis, non solum spiritualibus, verum etiam corporalibus oculis & auribus videre & audire dignus fuit. Quam verò copiosa supernæ gratiæ dulcedine perfusus fuerit, quamque non inefficax pro sceleratis & peccatoribus intercessor extiterit, mirabilis illa & verè memoria digna Balduini militis & sceleratissimi peccatoris in extremis conversio manifestè declarat. Quæ qualiter acciderit, non ad impunitatem promittendam criminosis, sed ad honorem Dei, & ad consolationem pœnitentium proferemus: sicut idem reuerendissimus Abbas eam cuidam fratri multis precibus exoratus seriatim exposuit: cuius verbis fidem non adhibere, omni religioni detrahere est. Porro memorat frater scripto, quæ audierat, cõmendavit: vnde & nos ea quæ dicta sumus, ipsius verbis expressimus.

Capitulum XXIII.

Qualiter omnipotens Deus cuidam sceleratissimo peccatori, meritis & precibus venerabilis Petri Abbatis pœnitentiæ fructum concessit.

Quam sit
utile dilige-
re sanctos.

Mat. 10.

Miles quidam, nomine Balduinus, dominus castri, quod in territorio Remensi situm Guiza nuncupatur, cum esset homo bellicosus & strenuus armis, postposito timore Dei multa mala quotidie perpetrabat: rapinis, incendijs, cædibus, cæterisque similibus diabolicis operibus frequenter insistens. Hoc autem solummodo boni in eodem esse videbatur, quod virum sanctissimū Petrum tunc Igniaci, postea Claravallis Abbate, cum tota domo Igniacensi sincerè diligens magnificè honorabat: multumque de ejus meritis confidebat. Neque verò id frustra, quemadmodum rei exitus declaravit: ut adimpleretur sententia, quam Dominus in Evangelio ait, *Qui recipit iustum in nomine iusti, mercedem iusti accipiet.* Nam cum adhuc esset in ætate virili, contigit eum lethali ægritudine pressum ad extrema perducì. Proinde misit quantocytus nuntium, rogans & supplicans, quatenus prædictus Abbas ad se venire dignaretur. Qui concitè veniens, invenit hominē jam penè consumptum, & linguę officio penitus destitutū. Sed orante Abbate sancto, larga benignitate Christi Domini nostri indulta est protinus ægro loquendi facultas, & voluntas confitendi. Confessione verò cum multa cordis contritione facta, voluit in continenti mundū deserere, & habitum sanctæ Religionis assumere. Coniuge autem ipsius, quæ plus corpus mariti sui, quàm animam diligebat, multa pertinacia ne hoc fieret prohibente, dilatum est interim votum: donec illa de sospitate ipsius penitus desperata, tandem suum dedit assensum. Qui gavisus vehementer de impetrata conversionis licentia, mox ad supra-

prædictam Igniaci domum transferri se fecit: futurus ibidem monachus, si vixisset. Sed morte accelerante soluta est protinus anima ejus à corpore, amarissima contritione ingemiscens ac pœnitens vehementer, quòd temp^a pœnitentiæ sine pœnitentia transgisset. Cumque defunctus fuisset, factæ sunt de eo revelationes multæ præfato Abbati, cæterisque senioribus loci: quas quia longum est omnes explicare, paucas ex pluribus annotare curavimus. Eadem igitur nocte qua defunctus est, apparuit in visione cuidâ viro religioso, quasi de lecto se erigēs: in quo gravi ægritudine pressus jacere videbatur. Cui cum ille adminiculum ferre conaretur, ait. Non est mihi necesse, frater, ut te ipsum fatiges. Sanctus namque Benedictus sub cujus alas, *S. Benedicti intercessio pro defuncto.* licet indignus, confugi, adjutor est mihi fortissimus: ipseque me mittit ad Dōnum Petrum Abbatem vestrum, ut ab eo monachus fiam. In ipsa nocte cum idem venerabilis Abbas pro anima peccatoris sed pœnitentis sollicitus & anxius valde existeret: cœpit animo pertractare, qualiter homini mortuo tanta peccatorū mole gravato succurrere posset. Hæc illo cogitante, subito astitit quidam, cujus vultum non agnoscebat, quem tamen Angelū Dñi fuisse credebat, respondēs cogitationibus ejus & dicens. Magno adjutorio indiget. Haud dudum verò est, quin de ipso mortuo diceret. Et his dictis, statim ab oculis ejus sublatus est. Itaq; sanctus Abbas accepto diuinitus hujusmodi responso, liquefactus est totus pietatis & fraternæ cōpassionis vnguento: & mox conversus ad orationem altaria Sanctorum circuibat, eorūque suffragia pro salute defuncti medullitus implorabat. Cumque hoc ardēti pietatis affectu diutius actitaret: ex infirmitate fragilitatis humanæ tāquā mœsto & fatigato somnus obrepere cœpit. Tenuiter verò obductis palpebris, cum nec plenè vigilans, nec plenè dormiens sibi videretur: repente apparuit ei Satanas, vultu terribili minaciter fremens aduersus eum & dicens. Quid? Balduinum auferes mihi? Et cum hoc dixisset, in impetu furoris exiit in eum, coarctans & cōprimens vehementer, Qui statim expergefactus, ita se omnibus membris astrictū reperit, ut ea mouere non posset: sed verbū Dei non fuit alligatum. Dixit itaque ad insatiabilem illum homicidā. Adjurote, spiritus immunde, per sanguinem Iesu Christi filij Dei, quem pro nobis miseris & peccatoribus in cruce fundere dignatus est: & per gloriosā ejus genitricem & virginē Mariam: quatenus huic animæ confesse & pœnitenti nocere non præsumas. Et cum hoc dixisset, diuina virtute coactus reliquit eum diabolus, & fugit. Ipse verò in sua relaxatione defuncti liberationem intelligens, resumpta orandi constantia, magis ac magis interim precib⁹ insistebat. Tanta nāque in illa hora devotionis gratia perfusus est, tantamque de Dei misericordia fiduciam mente concepit, quantam nūquam in vita sua fuerat expertus. Vnde etiam indubitanter credidit, suas suorumq; fratrum supplicationes pro eodē defuncto diuinitus exaudiri. Mane ergo facto cum Capitulo fratrum præsideret, omnes in cōmune sollicitè rogat, attentius monet: quatenus pro anima peccatoris, qui ad ipsos in supremo necessitatis articulo confugisset, devotas preces effunderent: multasq; & diuturnas orationes statuens, ipse per dies triginta penè quotidie Sacrificium nostræ redemptionis pro ejus anima offerre curavit. Porro per totum tricenarium ilud vix aliqua dies præterijt, quin memorato Abbati, aliquando quidem dormienti, aliquando etiam, quod magis mirum est, vigilantī, idem defunctus (sc. Balduinus,) appateret, interdum quoque flexis genibus &

*Absolutio,
id est condo-
natio iniu-
rie mortuo
exhibita*

*Die passio-
nis B. Petro
apparet de-
functus.*

*De nullo
peccatore in
dicare debe-
mus.*

Eccles. 11.

junctis manibus corā eo stans supplicare videbatur, ut pro se orare non desisteret. Contigit autem in ipso tempore, Abbatem quēdam monachorum nigri Ordinis, quem miles ille adhuc in carne viuens aliquando grauiter iniuriaverat, ad eandem domū Igniaci hospitandi gratia diuertere. Gaudius verò reuerendissimus Abbas Petrus, quòd hanc quoq; occasionē adiuuandi peccatricem animā sibi præstitisset Dñs, supradictum Abbatem duxit ad tumulum defuncti: obsecrans in Christi amore, ut cum absolveret ab illa iniuria, quam suadente diabolo in ipsum cōmiserat. Quo statim sine dilatione, tum propter honorem Dei, tum propter compassionem fraternæ misericordiæ, quod petebatur concedente: ecce in ipsa nocte defunctus ille Dōno Abbati Petro gratulabundus apparuit: ostendens ei corpus suum purgatum à lepra, qua se ab olim contaminatum fuisse insinuabat. Præterea in facie ipsius apparuit immensi cuiusdam vulneris penitus obducta cicatrix: cujus sanitas recens deletum ostendebat esse piaculum, quod in Abbatem cōmiserat. Post hæc autem, cum jam Dominus declarare vellet, exauditas fuisse in conspectu suo preces sancti Abbatis fratrumque ejus, pro anima pœnitentis illius, in ipso sancto die Parasceves, iam inchoato circa haram nonā diuino officio, in ipsa inquam hora, qua Dominus Iesus Christus pro peccatorib⁹ crucis supplicium subire & mortē gustare dignatus est, cum idem venerabilis Abbas indutus sacerdotalibus juxta altare præsideret: apparuerunt ei duo iuuenes præclaris vultibus, & sericis vestib⁹ renitentes: qui eundem Balduinum defunctū dextra lævaq; incedentes ad altare deduxerunt. Transcuntes verò coram Abbate, convertentes se ad eum dixerunt. Ecce Dōnus Baldvinus. Erat autē ipse defunctus nigris quidem vestimentis, sed tamen bonis & decoris amict⁹: quæ quasi de lsembruno esse videbantur. Quod videns sanctus Abbas, lætatus est valde: nimirū intelligens in vestibus nigris pœnitentiæ signū, & in representatione ipsius ad altare certum reconciliationis indicium. Ut verò reconciliationis hujus omnis à corde famuli Dei remoueretur scrupulus: qui prius crebrò apparere solebat intercessionis opē flagitans, deinceps nec ipsi Abbati, nec alteri cuiquā apparuit: ut etiam per hoc magna misericordia Dei se in numero pœnitentiū, & in purgatorijs locis ad similitudinem Dei reformandorum receptū fuisse declararet. Quis, rogo, diuinæ bonitatis & clem̃tiæ viscera super nos miseros & peccatores dignè æstimare sufficiat? Sed sicut certissimè credit catholica mater Ecclesia, Dominū Iesum pro peccatorib⁹ & impijs in passione & in morte sua innocentissimū sanguinem suum fudisse: ita prorsus incertissimum est, quisnam sit ille, qui ad redemptionis hujus sacramentum pertineat, vel quis ille, qui non pertineat: ideoq; meritò judicare prohibemur, neq; de quantūlibet sceleratissimo peccatore præcipitem ferre sententiam: quia qualis quisque sit hodie, utcūque æstimare possumus, qualis verò crastino futurus, omnino scire nō possumus. Neque enim solum quidam per gratiam Dei de peccatis & vitijs transeunt ad remedia pœnitentiæ: verum etiam, quod omni lacrymarū fonte plangendum est, terribili nimis iudicio Dei, de virtutibus & sanctis operibus nonnulli tādē dilabuntur ad vitia. Ergo qui stat, in timore & tremore videat ne cadat: qui autem cecidit, modis omnibus sollicitus sit ut resurgat. Vbicumq; enim lignum humanæ naturæ in morte carnis ceciderit, siue ad austrū, siue ad aquilonem, ibi erit: id est, aut cum Christo, qui est vera vita, in æterna beatitudine: aut cum diabolo, qui est vera mors, in perpe-

tua dānationis miseria. Perpende itaque lector, quā carus & accept⁹ Deo fuerit iste beatus Abbas Petrus: cuius meritis & precibus donauit hominem peccatorē, qui ob multiplicatam & enormitatem scelerū suorum vix vquam de profundā mortis voragine respirare posse videbatur. Quōd fronte susceptum regimen Clarevallis tam perfectus fuisse dignoscitur: postquā pastor & rector hujus religiosę domus fieri meruit, de qua, sicut beatus Bernardus in quodam sermone suo testatur, optimos & pretiosissimos animarum redditus singulis annis colligit Deus: nihilne meritorum illi accreuisse putabimus? Accreuit utique: quia priorem religionem suā posteriore sanctitate multiplicibus virtutum incrementis cumulauit: sic Marthę inquietas in semetipso castigans occupationes, vt Marię quietem per sacrę contēplationis studium toto mentis complecteretur affectu: sic subditos arctam & angustam viā incedere docens, vt legem quam alijs imponebat, primitus hanc tenendā esse, in sua sancta conuersatione demonstraret. Consummatis igitur laudabiliter diebus vitę suę, debitū vniuersitatis exsoluit: & qui aliquandiu in lacrymis seminauerat, claudens oculos in morte carnis, in gaudio immortalis vitę dulcissimos laborum suorū manipulos eternaliter metit. Venerabile corpus ejus in cellula, qua suprà diximus martyrem Christi Gerardum positum, in sarcophago super pauimentum exaltato cum cōdigno honore reconditum est: vbi cum beato collega suo in pace in idipsum obdormiens & requiescens, generalis resurrectionis diem, & gloriam, quę tunc sanctis reddetur, feliciter præstolatur.

*Annua-
marum red-
ditus ex
Clara-valle
Deo soluti,*

*Sepultus
Petrus in-
ta Beatum
Gerardum,*

Recapitulatio supradictorum.

DE virtutib⁹ & laudabilis vitę præconijs reuerendissimorum patrū, beati Alberici primī, & beati Stephani secundi Cisterciēsis Cœnobij Abbatū, necnon & sanctissimi Bernardi primī Clarevallis Abbatis, eorūq; successorum, quasi de spatiofo & florido campo non inutiliter, vt reor, ista decerpimus, & fratribus nostris lectioni studeantibus, ex lectione quoq; proficere cupientib⁹, tāquam vernantissimos flosculos apposimus: Dei omnipotentis misericordiā postulantes, quatenus non tantū Cistercio & Clarevalli, sed etiā vniuersitati Ordinis nostri patres tantę religionis & perfectionis emulatores suscitare dignetur, vt omnes nos qui in Cisterciensi Ordine pond⁹ dicti & estus, quod institutores nostri indefesso studio portauerunt, nobisq; portandū tradiderunt, ferre decreuimus, non solū ex lectione sacra præcedentiū Patrū exempla cognoscamus: verū etiam præsentium Patrum illuminati roboratiq; doctrina intra Dñici ovilis caulas, vbi intrantes & exeuntes pascua vitę inueniamus, recipi mereamur. Nemo verò putet, nos hæc de Cisterciensiu & Clarevallensium Abbatū sacra conuersatione ista conscripsisse, quasi nō & in alijs domib⁹ nostri Ordinis, præcipuē in illis quæ cū Cistercio & Clarevalle caput Ordinis esse noscuntur, firmitate scilicet Pótniaco & Morimundo claruerint, patres vita & religione conspicui: cū certissimē sciamus, in diuersis cœnobijs nostri Ordinis patres diuersarū gratia virtutū florescentes exitisse: quorum meritis & precibus vsq; hodie per vniuersitatem cōgregationis nostrę vigor disciplinę & fervor sanctę religionis adiuuante Dño conservatur. Sed nos ea quę de principaliū domorū Ordinis Patribus cognouimus, ad exēplum sufficere credimus: quorum & sanctitas sine præjudicio ceterorū excellentior esse creditur, & auctoritas animum legentis ad reuerentiam amoremq; sacrę religionis facilius accendere speratur.

*In pluribus
Ordinis Cœ-
nobijs floru-
ere viri
sancti.*



DISTINCTIO TERTIA.

*De quibusdam S. Bernardi fratribus & discipulis, alijsque
Clarevallis Religiosis.*

CAPVT PRIMVM.

De Domno Gerardo fratre Sancti Bernardi, Cellerario Clarevallis.

*B. Gerardus
beatorum
Clara-val-
lensium pri-
mogenitus.*

*Difficilius
conuersus est.*

*Lancea vul-
neratus in
carcerē trahitur.*

IA M verò ad seniores, qui sub beatissimo Patre nostro Bernardo, & deinceps in Clarevalle claruerunt, stylum vertamus: virps verè Religiosos, contemptu sæculi sublimes: ordinis æmulatione feruentes: diuersorum charismatù gratia tamquam sidera cæli relucentes: sanctæ contemplationis studio sine tædio mentis invigilantes, qui nomen & habitum monachi sanctis moribus & optima conversatione decorauere: ut quod dicebantur, verè essent, & admirabili deuotionis instantia elaborare. Quorum primum tãquam primogenitù, quod in lege Dño offerri præcipitur, non immeritò ponemus Domnum Gerardum quondam Clarevallis Cellerarium, germanù fratrem sancti patris nostri Bernardi, plurimùque ab eo dilectum: qui quantò difficilius in initiis conuersioni consensisse visus fuit, tantò renaciùs & sincerius postmodum in omni cõuersatione sua ejusdem conuersionis exercitijs adhæsit. Cùm enim servus Domini Bernardus in adolescentia sua tamquã tenerimus ligni vermiculus delicatus existens, Spiritu sancto præuentus manù ad fortia mittere proposuisset: conuersionis etiã gratiã mente conceptam Dño vouisset: eodem quoq; spiritu inflàmatus conuersionis socios quaquaversum colligeret: cùm jam ceteri fratres ejus salutaribus monitis assensum præbuisent, Gerardus salubre consilium difficilius admittebat: quia cùm esset miles in armis strenuus, iuuentutis robore valid°, magnæ prudentiæ, benignitatis eximie, & qui ab omnibus diligeretur, radicem cordis hujus mundi pompis & vanitatibus altius infixerat. Cumque obstinato animo fratris sui monita repelleret: Bernardus fide jam igneus, & fraternæ charitatis zelo mirù in modù exasperatus, scio, inquit, scio, sola vexatio intellectum dabit auditui. Et ecce præsentialiter in latere ejusdè fratris sui lancea infixæ ei apparuit præsagium futurorù: moxq; digrum loco lateris in quo lanceã solus ipse videbat, apponens, veniet, inquit, dies, & citò veniet: cùm lancea lateri huic infixæ pervium faciet iter ad cor tuum consilio salutis tuæ quod aspernaris: & timebis quidè, sed minimè morieris. Sic dictum, sicque factum est. Paucissimis namq; interpositis diebus circumvallatus ab inimicis, capitur & vulneratur juxta verbù fratris sui, lanceamque ipsi lateri, eidemque loco, quo prædictum fuerat, trahens, & mortè quasi jam præsentem perhorrescens, clamabat. Monach° sum, monachus sum Cisterciensis. Nihilominus tamen capt°, & in custodia reclusus est. Porro de vulnere præter spem citò convaluit: propositum verò seu votù quod vouerat, non mutauit. Cumque frater ejus laboraret, ut erui posset sed nil proficeret: Gerardus magis ac magis contristari & anxari cœpit, eoq; votum quod Domino vouerat, reddere prohiberetur: quodque cùm libe-

rum sibi fuisset, amore sæculi debriatus, vouere & reddere contempnisset. Bernardus vero, cum nec loqui ei permitteretur, accedens ad carcerē clama-
uit. Scire, frater Gerarde. quia ituri sumus in proximo, & monasteriū in-
troituri. Tu verò quandoquidem exire non licet, hic monachus esto: sciēs
quod vis & non potes, pro facto reputari. Aliquanto itaq; tempore in car-
cere clausus & compedibus vinctus, didicit durum esse sibi contra stimulū
gratiæ Dei recalcitrare: didicit inquam, fellea dulcedo amoris hujus sæculi
quantis calamitatibus, quantisve amaritudinibus repleatur. Demum cum
sufficienter & salubriter pro obstinatione sua castigatus à Domino fuisset:
quadam nocte audiuit in somnis vocem dicentē sibi; hodie liberaberis. Ea-
dem itaq; die circa vesperam divinitus cōpedes ejus confracti sunt, claustra
etiam carceris sponte reſerata sunt: exiensque Gerardus, per mediū illorum
quī se captivauerant & recluserant liber incedebat. Sicq; à gemina captivita-
te, corporis scilicet & animæ magna Dei misericordia liberat⁹, ita vt ex sen-
tentia dicere posset, *virga tua & baculus tuus, Dñe, ipsa me consolata sunt*: cum
fratribus suis, ceterisq; , qui in eadem spiritualis militiæ sacramenta juraue-
rant, Cistercium venit: tantò humilius & deuotius votū quod vouerat Dño
redditurus, quantò ex sola diuina gratia & voluntate, vouendi, & ejusdem
voti implendi facultatem, tam manifesto miraculo edoctus, sibi inesse scie-
bat. Postmodum verò, cum reverendissim⁹ pater Stephanus Cisterciensis
Abbas, beatū Bernardum & fratres ejus, cum alijs viris religiosis, ad edifi-
candam domū Clarævallis misisset, ipsumque venerabilem Bernardum cæ-
teris præfocisset Abbatē, Dñus Gerard⁹ in eadē domo Cellerari⁹ constitut⁹
est. Quam verò strenuē, quāmq; prudenter & humiliter, officiū sibi creditū
administtrauerit: melius ipsius beati Bernardi verbis, quā nostris explica-
bimus. Cum enim post obitū ejus idem venerabilis Abbas nobili illa sua fa-
cunda sermonem pijsimo luctu plenum in conventu fratrum faceret, inter
cetera sic ait. [Scitis, o filij, quā iustus sit dolor meus: quā dolenda pla-
ga mea? Cernitis nempe, quā fid⁹ comes deseruit me in via hac qua ambu-
labā? quā vigil ad curam, quā non segnis ad onus, quā suavis ad mo-
res. Quis mihi ita pernecessarius: cui æquē dilectus ego? Frater erat genere,
sed religione germanior. Dolete, quæso, vicem meā, quibus hæc nota sunt.
Infirmus corpore eram, & ille portabat me: pusillus corde, & confortabat
me: Piger erā & negligens, & excitabat me: improvidus & obliuioſus, &
cōmonebat me. Quò mihi avulsus es? Quò mihi raptus è manibus, homo
vnanimis, homo secundū cor meum? Amauimus nos in vita, quomodo
in morte sumus separati? Amarissima separatio: & quā omaino non posset
efficere; nisi mors. Quando enim me vivus vivum desereres? Omnino opus
mortis, horrendū diuortiū. Quis enim tam suavi vinculo nostri non peper-
cisset amoris: nisi totius suauitatis inimica mors? Ad omne quod emerſerit,
respicio ad Gerardū, vt consueverā: & non est. Heu tunc ingemisco miser,
sicut homo sine adiutorio. Quem consulā in ambiguis, cui in aduersis fidā,
quis portabit onera, quis pericula propulsabit? Nonne ubiq; gressus meos
Gerardi oculi anteibant? Nonne tuū, Gerarde, pectus curę meæ not⁹ quā
meū ipsius habebāt, familiari⁹ incurſabant, acri⁹ urgebant? Nōne in lin-
gua tua illa placabili & potenti meā à sermonibus sæculi frequentissimē ven-
dicabas, & amico reddebas silenti⁹? Dominus dederat di-linguam eruditā:
vt sciret, quando deberet proferre sermonem. Ita deniq; imprudentia ref-

Gerardus
diuinitus à
carcere eductus
situr.

Psalm. 22.

Oratio fu-
nebris in o-
bitu Gera-
r. 26. in
Cant.

Gerardi sapientia.

Isai. 5.

ponsonum suarum, & in gratia data sibi desuper, & domesticis satisfaciebat & exteris: ut penè me nemo requireret, cui prior fortè Gerardus occurrisset. Occurrebat autem aduentantibus, opponens se, ne meum otium incurfarent. Si quibus sanè satisfacere per se non quibat, hos adducebat ad me: ceteros mittebat. O virum industrium, o amicum fidelè, & amico gerebat amorem, & officijs charitatis non deerat. Quis vacua recessit ab eo manu? Si dives, consilium: si pauper, subsidium reportabat. Nec quærebat quæ suæ erant, qui se medijs ingerebat curis, ut ego vacarem. Sperabat enim, sicut erat humillimus, maiorem de nostra quiete fructum, quam si vacaret ipse. Interdum tamen postulabat absolvi, & alteri cedere: quasi qui melius provideret. Sed ubi ille inveniretur? Nec petulanti aliquo, ut assolet, in eo officij detinebatur affectu: sed solo intuitu charitatis. Siquidem plus omnibus laborabat, & minus omnibus accipiebat: ita ut sæpe cum alijs necessaria ministraret, ipse egeret pluribus, verbi causa, cibo, aut veste. Gratiastibi frater de omni fructu meorum si quis est in Domino studiorum: tibi debeo si profeci, si profui. Tu intricabar, & ego tuo beneficio feriatus sedebam mihi, aut certè diuinis sanctius occupabar obsequijs: aut doctrinæ filiorum utilius intende-
 bam. Cur enim securus intus non essem: cum te scire agentem foris, manum dexteram meam, lumen oculorum meorum, pectus meum & linguam meam? Sed quid dixi foris agentem illum, quasi interna Gerardus nesciret, & spiritualium expers esset donorum? Norunt, qui illum norunt spirituales, quam verba ejus spiritum redolerent. Norunt contubernales, quam mores ejus & studia non carnè saperent, sed ferverent spiritu. Quis illo rigidior in custodia disciplinæ: quis in castigando corpore suum districtior: quis suspensior in contemplando, subtilior in differendo? Quoties cum eo differens, ea didici, quæ nesciebam: & qui docturus adueneram, doctus magis abscessi. Nec mirum de me: cum magni ac sapientes viri id ipsum nihilominus de illo sibi accidisse testentur. Non cognouit literaturam: sed habuit literarum inventorem sensum, habuit & illuminantem spiritum. Nec in maximis tantum, sed & in minimis maximus erat. Quid (verbi causa) in ædificijs, in agris, hortis, aquis, cunctis denique artibus seu operibus rusticorum: quid inquam, vel in hoc genere rerum Gerardi subterfugit peritiam? Cementarijs, fabris, agricolis, hortulanis, sutoribus atque textoribus, facile magister erat. Cumque judicio omnium omnibus esset sapientior, solis in suis oculis non erat sapiens. Utinam multos, etsi minus sapientes, non plus tangeret illa maledictio, *ut qui sapientes estis in oculis vestris*. Scientibus ista loquor: & adhuc plura his de illo expertis & cõpertis. Parco autem: quia caro mea & frater meus est. Hoc autem securus addo, mihi utilis in omnibus & præ omnibus fuit: utilis in parvis & magnis, in privatis & publicis, foris & intus. Merito ex eo pendebam totus, qui mihi totum erat. Solum penè reliquerat mihi provisoris honorem & nomen: nam opus ipse faciebat. Ego vocitabar Abbas: sed ille præerat in sollicitudine. Merito requieuit in illo spiritus meus, per quem licebat delectari in Domino: prædicare liberius, orare securius. Per te, inquam, mi frater, erat mihi mens sobria, quies grata, sermo efficacior, oratio pinguior, frequentior lectio, & ferventior affectus. Heu sublatus es, & hæc omnia simul. Tecum pariter abierunt omnes deliciae & lætitiæ meæ. Iam curæ irruerunt, jam molestiæ hinc inde pulsan, & angustia undique solū me reperiunt, solæ mihi te abeunte remanserunt: solus sub sarcina gemo. Aut ponere, aut

officium

opprimi necesse est: quia tu tuos humeros subduxisti. Quis mihi tribuat, citò mori post te? Nam pro te, nolim: nec tua te fraudare gloria. Porrò superviuere tibi, labor & dolor. Exite, exite lacrymæ, jampridem exire cupiētes: exite, quia is, qui vobis meatum obstruxerat, cōmeauit. Non sum insensibilis, fateor, ad pœnas: horreo mortē, meam & meorum. Meus erat Gerardus, meus planē. Annon meus, qui frater sanguine fuit, professione filius, solitudine pater, consors spiritu, intim⁹ affectu? Is recessit à me: sentio, læsus sum, & grauiter. Ignoscite, filij, imò si filij, vicem paternā. Doleo super te, Gerarde carissime: non quia dolendus, sed quia ablat⁹: & ideo fortassis dolendum mihi potius super me: quia bibo calicem amaritudinis. Vbi est, mors, victoria tua? Vbi est, mors, stimulus tuus? Gerardus te non 1. Cor. 15. formidat, larvalis effigies: Gerardus per medias fauces tuas transit ad patriā, non modò securus, sed & lætabundus & laudans. Plango igitur primū super mea ipsi⁹ plaga, atq; hujus jactura domus. Plango deinde super pauperū necessitatibus: quorum Gerardus pater erat. Plango certē & super vniuersi nostri Ordinis statu, nostręque p̄fessionis: qui de tuo, Gerarde, zelo, consilio & exēplo, robur nō mediocre capiebat. Plango postremò, etsi nō super te: p̄pter te tamē. Hinc prors⁹ afficior graviter: quia vehemēter amo.]

*Gerardus
quādam utilis
omnis esset.*

Caput II.

De laudabili abstinentia Domni Gerardi Cellerarij.

HOC est testimonium, quod de vitā & conuersatione dilecti fratris sui Gerardi reuerēdissimus pater Bernardus perhibuit: quod nos de lōgo Sermonē ipsius diuersis in locis excerptes, ad demonstrandas tanti viri virtutes, continuatim posuimus. Scimus verò fuscū adulationis, & tanti patriæ nostri verbis & sensibus, longē prorsus abfuisse: nec sanguinis affectione attractū, vt vel vno verbo plus laudaret eum, quā mera veritas laudandū effecēsebat. Proinde si verū est, imò quia verū est testimoniū ejus: liquet profectò, perfectum in virtutibus fuisse famulum Dei Gerardū: cui magno ad obseruantia verē religionis exteriorum administratio nil oberat: quę tam multos à tramite disciplinę claustralis solet auertere, & in baratrū secularis conuersationis immergere. Quis autem tantę laudis præconiū dignē admirari sufficiat, quod plus omnibus laborans, minus oībus accipiebat: quod nullo petulantię affectu in officio suo detinebatur, quod quidē temporibus nostris rarissimū est, sed solo intuitu charitatis: quod cum ceteris necessaria ministraret, ipse egebat in pluribus? Sanē ad cōprobandum, quā fuit rigidus in obseruantia disciplinę, quamque districtus castigatō corporis sui, vnum ex laudabilibus factis ejus exempli causa ponemus: vt hi, qui sanctorum virtutes ad perfectum suum scrutari satagunt, si feruentes in religione sunt, habeant, quod imitari debeant: sin verò remissi vel infirmi, habeant, vnde de se doleant. Solebat famulus Domini Gerardus, grangias ex debito officij sui circumiens, communi Fratrum mensa & uictu contentus esse: aquam cum eis & ipse bibens: nec facillē aliud quid, præter communia pulmenta sibi patiebatur apponi. Accidit autem quadam vice, vt ad grangiam iturus infirmaretur. Quod sciens Conuersus, qui cū eo ire debebat, ad Priorem accessit: Cellerarium infirmari suggessit, timere se dicens, quia si aquam in grangia, sicut solebat, biberet, infirmitati ejus pondus accresceret. Iussu itaque Prioris vasculum vinō plenum secum tulit, Cellerario penitus hoc ignorante: quod etiam ipsi

*Testimoniū
S. Bernardi
adulationis
expers.*

sedenti cum fratribus ad mensam obtulit: signum, sicut moris est, ex parte Prioris faciens, ut causa infirmitatis sue modico illo vino sol^o vteretur. Quando vero ille paupertatis & communis vite ferventissimus amator in hoc consentiret: ut ceteris omnibus aquam bibentibus, ipse solus poculo vini delectaretur? Erat autem vas aqua plenum in medio positum: unde fratres bibere debebant. Parumper ergo intra semetipsum, quid sibi facere deberet, deliberans, continuo surrexit: & tollens vasculum vini, cunctis videntibus ut ceo, qui aquam habebat, vinum infudit: signum faciens, ut omnes biberent in comune. Malebat quippe corpus suum infirmitate periclitari: quam vel in tantilla remissione abstinencie conscientie suae maculam dare. De quo ejus tam religioso facto fratres exhilarati pariter & edificati, delectabilius aquam illam biberunt, quam si pretiosissimum vinum eis propinari fecisset. Legabant nimirum in vita & moribus optimi Cellerarii sui, quam convenienda sit carnis illecebra: qui nec pro tuenda vel recuperanda corporis sui sanitate poculum sumere acquievit, unde infirmis occasione scandalum dedisse videretur.

*Abstinencia
in exemplo.*

Caput III.

De pretiosa morte venerabilis viri Gerardi.

CVM pro sedando schismate petri Leonis S. Pater Bernardus testis iam vice, vocante D^{no} Papa Innocentio, Italiam intrasset, & magnis ubique signis & miraculis claresceret: D^{no} Gerardum Cellerarium suum tamquam fidelissimum adiutorem, prudentissimumque consiliarium, per omnia secura habebat. Contigit vero cum essent Viterbi, ut idem D^{nus} Gerardus gravissima valetudine correptus lecto decuberet: venerabilemque Abbatem conturbatum vehementer, & consternatum redderet. Cumque manifesta signa mortis exitum imminere denuntiarent, serv^{us} Dⁿⁱ Bernardus egerime ferens, comitem peregrinationis, & illum comitem, in terra relinquere aliena, nec resignare ijs, qui eum sibi comiserant, quoniam amabatur ab omnibus, sicut erat amabilis valde, cum fletu & gemitu conversus ad Dominum, expecta, inquit, D^{ne}, expecta usque ad reditum: restitutum amicis tolle eum jam si vis, & non causabor. Sed quo pius & misericors Dominus humillimum servum suum cum tanta contritione cordis in propria causa postulante despiceret: quem tanta facilitate, quanta benignitate, in causis alienis exaudire continue solebat? Neque preter spem universorum tamquam de portis mortis ad vitam revocat^{us}, cito convalescit Gerardus: perfectisque negotiis, pace sancte Romanæ Ecclesie redita, Leonina rabie positus extincta, redierunt in patriam: cum exultatione universæ terræ reportantes manipulos pacis. Haud multo vero post hoc elapso tempore, tamquam jam votis & desiderijs fidelis servi sui Bernardi satisfecisset Dominus, rursus Gerardus cepit viribus corporis repetere destitui, paulatimque ad exitum appropinquare: qui occupatione quidem Marthe pro instructo sibi officio patienter sustinuerat, sed vacatione Mariz toto mentis conamine amplexus fuerat. Sentiens itaque se certissime migraturum: & de laboriosis hujus sæculi curis ad æternæ beatitudinis requiem transiturum, ubi vacare incipiens, gustaret & videret, quoniam suavis est Dominus: & comprobaret, nequaquam se carnali, seu seculari aliquo desiderio in officio suo detentum fuisse: elevatis in cælum oculis, Deus, inquit, tu scis, quod quantum in me fuit, semper optavi quietem: intendere mihi, vacare tibi. Sed implicitam tenuit me amor tuus, & voluntas fratrum, & studium obediendi: super omnia vero Abbatis & fratris mei germana dilectio.

*Gerardus S.
Bernardi
precibus sub-
iit a morbo
lethali con-
valuit.*

Circa medium verò noctis, quā vltimam cū miseris mortalib⁹ egit, mirum in modum exhilarato vultu in voce exultationis subitò erupit in illud Dauidicū, stupentibus qui aderant. *Laudate Dñm de calis, laudate eum in excelsis.* Iā *Psalm. 48.* enim huic beato viro nocte adhuc media diescebat, & vltima nox ipsius sicut dies illuminabatur: prorsus illa nox illuminatio ipsius in delicijs eterni luminis, quod est Christus Dñs. Quomodo enim tenebræ non vertuntur in lucē, vbi cantando moritur homo, & moriendo cātat? Vsurparis, ô inimica mors, ad lætitiā, cū sis mater mœroris: vsurparis ad gloriā, glorię aduersatrix: vsurparis ad introitū regni, porta inferi: fouea perditionis, ad inuentionē salutaris. Fratres itaq; qui aderant, tanti nouitatē miraculi attoniti, cucurrere citiūs, dilecto fratri ipsius S. Bernardo, hominē in mortem exultantem, & insultantē morti, nuntiantes. Qui cū debilis & infirmus accelerans venisset, extrema jam psalmi quem cantabat ipso audiente clara voce cōpleuit. Et suspiciens in cælum, ait. Pater, in man⁹ tuas cōmendo spiritum meū. Et repetens eundem sermonē, ac frequenter ingeminans, pater, pater, conversus ad sanctū Abbatem & fratrem suū, exhilarata facie: quanta, inquit, dignatio Dei, patrem hominum esse: quanta hominū gloria, Dei filios, Dei esse heredes. Nam si filij, & heredes. Sic sancta illa anima in iubilo & exultatione spiritualis gaudij carne soluta, & hymnidicis Angelorū choris admixta, tanto liberiori volatu fidereas petijt mansiones, quantò suū nil in ea malignorum caterva spirituum invenire poterat. Funeri ejus sanctus Abbas & frater ipsius debitum cōmendationis & exequiarum officiū dulcissima mentis affectione deuotē impendit: cū tamen alijs flentibus ipse nō fleret, sed erūpere gestientes lacrymas magna fidei constantia castigaret: ne quasi mortuum plangere & flere videretur illū, quem de morte sua in eterna vitā & gloria sempiterna natum esse, non dubitabat.

*In morte la-
tus canit
Gerardus.*

Caput I V.

De Reuerendissimo patre Humberto, quondam Priore Claravallis.

Postquam gratia & misericordia Dñi nostri Iesu Christi domus Claravallis fundata est, & fragrantissima sacrę religionis ejus opinio multis facta odor vitę in vitam: inter cæteros, quos diuinę bonitatis arcanū consilium de diversis mundi partibus vocabat, plures religiosi viri, qui suis in locis perfecti in religionis observantia videbantur, audientes, quòd tam specialiter & excellenter magnificasset misericordiam suam Dominus cum domo eadem, & ejus sanctissimo Abbate, tamquam noui tyrones, ex emeritæ militiæ laboribus venientes, tantę sanctitatis collegio sociari ferventissima spiritus deuotione cupiebant. Inter quos primi vel præcipui extiterunt, Humbertus Igniacensis Cœnobij primus Abbas, Renaldus, & Petr⁹, cognomento Tolosanus, Guillelmus, & Gerardus Farsensis: qui non vno quidem in loco, sed diuisis, & inter se distantibus prouincijs habitantes, ita se, ab ipsis infantię rudimentis, diuinis obsequijs mancipauerant: vt in omni virtutum gratia florentes, alienis, quasi perfectioribus, exemplis institui, min⁹ necessarium habere viderentur. Verumtamen mellifluam sanctitatis dulcedinem, qua cæteris sui temporis sanctis, beatus pater noster Bernardus, tamquam cedrus exaltata in monte Sion, supereminebat, crebra & certa relatione cognoscentes: tamquam verē mites & humiles corde, nec surda aure prætereuntes illud de Apocalypsi, *Qui sanctus est, Apocal. 22. sanctificetur adhuc*: priora sua nihili reputantes, sed in anteriora extenti:

*Humbertus
ex alio Or-
dine Clarā-
vallem adi-
it, & alij
multi.*

*Humbertus
é primis Cla-
ravallis mo-
nachis u-
nus.*

*S. Bernar-
dus Hüber-
tus sibi pro-
ponebat ex-
emplar.*

*Hübertus
Abbatiale
onus depo-
nit.*

*Serm. in
obitu Hü-
berti.*

tanti & tam spiritalis patris magisterio prona & humillima se volúrate sub-
didere. Quos etiam pro suę reverentia sanctitatis idem beatus Bernard⁹ uni-
co semper charitatis amplectebatur affectu. Nunc itaque de reuerendissimi
patris Humberti purissima & verè monastica conversatione pauca comme-
morabimus: de ceteris verò suo loco, quod Dñs dederit, dicemus. Servus
Dei Humbertus à puerilibus annis in sanctuario Domini locatus, cum iam
per viginti annos in religione strenuè Dño militasset: tandè perfectioris &
sanctioris vitæ desiderio Claravallē se contulit, in ipso fere principio do-
mus illius. Vbi tantis virtutū charismatibus effulsit, tantaq; mansuetudinis
& charitatis gratia decoratus extitit: vt tamquā vnus de numero cælestium
Seraphim vniuersitatem congregationis ferventissima conversatione sua in
amorem Dei vehementer accenderet. Ipse etiā sanctæ hujus & à Deo be-
nedictæ congregationis speciali prærogatiua benedictus Abbas in vertice
virtutum stans, neque ab homine religionis incrementa mendicare necesse
habens, cum esset tamen doctus vnctione Spiritus sancti, humiliora sectari
potius, quàm sublimiora, Hübertum Dei famulū ad imitandum perfectio-
nis exemplū sibi proposuerat: ipsius virtutes admirari satagens, merita ejus
magna & sublimia æstimare: ipsum sanctitatis exēplar, religionis formam,
monasticæ puritatis speculum reputare: respectu illius conversationem suā
nullius momenti pensate: sancti fervoris ipsius intuitu, sua licet feruentissi-
ma studia, tamquā minus habentia, diu noctuq; castigare: sciens nimirum
omnem hominē consideratione infirmorum deficere, perfectorū verò con-
templatione quamvis in virtutibus consummatum, propter ipsam sanctę hu-
militatis laudabilem curiositatem, adhuc virtutis incrementa reperire. Hinc
idem B. Bernardus in quodam sermone suo sic ait. Vtinā, fratres mei, nos
peccatores haberemus illam humilitatem in peccatis nostris, quā sancti viri
habuere in virtutibus suis. Igitur venerabilis Humbertus missus postmodū
ad ædificandū Igniacense cœnobium, & ejusdē cœnobij primus Abbas à
beato Bernardo constitutus, impatientissimè ferebat, amicā sibi paupertatis
humilitatis & subjectionis materiam esse subtractam. Denique ferre non va-
lens pro speciosa sanctę quietis & contemplationis Rachele lippientē Liam,
id est sæcularium negotiorū inquietos tumultus supponi sibi, invito licet &
renitente S. Bernardo, sarcinam curæ pastoralis deposuit, & Claramvallē
rediens, nobili suo collo subjectionis & obedientię iugū imposuit, quia nul-
lum collū nobile, nisi flexibile, quod etiam indefessus, tāquam jugum Do-
mini suauē, & onus ejus leue, vsq; in finem vitæ suę portauit. Cum verò iā
senuisset, & fatiscentibus membris vigor corporis defecisset, insuper varijs
adversæ vāletudinis incōmoditatibus vrgeretur: erat tamen animus vicens
& fervens in opere Dei, ita vt arduos Ordinis labores, quos vix robusta ju-
uenuū ætas tolerare poterat, ipse senex & ferè decrepitus patienter, imò ala-
criter percurreret: remissiones verò & indulgentias misericordiæ, quæ seni-
bus causā cōpassionis impenditur, non solum minimè appeteret, verū etiam
concedere volentibus nequaquam acquiesceret. Peractis autē in Claravalle
triginta circiter annis, felici agone consummatus mortē lætus subiit: non
ab ipsa consumendus, sed de ipsa in assumptione novę vitæ, & tunc in ani-
ma, & postmodū in corpore gloriosissimè triumphatur⁹. Decujus transitu
beatus Bernardus vehementer turbatus, quid de ejus excellentissima con-
versatione sentiret, in conventu fratrum quodam sermone declarauit.

Caput v.

Ex illo sermone colligitur, consummatum fuisse S. senem Humbertum in virtutibus.

Considera, lector, tamquam in brevi tabella, virum perfectæ virtutis corâ oculis tuis eleganter depictum, ita ut ex sententia dicere possis, quoniam iste beatus vir monachus factus monachi vigilavit in actus: qui hoc quod erat habitu & nomine, solertissima industria elaboravit, ut esset etiam in rei veritate: indignissimū fore reputans, vacuo nomine monachi sine virtutis opere gloriari. Sciebat nimirū virtutem gradum esse ad gloriā, & vanam prorsus gratiam, fallacemq; pulchritudinem, quam non parturiret illa. Idcirco beatissime pater Hūberte, longè erit à te ironicum illud elogium, quo quidam, qui vacuo nomine monachi absq; virtutis opere in vita gloriatus fuerat, post mortem irrisus fuisse perhibetur. Si vestis pulla, rasum caput, ampla cuculla, quemquā iustificat: hic homo iustus erat. O quantū distat inter lucem & tenebras: quā magnum chaos firmatū est inter filios iræ & filios gratiæ: quā disparem sententiā hinc exeuntes excipiunt fictē religiosi & verē religiosi. Non erat Humbertus de numero fatuarum virginū, quæ acceptis lampadibus suis detestanda negligentia oblitæ sunt oleum secū sumere: erat de numero prudentum, de quo non fucatus adulator, sed verus laudator ipsi^o dicit, quod fuerit cōpositus supra omnes homines quos viderit in diebus suis, vnus idemq; perseuerans omni tēpore & omni hora: pulchrè eadem sententia, licet alijs verbis diffinitionem illā, qua poëta sapientem diffinit, repræsentans: *Constans ipse sibi, totus teres atque rotundus: Horat.* quod est vnum eundēq; perseuerare, & omni tempore & omni hora. Sciendū præterea, hunc beatum virū Priorat^o officio sub S. Bernardo in Claravalle functum fuisse: ad quorū doctrinam exemplaue virtutum vniuersa Claravallis irrigabatur sicut hortus deliciarum, & sicut paradisus Dñi: saliebatq; in singulis & in omnibus fons iustitiæ in acquisitionem vitæ eternæ. Quia verò memoria ejus in benedictione erit omni generationi fratrum, qui in Claravalle Domino servituri sunt: in monumento, quo suprà diximus Dñum Robertum secundū Clarevallis Abbatem positum, quod est sub arcu in muro Claustrî prope Capitulum, etiā reuerendissimi patris Humberti venerabile corpus reconditū est: vbi & locus qui sacra ejus ossa servat, titulū nominis ipsius præfert: ut proinde fratres in Claustro sedentes, & ex lectione ferventissima sanctæ religionis ejus studia cognoscentes, quæ tanta tamque magnifica fuerunt, ut ea literarum monimētis tradere beatissimus pater Bernardus non dubitaret: simul etiam tumbā sacrorum cinerum ejus præ oculis habentes, incalescant animis, oblivionem fugiant, torporē & negligentiam procul à se repellant: nec omnino nisi per arduos claustralis disciplinæ labores, coronam monachis propositam se adepturos esse præsumant.

Ironicum elogium in fictum monachum.

Humbertus Prior Claravallis.

Vbi sepultus B. Humbertus.

Caput vi.

De Domino Odone quondam Suppriori in Claravalle.

Fuit quidam de senioribus Clarevallis, Odo nomine, Suppriorat^o officium in eadem domo per plures annos strenuè administrans: homo verè pauper spiritu, & humilis corde: qui à primis fere annis domus illius arduos labores, non solum voluntariæ paupertatis, sed etiam duræ necessitatis, qua in novitate sua domus illa ob penuriam rerū sæpius cōstringebatur, tam alacriter percucurrit, ut tunc ferventior esse in Dei laudibus notaretur, cum corporalibus subsidijs ex aliqua parte carere videretur. Tanta autem

*Odoni concessum est
mori ante
S. Bernardum.*

*Anxium &
timentem in
morte erigit
in spem S.
Bernardus.*

*Sepultus est
Odo cum
Humberto
in Claustro.*

Psalm. 93.

inerat ei morū suauitas, tantaq; mansuetudinis dulcedine tractabat couentum fratrum, quem, Priore aliàs occupato, assiduè ducebat & reducebat ad laborem vadens & inde rediens: vt vsq; hodie sancta illa congregatio memoriam abundantiae suauitatis ejus cum gratulatione eruēt. Cum autem fidelis pastor S. Bernardus, ruinis sacri corporis ejus crebrescentibus, magis ac magis ad depositionem vitę corruptibilis, & introitū beatę incorruptibilitatis approximeret, omnipotens Deus, qui humilium vota nūquam despicit, huic beato Odoni secundū desiderium cordis sui concessit, vt ante patrem sanctum ipse decederet: ne post aurea secula, quę sub tāto patre jucundissime floruerant, ferrea, quę mox subsequutura erant, lugentibus oculis videre cogeretur. Quod etiam futurū esse, ita Dñs vni ex fratribus, priusquam fieret, manifesta visione præostendere dignatus est. Aspiciebat namq; quidam frater in visu noctis: & ecce parabat vir beatissim⁹ Bernardus ascendere Ierosolymā, jamq; ipso in p̄cinctu itineris erat. Ad quem venerabilis Odo reuerenter accedens, dicebat se præcessurū. Cujus visionis sic ostensa est veritas, vt prædictus vir Deo dignus, ad cælestē Ierusalem, vbi vera visio pacis est, parantem jam egredi, & paulò post subsequuturum patrem sanctū, felici functus legatione præiret. Post prædictam enim visionem idem famulus Dei Odo molestia corporis tractus ad extrema peruenit. Ad quem visitandum cum beatus Bernardus ingressus fuisset, videns eum pauere & anxari, quasi si min⁹ perfecte vixisset, & ob hoc ancipitem adhuc sententiam Iudicis expectaret: sic eum allocutus est. Quid trepidas, quid turbaris, ô anima beata? A diebus adolescentiæ tuę deuotum Christo famulatū in multis & magnis laborib⁹ exhibuisti: & exire formidas? Perge, perge securus, ego tibi in veritate dico: quia recto cursu ad creatorem tuū peruenies, & sanctus coram ipso apparebis. Qua consolatione dilecti patris sui humilis Odo roboratus, placidiori vultu ad exitum tendens, & post modicū hominem exuens, mortem perdidit, & vitam veraciter apprehendit. Vt autē pater sanctus sententiam, quam de eo protulerat, pię humilitatis obsequio veram esse cōprobaret, corpore sancto adhuc in area jacente, antequā ad lauādum deferretur, reuerenter accedens, funeris Deo digni vestigia sacra deuotē osculatus est: patenter cūctis ostendens, quanto honore digni sint, qui in exercitijs regulę, quam professi sunt, sine dissimulatione exercentur, & in via mandatorū Dei, sicut in omnibus diuitijs, delectantur. Benedicti corporis ejus exuvię in monumento, quo pię memorię Hūbertum locatum diximus, ob reuerentiā sanctitatis ipsius, reconditę sunt: vbi felici pausatione requiescens, Salvatorem expectat Dominū nostrum Iesum Christum: qui reformabit corpus humilitatis ej⁹ configuratū corpori claritatis suę. Dicit Psalmista loquens ad Dñm. *Nūquid adhæret tibi sedes iniquitatis: qui fingis laborem in precepto?* Si enim dici libeat, quid est electis Dei omnis pressura, dolor, & angustia præsentis temporis, nisi quædā fictio laboris? Momentaneū namq; & leue tribulationis eorum, quę in præsentī est, immensum pondus glorię operatur in eis in sublimitate eterne vitę: ad quā venerabilis Odo jā nunc in aīa peruenisse, & postmodū in corpore peruentur⁹ esse, certissime speratur.

Caput VII.

De Domno Guerrico quondam monacho Claravallis, postea Igniaci Abbate.

Sanctę recordationis Dónus Guerricus quondam Abbas Igniaci, dum adhuc sub disciplina beati Bernardi monachus esset in Claravalle, & re-

galibus sacrę doctrinę vberibus lactarerur: haud degenerę se tanti patris filium moribus & vita probabat. Tantò siquidem sublimiùs arcem virtutũ cõscendere didicerat: quantò secretiùs, magno Dei munere, de incorruptionis titulo testimonio conscientię gloriabatur. Sicut enim ij, quibus secreta tanti viri nosse datũ fuerat, astruebant: immaculatam incorruptionis tunicam, duce gratia, vsq; ad exitũ vitę conseruauit. Porro quantę puritatis & integritatis fuerit vita & conversatio ejus, quamq; purissimum sanctę deuotionis thymia ma quotidie Deo in ara cordis incenderet, Domin⁹ gloriosus & manifestis indicijs declarare dignatus est. Accidit namq; quadam vice, vt ad lectiõem in vigilijs legendam ascriptus esset. Cumque se moueret de stallο suo vt ad gradum presbyterij veniens, sicut moris est, inclinaret: alius quidã spiritualis monachus, qui sanctorum ejus in Domino studiorũ curiosus scrutator esse solebat, non livoris vel inuidię peste tabescens, sed vt exemplis ejus ad meliora provocaretur, obseruauit euntem. Itaque inclinante eodeuotē ante gradum presbyterij, ecce Angelus Domini de celo veniens, supradicto fratri spirituali cernēte, veste candidissima & splendidissima induit eum; & per mediũ chori reuerenter deducens, vsque ad analogium cum eo ascendit: & stans juxta eũ, quousq; totam perlegeret lectiõem, cum multa reuerentia ministri officiosus est. Qua perlecta, rursus per mediũ chori etĩ deducens vsq; ad gradũ presbyterij prosecutus est: illoque satisfactionem, quę post lectas lectiões ante gradũ fieri solet, faciente, Angel⁹ Dni recepta veste celesti ab oculis hęc videntis sublatus est. Frater autem ille, cui tantã dignatione gratię Dei tam secretũ diuinę benignitatis donũ cognoscere datum fuerat, de gloriosa hac visione multũ edificatus, didicit, ipsũ de quo talia videre meruit, verē esse Dei famulũ: qui Angelicę puritati approximans, rāquam Benjamin amantissimus Domini; tota die cum illo in thalamo sanctę contemplationis moraretur. Succedenti verò tempore venerabilis Guericus factus Abbas Ignaci, qualem se exhibuerit, quā strenuē officium sibi cõmissum adimpleuerit, non est nostrę paruitatis edicere. Planē quā sanę & vberis doctrinę fuerit, luculentissimi atq; discretissimi, & verē spirituales Sermones ejus, quos in solemnitatibus præcipuis in conventibus fratrũ fecit, & à cantore ejusdem Ecclesię excepti sunt, manifestē declarant. Cæterũ supernus ille artifex, qui pressuris & rursionibus varijs solet polire vasa misericordię, vt discernātur à vasis irę, continuis & grauibz infirmitatibus hunc famulum suum laborare permisit. Quas ille incommoditates patientissimē tolerabat: sciens nimirum, tantò se in futuro gloriosiorẽ de summi Regis manibus coronā percepturũ, quantò alacrius in præsentĩ certaminis agone defudasset. In hoc tamen nimis contristabatur, & semetipsum valde humiliabat, quod penē continuē conventum fratrũ deserere, & in infirmitorio jacere, causa debilitatis suę, cogebatur: nec poterat ita fratribus suis exemplũ quotidiani laboris præbere, sicut verbum sanctę prædicationis impendere. Verũ quidquid minus habebat de exercitio corporali: totum sincerę pietatis affectus, & ardens in Deum deuotio supplebat. Conqueritur ipse debilitatem & insufficienciã suam in quodam sermone suo, ita dicens. *Amici venerunt ad me de via: sed non habeo, quod ponā ante illos. Non sum medicus, & in domo mea non est panis. Ideo dicebā ab initio. Nolite me constituere principem. Non enim debet præesse, qui non potest prodesse. Quomodo autē prodesse potest, qui nec medicus est, nec panem in domo habet: id est, nec artem novit,*

*B. Gueric.
virginitatē
semper ser-
uauit.*

*Angelus
Guericum
veste candi-
dissima in-
duit.*

*Serm. in
Rogation.*

Eccli. 32

2. libro 9
liberatus
intra 100
Pera huius
militas.

Psal. 80.

qua sciat curare, nec doctrinam, quae sciat pascere? Hæc quidem dicebam, sed heu, non audistis me: principem enim constituisti me. Supererat igitur, ut quædam potui effugere periculum, confugerem ad remedium: et audiam super hos illos. Principem te constituerunt, isto inter illos quasi unus, ex illis. Sed uenit illud, quod hoc ipsum relictum est mihi. Sicut enim imperitia prohibet esse super, alios: sic imperitas esse non patitur inter alios. Et sicut spiritu non sufficio administrandum, et corpore deficio ad præbendum exemplum. Qui igitur idoneus non sum, nec præesse cogor, esse ubi potero esse, nisi ultimum et tutissimum eligam locum, scilicet omnium subesse? Et hoc quidem valeo: humilia, imò vera, de me sentiendo: nihilque me prohibet, imò plurimum veritas ipsa monet, subesse cunctis animo, licet præesse cogam officio. Tu Dñe Deus, ipse es, qui subesse mones: et nihilominus præesse jubes: à te aspetaque humilem simul et utilem in injuncto me facias ministerio. Humile, verà de me sentiendor: utilem, recta de te loquendo. Illud inspira cordi: hoc ministra ori. De forma nam rectum et bene sonantem in apertione oris mei, qui dixisti, Aperi os tuum, et implebo illud: ut omnis familia tua benedictionibus repleatur.

Caput VIII.

Guericus
conscientiā
discutit.

1. Reg. 15.

Libet libris
sermonum
suorum com-
puri.

Quanta districtione Dñus Abbas Guerricus conscientiam suam in obitu suo discussit. **P**erpende, Lector, sinceritatem conscientie sancti viri huius: qui tam fiducialiter sibi facile esse pronuntiat, quod paucissimis & perfectissimis diuina concedit benignitas, cunctis videlicet animo subesse: quavis cogatur officio præesse. Cum autem fidelis servus Dñi Guerricus fidelissima distributione conseruis suis annona domini sui dispersita, plenus dierum & virtutum transurus esset de hoc mundo ad patrem: tactus ægritudine, ipsiusque ægritudinis molestia ingravescente, ad extrema deductus est. Curiosus cordis ætos angulos conscientie sue eo discutiente, ne siquid forte esset pauperam gestum & iacemdatum, districtum sibi iudicem offensum redderet, et in aliis spiritibus occasionem caluniansi præberet: recordatus est libelli sermonum quem fecerat, simulque memorie occurrit, patres statuisse, nullum absque Generalis Capituli licentia libros facere debere. Et graviter ingemiscens, conuocatis fratribus dixit. En, fratres, dum vestris profectibus inuigilare, vestreque petitioni parere studui: crimen inobedientie, quod, restans sancto Saule, quasi scelus idolatriæ est, incurri. Libellum nempe Sermonum, quæ rogatu vestro dictavi, temerarie nimis absque Capituli Generalis licentia edere præsumpsi. Quapropter quantocyus illum afferentes igne cremate, ne pro culpa inobedientie ulticibus gehennæ flammis tradar consumendus. Dei vero providentia accidit, ut jam in alijs quaternulis transscriptus esset libellus. Deo aliquid melius pro nobis & in hoc disponente: ne videlicet sancta Ecclesia, ipsius, & præcipue Cisterciensis Ordo, tantæ eruditionis gratia præteretur. Mirabili namque temperamento ita literalis scientie lepos in volumine illo tumet, & christianæ simplicitatis humilitas sic in eo resplendet, ut non modo minime onerosus, verum etiam graciosus valde sit legentibus. Porro ignitum eloquium Domini vehementer, quod in sermonibus illis invenitur, ita movet, afficit & accendit legentem: ut durissimus corde sit, qui non ex eorum lectione copunctus, ad meliora proficere studeat. Sic itaque iustus & timoratus servus Dei, delicto, quod conscientiam ejus remordebat, feræ examinatione correcto, alacrius jam & propensius ad celestia suspirabat. Christi Domini juvenillimam & beatissimam præsentiam votis & desiderio sacre devotionis requirebat: qua etiam post modicum, misera mortalium confortia relinquens, sicut pie credimus, satiari promeruit.

Caput

Caput IX.

De Domino Roberto monacho Clarevallis, postea Abbate.

Dominus Robertus quōdam Domus-Dei Abbas, & S. Bernardi secundum carnem propinquus, in adolescentia sua jugū Domini suave, & onus ejus leue apud Cistercium susceperat, postmodū verò reuerendissimo viro Dei Bernardo primo Clarevallis Abbate constituto, sub ipso in eodem cenobio cælestibus disciplinis instituebatur. Cumque doceretur à pio patre carnis innocentia sacris orationibus repellere, petulantes & inquietos adolescentie motus labore manuum, vigilijs, & jejunijs edomare: delicatus adolescens pusillanimitate victus, sacrorū quoque exercitiorum assiduitatem perterritus, minus patienter verbum post tergū monentis audiebat. Interea Cluniacenses fratres audientes, quòd idē adolescens Ordini Cisterciensi se reddidisset, indignati sunt vehemēter, asserentes, eū hoc juris ratione nullo modo facere potuisse: quippe qui ipsorū monasterio à parentibus suis, secundum Regulam S. Benedicti, puer promissus fuisset. In astipulatione etiā suę assertionis monstrabant terrā, quam à parentibus ipsius cum eo Cluniacensi monasterio fuisse donatam, memorabant. Cūque auctoritate B. Bernardi premerentur, ne eū publicè repetere præsumerent: ad callidiora sese argumenta vertere. Missus est namq; Prior quidā ab ipso sūmo Priore magnæ illius domus, ut si fieri posset, blanditijs & suasionib; suis juvenem illū circūveniret: quatenus abdicato Cisterciensi Ordine, domoq; Clarevallis relicta, spontanea voluntate Cluniacū se transferret. Veniens itaq; memoratus Prior Clarevallen, speciē pietatis, quam foris in vultu & habitu prætendebat, int' habere credebatur. Sed heu, nusquam ruta fides, idcirco fallimur ōnes. Heu, vix illud, q̄ intentatur peccatori terram ingredienti duabus vijs: cujus cor & cor diverberat conscientiam, in ipsa quoq; Religione, quod sine gemitu dicere non possumus, duplicitatis & maledictionis spinas germinare quandoque deprehenditur. Hic enim, de quo loquimur, Prior conveniens magistros fratrum, petebat sibi dari licentiā loquendi fratri Roberto: gratia visitandi & consolandi eū se venisse, testatus. Sed quis hoc tali viro negaret? Quis non crederet, novum Christi tyrunculum, de tanti senis ædificatorijs verbis virtutis incrementū capere: quo validior ad vitia propulsanda efficeretur? Sed heu, pelle sub agnina deprehensa est mens lupina: & qui credebatur ad virtutē provocare, suadet rudi adhuc militi stationem suam deserere, arma p̄sere: nec tam spontanea, quàm misera voluntate, crudeli hosti ultro se tradere. Quid plura? Suadet & persuadet delicato adolescenti, duos Clarevalensium labores fugere: Cluniacensium mollia, carnēque magis quàm spiritū redolentia instituta capeffere. Sequitur itaq; ovicula lupū, nesciens se in horrendū apostasię ruere baratrū. Venerabilis autē pater Bernard' licet factum hoc egerimē ferret, dissimulavit tamen: ne lædentib; se vel in aliquo talionē reddidisse videretur. Postea verò quàm aliquādiu dissimulavit: eundem fratrem statuit per epistolam revocare. Quo dictante Dōnus Guillelmus Ricvallis postea monasterij prim' Abbas, in membrana scribēs eandē excipiebat epistolam. Erant autē ambo pariter sub dio sedentes. Ad dictandum quippe secretiūs, septa monasterij egressi fuerant. Subitò autem inopinatus imber erupit, & is qui scribebat, sicut ipso referente didicimus, cartam reponere voluit. Ad quem Pater Sanctus: opus, inquit, Dei est: scribere ne timeas. Scripsit ergo epistolam in medio imbre, sine imbre.

Robertus & Bernardus consanguinei.

Eccl. 4.

Solutio Clara-vallis relicta Cluniacensi.

*Scribi iubet
S. Bern. ep-
istolam in
imbre sine
imbre.*

Cum enī vndiq; plueret, cartā expositam viri^o operuit charitatis: & quæ di-
stabat epistolam, scedulā quoque pariter conseruabat. Et hæc quidē epistola
ob tantū grandemiraculū in codice epistolarum ejus à fratrib^o non immerito
prima est ordinata. Hujus verò epistolæ textus hic erat. *Satis ex profecto satis,
sustinui, dilecti filii Roberte, &c.* Caput X.

Quantū periculi sit, professum Cisterc. Ordinis ad alium Ordinē declinare.

*D. Robert.
fit Abbas
Domus-
Dei.*

Accepta itaque & perlecta hac epistola, frater ille, mox vt diligētis se
Abbatis & p̄pinq̄ sui characterē recognouit: perpendēs, quā in mi-
mis charitatis visceribus calamū tinxerit, simul etiā considerans, quā in mi-
milibus studijs, in loco vbi tunc manebat, & illo quē inconsultē reliquerat,
viveretur, cōpunctus resipuit: & licet serō, se errasse, vel potius ab alijs in er-
rorē missum, ingemuit. Spiritum denique libertatis tota mente cōcipiens,
locum quē inordinate petierat, ordinate deseruit: & Clarāvallem rediens,
sub disciplina beati patris Bernardi intantū profecit: vt succedentib^o virtutū
incrementis, Domus-Dei postmodū sit Abbas constitutus. Perspicue de-
monstrat hoc exemplo, omnē hoīem Cisterciensem Ordinē professum, nequa-
quam absq; gravi periculo animæ suæ, ad alteri^o Religionis vel Ordinis pro-
fessores declinare posse: imo, vt quod verū est, ingenuē fateamur, maj^o bo-
nū, quod enerviter deserit, perdit: & minus bonum, quod, majus eligēdo,
sibi illicitum fecit, minimē consequitur: insuper etiam scēdissimo apostatice
cauterio inustus p̄petuē confusionis notā, nisi resipiscat, non evadet. Vt au-
tem assertioni nostræ, remoto dubietatis scrupulo, fides adhibeatur, quoniā
in ore duorum testiū stat omne verbū: aliud exēplum in astipulatione veri-
tatis subnectimus. Abbas quidā de filijs Clarēvallis in partibus Italię abbatia-
zans, licet aliās religiosus: pro quadā tamen culpa sua ab officio prælationis
depositus est. Quam dejectionē suam minūs patienter ferens, quāmi debe-
ret indiscreto quoq; dolore stimulatus, Ordinē Cisterciensem deseruit: &
Cluniacū se contulit. Vbi dum aliquanto tempore in simplicitate cordis sui
Dñō secundū Ordinis illi^o instituta serviret: Deus qui solus simplicitatē cor-
dis iatuetur, præteritorum laborū ipsius, quos in Ordine Cisterciensi defu-
daverat, recordatus, per reuelationem ei insinuare dignat^o est, quod nequa-
quā in Ordine illo animā suam salvare posset: quippe qui etsi in oculis homi-
nū in minori bono stare videretur: ante conspectū tamē ipsius à majori bo-
no cecidisset, ideoq; minus bonum modis oībus infructuosum sibi fecisset.
Hac itaq; reuelatione senex ille salubriter admonitus, gratiæ Dei se tā misse-
ricorditer ab errore suo reuocanti nequaquā ingratus extitit: sed continuo
à p̄cipitio prævaricationis pedem retrahens, Clarāvallem quanto cius re-
dijt: ibique de præterito errore suo p̄nitentiam agens, & deinceps vitam
suam in sancta conversatione consummans, beato fine quieuit.

Caput XI.

De Renaldo monacho, qui vidit B. Mariam fratres metentes visitantem.

*Renaldi in-
nocentia.*

IN Cœnobio Clarēvallis fuit monachus quidā religiosus & bonorū meo-
rum dign^o, nomine Renaldus, vir bonę simplicitatis, timens Deū, & reti-
nēs innocentiam suam, ab infantia sua vsq; ad senectam. De hoc senior ille,
quē suprā diximus de religiosis p̄sonis Ordinis nostri, p̄cipuē de seniorib^o
tā monachis quā cōuersis suę Clarēvallis, plura literarū monimētis tradidisse,
quæ eadē fide, quā ille ea expressit, nos inseruimus, ita scribit. Vir Dñi Re-
naldus, licet ante cōversionē suā per triginta annos, & in habitu sæculari de-

gires, non tam seculariter vixit, sed operibus pietatis insistent, in corpore
 et glorificare & portare Deum, sollicitus fuit. Nam inter cetera bona,
 quæ corde integro faciebat, etiam corporis integritatem Domino dedica-
 uit: cuius opitulante gratia in centum libidinibus, & carnis puritatem, ab utero
 matris suæ usque ad diem mortis, impolluto calle transiit. Suscepit autem mo-
 nasticum habitum in monasterio sancti Amandi, virginis, & eo amplius, annos
 ibidem in sancta conversatione transegit: ubi & sanctitatis suæ non parvum spe-
 cimen omnibus dedit. Inde maiore virtutum ardore flammescens, ad domum
 Clavallis Dei æmulatione se contulit: antea tamen præmonitus à Deo re-
 velationibus multis. Quantos verò labores, quantasve molestias, à fratribus.
 Ordinis illius, dum felicibus ejus actibus inviderent, & ab istiusmodi propo-
 sito eum avertere cuperent, beatus iste pertulerit, supersedeo dicere: dum le-
 gentium ratio volo consulere. Susceptus autem in Clavalle, illico ad no-
 vā militiam viriliter se accinxit, & ex milite veterano fortissimum se nobis
 tyrone exhibuit: in laboribus, in vigiliis, in jeuniis, cæterisque sanctæ disci-
 plinæ obsequiis, seipsum tota die mortificans. Habebat autem incessanter
 orandi studium, & in oratione mirabilem vim lacrymarum. Quadam igitur die,
 cum in labore triticæ messis cum cæteris exisset: segregatus paululum à con-
 ventu, cum magna animi delectatione cœpit intueri metentes: secum repu-
 tans pariter & admirans, quia videlicet tot sapientes, tot nobiles, & delicati
 ibidem viri, propter amorē Christi laboribus atque ætūnis seipsum exponere-
 rent, & ferventissimū solis ardorem cum tanta alacritate susciperent, ac si in
 horto deliciarū suavissimæ fragrantia poma decerperent: vel in mensa lauti-
 oribus apulis plena deliciosissime convivarent. Inde ergo protensis in celum
 oculis ac manibus, grates Dño referebat: quod eū tantæ multitudini, quā-
 vis indignum & peccatorem, adjunxerat. Dum hæc & similia animo voveret,
 & præ immensitate lætitiæ seipsum vix caperet: en subito apparuerunt ei qua-
 si tres matronæ venerabiles, vultibus roseis, & candidis vestibus renitentes:
 quarū una, quæ præcedebat, veste fulgentior, forma venustior, & statura
 præcærior apparebat. Descendebant verò de monte propinquo: & appro-
 pinquabant convēui fratrum, in ipsius latere montis fruges metentium. Quas
 cum ille vidisset, præ nimia admiratione turbatus & obstupefactus, erupit in
 vocem huiusmodi. Domine Deus, inquit, quænam sunt istæ femine, tam for-
 mose, tam reuerendæ: quæ, præter aliarum consuetudinem feminarū, cō-
 ventui nostro appropiant? Et dum talia diceret, astitit ei quidam veneranda
 canis, stola candida coopertus: qui dixit ad eum. Major illa, quæ cæteras
 præcedit, ipsa est Virgo mater Iesu Christi Maria: aliæ quæ sequuntur, sunt
 S. Elizabeth, & S. Maria Magdalena. Ille verò cum audisset matrē Domini
 nominare, commota sunt omnia viscera ejus super pietate nominis illius, quā
 vehementer amabat: iterumque percunctatus est dicens. Et quò tendit, domine
 mi, quò tendit domina nostra? Cui ille respondit. Ad visitandū messorēs su-
 os venit. His ita dictis, persona quæ loquebatur repente disparuit. Quo viso
 vir Dei plus magis intra se stupuit. Et reductis oculis ad sanctā Dei genitricē,
 & ad comites ejus, attonito visu intendebat in eas. Illæ autē moderatis gres-
 sibus incedentes, venerunt una post aliā usque ad conventum. Quæ cum intro-
 issent, separatæ ab invicē deambulare cœperunt, tãquam gratia visitationis,
 huc atque illuc, inter monachos & conversos. Et dum ita facerent, tandem
 ab oculis intuentis evanuerunt, seq. in celos vade vicerant, receperunt.

progenitum
 et perperam
 colitur, lo-
 que et ordi-
 nem

et perperam
 colitur, lo-
 que et ordi-
 nem

B. Virgi-
 nem, & ali-
 as Sanctas
 videt mona-
 chos visita-
 tes.

*Multas re-
velationes
reticuit Re-
naldus.*

*Vnam mul-
tū rogatus
refert.*

*Alteri tri-
buit eam
que ad se
ipsum perti-
nebat.*

Porro vir Dei hærebat fixus : & de loco moveri non poterat, usquequo mi-
raculum finiretur. Quantum verò de huiusmodi visitatione profecerit, quan-
tūq; in amorem Dei, & ipsius beatissimæ Dei genitricis excreuerit : emu-
landa conversatio ejus, & quotidiana virtutum incrementa monstrabant.
Multas quidē & alias revelationes sepe diuinitus accipiebat : quas tamen ad
devitandum cænodoxiæ vitiū, reticere, quàm dicere maluit. Nam & hanc
eandem, quam per octennium ferè silentio prefferat, parvo tempore, id est
quadraginta, si bene memini, diebus ante obitū suum invitus, & quodam
modo coactus, mihi, licet indigno, tali occasione patefecit. Quadā siqui-
dem die, cū de salute animarum ambo familiariter loqueremur : ego sciēs
eum virum iustū & sanctum, & à Dño sæpius visitatum : in ea confidentia,
qua illum diligebā, & me ab illo diligī sentiebam, ausus sum sciscitari & pe-
tere aliquid ab illo. Itaque propter amorem Christi, & propter miserationes
ejus, cœpi illū medullitus obsecrare, ac vehementer insistere, ut ad honorē
Dei vnam aliquā ex suis consolationibus mihi manifestaret : illam scilicet,
de qua me magis ædificandū censeret. Tali igitur obsecratione compulsus,
supradictam visionē mihi narravit. Sed quo tandem affectu ? Testis est ipse
Deus, quanto timore & tremore, quanta lacrymarū inundatione, quantis
gemitibus & suspirijs ea protulerit : ita ut gemitus & singultus à fundo cor-
dis erumpentes, vocem loquentis sæpius interrūperent : tāquam si eadem
hora ipsam cerneret visionē. Evolutis autem postea diebus quatuordecim,
apparuit ei per visum Domina Angelorū, incidens ac præparans ei ornamē-
ta candida & pretiosa, quibus in proximo vestiendus erat. Quæ cū præpa-
rasset, colligavit in vnum : & recedens detulit ea secum. Quod cū vidisset,
subsecutus est eam : & clamabat post tergū ejus dicens. Eja mi Domina mea
desiderantissima, quando habiturus sum ista, quæ mihi præparare dignata
es ornamenta ? Cui sanctissima Dei genitrix ait. Quando venies ad me, tūc
recipies ea. O visio læta, ô promissio certa : quæ utique tantò certior exitit,
quantò celerius exhibita fuit. Mane igitur factō, introiit ad me ille Dei ser-
vus, tāquam infirmū visitaturus. Ego enim tunc ægotabam penè usque ad
mortem : & erat languor fortissimus, ita ut de sospitate mea etiā medici de-
sperarent : & ob hoc die præcedenti fui inunct^o oleo infirmorum : quia cre-
debant me concitò moriturum. Ille verò cū venisset ad me, multo pietatis
affectu cōpassus est mihi : & ut posset me aliquatenus consolari, retulit mihi
istā, quam in eadem nocte viderat visionē reputans scilicet atq; denuntiās,
quia non propter ipsum, sed propter me facta fuisset ad eum. Erat enim hu-
millimus corde, & nihil tale præsumens de sua sanctitate. Cui ego mox res-
pondi. Noli, quæso, pater amantissime : noli benedictionem tuā interpre-
tatione sinistra à te alienare. Ornamenta, quæ tibi sunt cælitus præparata,
nūquam alterius erunt : sed miserante Deo salva tibi & integra permanebūt.
Tu verò piissimam illā visitatricē tuam instanter efflagita : ut in beneplacito
misericordiæ suæ alia quæcūq; voluerit, mihi præparare indumenta dignetur.
Potens enim atque benigna est : diues in omnes, qui invocant illam. Quid
multa ? Ego, qui morti proximus æstimabar, vellem nollē, revocatus sum
ad tolerandas vitæ hujus ærūnas : ipse verò, qui sanus videbatur atq; inco-
lūmis, non ampliùs quàm viginti quinque diebus postea supervixit. Qui tā-
dem, cursu vitæ feliciter exacto, corruptibilis carnis indumenta deposuit :
& stolā immortalitatis per beatissimam Dei matrem, cui deuotē servierat,

juxta fidem promissionis illius, absq; dubitatione recepit. Non est autē silē-
tio prætereundum, quòd iste vir, ante diem sextū suæ dormitionis, dum in
Ecclesia solus post Completorium orationi instaret: repente pulsata est in
auribus ejus tabula defunctorū duobus ictibus tantum. Quo ille audito, sta-
tim exiit, & petijt infirmitoriū: putans ibi aliquem de fratrib⁹ infirmis esse
moriturū. Sed dum certius cognovisset, nullum ibi tunc in extremis positū,
venit ei in mentem, quòd ipse esset, propter quem signum hoc factū fuisset:
& quod in sonitu tabulæ suæ sibi migratio significaretur. In hac igitur me-
moriam mortis subito totus infremuit: invasitq; eum tremor atque horripila-
tio carnis, & cœpit illico febricitare: & ingrauescente morbo, tandē ad ex-
tremā pervenit. Porro beatæ Virginis marris salutationem, quā antea sem-
per frequentare solebat, quādiu lecto decubuit, pene incessanter corde &
ore volvebat: atque cū verbis ej⁹ dē dulcissimi oraculi felicē animā exhalavit.
Contigit autem Conversum quendā religiosę conversationis & boni testi-
monij virum, ipsa die migrare ad Dñm: ita vt amborū exequiæ simul cele-
brarentur, & in eodē mausoleo ambo pariter tumularentur. Et dum ista fi-
erent, viro cuidam spiritali demonstratū est in visione, quòd duo pulcher-
rima templa fabricarentur in Claravalle, vñum in infirmitorio monachorū,
alterum in infirmitorio conuersorū: sed primū illud hoc altero longē nobi-
lius erat, atq; honestius, vel venustius. Constat igitur, quia in gemina con-
structione tēplorum, & in gemino ictu tabulæ mortuorū, designata sit evi-
denter pretiosa in conspectu Domini mors amborū. Templorū autē diffe-
rentia meritorum distantia indicat: quia quāvis vtrūq; sanctū, tamen alte-
rū altero sanctiorē existere, credim⁹ apud Deum: de cujus misericordię thē-
sauris tantū quilibet eorū accepit, quantū mater gratiā impertiri dignata est.

*Tabulam
defunctorū
audire sibi
visus.*

*visio cuius-
dam mona-
chi.*

Caput XII.

De Monacho, qui tabulam in signum mortis suæ audiuit.

Eodem mense, quo prædictus Dei seru⁹ migravit ad Dñm, contigit ibi-
dem tale aliquod factum. Erat in eodem monasterio Sacrista, nomine
Gerardus: vir bonis moribus pollens, & bene religiosus. Hic, juxta Pro-
phetæ consilium, jugū Domini portavit ab adolescentia, & leuavit se super
se: quoniā cū adhuc tenellus esset, & fragilis, manū suam ad fortia misit.
Lactatus itaque māmilla Regum, & casta disciplina feliciter educat⁹, crevit
atque profecit semper in melius: & magno Dei munere carnis corruptionē,
sicut familiares ejus testantur, nūquam fuit expertus. Appropinquante au-
tem hora, qua de mundo ad Deum transire debebat, die quadam cū in Ec-
clesia post Cōpletoriū more solito remaneret: factus est repente sonus in au-
ribus ejus, ac si tabula morientū crebris ictibus percuteretur. Quod cū
ille audiret, putavit quempiam fratrum in infirmitorio tunc obire. Post pau-
lulum verò, vbi certissimè cōperit, quia sonitum illū nullus hominū fecerit,
subijt animū tabula illa prognostica, quam vir Dei Renaldus ad indicatiū suæ
dormitionis audierat. Iam enim exierat sermo iste inter fratres, & stupidos
attonitosque reddiderat vniuersos: & dum ista recogitaret, ascendit in cor
ejus, quòd ipse per signum illud mortis debitum solvere cogeretur. In hac
autem memoria mortis subito pili carnis ejus inhorruerunt: & timor & tre-
mor venerunt super eū. Protinus ergo invasit eum peremptoria febris: &
infra decimū diem consuptus, feliciter emigravit. De cujus pia deuotione
illud silere non possumus: quod quasi diuinitus factum ab eo, vel potius in

*Audire eū
am sibi vide-
tur ipse ta-
bulam de-
functorum.*

*Manu-
rientia ad
crucem
vacillare
tenet.*

eo miraculum vidimus, & gratulari sumus. Nam cum ultimum spiritum tra-
heret, & iam vires loquendi non haberet: tribus aut quatuor fere horis ma-
nus iunctas atq; protensas tenuit immobiles contra crucem, ac si aliquo fūne
tolligata essent; & cum cætera corporis membra huc atq; illuc, urgente do-
lore, crebrius iactaret, manus tamen, quas, vt diximus, tendebat ad cru-
cem, nūquam ab invicem separavit, nūquam amplius ad se retraxit, & quid
vivens sapius ac titasset, etiam mortuus indicavit.

Caput XIII.

De seruo Dei Petro, qui Dominū Iesum tempore sacrificij in altari videre solitus erat.

*B. Petrus
pane lexiua
confecto ves-
citur.*

INter cæteros, qui in beata illa domo Clarevallis, exemplis, exhortatio-
nibus, & orationibus sanctissimi patris nostri Bernardi, in robur spiritu-
ale euaserant, & virtutū arcem conscendere didicerant: senex quidam erat,
nomine Petrus, cognomento Tolosanus: vir multæ puritatis, magnæque
deuotionis. Huic vnū semper à puero studium atq; desiderium fuit, seipsum
crucifigere mundo, & mundū sibi. In iuuenili autem ætate, antequam Cister-
ciensi Ordini se submitteret, habitavit in solitudine: jeunijs & laboribus
multis veterem hominē in se mortificans; & sacrificium spiritus corribulari
quotidie Domino in ara cordis immolans. Denique herbis agrestibus & pa-
ne lexiua cōfecto jugiter vtens, multo ibi tempore Christo militauit; & in-
numera bella tentationū à spiritibus malignis, protegente se Deo, fortiter
superavit. Postea autem comperta celebri fama de sanctitate beati Bernardi
Abbatis, atq; ipsius monasterij Clarevallis, cum magno spiritualis desiderij
fervore ad eundem locū se contulit: quatenus in tanta congregatione iusto-
rum, velut in tabernaculo Domini, in securitatem & absconitionem à tur-
bine & à pluvia tutior viueret: sub disciplina prædicti patris, quod sibi dec-
rat perfectionis, consecuturus: vbi etiā per multos annos Christo domino
feliciter seruiens, vsque ad exitum vitæ suæ perseueravit. Huic autem, cum
adhuc viuens esset, Dominus per visionem apparere dignatus est, residens
in throno sublimi, & sanctorum millia cum eo. Videbatur autem ei, quod
ad iudicium coram Domino duceretur. Cūq; tremendæ maiestati præsen-
tus fuisset: pavidus ac tremebund⁹ procidit ad pedes sedentis in throno, fla-
gitans, vt sui miseretur. Dixit autem illi Dominus. Quid tibi vis faciā? At
ille. Domine, vt saluus fiam. Et Dñs ad eum. Vade, convertere cito ad ser-
uitium meum, & in eo jugiter persevera: nec deerit tibi salus, quā postulas.
Hanc ergo promissionem firmissimum pignus æternæ salutis habens servus
Dei Petrus, mundum perfectè deseruit: & se totum diuinis obsequijs man-
cipavit. Accinxit itaque fortitudine lumbos suos, & roborauit brachiū suū,
ad expugnandas nequitias spirituales, quæ illum postea multis diebus & an-
nis acriter impugnarunt. Super omnia verò spiritū fornicationis infestū to-
lebat: qui eum tam dormiendo, quàm vigilando, magnis tentationum
aculeis cōtinuè stimulabat. Propter quod sibi metipsi vehementer indignās,
in labore & ærumna, in vigilijs & jeunijs multis, alijsque pœnitentiæ cru-
ciatibus carnem suam incredibiliter affligebat: ita vt mente turbatus, abs-
cendere sibi virilia plerumque proponeret, cum aliunde tentationis remedium
inuenire non posset. Sed neq; hoc silendum, quod hostis ille antiqu⁹ mul-
toties ab eo in diuersis formis videbatur. Vna siquidem vice apparuit ei sub
humana effigie in choro Clarevallensi, oculis ardentibus & vultu terribili.
Erat autem statura enormis, atque deformis valde. Qui etiam indutus erat

*Stimulo car-
nis affligi-
tur.*

*Damon B.
Renaldo
miserum ap-
paret.*

cuculla nigerrima, cuius manice decurtatae erant, & vix usque ad cubitos per-
tingebant; reliqua vero brachiorum pars discooperta erat. Venit ergo, & ste-
tit ante hominem Dei ille malignus apostata: superbo oculo respiciens illum,
& quasi indignans, quod suggestionibus eius tam pertinaciter reluctaretur.
Porro vir Dei stupidus animo, tamquam vinculus tenebatur: ut se mouere
non posset. Tandem visitante se Deo, signo Domine crucis se muniuit: cuius
virtute perniciosum monstrum evanescens nihil eum nocuit, nisi quod tetatio-
nis auxit incendium. Evolutis autem postea diebus paucis, apparuit ei in eo-
dem loco, figuram belluae monstruosae pretendens: quae partim leoni saevo,
partim aquilae rapaci similis esse videbatur. Stabat vero contra fortissimum
athletam pervicax monstrum, acriter imminens illi: rabidoque hiatu efferabatur
in eum, quasi vivum deuoratura. Sed diuina virtute reprimebatur, ut eum tan-
gere non valeret. Tunc demum ad invocationem nominis Christi phantastica
bellua repente disparuit. Qua recedente illico vir Dei tantum supradictae passi-
onis incendium pertulit: ut euidenter agnosceret, ibi praesentem fuisse illum
de Ilaya fabrum, qui sufflat in igne prunas. Unde quia vidit violentiam tenta-
tionis patientiae suae modum excedere: definito consilio statuit seipsum abscin-
dere: malens in hac parte apud Deum periclitari, quam in baratrum luxuriae
labi. Iamque nihil aliud expectabat, nisi ut nouacula, vel aliud quodlibet ad
hoc idoneum ferramentum reperire posset. Verum misericors & miserator Do-
minus, ille adiutor in oportunitatibus in tribulatione, ille qui solus laborem
& dolorem considerat, famulum suum noluit in tanto agone deserere: sed fe-
cit cum tentatione praeventum, ut sustinere posset. Itaque dormienti apparuit
Angelus Domini in forma iuuenis, dicens se medicum esse peritum: & eius
rei gratia advenisse, ut eum secaret, & ab illa passione sanaret. Quod ille gra-
tanter accepit: & voluntati eius in continenti seipsum exposuit. A quo dum
incidetur, tolerabat in omni patientia secantis manum: & doloris acerbita-
tem. Cumque euigilasset, amputationem illam in se veraciter & materia-
liter factam esse putavit. Vbi vero cognovit, membra quidem corporis inte-
gra sibi manere, tentationem autem radicitus in se abscissam, ita ut nihil om-
nino molestiae postmodum ex ea sentiret: diuinae gratiae, sicut dignum erat,
gratias referens, curauit tanto alacrius currere viam mandatorum Dei, quan-
to bonitatem ipsius in suis tentationibus largius experiri meruerat. Ab hoc
itaque tempore extinctis in eo passionum carnalium incentiuis, coepit illum Do-
minus in benedictionibus dulcedinis suae visitare, & implere splendoribus
animam eius: ita ut ex sententia dicere posset. *Secundum multitudinem dolorum
meorum in corde meo, consolationes tuae latificauerunt animam meam.* Ex tunc ergo,
& deinceps, increpante Domino feras arundinis, quicuerunt ab eo penitus
stimuli carnis: & requieuit super eum Spiritus vniuersae consolationis. Ma-
gnificauit enim Dominus misericordiam suam facere cum illo: thesaurizans
super eum iucunditatem & exultationem, atque in bonis omnibus satians de-
siderium eius. Quem enim diu potauerat vino salubris amaritudinis: postmo-
dum inebriare dignatus est nectare suauissimae contemplationis. Inter cete-
ra vero Dei dona, specialem acceperat deuotionis gratiam, in oratione: pre-
cipue vero in dominici corporis & sanguinis consecratione. Unde fratres qui
ei ad Missam ministrabant, satis superque mirabantur in eo redundantiam
lacrymarum, qua totus ibidem affluere solebat. Reuelabat ei Dominus de se-
cretis caelestibus magna & multa: atque innumeris consolationibus eum, seu

Isai. 54.

*In somno uide-
tur sibi se-
cari, & sic
a tentatione
liberatur.*

Psal. 93.

*Deuotio vi-
ri sancti.*

dormiendo, seu vigilando, seu etiam mente excedendo, creberrime visitabat. Que si omnia literis mandarentur: magni voluminis comprehenderentur titaretur. Vnde quia mihi longum est atq; onerosum, etiam illa, que de eodem beato viro coperta sunt mihi, vniuersa stylo exprimerem: vnde ex ea tantum simulante confidentia penitus recitare non audeo, sicut ab ipso beato viro specialiter refero. Quod quidem tale ac tantum est, vt ex vno hoc auctoribus auditoribus cetera credi vel estimari facile queant. Vereor siquidem & magis tum vereor Deum meum offendere: si rem gloriosam atque mirabilem, que vel mihi soli, vel forte rarissimis credita est ab eodem Dei famulo, quod nomen nullum hodie superesse existimo, silentio meo perire periculum. In qua Deum glorificari, & multorum fidem atq; deuotionem edificari posse, conuincimus. Igitur dum sacris altaribus offerens vivifica sacramenta vi beatus appareret, in ipsa perceptionis hora tenenti in manibus super calicem sacrum corpus Domini corpus, apparebat in specie parvuli speciosi, parvulus in speciosus formæ præ filiis hominum, verus Deus & verus homo, Dominus noster Iesus Christus: ille mitis & humilis corde, qui seipsum sapientibus & clavis abscondere, & parvulis reuelare consuevit. Quod cum ille cerneret, tremens factus præ fulgore atque reuerentia maiestatis illius clauderebat oculos suos, non enim audebat respicere contra Dominum. Qui etiam tunc clausis oculis videbat eum, sicut apertis. Cumque declinaret vultum suum in alteram partem, & aliquandiu maneret palpebris obductis, facieque sic averfa, videbat nihilominus sicut ante se positum: aliquando super manum, aliquando super brachium suum: miro videlicet atque ineffabili modo, tamquam quos oculos haberet in occipitio, vel in tempore defixos, quibus eum intuebatur. Hac autem tam dulci, tamque mirabili revelatione, non semel aut bis, sed frequenter ille vir Dei lætificatus est à Deo: vt per quatuor aut quinque menses singulis ferè diebus illi appareret. Que si aliquantò diutius in corde tardare videretur, tanta inerat illi cum Deo familiaritas, tanta de eius pietate fiducia, vt ipsius sacrificij consummationem protelaret: nec facile illud vellet explere, donec reddita sibi læticia salutaris Dei, consuetam benedictionem mereretur accipere. Hæc ego, sicut jam dictum est, fideliter ac simpliciter narrare curavi: quemadmodum ipso, cui tanta gratia collata est, referente cognoui. Nam cum ei familiari affectu propter sanctitatem ipsius adherere solagerem, multumque de eius solamine atq; allocutione penderem, hanc ab eo visionem, sicut & alia multa, precibus magnis, & quadam violentia charitatis, extorsi: ea tamen conditione, vt nulli ante obitum eius præsumerem indicare: quod & facile potui obseruare. Parvo namq; postea tempore superstes, felici tandem consummarus agone, collectus est ad patres suos: cum quibus nunc, propitio Deo, in Claravalle quiescit: vbi religiosè conuersatus, supremum quoque claudere diem ardenti deuotione semper optauit.

*Videt sepe
Christum in
hostia specie
parvuli speciosi.*

*Hæc visio
Auctori huius
libri reuelata.*

Caput XIV.

De venerabili Guillelmo monacho, quem Angelus Domini pro culpa sua corripuit, & penitentiam ei injunxit.

ERat eodem tempore in Claravalle monachus quidam venerabilis, nomine Guillelmus: ætate pariter & religione proventus. Hic annis ferme quinquaginta in habitu monachali Domino seruiens, carnem suam cum vitijs & concupiscentijs assidue crucifigebat, longumque diutino cruciatu martyrium trahebat. Qui priusquam Cisterciensium Ordini se contulisset, multo

tempore

tempore vixit in monasterio Sancti Albini Audegavenfis, ubi cum piose con-
versando, formam bonorum operum se ipsum exhibuit: & magnæ sanctitatis
in suis eisdem loci fratribus demonstravit. Unde etiam tam ab Abbate,
quam ab universitate congregationis in magna reuerentia habebatur, & di-
ligebatur ab omnibus. Erat autem in possessione monasterii quidam locus,
qui magis solitarius, magisque quieti Religionis videbatur ac commodus.
Ad hunc igitur cum paucis fratribus annuente Abbate se contulit: ubi in cellula
angusta reclusus annis plurimis habitavit: ut & arctiori continentia se ipsum
affligeret, & de austeriore conversatione sua infirmioribus fratribus molestiam
non inferret. Itaque jeunijs & orationibus dies noctesque congeminans, non
moderatius edulium, & lautiores epulas, quibus interdum fratres illi ex pristi-
nae monasterii consuetudine utebantur, funditus recusabat: verum etiam ci-
bo quadragesimali, & ipsius aquæ potu sæpius abstinens, parcissimo victu
corpus debile sustentabat. Hanc autem continentie virtutem non sine difficul-
tate magna obtinuit: sed post longum inedie cruciatum, post inenarrabiles ge-
mitus & singultus, cooperante gratia Dei tandem genuinas ventris & gulæ
illius, cum ceteris vitijs à proprijs sedibus exturbavit. Quadam itaque die
cum transisset ad eum saluandum unus de senioribus monasterii, præcepit ei car-
nium refectioem apponi: eo quod debilis, & longo itinere fatigatus esse vide-
batur. Senex vero ille respondit, se nullo modo carnum cibum gustare: nisi
ipsi qui ministrare iusserat causa charitatis, secum inde reficeret. Cujus fami-
liari amore & persuasione quodam modo coactus, atque ipse, ut postea fa-
tebatur, obsonij quantulumcumque: aviditate illectus, ut comederet, acquieuit:
finitaque prandio senex amico & hospiti suo valefaciens, ad monasterium
reversus. Post cuius discessum confestim frater ille ad se reversus, cepit à fun-
damento suspiria trahere, & ingemiscere graviter: quod tanti temporis
præmissum frivola occasione fregisset. Vix talia coeperat cogitare, & co-
gitare inquit ad fenestram cellula pulsabat. Cui cum aperuisset, tremen-
tibus in conspectu illius obstupuit. Erat enim persona reuerendissimi vul-
tus & habitus, ac supra hominum modum mirabilis: cui simile in omni elegan-
tia ipse non viderat. Vestimenta ejus candida & pretiosa: capilli capitis ejus
sicut lana alba, & sicut nix. Facies ejus singulari refulgens venustate, Ange-
lum potius, quam hominem, indicabat. Verba oris ejus plena suavitate &
gratissima: & supercelestem sapientiam mirabiliter redolebant. Denique quid-
quid appareret in illo, supra hominem esse videbatur. Nudis tamen pedi-
bus incedens, dicebat se peregrinum esse: & de remotis partibus, gratia
visitandi, venisse ad illum. Qui blanda salutatione præmissa, cepit cum
super his, quæ mente volvebat, familiari & amica increpatione, tamquam
cogitationum illius cognitor, atque inspector esset, convenire, & dicere.
Merito quidem ingemiscis, merito plangis super excessu tuo, quo nunc
diuturnum laudabilis parsimonie propositum deliciosa charitate rupisti.
Non bona est charitas, quæ destruit charitatem. Improbanda est pietas illa,
quæ animas ledit, ut corpora foueat. Et nunc audi exemplum, quod tibi pro-
pono. Erat in partibus Hispanie Sanctimonialis femina reclusa: quæ pane
& aqua, vel semicrudis interdum oleribus utens, conversatione sobria
& casta petulantiam carnis viriliter edomabat. Huic aliquando instin-
ctu Diaboli desiderium hoc malum incidit, ut carnem comedere vellet,

*Secedit Guil-
lelmus in lo-
cum solita-
rium.*

*Angelus
apparet
Guillelmo
seniori.*

*Angelus
apparet
Guillelmo
seniori.*

*De trans-
gressione in
arguere.*

*Exemplum
mirabile de
femina re-
clusa.*

*Sanctimo-
nialis de esu
carniu ten-
tatur.*

*Pulli carno-
rum pro fru-
stra carnis in-
dignitas*

*Miraculū
continuum.*

Joann. 4.

*Angelica
visitatio.*

Quæ diu multumq; tentatione debetans, cumq; violentissimas infiniti sol-
gelliones sustinere non posset: manibus illicito desiderio datis, ad confensū
traheretur. Iussit itaque sibi carnis eduliū preparari. Quo spem mentis po-
sito, priusquam gustare presumeret, prostrata in oratione inchoavit. In huius
Dñm supplicabat, ut ei non permitteret præparatum adgerere cibū; si sine
saluti, amque sui periculo fore præciter. Surgens vero ab oratione, ad
mensā ingreditur; & data benedictione operculum submouet, quoniam
ferculū velabat. Ecce pro carnibus quæ appositæ fuerant, tres pulli cor-
vorum in disco vagientes, & sine plumis, apparuerūt. Quo viso sanctimo-
nialis illa vehementer expauit: & accita sorore, quæ illi ministrabat, reue-
ritatem inquit. Illa verò sub obtestatione tremendi iudicii Dei respondit,
se in eodem mensali, non implumes auiculas, sed tria frustra carnis cocta ap-
posuisse. Erat autem cellula ipsius super ripā violenti cuiusdam & magni si-
minis sita, quod de saxeis montibus erūpens, & confragoso itinere ruens,
præcipiti cursu labitur ad inferiora. Igitur ancilla Dei exultans, & gratia ra-
gens, quod exaudita esset ejus oratio, jamq; multò vehementius abhorrens
esum carniū, quàm prius desiderauerat: præcepit nigredinis & malefugib-
sionis pullos cū catino in quo continebantur, in præfatum fluvium jactari.
Qui præciti in amnem, nullatenus potuerunt segregari ab invicem: sed sitientes
vasculo super undas, tandē deuoluti sunt in quendam lacum, eodem celatē
proximū: ubi ingentis saxi concavitas copiosam aquarū congregat. Ibi
ergo jam per multa temporum curricula assidue rotantur, & usq; hodie,
in testimonium miraculi huius, in ipso vasculo super aquas fluitare videntur.
Hæc & his similia viro perorante, frater idem cōpunct⁹ est valde de gravissi-
ma illius sermocinatione. Et cadens in faciem, fuscis lacrymis reatus sui veniam
postulabat. Acceptaq; pœnitentia, non modò absolutionem peccatorum,
verum etiā consolationem plurimā ab eo suscipere meruit. Cūque jam fi-
ducialiter illi loqueretur, percunctari cœpit ab illo, quisnam esset. Qui ille
respondit. Non est tuū, scire modò, quis sim ego: neque agnoscere, unde
veniam, aut quò vadam. Tunc ille. Obsecro, inquit, domine mi, ut hodie
saltem ingrediaris ad nos, & ministrem⁹ tibi. Respondens alter, ego, ait, nō
vestro pane, non veste, non lare indigeo: sed abundo omnib⁹ bonis, & hā-
beo cibū manducare, quē vos nescitis. Tantūmodò sollicitus sum de vestra
salute: & vos nihilominus inde solliciti estote. His dictis cōfestinatione re-
cessit; & ita repente ab oculis intuentis subtractus est, ut magis visus sit eva-
nuisse, quàm abiisse. Ille verò quantocyus accitis fratrib⁹, qui ei ministrabāt,
jubet eos instantius psequi recedentē, & ad hospitium precibus multis coge-
re. Qui celeritū abeuntes, cū hac illacq; discurrent, nullū prorsus vesti-
gium ipsius reperire potuerunt. Vnde vir Dei certissimē credidit, Angelum
Domini affuisse: qui cordis ejus arcana cognoscere, & ipsū pro excessu suo
merentem tam dulci consolatione valuit refouere. De cujus etiā beata præ-
sentia tantū deuotionis & gratiæ mente concepit: ut post annos ferme
viginti, cū mihi ista referret, præ nimio pietatis affectu, etiam tunc à lacry-
mis abstinere non posset. Processu itaq; temporis, cū B. Bernardi Abbatis
celebre nomen, ejusq; virtutū fama, necnō & cœnobij ipsi⁹ clarissima religio
ubiq; jam vulgata ad prædicti viri notitiā pervenisset, nō potuit requiescere
spiritus ejus, donec felicissimè ejus magisterio gubernadū se subderet, ut de
fortiore feruentissimū, & de sanctiore sanctissimū redderet. Susceptus verò

Abbeato Bernardo Abbate, & desiderato Claravallensi collegio sociatus, tandem eo virtutum gratia radiavit: ut in omni sanctitate mirabilis appareret, antiā quibusq; perfectis. Hinc ergo multas & magnas consolationes per spiritum suum pius pater mittebat: multaque illi, quod pro certo cōpessimus, de secretis celestibus revelabat. Ipse tamen, quia cenodoxie pestē incurrite incutebat, de multis paucissima, ipsaq; paucissimis, referebat. Factū est autem in una dierum, cum Prima cantaretur in choro, & ipse conjunctus psallentibus stabat in ordine suo: vitulos labiorum suorum in voce exultationis Dñō reddens. Et ecce apparuit ei vigilanti atq; psallenti S. Malachias Hibernicus quondā Episcop⁹, qui in eadem basilica iacet honorificē tumulatus. Residebat vetō in cathedra juxta altare, annulo, baculo, mitra, cæterisque Pontificalibus ornamentis mirificē decoratus: tāquam Missarum solemniam pōst finem illius horæ celebraturus. Erat autem tunc anniversaria dies depositionis ejusdē beatissimi Præsulis: quē etiam oīum fidelium defunctorū memoria solēnis. Apparuit quoque cum eo B. Bernardus, ejusdem Ecclesię felicissimus pastor atque patronus: qui & ipse erat vestibus pretiosis & candidissimis, atq; mitratus, minimē tamen infulat⁹. Et meritō quidē. Erat enim paterfamilias in propria domo, deferens atque congratulans venerādo ac speciali hospiti suo: dignoque honore pręveniens amantissimū, cedebat ei libentissimē solēnia Missarum, ea potissimū die, qua sanctus ille Pōtifex curiam supernā ingressus, & celestibus hymnis primō fuerat honoratus. Unde etiam ipse beatus pater officiosum ac sedulū sese circa eundem sanctū spūm, & circa ipsius altaris ministeriū, exhibuit. Porro beatus Antistes baculo pastorali innixus, defixa lumina versus chorum assiduē tenebat. Sanct⁹ vetō Bernardus modō Episcopū, modō Conventū, modo ipsum altare, tāquam sollicitus oīum, respiciebat. Hęc visio tam manifesta eidē famulo Dei vigilanti, & corporeis oculis intuenti, visibiliter apparuit, quādiu psalmus unus in eadem hora à Conventu percantaretur. Finito itaque psalmo, finita est visio, sed in corde vidēris deinceps finiri non potuit visionis illius pia devotio. Altera quoque die apparuit ei nihilominus idē beatus Bernard⁹, vultu & habitu gloriosus. Quem cum ille vidisset, procidit ad pedes ejus, orās & petens aliquid ad eo. Cui Sanctus ait. Quid tibi vis faciā? Et ille. Domine mi pater, si inveni gratiam in oculis tuis: indica mihi, vtrū salvus fieri debeam. Et Sanct⁹ ad eū. Nūquid parva res est ista, quam postulas? Hodie cū egrederer de paradiso, quā multa millia hominū foris ad januam reliqui, qui utique istiusmodi timore torquentur: ignorantes vtrū amore an odio digni habeantur. His itaq; pręmissis, dedit ei respōsum super verbo quod implorauerat. Sed quid ei definitē responderit, incertū est nobis: quia vanę glorię pestem vitans, hoc nobis indicare noluit. Erat enim vir ille circūspectus, & gravis in locutione: multūq; cauebat, ne quid diceret, quod suam ipsius gloriam redoleret. Verūtamen ex fiducia sermonis, & vultus illius hilaritate, satis dabatur intelligi, quia jucundū à sancto Patre super tali verbo respōsum acceperit. Iste est Guillelmus, quē supra memoravimus, spiritū fornicationis in specie phantasticę meretricis vidisse in firmitoriū curiosē circūeuntē, & ex ijs quę ab ea audierat, & viderat, D. Roberto Abbati Claravallis apostasiā duorū adolescentiū prędixisse: quod etiam verū fuisse, fœda eorū fuga in continenti subsecura demonstravit. Sunt autē & alia plura, nobis de prędicto viro Dei cōperta, quę legentis devotionē excitare possēt.

Guillelmo
apparet
S. Malachias & Bernardus.

Alterā die
rursus ap-
paret ei S.
Bernardus.

Supra dist.
2. c. 22.

sed ea silentio premimus, dum & fastidiosis lectoribus consulim⁹, & nos ad alia narranda festinamus. Hic ergo beatus & sanctus, sicut fideliter vixit, ita & feliciter obiit, plenusque dierū & virtutum migravit ad Dñm: desideratam & votis omnibus expetitam sibi sepulturam in sanctissimo Clareval- lensium collegio, Domino largiente, sortitus.

Caput xv.

De Domno Gerardo de Furfa, magna sanctitatis Monacho.

*D. Gerard.
videt suum
statum fu-
turum.*

Dilectus à Deo & hominibus Gerardus de Furfa, cujus memoria in be-
nedictione est, quæque pro sua singulari puritate & sanctimonia, be-
atus Bernardus singulari gratia præ ceteris honorabat: mirabile atque ama-
bilem nimis se vniuersitati congregationis in omni forma religionis exhi-
bebat. Qui dū adhuc esset monachus in Furfa, quæ est Tusciæ nobilis Ab-
batia, revelante Dño vidit in spiritu se transpositum in Claravalle, idq; ge-
rentē officij, vt cum duobus bacinis singulas officinas circuiens, fratrū ma-
nibus ablucendis aquam infunderet. In quo nimirum designatū fuisse rei ex-
itus docuit, quia ipse futurus esset, qui fratrū Clarevallensium excess⁹ quo-
tidiana, imò ferè continua oculorum inundatione, ac si duobus infusorijs,
ablueret. Cū itaque dulci hac reuelatione præsagium futurorū accepisset:
exarsit cōtinuò in præcordijs ejus vehemens ignis sacri desiderij: nec omni-
no quiescere poterat spiritus ejus, donec pauperum Christi, quorū se serui-
tio deputatum fuisse diuinitus cognouerat, consortio jungeretur. Cūque
cæteris floureret virtutibus, sacræ tamen cōpunctionis pietas speciali præro-
gatiua pectus ejus repleuerat, ita vt colūbinæ pupillæ oculorum ejus rarò qui-
escerent: sed tāquam gemini fontes ferè vbique, præsertim in celebratione
diuini mysterij, maximo lacrymarum imbre faciem ejus madidarent. Ha-
bebat autem gratiā singularem, tam apud Deum, quàm apud homines, quā
vniuersi mirabantur: & intuebantur vultum ejus, tamquam vultum Angeli
stantis inter illos, atque dicebant. Hic est fratrum amator, & populi Israël:
hic est qui multum orat pro populo, & vniuersa societate nostra. Huic autē
Dominus multas, quod dubium non est, consolationes in abscondito faci-
ebat: ipse tamen vt verecundus & humilis, virtutes suas latere malebat, &
nullus ei super hujusmodi percunctatione, propter sanctitatis illius reueren-
tiam, molestus fieri audebat. Nouitius autē quidam, nomine Iulianus, ho-
nestæ vitæ Sacerdos, qui de Ordine Regulariū Clericorum Clarevalli se cō-
tulerat, vidit aliquando spiritum immundum in choro petulanter ad instar
hædi pervagantē. Qui cū venisset ante ipsum, aliquandiu substitit, & cœ-
pit eum rictu patulo subsannare, obscœnum caput contra illum exagitando:
& dentes ad invicem minutissimè concutiendo. Cūque recessisset ab eo, ve-
nit & stetit ante hominem Dei Gerardum: & cœpit eum similiter petulcum
animal pudendis gestibus irridere. A quo magis irrisum atq; exufflatū, illi-
eo tamquam fumus evanuit: & ultra eum nouitius non vidit. Qui mox ac-
cepta colloquendi licentia, percunctatus est eum: vtrum in choro aliquid in
tali illa hora conspexisset. Perpendens autem senior, eum secreti illius con-
scium fuisse: confessus est ei, phantasticū hædum se vidisse, qui ludicris mo-
ribus & se & illū pariter subsannasset. Quod audiens nouitius ille, miratus est
valde: ac per hoc intellexit, quòd multa hujusmodi cerneret: licet secretum
suū Deo & sibi, testē conscientia, celaret. Huic autem viro Dei, quāvis cor-
pore nimium esset debilis, utpote qui jam ferè erat nonagenarius, nulla tamē

*Videt da-
monem spe-
cie hædi per
chorum vā-
gantem.*

senectus vel debilitas bonæ consuetudinis usum præpedire poterat : sed quotidie infatigabilis animi fervore juvenescere videbatur : ita ut vix ægritudine gravi cōpellente, posset in infirmitorio detineri, vix posset etiam à labore messū retineri. Qui aliquando gravissima valetudine pressus, cū in quadā secretiori domuncula lecto decūberet, contigit quadam nocte extingui lampadem ibi ardentem. Quo viso frater quidā, qui ei tunc temporis ministrabat, surrexit, & abiit reaccendere illam. Cūq; reperisset clausas undique officinas, sine igne reversus est tristis : & firmato ostio cellulæ iterū recubans obdormiuit. Profunda verò nocte cū sanct⁹ ille vir ad necessaria surgere vellet : assurrexit frater, dolens, quòd luminare ei deesset. Respiciens autem ad fornaculā præsentem, in qua per octo dies antea focus non fuerat : vidit ibi prunatū ardentium non parvā congeriem. Accensaque ex eis lampade, cū statim ad eandem fornaculam oculos reduceret, non modò prunas illas non reperit : sed ne vllum quidē in ea caloris vestigiū deprehendere potuit. Cū autem vltima ægritudine, qua & mortuus est, decūberet : jam in extremis posito beatus Bernardus angelico vultu, & vestibis albis decoratus apparuit : in eadem consistentia & habitudine corporis, quam ante obitum habuit. Quem cū ille conspiceret ad se ingredientē, & veteranos ac venerādos artus baculo sustentantē : manu & voce quā poterat, suis sermonibus innuit, ut sancto venienti assurgerent, & locum sedenti citiūs præpararēt. Illis verò mirantibus, atq; quærentibus, de quonā sancto senex loqueretur : premere se ægritudine respondere non poterat. Postmodum autem recepta virtute loquendi, cū id ipsum denuo sciscitarentur : confessus est, vidisse se sanctū Bernardum blando ipsum alloquio consolantē : qui cū benedixisset eū, signo cruce edito : totam etiam domū benedixit, subiungens hæc eadem verba, & dicens. Hæc est domus mea, quā edificavi : Dominus custodiat eam in æternū, & in sæculū sæculi. Benedictione itaq; sanctissimi patris sui viri Dñi Gerardus firmatus, lætus mortis debitum solvit : æternę vitę fonte, quē tanto desiderio sitierat, satiandus. Aliquanto verò postea tempore elapso, apparuit in visione euidā converso religioso, nomine Laurentio, let⁹ atq; præclarus pretiosis etiam vestibis decenter ornat⁹ : indicans ei, quia per Dei gratiam gaudium sempiternū obtineret & gloriam. Fratri autē impensius supplicanti, ut ejus benedictionem atque suffragia mereretur, benedixit, atque ita respondit. Ego orare non cesso, non solum pro te : verū etiam pro ipsius universitate Ecclesiæ. De hoc tamen conqueror aliquātulū, quòd fratres infirmarij adhuc viventem & spirantem me, præ nimia festinatione colleguerunt, atq; tāquam penitus exanimem, de loco in extremis agentiu asportaverunt. Transactis verò post obitum ejus aliquantis annis, consummatis iā nouo claustro & noua Ecclesia, quæ licentia & benedictione beati Bernardi initiata fuerāt : sacra ossa ipsius de loco quo primitus tumulata fuerant sublata, in Theca, qua suprà dixim⁹ venerabiles Patres, Robertum Abbatē, Hubertum Priorē, Odonem Suppriorē reconditos fuisse : condigno honore, ob reuerentiam sanctitatis ejus, collocata sunt.

Ignis miraculose accenditur.

Apparet S. Bernardus ægrotanti.

Apparet post mortem

Caput XVI.

De mirabili gratia cuidam monacho perfectæ religionis specialiter à Deo collata.

Egregius quidam adolescentulus de partib⁹ Germaniæ oriundus, comitante magistro suo, studiorum causa Parisius adibat. Qui cū transitum haberet per domū Clarævallis, magister ille videns loci convenum &

anno 1140
- 9ma 09
- 11ma 10
- 11ma 11

Diuinitas
monetur iu-
uenis, & re-
sistit.

Idem nocte
alia terre-
tur, & ac-
quiescit.

Eius magis-
ter resistit à
proposito.

ordinem, nescio quo Dei iudicio, cōpunctus ad horam: petijt & obtinuit, vt susciperetur ad conversionem. Cūque rogaret adolescentulum, vt secum remaneret, penitus non acquieuit. Multū siquidem abhorrebat à consor- tio simul & colloquio Cisterciensium monachorum: sepiusque rogabat Deū, nūquam sibi dari voluntatem ad Ordinem illum causa conversionis veniē- di. Proinde roganti magistro, fratribus quoque monasterij adhaerentib⁹ cū dura cervice resistens, nullis prædicationū machinis poterat expugnari. Ge- terū, quā mirabilis sit Deus in consilijs super filios hominum, quāque irrefragabile stet sempiternæ prædestinationis ejus arcanum, quis dignè ad- mirari sufficiat: qualiter scilicet electorū suorum mentes misericorditer im- mutat, ridens eorū vana conamina: insuper voluntates sibi adversas ad pie- tatis lineā dirigens: quatenus in ipsis, & de ipsis, loco, modo, & tempore, quo ab æterno decreuit, propositū voluntatis ejus impleatur. Eadem ita- que nocte, dum prædictus adolescens monita fratrum mente revolveret: facta est vox diuinitus ad eum dicens. Si hinc recesseris, & Parisius veneris, vsque ad Pentecosten morieris: & sine dubio morieris. Ad hanc itaque vo- cem juvenculus ille multū obstupuit: necdum tamen potuit duritia cor- dis eius emolliri. Porro sequenti nocte cum sopori membra dedisset: vide- batur sibi demersus esse in limo putei profundi. Cumque ibi desperatus ia- ceret, subito apparuit ei desuper ad os putei beatus Ioannes Evangelista, in vultu & habitu Sancti Bernardi tunc adhuc in corpore viuentis, cum alio quodam sancto, qui & ipse simillimus esse videbatur cuidam Religioso mo- nacho, nomine Gerardo, portario Claræ-vallis. Quos cū ille tremulus & anxius vidisset, rogabat attentius, vt sui misererentur. Cui beatus Ioannes respondit. Tu sano consilio acquiescere contemnis, & opem flagitas à no- bis? Cumque ille promitteret se esse facturū, quicquid illi placeret, tantū vt imminens periculū euadere mereretur: vis ergo inquit fieri monachus in monasterio Claræ-vallis? Et ille. Etiam dñe mi, libentissimè volo. Quod cū firmiter pollicitus fuisset, eductum continuò de profundo lacu liberū abire dimiserunt. Mane igitur facto postulavit se quantocyus presentari be- ato Bernardo. Quem cū antea non vidisset, mox illum in vultu & habitu deprehendit ipsum procerto esse: quē transacta nocte sub conditione con- uertendi se liberatorem habere meruerat. Proinde miratus vehementer at- que compūctus, protinus eidem sancto viro se reddidit: à quo benignè sus- ceptus, mox in ætate teneriori grauitatis & sapientiæ canos cunctis miran- tibus induit. Porro prædictus magister eius à proposito bono citius corru- ens, & eundem secum euertere satagens: fundatum in Christi amore tyrun- culum mouere non potuit. Hic ergo delicatus atque tenerrimus adolescens, cū esset annorum quatuordecim, manum suam ad fortia mittens, lætan- tibus Angelis & hominibus, iugum Christi suaue portandum aggreditur: & quasi agnus ad aratrum suscepti Ordinis applicatur. Miserante verò Do- mino ab ipsis rudimentis conversionis suæ iuueni fortitudinem induēs, sed agni mansuetudinem retinens: tanta charismatum eminentia à primis an- nis enituit: vt conversionis ipsius elegantia atque fragrantia contuberna- les vehementer affecti gratularentur: sanctæque deuotionis & humilitatis, quæ in ipso relucebat, exēplis informari certatim niterentur. Quidam verò Religiosus ac spiritualis ejusdem cœnobij frater, protestatus est mihi: quod aliquando vidisset visionem huiusmodi. Aspiciebat eundem adolescentem

In iustitiam ante altare canentis. Porro imago crucis quę super altare erat, quasi melodia ipsius delectata, de cruce descendit: veniensque ad eum, expansis vasis et gremio amplexata est illum: tenere sibi nec astringendo ac deosculando eum. Quod cum frater ille vidisset, animadvertit in hoc, animam illius sanctam & Deo placentem existere: & apud illius clementiam magnę familiaritatis accessum specialiter obtinere. Hic ergo amantissimus Dñi, tota die cum illo velut in thalamo morabatur: & beata ipsius præsentiā per contemplationis dulcedinē suauissimē fruebatur. Per prædictam namque visionem Dominus manifestare dignatus est, quanta dilectionis & gratiæ suę plenitudine famulum suum repleuerat. Itaque cum in omnib⁹ sancti Ordinis exercitijs deuotus & feruens existeret, & per continuū sacre cōpunctionis studium miseris propter Dñi imploraret: quadā nocte apparuit ei in somnis Angelus Domini, & introduxit eum in quendam thalamū gloriosum: in quo videbatur Dominus Iesus Christus in cruce pendere, & beata mater ejus virgo Maria, cum beato Iohanne Euangelista juxta crucē illius stare. Quem cum ingressus fuisset, spiritus sancti fragrantia sensit: ac si cellam aromaticam resperlam omni pulvere pigmentario introisset. Videns verò dominū maiestatis passionis & crucis suę signa piissima dignatione sibi representante: prostratus in faciem solentius adorauit, benedictionemq; ipsius totis medullis cordis flagitare cepit. Quam etiā benigna largitate Domini consecutus mox evigilauit, sed visionē illam non vanam seu illusoriā fuisse, manifestis indicijs declarauit. Fragrantia nempe celestis nectaris, quā dormiens hauserat, excelsi thalami mirabili suauitatis vnctione totū interiorem hominē suum delibutum sentit: sed tribus continuis postea diebus eadem benedictione se renouari & illuminari gaudens. Alia quoq; nocte cum esset intent⁹ oratio, alij merule audire corporeis auribus Angelicas voces, harmonia dulci atq; præstara in æthere personantes. Quarū videlicet vocum tanta erat altitudo, vt quantalibet humanarū vocum intentio ad eam non posset ascendere. Cūq; fuisset in eis aliquandiu delectatus, sublata est tandem ab auribus ejus melodia celestis amenitas: sed remansit in corde concepta deuotionis ineffabilis iucunditas, ita vt sæpe memoriam abundantia suauitatis illius eructans, mira deuotione afficeretur, & totus in gaudiū verteretur. Iam verò secretorum celestium conscius effectus, ibat sicut pater Abraham p̄ficiens atque succrescens, donec magnus effectus est valde: sed quod omni magnitudine excellentius est, quanto potioribus donis celestis gratiæ cumulabatur, tantò se humiliorē, non solum coram Deo, sed etiam coram fratribus suis exhibere curauit: nihil insolitū, nihil singulare, in cōuersatione sua præsumens, licet in ipsa solam vniuitati singularis puritatis deuotione singularis existeret. Sed quoniam humilibus semper augetur gratia, adjecit Dominus adhuc * manifestare seruū suū: vt illū, quem celi celorum, & agmina eorum, quę Cherubim & Seraphim celesti harmonia collaudāt, in quem desiderant Angeli prospicere, Dominū nostrum Iesum Christū, in beatissima humanitatis suę forma corporalibus oculis videre mereretur. Accidit enim quodam tēpore, cū hic de quo loquimur, beatus homo, sacris quadragesimæ diebus ieiunantium & orantium particeps effectus, cum Ruth Moabitide buccellam pie operationis intinxisset in aceto salubris compunctionis, vt sacratissimus Dominica Resurrectionis dies illucesteret. Cūque, sicut tantæ diei sublimitas exigebat, solemnes a fratrib⁹ Vigilię deuotissime celebrarentur: ipse laxato

Christi imago amplexatur inueniunt.

Christus & B. Virgo & alij sancti eidem apparuerunt.

Angelorum audiuit voces.

Genes. 26.

Humilitatis meritum.

* Fortis magnificare.

Ruth 2.

Christus ap-
paret die
Pasche pro-
dicto mona-
cho.

Causa. 3.

Genes. 32.

Alia oratio
sublimior
die Penteco-
ste oratio.

intimæ meditationis sinu, cœpit attentius cogitare de Passione & Resurre-
ctione Domini: ita vt ardente pietatis affectu totus in lacrymis funderetur.
Et ecce secunda lectione jam lecta, cùm Responsorium *Angelus Domini* à con-
uentu cantaretur, repente is qui in corde ejus deuotionis ignem accenderat,
Dñs Iesus Christus vigilanti & stenti apparens, stetit ante illū in medio cho-
ri, manus suas expandens, & quasi ostendēs ei. Porro in ejus beatissimis pal-
mis loca clauorum euidentissimè apparebant: ita vt de ipsis plagis recentib⁹
sanguis emanare videretur. Viso itaq; Domino frater ille gaudius est gaudio
magno valde: sed obstupescens, & quasi extra se factus, nesciebat in arcto
tēporis, quid agere deberet. Volebat namque in medium prosilire, & pedes
apprehendere Salvatoris: sed retinebat eū pudor & reuerentia Conuentus,
ne velut insaniciens reputaretur. Nam & hoc ignorabat, vtrum videlicet ap-
parens Domin⁹ ab ipso solūmodo, an & ab alijs pariter videretur. Flebat au-
tem vberimè, eratq; cor ejus in semetipso pietate liquefcens, præ immensa
dulcedine amoris illius, quē intuebatur. Eadem verò apparitio Dñi tamdiu
durauit, quousque in Responsorio, quod tunc cantabatur, dictiones istæ,
Iam surrexit, venite & videte, tanta morositate, quanta à sancto conuentu
illo cantari solebat, perducerentur. Quis autē dignè explicare valeat, quan-
tū de visione illa p̄fecerit: quomodo cunctis moribus, vniuersisque affe-
ctionibus animæ ipsius recreatis & renouatis, in amorem illius quē viderat,
totus incanduerit? Solius dantis & accipientis nosse est, quā festiuos exin-
de cum dilecto suo duxerit dies: cū sponsa non tam vocibus oris, quā affe-
ctibus cordis exclamans: *Inueni, quem diligit anima mea: tenui illum, nec dimis-*
tam. Et cum Patriarcha Iacob. *Vidi Dominum facie ad faciem: & salua facta est*
anima mea. Quia vero in humilitatis custodia fiduciæ pedem vltius exten-
dere curauit, vt secundū diuinum promissum, omnis locus, quem calcasset
pes ejus, ipsius fieret: adhuc excellentiori charismatum gratia ditari meruit.
Qui enim, sicut jam diximus, Christi Domini nostri dulcissimam humani-
tatem beatis oculis conspexerat, etiam ad sempiternum indiuiduū Trinitatis
mysterium contemplandum, quantum quidem homini adhuc mortali car-
ne circūdato possibile erat, mirabili dignatione gratiæ Dei admissus est. Fa-
ctum est namque in die sancto. Pentecostes, dum à fratribus alacri instantia
sacræ vigiliæ celebrarentur: & jam diuinus ille hymnus, *Te Deum laudamus*,
in quo Evangelicæ gratiæ prænuntia laus figuratur, cantaretur, & vniuersi-
tas fratrum mystica illa verba quibus sub distinctione trium personarum v-
nus Deus prædicatur & adoratur: scilicet, *Sanctus, Sanctus, Sanctus, Domi-*
nus Deus Sabaoth, ob honorem Sanctę Trinitatis inclinīs, sicut est consuetu-
dinis, cantaret: in ipsa verò inclinatione prædictus servus Dei, non quidem
scrutans, seu cōmissum fidei secretū irrumperere gestiens: sed pauendo, tre-
mendo, & admirando, cœpit in simplicitate cordis sui meditari, quā su-
blime & incōprehensibile esset tantæ maiestatis arcanū, quā nosse vita, &
vita æterna est: secundū quā sapere, sapientia sine errore est: in qua dele-
ctari, voluptas sine comparatione: cui conformari, similitudinem Dei, quā
in Adam perdidimus, recuperare est: cui seruire, regnare est: sine cuius gra-
tia omnes gentes quasi non sint, sic sunt coram ipsa: quæ in futura vita erit
sanctis omnibus pax exuperans omnē sensum, & gaudium sine interpolati-
one, seu temporis discursione. Inclinatione verò illa Diuinæ reuerentiæ ex-
hibita, cùm frater idem se erigeret, subito aperti sunt intellectuales oculi ej⁹,
& quia

& quasi foris extra se raprus vidit visionem quandā de eo solam quo mirabilem de Trinitate, quæ Deus est: quam mirabiliorē, digniorē, atque excellentiorē esse omnibus visitationibus, quibus unquam Dominus visum et meruerat, intelligebat. O felix anima, in qua diuina dilectionis ignis ferriam peccati & rubiginem negligentiae nequaquam excoxisit, quam dulcedine, nam beatitudinem, quā Dominus electis suis reseruat in premium, in hac corruptibili vita prælibare quodāmodo & prægustare mereretur. Felix nihilominus beatissimus pater ille Bernardus: sub cuius disciplina tante perfectionis discipuli in Claravalle floruisse noscuntur. Talibus ergo visitationibus & consolationibus Dñi ille verē monachus latificatus & corroboratus, quotidianis lamentis exercebatur: suspirans & desiderans corruptibilis vitæ sarcinam deponere, ut faciem Domini, quā per speculum & ænigma intuitus fuerat, in ipsa sui puritate contēplando, vnus cum ipso spiritus efficere-
 tur. Rogatus autem, ut ad honorem Dei & ad ædificationem proximi, aliqua ex his, in quibus à Domino visitatus fuerat, pandere dignaretur, non facile acquieuit, timens, utiq; ne hoc fortē Domino displiceret: sed tamen precibus multis constrictus, hæc quæ memorauimus, & alia nonnulla, cū tremore & profunda humilitate reuelauit: quæ licet magna esse sciamus, quia ad alia festinat intentio, breuitatis studio reticimus. Modū tamen visitationis, quā de beata Trinitate, quæ Deus est videre meruerat, nullatenus explicare conuenit: asserens, quod nūquam eam alicui revelare præsumeret, nisi fortasse voluntatem Diuinā super hoc ei daretur agnoscere. Quæ verò pandere voluit, ea conditione patefecit, ut vsque ad obitum ipsius silentio premeantur: quod etiam studiose seruatum est. Expletis autem in Ordine Cisterciensi, quem in adolescentia sua tantum abhorruerat, viginti & sex annis, cū quadraginta esset annorū, sicut sincera deuotione vixerat, ita quoque felici defunctione carne exēptus est: sicq; cōsummatum in breui, expleuit tempora multa: placita enim erat Deo anima ipsius. Libet nunc in timore pariter & exultatione cum Psalmista exclamare, & dicere Domino. *Miserisordiamur & iudicium cantabo tibi Domine: quia neque ab Oriente, neque ab Occidente, neque à desertis montibus, quoniam Deus iudex est: hunc humiliat, & hunc exaltat.* Ecce enim magister ille, cuius suprà mentionē fecimus, qui nō gratia, sed præsumptione duce, pietatis opus adorsus, manus ad fortia mittere tentauerat, tāquam seminatus supra petram, ad tempus credidit: sed in tempore tentationis citius exaruit. Hunc verò, cuius fidem & sanctitatē descripsimus, repugnantem quodāmodo atq; reluctante mater gratia assumens, minimè contenta est cōmuni serorum Dei cœtui inferere, verū etiam de negligentia purgatum cum paucis ad perfectionis & Diuinæ speculationis apicem prouehere dignata est. Sicut igitur beatus, quem elegisti, & assumpsisti Domine, habitabit enim in atrijs tuis: sic nimirū omnes qui te derelinquūt, confundentur: secedentes à te in terra scribentur.

Caput XVII.

Qualiter vir magnificus Arnulphus per S. Bernardū conuersus sit.

DVm reuerendissim⁹ pater Bernardus aliquādo puinciā Flandrię intrasset, & teria verbi Dei in capturā animarū laxaret, & nobiles & literatos multos de fluctib⁹ sæculi ad littus cōuersionis traheret: inter ceteros illustris vir Arnulf⁹ de Majorica, diues & delicat⁹, secreto in manib⁹ eius se reddidit. Fuit autē veriusq; consiliū, se silentio tegere, ppter quādam impedimēta sæculi:

Vides Trinitatem.

quodammodo
sub
anquam
anquam

Psal. 100.
& 74.

Psal. 64.
Ierem. 17.

multum x
an
ajm

Rusticus
monetur de
minis Cla-
ramvallem
adire.

ad
ad
ad

Sententia S.
Bernardi de
conuersione
Arnulphi.

Quam pan-
sentiam S.
Bernardi
ad
ad

Vique ad ultimum diem, quo egressurus esset de terra & cognatione sua. Erat enim magnus paterfamilias, ornat' filijs & fratribus, tantisque diuitijs re-
tus, vt abique luoru damna & scandalo grauari pater se non posset, nisi
prius domum sapienter & caute disponeret. Interim vero dum silentiu illud
tenderent omnia, & arcani hui' negotij causam ipse duo solum in mundo sciret,
factum est verbum Dni ad quandam rusticum armentariu, cum boves mina-
ret ad atatu, dicens. Vade, dic Arnulpho de Majorica, vt istum ducat in
Claravall'em, quo proxime iturus est ad conuersione: & cum eo conuerrere.
Audiuit vero vocem, sed neminem videbat. Facta aut' hac voce, cepit pau-
per ille attentius orare, vt si à Domino sermo fuisset egressus, reuelaret veru
auriculam ejus, Et adiecit secundo loqui ad ipsum, repetens eundem sermonem.
Accepto itaque secunda jam vice oraculo, venit ad pretaxatum virum, & ait.
Verbum mihi ad te dominu meum. A quo cum fuisset ductus in partem, pro-
cidit ad genua illius, dicens. Obsecro te per Christum Dominu nostrum, vt
ducas me ad Claravall'em tuam, & salves tecum animam meam. Et lachry-
deras, Dns pius & misericors secreta tua causa salutis mee mihi reuelare di-
gnatus est. Audiens autem nobilis ille paterfamilias verba ista, miratus & le-
tatus est valde: acceptuque hominem conduxit ad seipsum: quem eua post-
modu indiuiduum comitem itineris pariter & conuersionis habuit habitus
vt credimus, consortē eternae retributionis. Explicit itaq; negotijs pro qui-
bus moram fecerat, venit Claravall'em, tam submissus humilitate, quam su-
blimis diuitiaru affluentia: multaque eidem monasterio de suis facultatibus
contulit: sed & alijs nonnullis cenobijs dona largitus est. Beatus vero Ber-
nardus de conuersione ejus multum exhilaratus, tale de eo in conventu fra-
trum sententiam protulit. De conuersione fratris Arnulphi nec minus admi-
randus, nec minus glorificandus est Christus, quam de resurrectione Laza-
ri quatrduani: eo videlicet quod in tantis delicijs clausus atq; sepul', velut
in tumulo iacebat, & quasi viuens mortuus erat. Huic aut' contenti cum
gemitu & lacrymis multis delicta vniuersa, quae in mundo contraxerat, bea-
tus Bernardus intuens cordis eius amarissimā contritionem, & ad omne op'
bonu spontaneam voluntate, injunxit ei, vt *Pater noster* tribus vicibus dice-
ret, atque in suo proposito deinceps vsq; ad mortē perduraret. Quo ille au-
dito contristatus respondit. Ne, quæso, irrideas famulu tuum, beatissime
pater. In quo, ait, te irrideo? Ar ille ait. Ieiunia septem annoru, vel decem, nō
sufficerent mihi, etiam humiliato in sacco & cinere: & tu mihi precipis, *Pa-
ter noster* tertio dicere, & in Ordine perseuerare? Et sanctus ad eum. Ergone
tu me melius nosti, quid te oporteat facere, vt salueris? An forte tibi parum
videtur, Ordine tenere, & in ipso vsq; ad mortem perseuerare? Ille vero respo-
dit. Absit ab anima mea tā iniqua presumptio. Sed propter Deū obsecro, ne
mihi parcas in presenti, vt melius parcas in futuro: & talē nunc impone pœ-
nitentiā, quatenus post mortē carnis ad requiem sine pœnā perveniam. Cui
beatus Pater ait. Fac vt locutus sum: & securu te facio, quia deposita mole cor-
poris, mox ad Deū sine molestia pervolabis. Hoc itaque responso quasi di-
uinitus accepto, confortatus est nimis, adeo vt deinceps nulla tentationum
violentia, nulla infirmitatis molestia, posset à cursu desiderij, quo totus
in Deū pergebat, aliquatenus retardari. Erat autem circa obseruanti-
as Ordinis, & custodiam cordis sollicitus & timoratus nimis: ita vt ne-
mine vidisset recedam, tam studiosum proprię conscientię mundatorem.

Mirabantur siquidem omnes, presertim confessionū illius auditōres, quotidianam instantiam, vel potius importunitatem, qua eos quiescere non sinebat: sicut nec ipse quiescere poterat, confitendo, plangendo, plorando: non modò de otioso sermone aut signo, siquando illi vel rarò surriperet: verū etiam super vana & leui aliqua cogitatione, quod cæteri hominum, exceptis paucis perfectis, parvipendere solent, seipsum scrupulosissimè dijudicabat: & quasi de crimine arguebat. Quia verò veraciter scriptū est, *Quem diligit Dominus corripit: flagellat autem omnem filium, quem recipit*: numquā huic venerabili viro paternæ misericordiæ correctio defuit: semper in eo vitia resecans, & virtutes animæ pullulare & fructificare faciens. Deniq; per plures annos vsque ad exitū suum grauibus ac diuturnis incōmodis flagellatus est, quæ omnia non solū æquanimiter tolerabat, verū etiam gloriabatur sicut in omnibus diuitijs. Factū est autem quodam tempore, dum cōquassatus & debilitat⁹ esset vsquequaq; ita vt non sine graui dolore inclinari stare posset, nec propter hoc vñquam omitteret, vt non ad omnē Gloriæ decantationem profundè & deuotè diuinæ maiestati inclinando reuerentiam exhiberet: vt vespertinæ synaxis officiū in Ecclesia celebraretur. Ipso verò stāte in retro choro iuxta quendam monachum virum æque sanctissimū, ecce Angelus Domini apparuit ibi in specie pulcherrimi monachi adolescentis, cuculla indutus niue candidiore: quem tamen idem Arnulphus minime videbat. Cūque more solito ad Gloriā psalmi deuotè inclinaret, Angelus Domini stabat coram eo: & supplicantis caput suppositis manibus sustentabat. Quem cū prædictus monachus collateralis ejusdem fratris Arnulphi cerneret, & ex fulgore vultus & habitus Angelū esse deprehenderet, letatus est valde super Angelico aspectu: accessitq; vt teneret eū, & deuotè amplexaretur. Cumque expansis manibus vellet eum tenere atq; constringere sibi, ille subito evanescens recessit ab eo: sed subito iterū apparens stetit in alio loco. Videns verò illum monachus, denuo cucurrit ad eum, & simili modo nitebatur apprehendere illū: sed mox Angelo disparente, & protinus alibi reapparente, frustratus est homo à conatu suo. Quod cū pluries factū fuisset, Angelus ex toto disparuit: & qui se videndū obrulerat, teneri omnino non pertulit. Laborabat aliquando athleta Dei Arnulphus doloribus viscerum, quib⁹ frequenter nimium arctabatur: & erat languor fortissimus, ita vt deficiente vitali spiritu pene vsque ad mortē angustia retur. Cumque aliquādiu mutus & insensibilis jaceret, de vita ipsius desperatū est, & ob hoc oleo infirmorum inunctus est. At vbi primū respirare potuit, erūpens in vocē confessionis & laudis, ait. Vera sunt omnia, quæ dixisti, Dñe Iesu. Quod cū sæpius iteraret, stupentibus qui aderant, & percunctantibus, quomodo se haberet, aut quare ista diceret, nihil aliud respondebat, nisi, quia vera sunt omnia, quæ locutus est Deus. Quidam autē dicebant, quòd præ acerbitate doloris cerebro turbatus esset, & quasi aliena loqueretur. Quibus ille respondit. Non est ita, fratres, sed sano capite & mente sobria dico, quia vera sunt omnia, quæ locutus est Dominus Iesus. At illi dixerunt. Et nos hoc verum esse fatemur. Sed tu cur nunc ista cōmemoras? Respondit. Dominus dicit in Euangelio, quia si quis affectibus parentum, & diuitijs mundi, propter amorem ipsius renuntiauerit, centuplum accipiet in hoc sæculo: & vitam æternam in futuro. Ego itaque vim sermonis hujus in præsentī expetior, & centuplum meum jam nunc in hac vita recipio. Siquidem immensa

*Exemplum
discutiendæ
conscientiæ.*

Hebr. 12.

*Angelus
sustentat
caput
inclinatum
ad Gloriam
Patris.*

*Non pariter
Angelus
se tenet.*

Centuplum
in spe suam.
s. i. adada.

Parus P. 8
prohibet arg
-ur utique
Laici, minima
sententia.

Isaia 40.

Negligenti-
a tepidorū
arguitur.

Psalm. 33
& 36.

Petrus mo-
noculus Cla-
revallensis
Abbas.

EXORDIUM MAGNVM ORDINIS

doloris istius acerbitas adeo mihi sapit, adeo placet, propter spē diuine mi-
serationis, quā in eo reposita est mihi: vt facipia nunc caruisse me nolim
pro centuplicata mundi substantia, quā reliqui. Quod si ego peccator & in-
dignus ita confortor, adeo letificor, etiam in angustis meis: quomodo pu-
tamus sancti & perfecti viri stupuiant & exultant in consolationibus suis?
Vere etenim spirituale gaudium, quod modo est in spe, centies milies exu-
perat seculare gaudium, quod nunc est in re. Siquis autem seculū relinquit,
& ad conuersionem veniens, centuplū istud accipere non meretur, constat
profecto, quod adhuc omnia perfectē non reliquit: sed ex propria volunta-
te, quę est mala proprietas, secū retinet aliquid. Hęc illo dicente, mirati sunt
vniuersi, ab homine laico & illiterato sententiam talem esse prolatam: nisi
quod manifestē dabatur intelligi, quia Spiritus sanctus, qui cū in corpore
flagellari grauitor permittebat, intus in anima suauiter vngebat: cuius nūm-
rum sacratissima vnctio, quemcūque tetigerit hominē, docet de omnibus,
quę oportet. Iste ergo vir sanctus, cū jam de manu Domini suscepisset du-
plicia pro omnibus peccatis suis, tandē longo cruciatus martyrio, & itaquam
aurum in fornace probat^r, pacatissimo somno obdormiuit in Dño. De quo
certissime credimus, quia iuxta beati Bernardi sententiam, mox vrā corpo-
re exiuit, ad Deū sine pōna peruenit. Quid, rogo, huic pauperi Christi vni-
quā defuit in die certaminis sui: qui secundū Prophetā, confidens in Do-
mino, mutauit fortitudinem carnis in robur spiritus: non considerans, quid
caro posset, sed quid Regula & Ordo pręciperet: qui quasi signaculū po-
suit super cor suum verbum consūmans & abbreviarum, quod a sancto Pa-
tre acceperat: vt scilicet pro omnibus peccatis suis Ordinē seruaret? Arguit
profecto instantia pōnitentię eius tepiditatem & negligentiam nostrā: qui
undē Ordinē pro peccatis nostris in pōnitentiā suscepim^r, & nō solum te-
pidē & negligenter viuim^r, sed etiam pro frivola aliqua infirmitate vigilas
fratrum deserere, seu infirmitoriū intrare non erubescimus: cū iste seruis
Dei, nisi pro infirmitate responsum mortis habente, infirmitorium intrare
non acquieuerit, & insuper ad vigilas seruitij Dei quandoque graui debili-
tate laborans, deuotē perstiterit. Volat irreuocabile tēpus, quo nihil est pre-
tiosius, quo tamen nil vilius a nobis æstimatur: & dum pōnā, quę in prę-
senti pro Dño suscipitur, declinamus, centuplicatā in futuro incurrimus. Si
autem aliquis carnis suę infirmitatem causatur: sciat scriptū esse, quod nihil
deest timentib^r Deū: & quia Propheta junior fuit & senex, nec vidit iustū
derelictum. Quis enim sperauit in Domino, & confusus est: permansit in
mandatis ipsius, & derelictus est? Quod vt, non solum testimonijs Scriptu-
rarum, verū etiam exemplis pręcedentiū Patrum manifestius fiat, deo gra-
tię Dei miracula subijcimus: quatenus per hęc & tepiditas nostra conuinca-
tur, & infirmitas nostra ad agonem certaminis roboretur.

Caput xviii.

De Monacho, qui a graui dolore capitis virtute Sacramentorū Christi liberatus est.

FRATER quidam, nomine Petrus, Clarevallis postea futurus Abbas, cū
in adolescentia sua in obseruatiā sacri Ordinis satageret quotidie semet
ipsum exhibere hostiam viuēte, sanctam, Deo placentem: quoniam om-
nes pie in Christo viuere cupientes, persecutiones inimici sustinent, permit-
tente Deo, qui omnia ad salutem electorū operatur, gravissima capitis passi-
ōe laborare cepit. Quam passionem foris miles Christi patienter tolera-

CISTERCIENSIS, DISTINCTIO III.

bat studens semper in dolore gratias agere, & viperam propriæ voluntatis a munere cōpelcere. Et licet optaret cum Propheta, ut ligederetur putredō in omib⁹ ejus, quatenus quiescere mereretur in die tribulationis: pro hoc tamen magis animo gravabatur, quod spiritum in eo proprium ad ardua quæque virtutū: caro infirma pro voto subsequi non valebat. Quadā itaq; nocte Dominica dum sacris vigilijs interesset: sentiens se præfato incommodō solito amplius stimulari, cogitavit exire de choro, & se pausatū. Sed mox impitante Deo recogitavit, ut propter Dñm vsq; ad horā diei primam sustineret: quoniam ipso die intemeratis mysterijs pretiosi corporis & sanguinis Christi participare debebat. Prima verò transacta, quamvis doloris imminuitas non cessaret, proposuit tamen tolerare, nec conventū deferere. Itaque post Missam majorem: quatenus sacram posset accipere cōmunionē. Cumque jam cōmunicaturus ad gradū altaris accederet, & solitam ibidem ventris flexis genibus deuotissima humilitate peteret: ecce repente de vertice ejus lapsa est quasi ingens massa plūbi, quæ illi per medium frontis veniens, & in pavementum cadens, non parvā collisionem fecit. Ipse verò ejusdem mōis concussione atq; ruinam apertissimē sentiens, sed nullam speciem videns, de tantā novitate miratus, vehementer obstupuit. Et o mira clemētia Redemptoris nostri. Quia enim frater ille gravissimos quidē dolores sentiens, tamen ob reverentiam sacramentorū ipsius, erat quasi non sentiens, mox ut eadem sacramenta fideli deuotione percepit, ab omni pristina infirmitate eadem hora convalescit: & ita perfectē curatus est, ut nullā deinceps molestia ex ea sentiret. Ipse verò gratiæ Dei nequaquam ingratus existens, adeo in sancta religione profecit, ut pastoralis curæ officiū, primū in Igniaco, postmodū in Claravalle consecutus, nomen Abbatis vita & moribus decoraret: subditosque suos per viam veræ humilitatis ducens, Christi bonus odor esset in omni loco.

multumque
anxiū
Habac. 3.

B. Petrus
gravi dolore
capitis ve-
nens.

Quasi mas-
sa de capite
eius lapsa.

Sanatus su-
per Eucha-
ristia.

Caput XIX.

De fratre, cui B. Virgo Maria celestem pitantiam per visum dedit.

In Claravalle fuit item monachus quidam, qui quamvis homo bonæ voluntatis existeret, corpore tamen delicatus atque infirmus erat: & ppter ea in observatione ciborū & procuratione medicaminum curios⁹ atq; superstitiosus. Clemens autem Dominus, qui misericorditer solet errantes corrigere: ipsum voluit ad viā veritatis reducere: & ut sciret & intelligeret, quam salubriter moner nos, omnem solitudinē nostram projicere in ipsum, quoniam ipsi cura est de nobis, tali modo visitationem suā simpliciter delinquēti prærogare dignatus est. Aspiciebat idem frater in visu noctis, & ecce vinctas fratrum quasi ad Laudes diuini seruitij celebrandas ad Ecclesiam festinabat. Porro ad ostium ejus Ecclesiæ stabat illa tam humilis quā sublimis, mater misericordiæ pia virgo Maria: quæ tāquam pretiosi electuarij pixide portans, singulis fratribus Oratoriū intrantibus singula ex eo cochlearia dulcissima sua manu dignanter tribuebat, & mira dulcedine gustantes reficiebat. Quo viso frater ille gratulat⁹ est vehemēter: reputans secū, quod & ipse celestis illius alimoniz sine obstaculo particeps fieri deberet. Cūque ad manū piissimæ procuratricis accederet, benignissima dissimulatrix, & vere mitis Virgo repulit eum dicens. Nūquid nostro medicamine op⁹ habes? Nōne tu sapiens medicus es, & tuimet sollicitē curam geris? Vade itaque, vade, & tuis medicamentis, sicut volueris, utere: quoniam de ijs, qui curam suam

1. Petrus

B. Virgo
fratribus e-
lectuariam
dare visa.

*B. Virgo
Cisterciens.
specialis
protectio.*

super Dñm & filium meū jaçant, cura est mihi. Quod cū ille audisset, erubuit, & petens indulgentiā, promisit ei, quòd ampliùs de seipso se nō intromitteret: sed totam vitæ suæ curā Deo & sibi cōmitteret. Ad quam sponsionem, generale refugium omniū Christianorū, sed specialis protectio specialium servorum suorū Cisterciensium fratrum, satisfactione accepta, benignissimè indulgit: & medicamenti salutiferæ pitantiæ pabulum impertivit. Gustata igitur benedictione cælestis antidoti, protinus à sua teneritudine & infirmitate frater ille convaluit: & abdicatis omnib⁹ medicamentis & delicatioribus alimentis, ad cōmunes cibos se transtulit: ideoq; cooperante gratia Dei in brevi decorē & fortitudinem, cum salute corporis & animæ, pariter induit. Vbi nunc sunt fratres illi, qui plus videntur sectari scholas Hippocratis, quàm scholas Christi: qui nimis affectuosè diligentes sanitatē morituræ carnis suæ, tota ætate tota intentione occupātur ad quærendas seu colligendas quaslibet viles & agrestes herbulas vel radices: & nihilominus hieme solliciti sunt, easdem exsiccando, terendo, molendo, cōponendo: & non habituri effectū medicinæ, in solum se præcipitant reatū proprię voluntatis, qua proprietas periculosior invenitur? Discant, quæso, discant supradictis exēplis, magis confidere in Dño, quàm in Galieno, plus sperare in Regina celi, quàm in herbis terre: scientes certissimè, quoniā in tremendo examine iusti iudicis Dei non de cōplexione, sed de p̄fessione judicabuntur: vbi sera nimis pœnitentia volent, magis animarū suarum curam gessisse, quàm pro adipiscenda sanitate carnis suæ tota vita sua inutiliter occupatos fuisse.

Caput x x.

De venerabili sene Achardo, quondam magistro novitiorum in Claravalle.

*Achardus
Canobia
multa ex-
truxit.*

*Predicit S.
Bernardus
novitiis fugā.*

Senex quidam, Achardus nomine, nobilis genere, sed conversationis dignitate nobilior, novitiorum curā in Claravalle gerebat: vir potens in verbo ædificationis & consolationis: qui etiam in juventutis suæ robore, iubente simul & mittente beato Bernardo Abbate suo, plurimorū Cœnobiorum initiator & extructor devotus extiterat. Hic jam veteranus, & emeritæ militiæ senex instituendis tyronibus deputatus, officiū suum strenuè adimplebat: & ex ijs quæ longo vsu didicerat, rudes adhuc mentes contra triplicem fasciculum, carnis, mundi, & diaboli, qui difficilè rūpitur, quotidianis exhortationibus informabat: exemplis etiam, tam veteribus, quàm recentioribus, aduersus viria cautiore reddebat: vnde & nos aliqua, sicut ex ipsi⁹ ore audiuius, perstringemus. Cū adhuc noviti⁹ esset idem Achardus, venerabilis Abbas Bernardus quadā die intrauit ad consolandos novitios suos, sicut frequenter facere solebat. Terminato autem sermone, prædictū Achardum cū alijs duobus novitijs traxit in partem, & præmonuit eos in spiritu p̄phético, ita loquens. Futurū est, inquit, vt noviti⁹ ille, designavit autē vnū ex nomine, ante diem crastinū furtivè recedat. Vos itaque vigilate, & esto te parati, & fugientem cum rapinis effugere non sinatis. Et si miser à nobis exierit, quia non erat ex nobis: spolia tamen, quia nostra sunt, tenebitis vobis. Quo audito mirati sunt illi: & cum silentio prætolati sunt exitū rei. Profunda verò nocte duo ex illis, cū fugitivū in lecto firmiter dormientem aspicerent, tunc & ipsi dormire cœperunt. Erant enim oculi eorū grauati, illudente vtiq; eis spiritu erroris. Verū tamen Achardus, quia certissimè credidit, verbum à Sancto Patre prolatum haud posse irritum fieri, somnolentię spiritū, qui ei molestissimus erat, virili constantia repellebat. Nunc enim

frontem, nunc tempora trahendo, modo pios capitis & barba vellicando, modo manus & facie locutans, nunc de loco ad locum deambulando se excitans, tandem fallacie somni, quo premebatur, eulit. Cūque prope esset, ut esset ad vigilas pullaretur, ecce duo quasi gigantes Ethiope nigerrimis capis amicti, per ostium domus visibiles ingrediuntur. Is vero qui praecedebat, gallinam allata in splio portabat. Porro in ipso veru coluber inges per caput & caudam infixus erat, qui eandem gallinam hinc inde cingebat. Cum tali itaq; ferculo accedunt ad lectum facti, nouitij, & gallina fumante naribus applicant dormientis. Quo statim expergefatto daemones egrediuntur; & quid intus in corde ejus invisibiliter acitarent, horrendo hoc visibili signo demonstrarunt. Cūque evigilasset miser ille, non sicut Iacob, de somno contemplationis, sed sicut apostata vilis à somno deceptionis, continuo surrexit, & vestimentis onustus post daemones exijt: veniensq; ad ostium armarii quod erat in clauetro, machinantis suis moliebatur firmatura effingere, ac lectu tollere libros. Porro praedictus Achardus celerrimè socios exortat, & prophetaram apostatae fugam signis & nutibus insinuat. Itaq; recedentes pariter insequentes, reperiunt illum pessulū ostij concutientem. Quos ubi malitius ille persensit, illico datis saltibus evolat: & praecipiti cursu per ostia pomerij ruens, murorū tandem septis retinetur, atque reducitur. Die autem facto cum malorū impcenitens resipiscere nollet: quia jam datus erat in reprobū sensum, dimissus est tandem, ut abiret in locū suum. Eadem vero die arreptus à diabolo dementiam incurrit: & vsq; ad mortē furere non cessauit. Confessus est etiam nobis venerabilis senex Achardus, quod in primordio conuersionis suae multa demonū bella, & multa flagella pertulerit: multaque corū phantasmata viderit. Sepius namque cū esset in Ecclesia psallens atq; orans, copiosa coram eo luminaria quasi cereos & lampades accendebant: quae protinus ad inuocationem nominis Christi tamquam vanitas disperebant. Quadam denique vice apparuit ei diabolus, gladiatorio cum eo conflictu in modū palestrae decertans, cui crebros ictus & vulnera infligebat, atque ab eo vicissim recipiebat. Ad ultimū verò demonem subactum colliso capite excerebrauit. Quem dum traheret per capillos, partem capitis contracti cum carne & ossibus evulsā manu retinuit: moxque ex ea tam intolerabilis putor exhalauit, ut passibilitatis humanae modū videretur excedere. Quam cum horrore & execratione longius à manu sua ipso excutiente, protinusolidum monstrū quod videbatur evanuit: vestigia tamen induratae lux altius impressa reliquit. Nam per vnus anni spatium ex eadem manu tantus foetor jugiter exhalauit, ut pra angustia cordis vix eam valeret vel ori apponere, vel naribus admove. Cū in partibus Germaniae idem Dei servus pro construendo cœnobio, quod in territorio Treverorū sitū Claustrum nominatur, aliquando moraretur, calicis concessum est ei, videre & alloqui hominem sanctū, hominem verè diuitem, magnū quidem solitariū: qui in partibus illis multo tempore per montes & silvas sine recto & vestimento pro Christi nomine nud⁹ oberrans, herbis agrestibus & earum radicibus moriturae carnis vitam sustentabat: aestatis ardores, hiemilq; asperissimos algores incredibili patientia tolerabat: ita ut quadam vice cū brumale gelu solito amplius inhorruisset, & nix multa valde de nubibus fluere, ipse non habens, quo à facie niuis & frigoris hujus fugeret, sed in terra nudus jacens non modica spissitudine niuis totus operiretur: nullaque indicium corporis

8. 113.
Cisterciensis
visi daemones
venocantes
ad saculum.

Quidam
filius
achardi
diabolus

Preterea
Bona
monia

Mirabili
visa cuiusdam
solitarii.

ejus illic esset, excepto quòd virgula fumantis anhelitus ab ore pcedens superjectā niuem aliquantulum reliquabat. Hujus beati viri admirandas virtutes, & humanæ fragilitatis modū excedentem patientiam, Dónus Achar-
 dus nouitijs suis referebat: quib⁹ rudimenta tyrocinij eorum magnificè roborabat, atque in amorem virtutū non mediocriter accendebat.

Caput xxi.

De Domno Gaufrido monacho Clarevallis, postea Sorensi Episcopo.

*Gaufrido
apparet co-
tus gloriosus*

*Visa & B.
Virgo cum
Petro & Io-
anne.*

*Ad mona-
chi exitū ve-
niebant.*

SANCTÆ memorię Dónus Gaufridus, quondam Clarevallis monachus, & postea Sorensis Ecclesię, quę est in Sardinia, Pontifex, antequam ad Episcopatum promoueretur, cum esset aliquando in choro Clarevallis, vota labiorum suorū cum ceteris fratribus Dño strenuè reddens, visionem hujusmodi, sicut ab eo recepimus, beatis oculis aspicere meruit. Videbat, & ecce processio gloriosa & splendida, quę à septentrionali parte Oratorij quasi de cēmeterio veniens, & coram Presbyterio transiens, recto itinere ad infirmitoriū tendebat. Porro in ipsa processione Acolythi, Subdiaconi, Diaconi, atq; Presbyteri, apparebant: qui per singulos ordines septeni atque septeni dispositi, alij ante alios ordine cōgruo incedebant. Acolythi vero stolis albis amicti singulos cereos manibus præferebāt: qui tamen magis ignei, quā cerei esse parebant. Verūm Subdiaconos tunicę pretiosę, Diaconos autem dalmaticę fulgidę decorabant: ipsosq; Presbyteros planetę holosericę insigniter adornabant. Hecū omnium singuli congrua ministerij sui vasa manibus bajulabant. Veniebat autem post eos copiosa turma candidatorū, ordinatē similiter, & cum reuerentia incedens. Ad vltimum verò gloriosa Dei genitrix virgo Maria subsequebatur: quā beati Apostoli Petrus & Ioannes dextra læuq; comitabantur. Ipsa verò pijsissima Theotocos tanta venustate, tantaque claritate vultus & habitus radiabat, vt ex fulgore de ipsa procedēte tota Basilica coruscaret. Porro species quę ista reuelabat, loquebatur interim in corde videntis, & dicebat. Hęc est Regina cælorū: hęc est domina Angelorū. Transeuntes ergo ita solēniter, vt diximus, ante gradum sacrarij, tandem per ostium, quod ad infirmitoriū vergit, de Oratorio exierunt, & ita ab oculis intuentis euanuerunt. Verūm in eodem infirmitorio senex quidā venerabilis, & sanctę conuersationis Sacerdos, nomine Tescelinus, diu languerat, sed flagella pij patris tāquam fili⁹ obediens patientissimè sustinuerat: qui tunc in extremis positus agonizabat, & post modicū temporalis vitę amaritudinem perpetis vitę dulcedine cōmutauit. Vnde vir Dñi Gaufridus, qui hęc viderat, indubitanter credidit, quia ad indicatiū trānsitus & beatificationis illius processio talis apparuit. O quām sublimia sunt bona, quę ocul⁹ non vidit, nec auris audiuit, nec in cor hominis ascenderunt: quę præparauit Deus his, qui diligunt eum. Si enim cum tanta ambitione spiritualis pōpæ occurritur animæ rimenti Deū de corpore egredienti: quanto putamus tripudio, quantāue lætitia exultabit in possessione cēlestis patrię, vbi satiabitur dulcissima conditoris sui visione?

Caput xxii.

Item de visionibus ejusdem famuli Dei Gaufridi.

*Demon spe-
cie simia vi-
sus in choro.*

ALTERA quoque vice, dum idem Dei famulus in Ecclesia cum ceteris fratribus staret ad psallendū, conspicatus est manifestē spiritum immundū instar simię per medium chorū transeuntem. Cumq; venisset & staret ante eum ridicula bestia, dedignanti oculo respiciens illum atque despiciens,

patulis

patulis naribus aliquamdiu subsannabat. Quæ postquam ab eo pertransiit, tandem egressa de choro, ulterius non comparuit. Infirmabatur aliquando iste beatus homo, & circa gutturis partes gravi molestia laborabat. Crescebat languor in dies, factusque tandem est morbus inveteratus, & penè à medicis desperatus. Vnde etià angustabatur animo vehementer: pro eo maximè, quòd arterijs ab ægritudine coarctatis, psallendi & cantandi in Ecclesia vires amisisset. Proinde conversus ad beatum Bernardū, die noctuque in multis lacrymis precabatur, vt cantandi gratiam recipere mereretur. Cujus precibus & lacrymis motus pius pater, ei per visionem apparuit: & loco dolenti, manu sua tangendo ac benedicendo, signum crucis impressit. Cùm vir Dei euigilasset, sanatū se reperiens, mirè ad cantandum convaluit: & nullum deinceps impedimentū ab eadem ægritudine pertulit. Alio quoque tempore contigit, vt frater quidam spiritualis, quem vnicè in Christo diligebat, grauitè ægrotaret. Eratque languor fortissimū, ita vt mori putaretur. Vnde prædictus vir mœrore nimio contabescens, vt verū se cōprobarèt amicum, lacrymosis precibus ardentè insistere cœpit, & pro recuperanda sospitate dilecti stabat in confectione in conspectu Domini. Laboranti verò continuè in gemitu suo astitit quidam per visionē, & ait. En frater ille, pro quo sic afficeris, sanitatē restituetur: sed tamen alter quidam, quem equè spiritualiter diligis, loco ejus est migraturus. Et factum est ita. Nam conualecente illo, qui morti proximus videbatur, defunctus est in ipso tempore senex quidam venerabilis & sanctus, Renaldus de Cluniaco dictus: quem & ipsum miro affectu in Christo diligebat. Præterea, cùm pro matre defuncta nimium foret sollicitus, & diurnos exitus aquarū pro ea deducerent oculi ejus, multa siquidem collata erat ei gratia lacrymarum: flagitabat instanter à Domino, vt sibi de illa reuelare dignaretur, vtrum adhuc in pœnis esset: an jam indulgentiæ requiem percepisset. Diu verò in hac supplicatione fatigato, facta est tandē diuinitus vox ad eum dicens. Cur importunis precibus extorquere conaris, quod tuæ cognitioni non debetur? Tu tantum ora pro tuis, & saluabuntur.

*S. Bernard.
inuocatus
adest infirmo.*

*Oranti &
solicito pro
matre defuncta quid
responsum
fuerit.*

Caput XXIII.

Quomodo per reuelationem ostensum est ei, quòd Episcopus esset futurus: & de pretiosa morte ejus in Claravalle.

ERat aliquando in oratione constitutus vir Domini Gaufridus, cùm ecce per visionem persona quædam reverenda apparens ei, digito ipsius aureum annulum imposuit: prælagium scilicet futuræ in proximo Pontificalis dignitatis. Nam in eodem anno, sicut ipse nobis innotuit, assumptus est in Episcopatum Ecclesiæ Sorienfis: quam septem annorū curriculo strenuè regens, & suam ipsius vitam in omni puritate custodiens, ministerium suum magnificè honorauit, dignumque sanctitatis exemplum posteris dereliquit. Appropinquante autem vocationis ejus termino, quem solus Deus nouerat, egressus de Sardinia venit ad visitandum Claramvallem, cujus filius erat: & in qua sepeliri magno desiderio præoptauerat. Quam cùm à longe intuitus esset, eleuatis oculis suspirauit in cælum: toto cordis affectu deprecans Dominū, vt si infra trienniū esset moriturus, tali siquidē spatio temporis semper eandē domū vel vna vice visitare decreuerat, nūquā ipsum amplius ab ea separari pmitteret: ne fortè alibi consūmari cōtingeret, & desiderata sibi sepultura priuaretur. Ingress⁹ itaq; dilectū sibi monasteriū, cū aliquā-

*Gaufridus
Episcopus
Sorienfis.*

*Optat mori
in Clara-
valle.*

*Extrema
unctio.*

*Reuelata
mors B. Pō-
tificis.*

*Psal. 83.
& 64.*

*Apparet
quasi Missa
celebraturus
Psal. 42.*

diu sanus ibidem perstitisset: & fratres vniuersi de tanto hospite lætarentur: tandem corripiente se acuta valetudine, per dies aliquot ægrotauit: & ingrauescente morbo ad extrema deuenit. Cumque fuisset inunctus oleo sãcto, & munitus etiam viatico sacramentorũ Christi: eadem hora, imò eodẽ ferẽ momento, mirantibus vniuersis, obdormiuit in Domino. Transijt autem circa medium noctis, in festiuitate Dedicationis Ecclesiæ Clarævallis. Porrò venerabilis ejusdem monasterij Abbas, qui ejus conscientiæ puritatẽ optimẽ nouerat, cùm jã exanimati corporis oculos clauderet: cum magna fidei pietate exclamans ait. O dulcis & venerande pater, Deus omnipotens faciat me quantocyus ad tuũ peruenite consortium. Dum verò cõmendationis officium sacro funeri ejus impenderet, tanto pietatis affectu mouebatur, vt erumpentes lacrymas continere non posset: ita vt etiam duos corde in fletum cõmoueret. Cùm autem primũ egrotare cõcepisset iste sanctus sacerdos, reuelatũ est de eo cuidam ex fratribus ipsius monasterij, quia in proximo esset migraturus. Deinde post dies paucos cùm idem frater vigilijs seruitij diuini interesset, vidit in spiritu stratum quoddã fulcris mollibus diligenter aptatum, & niueis operimentis decenter ornatum, qui eidem Episcopo seruabatur: nimirum significans æternæ felicitatis requiem, ad quam post modicum erat assumendus. Eadem verò nocte qua defunctus est, positiõ in Ecclesia corpore, cùm signũ ad solẽnes vigilas Dedicationis pulsaretur, prædictus frater evigilans, cõpit illico Pontificem defunctũ ad mentem reducere: statimque facta est vox in auribus ejus, loquens de eodem famulo Dei defuncto, & dicens: Ecce nunc à principio signi hujus recipiunt illum Sancti Dei omnes in consortium suũ. Hanc vocem frater ille audiens, gaudius est valde: surgensque venit in chorum: & stabat cum cæteris ad psallendũ, semper glorificationem beati viri mente reuoluens. Cũque celebrarentur matutinę Laudes, respiciens vidit, & ecce in parietibus templi circa defunctũ Antistitem quasi vnus horæ spatio luminaria copiosa diuinitus accessa: ita vt præ multitudine numerari non possent. Spiritualis itaque claritatis lumen corporalibus oculis intuens, cõpunctus est valde: & gratias agēs Deo pro omnibus ijs, quæ viderat & audierat, in jubilo cordis ait intra se. *Domine Deus virtutum, beati omnes qui sperant in te.* Verè beatus iste sanctus, quẽ elegisti, Dñe, & assumpsisti: habitabit in atrijs tuis. Credo enim atq; confido, quia dignus est jam inter sanctos & electos tuos cõputari: qui in præsentis sæculi per viã humilitatis incedens, studuit mandatis tuis fideliter obedire. Expletis autem post depositionẽ beati viri duobus mensibus, cùm idem frater esset in choro ad vigilas vigilans & psallens, subitò venit in mentis excessum: & ecce apparuit ei beatus Episcopus induens se sacerdotalibus, & quasi præparas ad Missam celebrandam, ita ut frater ipse adjuuans eum reuerlaret casulã supra brachia illius. Porrò in eadem hora cantabatur hic versus in Ecclesia. *Et introibo ad altare Dei: ad Deum qui latificat iuuentutẽ meam.* His ita de conuersatione & consummatione sancti viri breuiter annotatis, placet hoc loco subnectere miraculum dignum relatione, quod idem Dei famulus cum gaudio asseuerabat, se vidisse. Consilium ejusdem Præsulis fuit, vt quædam ipsius Basilica vetus ac ruinosa dilapidaretur, & in meliorem statum repararetur. Cùm ergo ipsum Altare in præsentia sua dirui præcepisset: reperit in eo capsulam scabrosam ac veterem, Sanctorum reliquias continentem. Porrò inter easdem reliquias Corpus Domini repositũ erat:

quod ita sanū & integrum, ita mundum & candidū, & ab omni corruptione penitus alienum inuentum est: ac si recentissimè ibi reconditū esset. Sanè nemo in terra illa repertus est, qui ejusdem Ecclesiæ vel altaris constructionem vel consecrationem se vidisse recoleret. Viso itaq; tanto miraculo, vniuersi qui aderant letati sunt valde, & edificati in fide glorificauerunt Deum: cognoscentes vtrique, ipsum esse sacratissimū corpus Dñi, de quo veraciter scriptum est, *Non dabis sanctum tuum videre corruptionem*. Migravit autè à sa-
culo idem beatus Pontifex anno Dominicæ Incarnationis millesimo centesimo septuagesimo octauo, tertio Idus Nouembris: & còdigno honore sepult⁹ est juxta venerabilem Godefridū quondam Lingonensem Episcopū, qui sub beato Bernardo Prioris officio in Claravalle functus, & inde ad apicem Pontificalis dignitatis assumpt⁹, ministerium sibi còmissum, sanctè religiosèque conuersando, multipliciter honorauit.

Hostia plurimis annis incorrupta.

Psalm. 15.

Caput x xiv.

De Domno Balduino monacho Claravallis, postea Pisano Episcopo.

INter cœlestis gratiæ pinguedine pullulantes propagines, quas vinea Domini Sabaoth, Ecclesia scilicet Claravallis emisit, vt transplantarentur super aquas multas, id est super diuersarum regionū populos Pontificali honore sublimarentur, natalis soli specialis gloria Balbuinus mirabiliter emicuit: qui doctrinā reuerendissimi patris Bernardi secutus, spreuit vniuersas mūdi pōpas & voluptates, ipsi que mundo moriens, in Claravalle viuere cœpit: & veras voluntariæ paupertatis diuitias fallaciū diuitiarum irritantis se pretulisse gloriabatur. Discens namq; ab Apostolo stultus esse, vt sapiens fieret, diuitias, quæ potiùs exhauriunt hominem quàm repleant, execratus est: & illas, quæ immensum pondus gloriæ operantur in ipso inæterna beatitudine, toto mentis desiderio còplexus est. Cùm perfectissimorum monachorū imitator factus didicisset ab irriguo inferiori, in quo peccata planguntur, ad irriguū superius, in quo ad cœlestis patriæ felicitatem gemitibus inenarrabilibus suspiratur, ascendere: dignus jam qui non soli sibi viueret, sed etiā multis alijs verbo & exemplo prodesset in salutem: vocante Deo, Pisanæ Ecclesiæ, quæ est Metropolis Thulciæ, Archiepiscopatū sortitus est. Consecutus verò amplæ hujus dignitatis eminentiā, tanta spiritualis sapientiæ luce refulsit, tantaq; auctoritate ac spiritus libertate officiū suum exercuit, tãta nihilominus mansuetudine & humilitate verū se monachū in Pontificali culmine demonstrauit, vt non solum Cisterciensis Ordo, verū etiā vniuersi fideles intra Italiā gratularentur vehementer, gratias agentes Deo, qui splendidissimā hanc colūnā & fulcimentū inconcussam S. Ecclesiæ suæ tēporib⁹ ipsorū concessisset. Sed quoniā in rebus humanis nihil ex omni parte posse beatum esse plangimus, contigit, instigante diabolo, vt ppter ipsum inter Pisanos atque Lucenses populos grauis & periculosa guerra oriretur: quæ etiā post obitum ipsius contentione partium inflammata atque protelata per aliquot annos durauit: & vix tandem ad pacis concordiaque vinculum renouari potuit. Cujusmodi verò fuerit occasio hujus dissensionis, nihil interest: hoc solum dicimus, damnosam & pœnalem tanti Pontificis animæ guerram illā extitisse: sicut diuina reuelatione declaratum est. Post dormitionē nēpe huj⁹ beati Præsulis aliquanto tēpore elapso, fuit in insula Sardinia Sacerdos quidam honestè conuersationis, qui etiā ibi p̄erat cuidā Ecclesiæ parochiali.

1. Cor. 3.

Auctoritas Pontificis cū humilitate monachi.

Bellū inter Pisanos & Lucenses.

*Anima sub-
dita pœnis
apparent
Presbytero.*

Miche. 7.

*Baldwinus
Pisanus in-
ter illas.*

*Anima cu-
iusdam per
9. annos in
st illicidio
pœnas luens*

Erat autem eadē Ecclesia extra villam ædificata, atq; ab omni hominū habitatione remota. Quadam itaque die cū missam celebraret, hora percepti-
onis inuenit hostiam sacrā super corporale fractam, atque in duas partes à se-
ipsa diuisam: quam antea consecrauerat integrā & sanam. Quod vbi cōspe-
xit, turbatus & anxius cū metu & admiratione sacrificiū consummauit. Ex-
pleto autem ministerio, ceterisque dimissis, solus ibi remansit. Cumque tri-
stis esset pro signo quod acciderat, egressus foras venit & stetit ad oriētalem
plagam ejusdē Ecclesiæ, dorso adhærens parieti templi, & facie versa ad Ori-
entē. Qui dum ira positus aliquandiu staret; & de re quæ sibi euenerat, timi-
dē ac sollicitē cogitaret: infremuit spiritu, & inhorruerunt subitō pili carnis
ejus. Tunc irruente in eū nescio qua virtute externa, ita defigi atque arctari
cœpit, vt nullo modo se posset inde mouere. Et ecce apertis oculis vidit in-
numeræ multitudinis turbas equestres & pedestres coram ipso citatis gressi-
bus transeuntes. Erant autē in eis homines promiscui sexus, diuersæ ætatis &
conditionis, in quibus etiam multos deprehendebat, quos viuentes in carne
antea cognouerat. Vnus ergo ex eis ipsi Presbytero quōdam notus & carus,
ad eū accessit: & fixo gradu cœpit cum eo familiariter loqui. Percunctante
verò Presbytero, quēnā esset, aut quid etiam ageret tanta turbarū infinitas,
respondit. Animæ hominū sunt carne solutæ, quæ omnes pro varietate cul-
parū varijs subditæ pœnis, ita semper discursu recipiōco longē latēq; vagan-
tur in mundo.. Quædam autē ex eis citiūs, quædam tardiūs liberandæ sunt,
quarūdam verò pœnæ insolubiles manent. Dum hæc ille loqueretur, respi-
ciens Presbyter, vidit supradictū Episcopum demisso vultu coram se prætere-
untē, tamquam districti Iudicis sententiam patienter ferentem, & inimicæ
potestati, quæ illi ad tempus insultabat, cum Propheta dicentem. *Ne leteris
super me, inimica mea, quia cecidi: surgā. Cū sedero in tenebris, Dominus lux mea
erit.* Viso ergo eo sacerdos vehementer obtupuit, & cum terrore magnæ ad-
mirationis exclamauit dicens. Vē mihi misero peccatori, quid est hoc, quod
video? Nūquid iste est dominus noster Baldwinus, Pisanus quondā Archie-
piscop⁹, de monasterio Clarævallis assumptus? Respondit is, qui loqueba-
tur ad eum. Ipse est verē. Et Presbyter ait. Hiccine ergo tantę p̄fessionis mo-
nachus, & tantæ perfectionis Episcopus, deputatus est pœnis: quē nos spe-
rabamus jam in cælo gaudere cū Angelis? Ille verò respondens, ait. Pro cer-
to scias, & nullatenus dubites, quia ipse est verē sanctus, celsiq; meriti Pon-
tifex: & magna erit ejus gloria corā Deo. Sed quoniam propter ipsum inter
Pisanos atque Lucenses populos diurna jam guerra versatur, p̄pterea differ-
tur à requie, donec inter illos ad pacem discordia reuocetur. Post hæc appa-
ruit eidē Presbytero colūna quædam jubaris immensi, cujus claritas ultra cō-
munem solis valentiam coruscare videbatur, de cælo ad terrā vsq; porrecta:
per quam anima quædam Angelico ductu ad sidera contendebat. Sciscitāte
verò Presbytero, quidnā hoc esset, respondit alter. Ipsa est anima Constan-
tini, quondam iudicis & domini Turritani. Hæc autem per nouē annos ven-
tis & pluuijs. & algoribus semper exposita, à die exitus sui vsque nunc in stil-
licidio domus suæ constitit: ibiq; suorum excessuū pœnas luit. Sed quia mi-
sericors & liberalis in pauperes extitit, & iudicium injuriā patientibus fecit:
insuper etiam de malis quæ cōmisit, confessa & pœnitens à corpore exiuit:
idcirco misericordiam à Deo consecuta hodierna die meretur à malis omni-
bus liberari, & bonis omnibus satianda ad æternam beatitudinē introduci.

Hæc & multa alia Sacerdos ille vidit & audiuit de secretis alterius vitæ: inter quæ etiam dictum est ei, quod eodẽ anno esset moriturus, quæ subsecuta mors ejus vera fuisse cõprobavit. Sic oĩpotens Deus innotescere voluit, dilecti sibi Pontificis animã, quam visiustam, quãvis sanctam, quantulacũque tamen rubigine culpę fuscata, non potuisse regnum puritatis intrare: nec fulgorẽ meridianæ lucis, in qua cęlestis sponsus cubat, intueri: donec ipsi⁹ gratia expiata, & pace inter dissidentes reformata, ab eodẽ sponso mereretur audire. *Reuelata & sua mors eidem Sacerdoti.*

Tota pulchræes, amica mea, tota pulchræes, & macula non est in te: veni de Libano, Cant. 4: veni coronaberis. Quid verò in diuisione sacrę hostiẽ nobis insinuatũ putam⁹, nisi, quod tales reuelationes non absq; nutu & voluntate Redẽptoris nostri ad cõmonitionem & correctionem fiunt mortalium: maximẽ cum à religiosis personis tale aliquid videri contigerit?

Caput xxv.

De Domino Eschylo, quondã Danorum Archiepiscopo, postea monacho Clarevallis

VIR magnificus, & cum omni reuerentia nominandus, Eschilus, quondam Danorum Archiepiscopus, & Apostolicæ Sedis in insulis Aquilonaribus Legatus, postea verò humilis Cisterciensis Ordinis monachus, & cœnobij Clarevallis professus, cum adhuc esset adolescens, annos nat⁹ circiter duodecim, transmissus à parentibus causa studiorũ in Saxonia morabatur, quæ tunc in nobili illa Hildesemensi Ecclesia florentissima, à clericis diuersarũ regionum celebri concursu frequentabatur. Itaque dum aliquãdiu ibidẽ moratus fuisset, grauissimam valetudinem incidit, & diuturno languore tabescens, tandem à medicis desperatus est: ideoq; procuratum, vt oleo sacro vngeretur. Cũque Presbyteri cæterique fideles hujus rei gratia lectulo ejus assisterent, subitò factus in agonia, omni mēbrorum ac sensuũ officio destitutus est, ita vt ferẽ mortuus putaretur. Exemptus ergo carnis sensibus, duct⁹ est in spiritu ad quandã mansionem totam interiũs quasi clibanum ardentẽ: ad quam cum propiũs accederet, & curiosiũs inspicere vellet, subitò erũpens vapor incendij apprehendit incautum: moxque in illam fornacẽ flãmiuomam traxit invitum. Qui cum protinus ardere cœpisset, jamq; nihil aliud, nisi ignem eternũ sibi superesse cogitaret: ecce miserante Deo apparuit ei in vno diuersorij latere meatus quidam quasi tramitis angusti, de ostio ad ostiũ ducens, qui etiam flãmis vacuus esse videbatur. Quem cernens, & spe euadẽdi animatus, conatu quo potuit reptans ad locum illũ refrigerij peruenit: & per illum ad ostium tendens celeriter exijt & fugit, palpitans ac tremens à facie ignis deuorantis. Moxq; palatiũ quoddam regale & amplum reperiens, & illuc ingrediens, vidit in eo reginam cœlorũ, dominam Angelorum, vultu & habitu mirabili coruscantem, atque in throno gloriæ residentem. Ad quam pavid⁹ & anhelus accedens, flagitabat obnixè, vt sui misereretur. Quẽ protinus illa dedignanter aspiciens, atq; minaciter alloquens, quod ausus fuisset in conspectu ipsius apparere: mandat quantocyus egredi, & cruciandũ ad ignem reuerti. Porro inter alios matri misericordiæ assistentes, apparebant ibi tres viri venerabiles: quorũ vnus ejusdem ciuitatis Episcop⁹ erat: alter verò decanus, tertius nihilominus nescio quid officij in eadẽ Ecclesia administrans. Hos itaque præfatus adolescentulus intuens ac recognoscens, lacrymabiliter precabatur, quatenus pijsimæ Domine pro ipso supplicare dignarentur. Quod cum deuotissimẽ facerent, misericordissima illa dissimulatrix respondit eis dicens: Quid est, quod rogare præsumitis pro adolescente

Eschilus putat agrosat.

In alibet ardentem incidit.

B. Virgo in eum primò scruat.

*Indevotio
iuuenis in
Virginem
nataur.*

*B. Virgo exi-
git 5. modi-
os annona.*

*Quinque
cœnobîa mo-
dy 5. signi-
ficata, edifi-
canda.*

istò vanissimo, meoq; respectu indigno? Hic enim peruersus & lubricus nūquam salutationē meam mihi vel vna vice representavit. Cumque rogarent illi, vt solita pietate delicta iuventutis & ignorantias illius dimitteret, si de cetero se emendaturū promitteret: accessit iterum tremebundus adolescens, obsecrans eam, & dicens. Miserere mei, pijsissima domina, miserere mei, reparatrix generis humani: & ne cludas à me misero inexhausta viscera misericordiæ tuæ: quia paratus sum amodò & vsq; in sempiternū servire tibi, & te super omnia post Deum venerari. Quòd si genitor meus istā calamitatem meam agnosceret: maxima auri pondera pro mea liberatione libenter impēderet. Talia itaq; cū lamentabili voce depromeret, beatissima Virgo vera mater misericordiæ serenata facie respiciens illū, dixit. Quid igitur? Putasne quia valeas teipsum apud me condigno pretio redimere? In hoc enim forsitan placare me posses: si congruū mihi pretium pro tua redēptione persolveres. Tum ille non modicè exhilaratus in verbo isto, fiducialius accessit & dixit. Etiam atq; etiā clementissima Domina, ego me optimè redimā: & quidquid iusserit mihi dignatio tua, libentissimè faciam: tantūmodò esto mihi propitia, nec me in illum ignem cruciandū ampliùs remittas. Cui Regina virginum respondit. Volo igitur, vt de quinque generibus annonæ quinque mihi modios, hoc est de singulis singulos non negligas reddere. Quo ille audito lætanter accepit: respondensq; alacriter dixit. Carum est mihi, ô carissima domina, quod imponis, valdeque iucundū: & ego mensuram bonam & confectam & coagitatam & supereffluentē dabo in horreum tuum. Quod cū in fide sua firmiter pmisisset, datis etiam fidejussoribus intercessoribus supradictis, dimissus est ad humana reuerti. Redditus itaque sibi, confestim aperuit oculos, receptoq; vsu loquendi surrexit & sedit in lectulo suo: moxque in iubilū erumpens, cœpit clamare cum gaudio magno dicens. Benedict⁹ Deus, liberatus sum: & ampliùs non ardebo. Videntes cuncti qui aderant, adolescentē illum de mortis janua reuocatum ita clamantem, & ita præ gaudio gestientem, mirati valde sciscitabantur ab eo tantæ lætitiæ causā. Ipse vero per multum tēporis spatiū nil aliud dicere poterat, nisi tantummodò, Deo gratias, ego non ardebo, ego non ardebo. Et cū sepius illud reperisset, cōuersus tandem ad illos, quid sibi accidisset, vel quid vidisset, per ordinem indicauit. Vnus autem ex ipsis, vir bonus & erudit⁹, hæsitantem de visione adolescentē secretiùs alloqui atque instruere curauit dicens. Scito prænoscēs, futurū te esse magni nominis virum: & gradum maximè dignitatis in Ecclesia sortiturū. Quē cū fauente Deo adeptus fueris, oportet te in honorem Dei & sanctæ Virginis matris, diversorum Ordinum cœnobîa quinque de tuo construere: in quibus iuxta mensuræ tibi propositæ rationē, habeantur ad minus personę duodecī diuino iugiter obsequio famulantes. His ille auditis interim tacuit: sed quem res exitū habitura foret, semper sollicitus fuit. Porro in ipsa visione significatum est ei, tres illos venerabiles viros, qui pro eo intercessores extiterant, cū adhuc in carne degerent, eodem anno fore de mundo migraturos: quod etiam celerius secuta mors eorum verum fuisse cōprobauit. Processu verò temporis, cū præfatus adolescens ætate pariter & sapientia crescens jam in virū optimum profecisset: ordinante Dño ad regimen Lundensis Ecclesiæ, quæ Daciæ Metropolis habetur, assumptus est. At postquam jamdudū prophetatæ sibi dignitatis culmen ascēdit, illico reddendi voti sui tēpus adesse cognouit: in quo sub quinque generib⁹ annonæ,

secundum interpretationem voti sui, diuersorum Ordinum Cœnobia quinque se fundarum Reginæ celi deuouerat. Nactus igitur oportunitatē, de remotis Galliarum partibus, ubi fontem Religionis esse cognoverat, non solum quinque, sed etiam plures spiritualis professionis Conuentus, euocare curauit: inter quos etiam Cisterciensis Ordinis duos Conuentus obtinuit, vnum scilicet de ipsa domo Cistercij, & alterum de Claravalle: quosque in optimis terræ suæ locis tamquam vites fructiferas vinum iustitiæ germinantes pastinavit. Vt enim semetipsum perfecte redimeret, mensuramque bonam & supereffluentem piissimæ liberatrici suæ, sicut promiserat, persolveret, quinque Cœnobiolorum fundatione contentus esse noluit: sed alia atque alia, tam de suo, quam de aliorum fidelium dono, studuit ædificare. Dabat etiam operam Paganitatis ritus, quibus adhuc ex magna parte terra illa imbuta erat, radicibus extirpare, & Christianæ disciplinæ moribus omnes salubriter informare: superbientes & continentibus ultionis mucrone ferire. Ita denique zelo iustitiæ armatus, noxia quæque & superstitiosa eliminare, & omnia salutis animarum profutura genti suæ providere satagebat: ut à multis retro temporibus nullum in Metropoli illa Antistitem sedisse putemus, qui tantum in Ecclesia Dei fecerit fructum, quantum fecit ipse. Dominus autem, qui ob illius honorē & amorē cuncta faciebat, curabat voci ipsius dare vocem virtutis: & quos hic anathematis vinculis innodabat, ipse terribili morte mulcabat: intantum, ut adulterum quendam diuitem ac potentem, quem venerabilis Sacerdos in Cœna Domini publicè excommunicauerat, in ipsa sacratissima nocte Dominicæ Resurrectionis cum adultera & duobus filiis ex adulterio natis malignus spiritus crudeliter suffocatum, ad inferos æternaliter puniendum detraheret. Sanctum quoque Bernardum reuerendissimum Clarevallensium Abbatem, licet longius à se remotum, vnico venerabatur affectu, vnica deuotione colebat. Nec contentus est in filiis eum videre, cum novum Cœnobiū extruxisset, & ab eo, sicut prædiximus, desideratum sacræ congregationis examen impetrasset: præualuit apud eum desiderium vehemens, ut homo tantæ auctoritatis, & in insulis illis tam Ecclesiastica quam seculari auctoritate singulariter potēs, expositis suis omnibus, etiam semetipsum periculis multis traderet & labori. Venit igitur Claravallensium persona humilis & sublimis: quam à finibus terræ non curiositas audiendæ sapientiæ, sed fidei zelus & plenitudo deuotionis attraxerat. Vbi quantum fleuerit, qualem sese non modò erga eum, quæ tam vnicè suspiciebat, sed etiam erga minimos quoslibet fratrum exhibuerit, non est facile dictum. Demum rediturus ad propria, ut benedictum à famulo Dei panem referre posset, & diutius conservare, humano sensu præcepit, ut in cli-bano recoqueretur: sicut solent qui maria transeunt, panem ferre bis coctum. Sed Abbas sanctus amicabiliter arguens, in hac parte fidē ejus modicam inueniri: itane, inquit, non poterit benedictio ipsum panem, magis quam recoctio conseruare? Et non acquieuit benedicere illū, sed communem panem sibi præcipiens exhiberi, benedixit, & ait. Ecce hunc tolle tecum, nihil deinceps de corruptione sollicitus. Tulit, & ad suos per multa quidem terræ & maris spatia prosperè rediens, gloriabatur fidei suæ defectum euidentissima rei veritate convictum. Haud multò verò post hæc elapso tempore, tristissimus rumor aures ejus perculit de dormitione beati viri specialis amici sui: scribente sibi libellum de transitu ejus Domino Gaufrido monacho Clarevallensi, qui notarius ejusdem sanctissimi Abbatis non parvo tempore fuerat. Tum verò cō-

*Votum suū
reddidit Eskil-
lus.*

*Mors horre-
da adulteri
excommu-
nicati.*

*Panis bene-
dictus à sancto
Bernardo
virtus.*

*Eskilus fit
monachus
in Clara-
uallc.*

caluit corejus intra ipsum, & in meditatione ipsi⁹ exarsit ignis: vana, transitoria atq; caduca reputans vniuersa, quæ hominis intentionem præpedire possunt à recto cursu, quo ad patriæ cælestis beatitudinem tenditur. Itaque cõmendans Ecclesiam, cui laudabiliter præfuerat, Deo & principib⁹ terræ, relictis parentibus & propinquis, notis & amicis, ipsiq; patrio cespiti valedicens, exul egregius Clarávallem venit: sepulchrum beati viri intimi quondam amici sui visitauit, & ad sacratissimã tumbam ipsius viuere & mori delegit: vbi etiam sacrę Religionis habitũ, Deo donante, postmodũ suscepit. Nec enim minũs in defuncto, quàm olim in viuente confis⁹ est: quippe quẽ post mortẽ carnis veriũs viuere omnino non ambigebat. Quantò ergo ab Ecclesiasticis & sæcularib⁹ negotijs secretiũs vacabat, tantò sanctiũs diuinis obsequijs intendere curabat: deuotioni sacrę orationis quotidie, imò penè continuẽ sollicitiũs inuigilare: pro peccatis suis præteritis myrrham cordis cõtriti & spiritus humiliati Deo offerre: & gratiã supernæ benedictionis thymiamate piæ cõpunctionis enixjũs implorare. Quadã igitur vice dum in oratorio suo solvs consisteret, apparuit ei vigilanti & oranti quidam frater ejusvterinus, qui olim defunctus fuerat, quiq; hostili gladio trucidatus occubuit, & morte præuentus viaticũ non accepit. Hic etiam dum adviueret eũdem Archiepiscopum aliquando injustẽ offenderat, nec ei ante mortẽ recõciliatus fuerat per satisfactionem. Cumq; venisset ante illum, demisso capite suppliciter inclinabat ei, quasi de offensa veniam postulans, aut etiam orationũ suffragia flagitans. Stetit ergo aliquãdiu corã illo, nihil penitus dicẽs, nisi tantũ humiliato capite calamitatem ac necessitatẽ propriam innuens. Sed neq; Archiepiscopus quidquam locutus est ei: quia præ timore & admiratione nimia mente turbatus, & sui minimẽ cõpos erat. Verũtamen ex eodem mortuo nil aliud agnoscere poterat, nisi solũmodo caput & collum, ac summitatem scapularũ. Reliqua namq; pars corporis ita ardere videbatur, vt nulla penit⁹ in eo mẽbrorum lineamenta discernere posset: nec quidquã aliud cerneret, nisi flãmam, quẽ totum eum occupauerat. Cũque aliquãdiu sic miserabilis apparuisset, tandem ab oculis ejus sublatu s est: sed fraternam animã super angustia sua magno dolore conterebratam reliquit: qui etiam postera die veniens in Capitulũ monachorum, multa Missarum & orationum impendia pro eodem mortuo impetrauit.

*Eskilo orãti
apparet
fratereius
defunctus
ardens.*

Caput xxvi.

*De felici consummatione duorum peregrinorum sepulchri Domini,
avunculorum Domni Eskili.*

VErũm, quoniam germani tanti Pontificis mentionẽ fecimus, nequaquam absurdum reor, si etiam duorum avunculorũ ejus pretiosam in conspectu Dñi mortem, quam mirabiliter gratia Dei meruerunt, cõmemoremus. Non parũ namque deuotas mentes in amorem Christi flammescere speramus, si ejusdem Redemptoris nostri mira & vere jucunda clemtia circa sceleratissimũ peccatorem præcordijs legentiũ insinuetur. Igitur hi duo fratres ex præclarissimo Danorum sanguine oriundi, inter terræ illius proceres post Regem videbantur sublimiores. Vnus autẽ ex eis, Eskil⁹ nomine, homo bellicosus & carnali potentia tumidus, cũ esset animo ferus atque terribilis, multum sanguinis fundebat: & mala innumera quotidie perpetrabat. Alter verò nomine Sueno, vir sanctæ vitę perspicuus, atque Episcopus Wibergensis erat: qui etiam præcel si generis nobilitatem elegancia morum,

atque

atque prærogatiua virtutum, longè superabat. Hic itaque germani sui animam sincerè in Christo diligens, sed tyrannicam ejus vitam vehementer abhorrens, studebat eum frequenter secretiùs arguere: & ut à suis prauitatibus resipisceret, admonere. Sed cum parum in hujusmodi pia intentione proficeret: quadam die colloquentibus eis adinuicem, suadebat ei venerabilis Præsul, ut accipiens signum Dominicæ crucis Ierosolymam proficisceretur. Ille verò respondit, se hoc nullomodo facere posse, nisi secum pergeret ipse, qui consilium dabat. Quo audito fidelis & verus amicus gratàter accepit, seque quod petebat facturum incontinenti spondit: malens periculis ac laboribus tantis seipsum exponere, quàm fratris animam de ore leonis non liberare. Quò prosperè peruenientes, gloriosum Domini sepulchrū, ipsumque viuificū lignum sanctę crucis, in qua salus mundi pependit, cum magno pietatis affectu adorauerunt. Dehinc cum cetera sancta loca deuotissimè visitando, venerando, atque adorando, peragrarent, venerunt ad quēdam locum non longè ab Ierosolyma situm, qui *Pater noster* ab incolis nuncupatur: eo quod Dominus Iesus Christus in ipso loco dicitur discipulis formam orandi tradidisse, & eandem ibidem orationem composuisse. Erat autem ibi Ecclesiola parua vili schemate constructa. Cum ergo prædicti peregrini cognoscerent, hunc esse locum, unde fons orationis saliens in vitam æternam de ore filij Dei primitus erupit, & ad imbuenda fidelium corda per vniuersas mundi partes cum tanta benedictionis affluentia derivatus est: tūc & ipsi ingredientiſ Oratoriū, haurientiſque de fonte Salvatoris pietatis & confidentiæ spiritum, orationem de corde puro fuderunt ad Dominum: obsecrantes, ut sibi peccata dimitterentur, & ab omni malo liberarentur. Nec defuit eorum votis supernæ clementiæ respectus: quemadmodum rei declarauit euentus. Nam cum protinus venientes ad fluvium Iordanis, vnda illa sacra potati essent, atque perfusi: vnus ex eis, magnus videlicet ille peccator Eskilus, magnificè de misericordia Dei præsumens, & effundens animam suam in oratione, clamauit ad Dominū, & dixit. Deus omnipotēs & clemens, esto propitius, obsecro, mihi peccatori: & ne despicias animam qualiscūque serui tui, quam de profundo malorum eduxisti: & post tanta scelerū meorum naufragia, ad portum pœnitentiæ misericorditer adduxisti. Et nunc Dñe Deus, suspecta est mihi valde fragilitas mea, & dudum inolita peccandi consuetudo: multūque timeo mihi à memetipso, ne fortè reuersus ad patriam, blandiente rerum prosperitate, peccati quoque materia illiciente, ad pristinas meas prauitates relabi compellar. Proinde pijsſime pater, qui dives es in misericordia omnibus inuocantibus te, si bonum videtur in oculis tuis, & ita salutem animæ meæ expedire cognoscis precor indulgentissimam benignitatem tuam, ut absoluto jam voto peregrinationis hujus, absolvere me digneris à vinculo corporis istius, solutūque pariter à nexibus peccatorū iubeas duci in refrigerij locū. Oratione verò cōpleta, cognouit illico vitę suę terminū instare, suūque desiderium mox à Christo esse complendū. Vnde perceptis Sacramentis, valedixit eadē hora germano suo, ceterisq; qui simul aderant, & protinus in sancta confessione reddidit animā. O incōprehensibilis clementia Salvatoris nostri Dei. Nonne tibi videtur in peccatore isto, prodigi illius filij, qui deuorauit substantiam suam cū meretricibus vanitatum & voluptatum, persona realiter presentari: quē adhuc longè agentē pater misericordiarū vidit, & misericordia motus præ-

*Votum ter-
re sancta.*

*Locus, vbi
Christus o-
rationem do-
minicam
tradidit.*

*Oratio Es-
kili, ut mo-
riatur, ex-
audita.*

cepit cum citò indui stola prima innocentiae, sicque festinabat absolvere miserum de reatu conscientiae suae; ut propemodum tardius fuerit paternae pietati reo indulgisse, quam ipsi misero indulgentiam percepisse? Quid enim aliud fuit, sceleratissimum peccatorem in ipso limine poenitentiae sic orasse, & tam celerem petitioni suae effectum obtinuisse: nisi effusis super se visceribus diuinæ pietatis, miseria corruptibilitatis despoliari: beatæ immortalitatis stola vestiri, annulo diuini amoris insigniri: pedes affectionum calceamentis eternæ puritatis muniri: pro receptione filij perditionis festivas epulas toto cœlo indici? Videns itaque venerabilis Antistes animam fratris sui, pro cuius salvatione ita sollicitus extiterat, tam celeriter, tam feliciter assumptam: tunc & ipse vehementer affectus desiderio migrandi, petiuit animæ suæ ut moreretur, & ait. Gratias tibi ago, Domine Iesu Christe, quoniam exaudisti orationem meam: vidisti lacrymam meam: qua tibi toties supplicavi, ut susceperes poenitentiam fratris mei. Quæso ergo te, piissime fili Dei, ne me patiaris ab illo diutius separari: sed iubeas me cum illo in tua pace nunc recipi: ut simul abeamus, & simul ad tuam misericordiam, te donante, perveniamus. O verè amplectenda & amanda pietas Domini nostri Iesu Christi. Vix orationem finierat, quam ardentissima fidei deuotione fudit, & ecce vocante se Domino, viribus corporis cœpit repente destitui: vitæque transitoriae finem jam sibi adesse cognouit. Moxque dispositis pro temporis breuitate, quæ necessaria videbantur, præcepit astantibus, ut corpus ipsius una cum corpore fratris ejus ad Ecclesiam supra memoratam, quæ *Pater noster* dicitur, quam Domino inspirante sincero pietatis affectu exoptauerant, remota occasione referrent, & ibi sepelire curarent. Itaque commissum sibi populum diuinæ providentiæ reassignans, & bona sempiterna illis omnibus imprecans, præsentibus etiam valesfaciens ac benedicens, feliciter obdormiuit in Domino. Factumque est à Domino grande miraculum, ut desiderij sui compotes, peregrinationis voto peregrini consummato, peregrinationem quoque præsentis exilij terminarent: ita ut ambo simul vno in loco atque una die de mundo migrarent: simulque in vnum locum, ubi decreuerant, sublatis, sepulturam acciperent. Porro præfata Ecclesiola, cum antea brevis ac ruinosa fuisset, solotenus est eversa, & de eleemosynis ipsorum, quas propter hoc ipsum ibidem copiosè delegarunt, in ampliorem & venustiorē statū reedificata est: in qua etiam nunc corpora eorum pausant, honorificè tumulata. Horum felicissimorum peregrinorum consanguineus erat beatæ memoriæ Eskilus Danorum quondam Archiepiscopus: à quibus non solum sanguinis, sed etiam fidei & deuotionis succum trahens, domestico animatus exemplo, peregre viuere, & peregre mori pro Christo Domino proposuit. Quapropter relicta præcella dignitate, qua in terra sua singulariter præeminebat, Cisterciensis Ordinis habitum in Clara-valle suscepit: & de abundantia diuitiarum suarum pauperum Christi inopiam largissimè suppleuit: sicque eorundem pauperum numero pauper & ipse consociatus, & in optima conuersatione vitam suā consummans, sepultus est in Presbyterio ejusdem loci ante altare beatæ Virginis matris: cuius ex hoc memoria in benedictione erit Claravallensibus in generatione & generatione. Tales itaque personæ tam sublimes honoribus, reuerendę dignitati.

*Presul orat
& obtinet
mori cum
fratre.*

*Sepeliuntur
in Ecclesiola*

*Eskilus fit
monachus
in Clara-
valle.*

bus, odore virtutum beatissimi Patris nostri Bernardi, sacri quoque Cisterciensis Ordinis puritate attracti, improprium Christi cunctis Aegyptiorum pompis præferentes, maluerunt sub disciplina Ordinis temporaliter potius macerari, quam impensis sibi favoribus & honoribus falsis, æternaliter cruciari.

Caput XXVII.

De nobili Principe Gunnaro, postea Monacho Claravallis.

NAM & nobilissimus Princeps Gunnarus, Iudex quondam & Dominus Sardinie Detrachalis, cum aliquando gratia orationis Sanctum Martinum Turonensem expetisset, in reditu transiens per Claravallē, & à beato Bernardo deuotè susceptus, de salute quoque animæ copiosè admonitus, conuersioni minimè consensit: licet Pater sanctus ipso præsentē, & multum garrulante, cæcum quemdam illuminasset. Cui abeunti vir Domini sic locutus est. Ego quidem instanter pro tua conuersione Dominum rogavi: sed ad præsens exaudiri non merui. Et nunc abire te patior; quia retinere non licet inuitum: scias tamen, te huc iterum de Sardinia reuersurum. Abijt ergo in patriam suam: sed verba quæ ex ore viri Dei audierat, incessanter animum ejus stimulant, Spiritu intus suggerente, prophetiam, quam tantus Propheta sibi de se prædixisset, cassari penitus non posse. Modico post hinc elapso tempore, cum nuntiatum esset ei, beatum virum transisse de hoc mundo ad Patrem, consternatus est animo vehementer, arguens semetipsum, & poenitens valde, quòd ad illius prædicationem conuersus non fuisset. Mox ergo igne illo, quem Dominus mittit in corda electorum suorum, & vult vehementer accendi, totus incanduit: nec omnino moram facere sustinens, primogenitum filium suum pro se in regno suo principari constituit: ipse verò dum adhuc quadragenarius esset, ætate corporis & animi vigore præpollens, relicta Sardinia, omnique gloria mundi spreta, pauper & humilis ingressus est in Claramvallē: ibique sub disciplina suscepti Ordinis vsque ad decrepitam ætatem, imò vsque ad mortem perseveranter militans, regnum terrenum pro cælesti se commutasse gloriabatur.

Peregrinationes ad tumulos Sanctorum.

Prophetia S. Bernardi.

Princeps Sardinie fit monachus in Claramvalle.

Caput XXVIII.

Qualiter venerabilis Abbas Simon relicta Abbatia in Claramvalle professus est.

VIR venerabilis Simon, quondam Abbas Caziaci, quod est non ignobile monasterium nigri Ordinis Monachorum, magno cordis affectu beatum Bernardum diligebat: adeò ut de consilio & voluntate ejus totus pendere videretur. Huic autem desiderium magnum inerat, curam pastorem deferere, & fieri Monachum in Claramvalle. Verumtamen sanctus pater Bernardus sciens virtutem viri & gratiam, qua commisso Cœnobio idoneus valde atque pernecessarius erat, quamdiu vixit in carne, numquam ei super hujusmodi petitione consensum præbere voluit. Quadam igitur die dixit ad eum idem Abbas. Domine pater, ego senex & penè decrepitus, fatiscentibus in corpore membris, & insuper vrgentibus morbis, jam jamque resolvi me sentio. Quòd si extra Claramvallē defecero; erit mihi dolor inconsolabilis, & irrecuperabile damnum. Vnde necesse est, ut vel nunc abire me jubeas, & satisfacere votis meis: quia

*Prædictio
ceria S. Ber-
nardi.*

mors accelerans, moram amplius facere me non permittit. Cui vir Dei respondit. Mane in loco tuo & noli timere. Ego securum te facio, quia morieris in Claravalle. Credidit homo sermonibus sancti; & mansit interim in prælatione sua securior pluribus annis. Post transitum verò beati viri, cum jam desiderij sui stimulos nullo reprimente tolerare nequiret, dimisso regimine Claramvallem se contulit: vbi etiam magno Dei dono, magnoque miraculo septenniū superviuens, mirabile prorsus in tali ætate vel infirmitate, fervoris ac deuotionis exemplū nobis omnibus in fine reliquit.

Caput XXIIX.

De Seniore, qui vidit B. Mariam Capitulo Monachorum præfidentem.

*B. Virgo
locum Ab-
batis occu-
pat.*

QUIDAM de senioribus Clarævallis vir religiosus ac deuotus, quadam vice, sicut ab ipsius ore audiuius, vidit in visione beatissimam Virginem matrem splendidissimo vultu & habitu Capitulo Monachorum præfidentem: quæ etiam in ipso Capitulo Abbatis locum tenere, & officium gerere videbatur. Hæc verò benedictum fructum ventris sui, parvulum qui natus est nobis, gestabat in gremio: totusque conuentus Monachorū circa eam residebat in ordine suo. Porro senior qui hæc videbat, mirabatur atque jucundabatur valde in conspectu gloriosi pueruli speciosi præ filiis hominū, & ejusdem sacre puerperæ: at reuerberatis oculis propter luminis claritatem, non satis præualebat in facies eorum intendere. Cūque jam expleto Capitulo solvendus esset ille conuentus, imperiosa Virgo conuersa ad senioresem illum, qui ad ejus dexteram sedebat, osculum pacis ori ejus dignanter impressit: & insuper benedictum fructum ventris sui ad intuendū atque amplectendum obtulit ei. Quo facto conuertens se ad alterum senē, qui ad sinistram ejus sedebat, similiter osculata est illum, & nihilominus gaudium cordis sui ei ad intuendum præsentauit. Tunc vniuersi qui aderant Monachi, cælesti pace à senioribus illis hinc inde mutuata, de tantæ Reginæ præsentia salutare Dei in gremio suo confoventis, in jubilum & lætitiā cordis lætati sunt: sicque conuentu illo soluto visio ab oculis intuentis sublata est. Tantam verò deuotionem de visionis hujus dulcedine senior ille concepit, vt domum Capituli non esse aliud, nisi secretarium Dei & portam cæli intelligeret: ideoque quoties per ante eandem domum transire debebat, toties ferè contra locum, in quo matrem misericordiæ cum adorando filio suo residere conspexerat, inclinare solebat.

*Dat pacem
monachis,
& exhibet
filium.*

Caput XXX.

De quodam fratre, cui Dominus Iesus Christus cum Sancto Ioanne Evangelista apparuit.

FRATER quidam religiosus ac timens Deum, dum proficiendi desiderio flagraret, & sanctis meditationibus die noctuque vacaret, beatissimum Ioannem Evangelistam præcipuo diligebat affectu: in cujus etiam scriptura atque memoria mira pascebatur deuotione: studens ex dictis ejus sententias tamquam mala punica decerpere, quibus lectulum conscientiæ suæ stipatum, contra fœtorem vitiorum virtutum odore refoueret. Factum est autem quadam vice in Vigilia omnium Sanctorum, dum Missa in conuentu celebraretur, vt ipse stans in ordine suo in choro, pistillo vigilantis sollicitudinis in mortariolo cordis ad susceptionem tanti festi thymiana sacre deuotionis contereret. Cūque de more legeretur Epistola illa de Apo-

calypsi, mira dulcedine in eisdem verbis fruebatur. Tandem verò in ultimo versu, quo dicitur, *Dignus est agnus, qui occisus est, accipere virtutem & divinitatem*, & cetera quæ sequuntur, tota in ipso liquefacta est anima ejus igne divini amoris: tantæque jucunditatis affluentia perfusus est, ut præ immensitate lætitiæ seipsum vix caperet. Proinde totus in jubiliu raptus, totus extra se fuit: solum Christum quasi præsentem cordis oculis intuens, & brachijs ardentis fidei & pietatis amplectens. Dum verò adhuc ibidem ita staret, & pitantia illa cælesti mentem abunde reficeret, necdum finita Missa sopor Domini irruit super eum: tenuis quidem, sed divina gratia suavis. Statim namque præsentiam suam dignanter exhibuit dormienti, qui supradictam jucunditatem infuderat vigilianti, Dominus Iesus Christus, cum dilecto sibi Apostolo Ioanne, alloquens eundem Apostolum, audiente fratre, & dicens. Hanc ego revelationem dudum tibi ostendi, non propter te solummodo, cui jam de mea virtute & dilectione certa cognitio, certæque fiducia inerat: sed maximè propter ceteros, qui me similiter diligunt: ut & ipsi gloriam meam agnoscant, fiduciam habeant in me. In his verbis cuiusgilans frater ille, repletus est gaudio magno: tum propter indultam sibi gratiam Dominicæ visitationis & consolationis: tum propter ipsius Domini attestationem de veritate Apocalypsis: pro eo maximè, quia dolens audierat, quosdam hereticos eidem sancto libro detraxisse, dicentes eum à beato Ioanne Apostolo scriptum non esse. Evolutis autem postea diebus circiter quindecim, cum supradictus frater pro peccatis suis valde sollicitus, faciem Domini in confessione, & quotidiana cordis contritione prævenire curaret, astitit ei per visum Dominus Iesus Christus cū eodem Apostolo suo Ioanne. Qui etiam, ipso fratre audiente, prior sic locutus est. Siquis voluerit à Dño perfectam indulgentiam consequi, oportet eū peccata sua instanter flendo ac pœnitendo punire. Respondens autem Dominus ait. Quicumque voluerit ad me pervenire, oportet eū hoc ipsum ardentè desiderare. Postmodū autem die natalis ejusdem sancti Ioannis, vidit in visione Dominum Iesum Christum cum gloriosa matre sua quasi quoddam palatium magnum intrare, in quo dicebatur esse paradisus. Illis verò ingressis janua remansit aperta. Cumque miraretur, & secūm cogitaret, quare porta eadem minimè clauderetur, dictum est ei. Hæc est janua vitæ, quæ, ingressu per eam Domino cum sua matre, non claudetur: sed cunctis fidelibus vsque in diem judicii patebit. Quo ille audito gratulans & exultans, ait intra se. Ergo & mihi patet aditus paradisi. Ingrediar ergo locum tabernaculi admirabilis vsque ad domū Dei. Quò cū introire cœpisset, protinus excepit eum inenarrabilis jucunditas quædam atque suavitas: quæ cunctos sensus ipsius penetrans & replens, nihil aliud cupere, nihil aliud cogitare sinebat, nisi memorari misericordiæ & justitiæ Dei solius. In hac ergo mira suavitatis dulcedine cuiusgilans, adhuc in delicijs paradisi Dei se esse putabat: sed continuò corruptibilis vitæ motibus & sensibus vallatum se sentiens, tantam felicitatem nondum ad fruentem sibi collatam, sed ad excitandum in se cæleste desiderium, gustui tenuiter prærogatam esse, cognovit. His & hujusmodi revelationibus frater ille de lecto desidii, torporis, & negligentiae excussus, & ardore divinæ charitatis vehementer inflammatus, tamquam Issachar asinus fortis supposuit humerum ad portandum indeclinabiliter onus pœnitentiæ: ut requiem quam viderat, adipisci mereretur.

Apocal. 5.

Apocalypsis
est Scriptura
Canonica.Omnibus
fidelibus pa-
ter janua
cali.

*De fratre, qui vidit Dominum Iesum Christum in exitu cuiusdam fratris
de cælo descendere.*

Apocal. 3.

*Monachus
in mentis
excessu mul-
ta videt &
sentit.*

*Visus Chri-
stus à cælo
descendere.*

*Visio alie-
rius.*

MONACHVM quemdam de collegio Clarævallis spiritualement, & bonis moribus pollentem, Dominus, secundum quod in Apocalypsi ait, *Ego quos amo, arguo & castigo*, ad decoquendam in eo scoriâ peccati gravissimam valetudinem quadam vice laborare permisit. Sed antequam ad diem creticum pervenisset, diuino nutu raptus est in quemdam excessum mentis, & dimidium ferè noctis spatium quasi extra se fuit; multa videns & audiens, quæ nunc replicare nostri propositi non est. Eadem verò nocte defunctus est ibi religiosus quidam adolescens, miræ mansuetudinis & patientiæ Monachus, qui languore maximo cruciatus quam plurimis annis, durum ac diuturnum Martyrium duxit. Hic itaque moriens, & flatum novissimum diutius trahens, præ acerbitate doloris crebros gemitus plangendo emittebat. Porro prædictus æger cum eum plangentem audiret, dicebat intra se. Planctus iste citius conuertetur in canticum: & doloris istius extrema jam nunc occupabit gaudium sempiternum. Cum hæc & his similia cogitaret, en quasi persona quædam invisibilis ante lectum ejus assistens, ac diutissime commonens, ad singulos ferè planctus, quos ille moriens emittebat, mirabili atque inexperta quadam fragrantia ac suauitate nares ejus & fauces vberius indulcorabat. Tunc verò sentiebat quasi cælestem quandam virtutem sensibiliter ac manifestè in semetipso introeuntem, & penetralia cordis ejus suavissime pervngentem. Cumque hac mirabili vntione recreatus, & totus quodammodo renouatus fuisset, ecce repente apparuit ei apertura quædam in cælo, per quam videbatur sibi quasi usque ad tertium cælum oculorum aciem intendere. Et facta est in auribus ejus vox clamans de excelso, & dicens. Sileat omnis terra, discedat omnis malignitas, Christus venit. In ipsa hora visum est ei, quod Dominus Iesus Christus pauperum & humilium consolator de cælo descenderet, ac totam domum illam sua benedictione repletet. Ipse verò frater, cui hæc videre concessum est, tanta alacritate & gratia perfusus est, ut se in paradiso Dei esse reputaret, & in jubilo cordis exultans diceret. Domine Deus meus, en ista est vita æterna, quam promisti nobis. Et nunc si reuelatis oculis bonum istud quod sentio & quod teneo, mihi videre ac semper habere liceret, jam gaudium meum plenum atque perfectum esset. Mox igitur imminente hora exitus Monachi illius adolescentis pulsata est tabula, & conuenientibus fratribus, ut animam ipsius Domino commendarent, liberata est continuo de corpore mortis hujus: & æterna lætitia subintrante fugit ab ea dolor & gemitus. Credimus enim & piè confidimus, quia non dedignatus est eam introducere in requiæ suam, qui propter eam ad terras descendere dignatus est, Iesus Christus Dominus noster. Dum autem corpus ejus sepulturæ traderetur, alius quidam frater bonæ conuersationis, reuelante Domino, apertis oculis, sicut ipse protestatus est nobis, vidit quasi quoddam feretrum de monumento procedere, & sursum in æthera tendere. Porro prædictus æger ab ægritudine sua Domino miserante conualuit: & ijs quæ in obitu fratris viderat & audierat, seu etiam experiri meruerat, magnificè consolatus, gratias egit Deo. Ceterum benedictionis illius suauitatem, quam velut manna absconditum in odore eximio seu sapore præstantissimo expertus erat, postmodum per annos plu-

rimos, non quidem continuè, sed tamen frequenter atque copiosè consecutus est: prout ille benignus ac suavis Spiritus, qui ubi, & quando, & quantum vult, spirat, pauperi suo misericorditer infundere dignabatur. Nec modò per somnium, aut per excessum mentis, sopitis vel attonitis sensibus corporis, ut in illa forsitan agonia contigerat, sed corpore vigilante, sensuque vigente, orando, psallendo, legendo, seu quidpiam aliud agendo, eandem suauitatis gratiam diuinitus sentiebat. Quàm diues & liberalis es in misericordia tua, Domine, omnibus, inuocantibus te, cunctis quærentibus nomē tuum, pusillis & magnis: abscondens gustum internæ suauitatis & dulcedinis ab his, qui sapientes & magni sunt in oculis suis, & reuelans eum parvulis tuis, qui omnia, quæ hujus mundi sunt, arbitrantur ut stercora, ut te in dulcedine tua lucrifaciant.

Caput XXXII.

De viro Dei Bosone, qui in exitu cujusdam fratris Angelorum concentus audiuit.

NON putamus silentio prætereundum esse virum venerabilem Bosonem, genere & moribus insignem. Hic unus de primogenitis filijs, quos beatissimus pater Bernardus in Christo per Euangelium genuit, satis in sua nobili conuersatione monstrabat, quàm regia mammilla lactatus, & quàm castæ disciplinæ rudimentis ab initio fuerat imbutus. Hic homo patiens & filius pacis, ita benignus, ita mansuetus omnibus apparebat, ut numquā aliquis nostrū eum viderit iratum, seu turbatum: sed inter aduersa & prospera inincommutabilis fide stans, tranquillō semper animo durabat. Qui dū jam ad decrepitam peruenisset ætatem, & ita viribus esset destitutus, ut etiam baculo sustentante vix incedere posset, numquam tamen otio indulgere, numquam corpori quietem impendere acquiescebat: sed varijs illud laborum exercitijs spiritui seruire cogebar. Istē verò venerabilis vir, dum aliquando secretius colloqueremur, & de quorundam fratrum pia ac desiderabili dormitione, quam sæpius nos vidisse contigerat, mutua collatione inuicem pascere: protestatus est nobis, quia in exitu cujusdam religiosi fratris beatorum spirituum choros audierit, suauī melodiam in aëre modulantes, atque ipsius defuncti animam ad æternæ beatitudinis requiem cum gaudio deferentes. Qui quantò sublimiùs ascendebant, tantomagis eorum voces inferiùs rarecebant: quousque tandem cœlo recepti, audiri ultra minimè potuerunt. Cūque & ipse beatus senex vocante se Deo in pace in idipsum velut obdormiens spiritum emisisset, tanta serenitate & gratia subito refulsit, tamque mirabili quadam immutatione facies ejus glorificata apparuit, ut deuotione omnium attestante, beatorum spirituum præsentiam, atque ipsius Dei nostri respectum serenissimū ibidem adesse, nullo modo dubitarem. Numquā enim in aliquo moriente vel mortuo talem transformati vultus claritatem aspeximus. Quapropter vniuersi gratias agentes Deo, commendationis exequias & officium tantò alacriùs persolui-
mus; quantò de ipsius glorificatione, per tam mirabile signum certiores esse meruimus.

*Bosonum
quā iratus
aut turbatus
apparetur.*

*Defuncti
Bosonis fa-
cies clarissi-
ma & trans-
formata.*





DISTINCTIO QVARTA.

De alijs Monachis, ac etiam Conuersis, & Nouitijs Clareuallis.

CAPVT PRIMVM.

De Alquirino Monacho, quem Dominus Iesus morientem visitauit.

*Alquirinus
medicus
pauperum.*

Matth. 25.

*Christus
quasi recens
vulneratus
ei apparet.*

FUIT in Cœnobio Clareuallis Monachus quidam professioni suæ morum integritate concordans, Alquirinus nomine, vir religiosus atque spiritualis: sobrius in victu; humilis in vestitu, & durus admodum castigator corporis sui. Ita namque circumcisus ac temperans erat, in ijs quæ ad vsum corporis pertinere videbantur, vt omni voluptate & vanitate depulsa, ipsis necessarijs etiam parcissimè vteretur: licet occasio certum limitem excedendi se ei frequenter ingereret. Erat enim peritus in arte medicinæ: & quamvis magnates & nobiles terræ operam ejus incessanter expeterent, & inuitum & renitentem per diuersa loca distraherent: ipse tamen super egenos & pauperes magis intelligens, omnimodam eorum curationi sollicitudinem impendebat. Nec modò ipsorum ægrotudines liuorésque curabat: sed & languentiū putridas carnes & sanie defluentia membra ita dignanter, ita diligenter proprijs manibus contrectabat, vt Christi vulnera fouere putaretur. Et verè sic erat. Totum enim pro Christo faciebat: & totum sibi Christus imputabat, qui misericordiæ opera sectantibus in fine ditatus est. *Infirmus fui, & visitastis me.* Vnde & ipse Dominus famulum suum secretis consolationibus sepius visitabat, & ad opus ministerij hujus mirabiliter incitabat. Quadam igitur vice vidit hujusmodi visionem in Clareualle. Inprimis audiuit, quasi quemdam præcursorē cœlestem præconaria voce clamantem & dicentem. Ecce Christus venit; surgite & occurrite obviam Salvatori. Cumque omnes certatim ad videndum Dominum properarent, tunc & ipse cucurrit, & stetit in ostio claustrī, per quod venturus esse sperabatur. Itaque ingrediente Domino, accessit & adorauit eum: flagitans, vt acciperet benedictionem & misericordiam à Deo salutari suo. Qua percepta cœpit eum attentius intueri, & miro pietatis affectu cōpatiebatur illi. Siquidem apparebat ei veluti dolens & infirmus, confixus clauis & lancea perforatus: ac si eadem hora de cruce depositus esset, ita vt sanguis vbertim de plagis recentibus emanaret. Porro ipse Dominus linteolos mundos, quasi corporalia tenens, eisdem vulneribus imprimebat: & cruore deterso in terram projiciebat eos. Quos frater ille cum summa veneratione recolligens, ac multa deuotione deosculans, quasi redemptionem animæ suæ in sinu suo repositos conservabat. His & hujusmodi reuelationibus frequenter à Domino recreatus, non cessauit vsque in finem operari bonum ad omnes: maximè autem ad peregrinos & pauperes ægrotantes. Quàm verò rigidus in pœnitentia seruanda, quamque districtus castigator corporis sui fuerit, ex hoc satis apparet, quòd cum indigentibus cunctis cum feruore charitatis curationis operam impenderet: se solum ab hujusmodi cura excipiebat. Licet enim valetudinarius esset ac debilis corpore, numquam ta-

men ac-

men acquieuit carnalem sibi met impendere medicinam: sed totum se Deo committebat, quoniam ipsi cura est de nobis. Sciebat nimirum, virtutes animæ in corporis infirmitate perfici: nec posse Monachum spirituales à Domino consolationes percipere, qui consolatiunculas carnis suæ tenere sollicitus, gustare & videre negligit, quoniam suavis est Dominus. Cursu itaque vitæ suæ laudabiliter peracto, cum jam tempus instaret, quo pro laboribus & sanctæ pietatis operibus eternam mercedem acciperet, infirmitate correptus ad extrema peruenit. Cùmque venerabilis Abbas Pontius, cujus supra meminimus, ad eum gratia visitationis venisset, quæsiuit ab eo, quid ageret, vel quomodo se haberet. Ille verò respondit. Bene, carissime Pater, bene omnino agitur mecum: quia vadens vado ad Dominum meum. Quid ergo, inquit? Corporalem molestiam egrè non toleras, & mortis angustias non formidas? Ego, inquit, omnia tranquilla, omnia læta considero: quia jam præuentus sum à Domino in benedictionibus dulcedinis, quæ omnem mihi mœrorem à corde, & omnem penè dolorem à corpore tulit. Respondens itaque Abbas dixit ei. Obsecro te, dilecte mi frater, ut propter Deum dicas nobis ad ædificationem nostram, si tibi diuinitus aliquid est reuelatum. Tunc ait illi. Modò antequam huc intrassetis, apparuit mihi, licet misero & indigno, Dominus Iesus Christus: qui propitiò ac sereno vultu me intuens, ac signa beatissimæ passionis suæ ostendens, ait. Ecce peccata tua deleta sunt à facie mea. Veni ergo securus; veni & vide, ac deofculare vulnera mea, quæ tantum dilexisti, & toties confouisti. Tali ergo promissione firmatus, jam mori non timeo: quia reposita est hæc spes mea in sinu meo. Et scitote, quia proxima nocte, (erat autem vigilia Beati Martini,) migraturus sum, dum opus Dei celebrabitur in Ecclesia, & tali hora. Defunctus est ergo eadem nocte, & eodem tempore, quo prædixerat: jamque, ut verè confidimus, requiescit à laboribus suis; & tamquam columba super niuem dealbata nidificat in foraminibus petræ: id est, sacratissima Christi Domini vulnera complectendo adorat: qui est super omnia Deus benedictus in sæcula. Amen.

*Egrum
Ch. pater
parit.*

*Apocal. 14.
Cantic. 2.*

Caput II.

De fratre mirabilem gratiam compunctionis habente, quem Dominus magnifice consolatus est.

FRATER quidam de eodem Monasterio, dum pro peccatis suis, quibus Deum nimis offenderat, pavidus & anxius tota die contristatus ingrederetur, fletibus & lamentis finem imponere recusabat: sciens nimirum, confessionem oris absque contritione cordis ad promerendam veniam minùs sufficientem coram Deo judicari. Cumque volumen timoris Dei, in quo scriptæ sunt lamentationes & væ, salubri amaritudine ventrem conscientiae ejus aliquamdiu amaricasset, Diuina tandem aspirante gratia, membrana charitatis Dei, in qua scriptum est carmen, facta est in deuotione cordis ejus, tamquam mel, dulcis. Cœpit namque jam primitias quasdam laborum suorum prægustare, & experimento discere, quoniam sacrificium spiritus contriti & humiliati Deus non despicit. Nam cum in tanta amaritudine, quam prædiximus, continuè conuersaretur, nocte quadam vidit in visione Dominum Iesum Christum, tamquam Sacerdotalibus ornamentis indutum, & Missam cele-

*Religiosi
pro peccatis
compunctio.*

Ezech. 23

Ibid. 6. 32

Psal. 50.

*Christus lacrymas
Magdalene populo
ostendit.*

Mat. 11.

Visio.

*Visio
expositio.*

*Remissio
peccatorum
quo signo
ostensa.*

brantem. Quoties verò juxta ritum sacrificij se ad populum conuertebat, tollens in manibus suis calicem de Altari, cunctis qui aderant, videndum offerebat. Porro in ipso calice nihil aliud erat, nisi tantummodo lacrymæ, quibus beata Maria Magdalene pedes ejus in domo Simonis flendo & pœnitendo rigauerat. Cùmque prædictus frater secus pedes Domini positus ista videret, percunctatus est eum, dicens. Obsecro, Domine, ut quid ostendis nobis calicem istum, cum lacrymis, quæ in eo sunt? Ut videant, inquit, & sciant vniuersi, quantum mihi placet contritio cordis, & pœnitentiæ luctus, qui ad exemplum pœnitentiæ tamdiu seruaui lacrymas hujus peccatricis ad pedes meos flentis & pœnitentis. Quâtò igitur diuinæ majestati acceptabiliores esse lacrymas pœnitentiæ didicerat, tantomagis incitabatur & inflammabatur in ipso spiritus ejus: ita ut legendo, psallendo, meditando, nihil aliud quæreret, nihil aliud intenderet, nisi ut mentem ad lamenta formaret, & compunctionis gratiam in se excitaret: sciens, quoniam *Regnum cælorum vim patitur, & violenti talibus armis diripiunt illud.* Addidit autem Dominus adhuc consolari seruum suum: qui malorum suorum pœnitudine in frixorio disciplinæ continuè macerabatur. Vidit namque in visu noctis, se quasi in lacu profundissimo fluctuantem ac periclitantem. Cùmque jam euadendi spes nulla esset, en subito adfuit adiutor in oportunitatibus Dominus Iesus Christus, nudis pedibus ambulans super aquas. Qui cùm ad eum venisset, extractum de aquis dignanter leuauit miserum in sinum suum: ac posuit in prato jucundissima viriditate amœno. Considerans autem frater ille tantæ dignationis gratiam, procidit ad pedes Domini Iesu, & præ immensitate lætitiæ gestiens animo, cœpit insatiabili pietatis desiderio sibi adstringere & deosculari pia vestigia Salvatoris. Cumque euigilasset, sagaci discussione visionem examinans, lacum, in quo demersus fuerat, profundum vitiorum: sinum gratiæ in quem dignanter leuatus est, remissionem indulgentiæ: pratum floridum, in quo transpositus est, æternæ quietis viriditatem interpretatus est: & propterea tota mente conuersus ad Dominum, tamquam præteriti labores ipsius parui fuissent, in anteriora se extendere cœpit: jeunijs, vigilijs, & orationibus continuis, lacrymis & gemitibus inenarrabilibus à Domino postulans, quatenus indulgentiæ ipsius largitatem in visionis imagine sibi præostensam duce gratia in rei veritate experiri mereretur: & ut hoc ei aliquibus indicijs diuinâ pietas insinuare dignaretur. Dominus verò virtutum omnium distributor, & earum moderator, cùm laborantem continuè in gemitu suo, & panem doloris assiduè comedentem consolari decerneret: quadam nocte desiderio quo suprâ diximus validè affectus fratrum vigilijs intererat. Et ecce subito psallens & orans venit in mentis excessum. Et vidit, & ecce persona quædam nouaculam acutam & quasi insensibilem leuiter ac suauiter ducens per caput ipsius, in momento, in ictu oculi, veluti rasit ei barbam, collum, & coronam: diuinæ indulgentiæ bonitatem signo hoc flenti & supiranti declarâs. Verumtamen paucos pilos in vno tempore deferēs, quotidianarum, ut reor negligentiarum, sine quibus vita ista non ducitur, nævum denotauit. His & hujusmodi consolationibus idem frater sæpius releuatus, inspirante Domino didicit in spe veniæ respirare: & de perceptis beneficijs gratias agens ad ampliora suspirare. O felix humilitas pœnitentium! ô beata spes peccata sua perfectè plangentium: quàm potens es apud omnipotentem! quàm fa-

lè vincis inuincibilem ! quàm citò tremendum Iudicem conuertis in piissi-
mum patrem ! tantò dulciùs altissimam æternæ mundiciæ iucunditatem
perceptura , quantò nunc profundius in descensu Jordanis à lepra vitio-
rum mandari consenseris.

Capit III.

De monacho, cui Eucharistia mirabilis saporis gratiam præstabat.

FRATER quidam in sacrae Religionis obseruantia feruens & sollicitus, dum aliquando die Dominico, secundum consuetudinem Ordinis, Corpori & Sanguini CHRISTI participasset: visum est illi tunc & per totam deinceps diem, quod favum mellis dulcissimum in ore teneret. Sequenti vero Dominica, dum similiter Eucharistiam percepisset, per continuum triduum similem expertus est gratiam. Tertia quoque Dominica, dum Diuinam nihilominus alimoniam reaccepisset, tota jam hebdomada semel indultam suauitatem sentire promeruit. Ex tunc ergo & deinceps hanc panis vitae dulcedinem multipliciter & multo tempore sensit: modò rariùs, & modò crebriùs: prout dator gratiae Spiritus sanctus pauperi suo concedere dignatus est. Factum est autem, vt aliquando quempiam de amicis suis pro culpa sua objurgans, iustae invectionis mensuram supra modum excederet: nec tamen antequàm Diuinorum Sacramentorum munus ab altari sumeret, exasperatam fratris conscientiam per satisfactionem lenire curauit. Vnde factum est, vt hostiam pacificam fratre necdum pacificato percipere praesumens: pro mellea spiritualis suauitatis dulcedine, quae antea refici & recreari consueuerat, super fel & absynthium amarissima amaritudine fauces suas infectas tremebundus horreret. Quocirca reatum suum quantocyùs ad memoriam reducens, & pro culpa minùs discretæ invectionis humillima satisfactione poenitentiam agens, Apostolicam illam sententiam de cætero sollicitiùs obseruare curauit, in qua ait. *Vos qui spirituales estis, huiusmodi instruite in spiritu lenitatis.* Attendat, quæso, istud exemplum, quicumque æmulatores Ordinis sunt: quicumque zelo iustitiae accensi, feruent spiritu: attendat, inquam, & cautiùs obseruent: ne fortè modum iustae correptionis in arma vertant furoris: & emendationis poculum, quod fratribus propinare conantur, tam sibi, quàm alijs, pro indiscretionem in perniciem trahant: dum & seipsos per iram dilaniant, & quæ emendare debuerant dum exasperant, exulcerant, & ad excusandas excusationes in peccatis prorumpere compellunt.



*De Monacho multa Dæmonum certamina perpeſſo, qui Dominum IESVM
CHRISTVM videre meruit.*

*Monachus
gemina pu-
trigenies.*

*Signo crucis
& salutati-
one B. Vir-
ginis damo-
nes fugat.*

*Quales ap-
pareat ei da-
mones.*

AD confutandam pigritiam, & excitandam deuotionem nostram, vnū de bellatoribus proferem⁹ in medium: qui in Cænobio Clareuallis ab adolescentia sua vsque ad decrepitam ætatem sub Monasticę disciplinę iugo desudans, tam multiplicia & acerrima Dæmonum certamina perpeſſus est, vt nisi Spiritus adiuuisset infirmitatem ipsius, tantam larvalium umbrarum malitiam caro & sanguis sustinere nequaquā potuisset. Hic itaque in omni sanctitate & iustitia Dño seruiens, & corporis integritatem magno Dei munere à matris vtero conseruauit: cui & Domin⁹ in testimonium geminę puritatis multa de secretis cælestibus reuelare dignatus est. Quadam igitur vice dum diutius protelatis vigilijs in quodam diuersorio solus oraret, inhorruerunt subito pili carnis ejus, & præter solitum turbari cœpit à facie nocturni. Et ecce turba Dæmonum glomeratim per ostium irruens, & quasi se invicē à multitudine introeuntium comprimens, totam domum impleuit, ita vt vndique perstrepsens, ipsum quoq; orantem hincinde converteret. Quod vbi ille persensit, illico signo crucis armatus, crebras venias petere cœpit: & beatæ Virginis salutatione eos extrubauit. Nocte verò sequenti cū eūdem locum orationis gratia repetisset, ecce iterum contrarię potestates in impetu furoris accelerantes, domicilij parietem lapideum ita validissimè percusserūt, quomodo percutit aries ad murum applicatus: ita vt domū totam quaterent. Cumque vir Dei leuaret oculos suos contra fenestram magnam in eodē pariete apertam, in ea vidit consistere Dæmonem quemdam pennatum, ad instar gryphi aut strutionis: qui ei minaciter imminabat, quasi mox ruiturus in eum, atq; deuoraturus. Quo viso, machinamenta Dæmonis animaduertit: & invocato Saluatoris nomine, efferato prodigio signum crucis opposuit, ac fugauit. Multa ejusmodi ludibria atq; certamina passus multo tempore, ferire & referire non destitit luctator egregius, jugi intentione contra spirituales nequitias luctamen sine fœdere exercens. Accepit autem hanc gratiam spiritualem à Domino, quam perpauci homines assequuntur. Nam quoties voluisset, intentis luminibus in aëre solitus erat videre corporis oculis per diem globos Dæmoniorū stipatis agminibus passim ubiq; vagantium: quorum tanta est infinitas, vt præ immensitate estimari non valeat. Qui cū multiformiter soleant apparere, vna tamen est forma, vel potius informitas, in qua frequentius eodē conspicabatur. Igitur secundum corporis lineamenta monstruosi homines esse videntur, statura gigantes, colore Æthiopes, agilitate angues, leones ferocitate: capitibus grossis atque turgidis, ventribus prominentes, corporibus curti atque gibbosi sunt: colla quoque producta habent, & exilia brachia, nihilominus & crura longissima præferunt. Quando autem alicubi in aëre sistunt, tunc eorum corpora membratim discernuntur. Quando verò discursu gyrouago huc illucque vagantur, tunc nihil ex eis, nisi tantum laruales umbræ & turbidi glomeres deprehenduntur. Porro serenis diebus, quando sol in virtute sua lucet, tunc visiones hujusmodi frequentius cernere solebat, & clari⁹ discernere. Huic venerabili viro beatus Augustinus eximius Ecclesiæ Doctor quodam tem-

pore pervisionem apparuit, ducens illum per innumera loca pœnarum, usque ad ipsum putei gehennalis ingressum: in quem ex alto prospiciens, tremantibus mēbris, & palpitante anima præ timore intolerabili, vidit illam tartaræ abyssi voraginē plenā clamoribus horrendis, atque execrandis vultibus miserorū viuentiū semper in igne deuorante: quibus est mors amarissima, mors omniū pessima, mori scilicet non posse. Inde reflexo gradu eductum de loco horroris & tenebrarum, transtulit ad regionem felicium gaudiorum: ostendens ei lucifluas sedes & mansiones beatissimarum animarum, vbi corporibus exutæ, vita incorruptibili vivebant: atque in pace Christi, quæ exuperat sensum, regenerationem corporum suorū expectantes, felicissimè quiescebant. Tunc ait illi Sanctus Augustinus. Ecce vidisti fines vltimos boni & mali: elige, quod bonum est in oculis tuis. Si viam iustitiæ, quæ in libris meis copiosè digesta est, tenere decreueris: portionē accipies in terra viuentium cum omnibus istis. Si verò post concupiscentias tuas ire volueris, in gladio numerandus es, cum ijs quos vidisti, terribili quidem, sed iusto Dei iudicio projectos in anathema obliuionis. Finita itaque visione, cum fuisset ad se reuersus homo, totus infremuit, totus vehementer inhorruit: duplici nimirum constrictus articulo: tum ne beatorum gloriam amitteret, tum etiam ne pœnam reproborum incurreret. Ex tunc verò & deinceps, cœpit beatissimum Doctorem Augustinum dulciùs amare, & dicta illius sapidiùs ruminare. Contigit autem aliquando, vt infirmaretur in Domo-Dei, quæ est Abbatia Ordinis Cisterciensis, sita in pago Bituricensi. Porro ibidem tunc ægrotauit ad mortem frater quidā honestæ conuersationis. Qui cum jam in area positus esset, casu accidit, vt infirmarijs absentibus spiritum exhalaret. Prædictus verò frater, cum ibidem in stratu suo recubans graui corporis molestia langueret: reuelante sibi Dño vidit manifestè corporeis oculis animam illam longo tractu à corpore exeuntē: & quasi fumum incensi de thuribulo procedentem. Quæ cum tota fuisset egressa, collegit se in vnum globum, & stetit supra corpus in aëre suspensa, altitudine quatuor aut quinque cubitorum. Erat autem species ejus tāquam nubecula condensata atque perspicua: & quasi ad mensuram vnus modij oppansa. Mansit ergo ibidem immobilis: vsquequo fraternis orationibus comitata, & sacerdotali cōmendatione munita, periculosi atque ignoti itineris ducatum accipere mereretur. Quod cum frater ille videret: sonitu & voce qua potuit, infirmarios evocauit. Qui protinus accelerantes, tabulam defunctorū pulsauerunt: & fratres ad exequias concurrerunt. Præsente verò Conuentu cum cruce & aqua benedicta, cum jam sacerdotalis cōmendatio esset initiata: tunc anima illa quasi secunda processit, & nebula illa quæ videbatur, euauit. Alio quoque tempore accidit, vt præfatus vir Dei die Dominica diuinis interesset officijs in Ecclesia quadam parochiali. Dicta itaque offerenda, cum jam ministratio panis & vini aqua mixti sacræ fuisset mensæ imposita: protinus apparuit ei Dominus Iesus, stans super eandem aram in forma parvuli præ filiis hominum speciosi, ita manifestè atque morosè, vt vsq; ad consummationē sacrificij ipsa propemodū visio perseveraret. Verumtamen Presbyter ejusdem loci, qui missam celebrabat, homo inhonestæ vitæ, atque flagitiosus erat. Quādiu ergo Sacerdos ille, seu fideiū oblationes recipiendo, seu sermonem, vt in die festo fieri solet, ad populum proferendo,

S. Augustinus cum deducit ad putei infernalis ingressū.

Deinde ad regionē gaudiorum.

Anima à corpore egressa stans supra corpus.

Inchoatā commendatione abis anima.

Apparet Christus in missa Presbyteri impij.

seu aliquid aliud faciendo, dorsum ad altare habebat: tamdiu sanctus infans ante calicē stabat. Quādiu verò Sacerdos ad sacramentum faciem tenebat, tamdiu sanctus ille puerulus, tamquam immundum Presbyteri halitum exhortens, longè remotus ab eo, post calicem consistebat. Quod cum frater ille conspiceret, compunctus est vehementer, & totus in lacrymas resolutus, ita ut inundatio lacrymarum à contuitu dulcissimi Redemptoris oculorum ejus aciem interdum præpediret. Completa autem reuelatione, glorificauit Deum, qui sibi talia dignatus est demonstrare: & verè cognouit, quòd distantia meritorum minimè faciat discrepantiam sacrificiorū: quoniam Sacramenti effectus nullatenus constat ex virtute & merito Sacerdotis: sed ex institutione & gratia Saluatoris.

*Missa mali
Sacerdotis
bona, æque
ac boni.*

Caput v.

De Seniore, cui Dominus IESVS in die Parasceues vigilanti apparuit.

[Per Parasceuen hoc loco intelligitur dies, quo memoria passionis Christi in Ecclesia celebratur. Apud Iudeos enim qualibet feria sexta Parasceue dicebatur, id est præparatio: quia illo die præparabantur cibi & alia necessaria ad sequentem diem sabbati, quo nec cibos coquere, nec aliquid huiusmodi facere licebat. Quia ergo Christus in parasceue Paschæ crucifixus est, dies passionis ejus parasceue appellatur. Nec enim Ecclesiastici viri dies Idolorum nominibus vocant, ut solent prophani, qui dies Martis, Iouis, Veneris, &c. velut Ethnici, dicunt.]

MONACHVS quidam præfati Monasterij, religione pariter & ætate provecus, dum aliquando die sancto Parasceues sederet in claustro, librum ante se habens: apparuit ei Dominus IESVS CHRISTVS, manibus & pedibus in cruce expansis, ac si eadē hora fuisset crucifixus. Quæ scilicet visio felicissima, quamuis brevis & penè momentanea fuerit, adeò tamen manifesta atque efficax extitit: ut visionis ipsius deuota memoria de corde videntis vltiùs deleri non potuerit. Sicut enim qui camino ignito oleum injicit, totum flammescere facit: sic gratia reuelationis hujus præcordia senis illius longo sanctæ conuersationis vsu ignita, sacri desiderij flāma perampliùs & perfectiùs illustrauit: vnde & ascensiones in corde suo disponens, de virtute in virtutem proficiens, quadragesimum, ni fallor, in Ordine supergressus est annum: tandemque corruptibilis carnis onere deposito videre meruit, non in imagine infirmitatis, sicut antea, sed in gloria maiestatis, Deum Deorum in Sion.

*Apta famili-
li iudo.*

Caput vi.

Quàm misericorditer Dominus quemdam Clericum, ut conuerteretur, admonuit.

INEFFABILIS DEVS, & ineffabilia opera ejus. Quis enim dignè effari queat, quàm mirabilis sit in sanctis suis: quàm miris & multiplicibus modis in tempore vocet, quos ab æterno præsciuit, & prædestinavit conformes fieri imaginis filij sui: ita ut etiā nonnullos ex ijs qui per flagitia in massa perditionis penitus absorbendi videbantur, potenti virtute eruens, transferat in regnum claritatis ejusdem dilecti filij sui? De quorum numero Clericum quendā iuuenem, diuitē, nobile, sæculo pna intentione deditū, de voragine

*Prædestina-
tio.*

voluptatum paterna castigatione clementer eripiens, docuit non sperare in incerto diuitiarum, nec lubricæ ætatis petulantiam sequi: sed per duros labores pœnitentiæ ad veras diuitias æternæ vitæ peruenire. Hic itaque delicatus adolescens aduertere nolens, ideo ferias Clericis à sanctis Patribus institutas, vt vacarent & viderent, quoniam Dominus ipse est Deus, non vt scacis aut aleis, seu quibuscumque diabolicis nugis intenderent, solebat frequenter cum coæuis & sodalibus suis, spectaculis & ludis varijs diē perdere. Quadam igitur vice cum ad aliquam domum jocandi causa multi confluerent, vt theatricis plausibus & nugis diē ipsum solito more consumerent: accessit etiam illuc præfatus adolescens, vt & ipse pasceret hœdos suos de spectaculo vanitatis. Erant autem illic aléatores quidam cum aleis ludentes: quos vt melius ex alto prospiceret, super mensam ibidem positam pronus accubabat. Et ecce facta est super eum subito quasi manus hominis, ipsum inuisibili flagello diutius cædens, quæ caput illius & humeros ac dorsum totum veluti pilo desuper feriente crebris ictibus tundeat. Ipse verò jacebat immobilis; quid faceret, quo se verteret, ignorans. Volebat præ nimia doloris angustia in vocem clamoris & planctus erumpere: sed præ pudore, propter frequentiam circumstrepentis populi non ausus, ne velut insanus reputaretur, molestiam verberum ægerrime ferebat. In semetipsum verò reuersus, & mortem quasi jam imminentem præ oculis habens, arguebat se in conspectu Domini, gemens in amaritudine animæ suæ, & dicens. Eia mihi Domine Deus meus. Nunc inuenerunt me peccata mea: & ecce jam morior, & ad inferos cum dolore descendo, carens pœnitentiæ fructu. O pater misericordiarum Domine Deus meus, si respiciens videris afflictionem peccatoris in angustia constituti, & me, licet indignum, de præsentis periculo misericorditer eripueris: promitto, voueo, spondeo, quoniam non ero ingratus beneficijs tuis: sed continuo spretis cunctis quæ sunt mundi, seruum me tibi tradam sempiternum. Dum hæc & similia in corde coram Domino loqueretur: facta est vox ad ipsum, dicens. Si Claramvallem conuersionis gratia adire volueris: & in anima & in corpore saluus eris. Ad quæ vocem respirans, & à Domino se visitatum intelligens, illico respondit. En trado me seruum Deo, & domui Clarævallis. Adhuc eadem verba in corde volvebat, cum mox recedente flagello, totus etiam dolor euauit. Sentiens autem factam in se misericordiam, continuo non acquieuit carni & sanguini: & si ita equitatura ad manum fuisset, ne vnus quidem horæ morulam sustinisset, quin incontinenti votum quod vouerat, persolveret. Neque enim carnalem illam cogitationem admisit, vt domum rediret, parentes & amicos consuleret, domum familiamque disponderet, redditus, agros, censusque locaret: sed omnia hæc abrumpens potius quàm soluens, & cuncta hæc propter Christum arbitratus vt stercora, eadem die comparata equitatura, in crastinum summo mane iter arripuit: à facie sæculi, tamquam à facie leonis fugiens, vt maneret in solitudine. Ferventissimo itaque desiderio veniens ad solutionē voti Clarævallē, quæ prius vallis absynthialis dicebatur; fratribus quoque modum & ordinem suæ conuersionis exponens, tantò jucundiori charitate susceptus est, quantò per hæc iudicia Domino vitam conuersationemque suam placere, fratres illi humiliter præsumebant. Susceptus itaque & probatus, Domino quoque donante fidelis inuentus, veterem hominem cum suis actibus exuit: & novum, qui secundum Deum

Festa ad colendum Deū instituta, nō ad ludos, &c.

Verberatur inuisibiliter Clericus.

Orans mouetur adire Claramvallem.

Suscipitur in Claravalle.

*Apocal. 3.
Ezobr. 12.*

creatus est in iustitia & sanctitate veritatis, induens, tanta instantia Cisterciensis Ordinis arduos labores usque ad finem vite sue complexus est, ut cunctis sanctissimam conuersationem ejus intuentibus liquidò pateret, primam illam conuersationis ejus vocationem verè ab illo fuisse, qui eos quos amat, arguit & castigat: omnemque filium quem recipit, paterna pietate flagellat.

Caput III.

De Nouitio, quem beatus Bernardus sapius in visu visitauit.

*S. Bernard.
Canonico
apparet.*

FRATER quidam de Ordine Regularium Canonicorum, cum esset proficiendi audus, atque charismatum meliorum æmulator, desiderabat desiderio magno beati Bernardi magisterio subjici, & Clarevallensium collegio sociari: licet hoc, ipso sancto Patre viuentē, consequi minimè potuerit. Quo decedente, audita fama pretiosæ mortis ejus consternatus est animo vehementer; miserum se, atque indignum clamitans, quod voti sui compos fieri non meruisset. Post autem paucos dies apparuit ei in visu idē venerabilis Pater, quasi strenuus operator præcinctus ad laborandū in agro latissimo, in quo manipuli triticeæ messis innumerabiles esse videbantur: ex quibus multitudinem magnam in acervum grandem congererat: reliquis verò qui supererant, qui etiam multò plures erant, comportandis & coacervandis pertinaciter insistebat. Quod cum vidisset, intellexit illico congeriem illam manipulorum figuram tenere multitudinis fratrum, quā idem egregius prædicator, quamdiu vixit in carne, Christo Domino aggregarat: adhuc autem restare innumeros, qui ejus meritis & exemplis ad saluationis gratiam essent perducendi. Vnde multum exultans, seque vnum ex illis fore, non desperans, Claramvallem, quā citius potuit, adiit: postulans & impetrans se ad probationem admitti. Qui dum adhuc ibidem nouitius esset, & beati viri memoriam penè incessanter atque insatiabiliter animo volueret, quadam die Dominica circa finem vigiliarum fatigato illi, & modis pluribus afflicto, cœpit obrepere sopor. Et ecce apparuit ei reuerendissimus Pater, cujus amore flagrabat, dignanter alloquens eum, & monens de dirigenda ad Deum jugiter intentione, cum quotidiana lacrymarum effusione. Quod si faceret, diuinam miserationem, & suam ipsius visitationem securus expectaret. Et cum ista dixisset, recepit se in tumbam suam, quæ ibidem coram altari beatæ Virginis matris posita erat. Quæ videlicet receptio tam euidentis fuit: ut frater ille nesciret, utrum dormitans, an vigilans hoc vidisset. Cumque aperuisset oculos, & pijsimi Patris admonitionē dulci recordatione pensaret, subito iterum apparuit illi jam plenè vigilianti & corporeis oculis intuumdum se obtulit. Stabat igitur comminus coram ipso, ita ut manu tangi facile posset: diligenter eum considerans, & quasi explorās, utrū dormiret, an vigilet; more eorū, qui excitant ad vigilias dormientes. Quem cum nouitius stupidus & attonitus intueretur, protinus ille qui videbatur, euauit: & quod mirum dictu est, visum est illi, quod quasi sensibiliter præcordijs ejus illapsus fuisset. Vnde vehementer accensus in amorem Dei & ejusdem beatissimi viri, ad susceptionem nouæ vitæ in gaudio & exultatione spiritali de die in diem instituebatur. Denique sequenti nocte cum vigilijs fratrum similiter interesset, talem ac tantam diuinæ visitationis gratiam ibidem expertus est, qualem ac quantam in vita sua numquam antea senserat: quod totum utique meritis ejus, quem diligebat, se

*Rursus eidē
apparet
sanctus, &
de agendis
monet.*

*Tertio ei vi-
gilanti visus*

obtinuisse

obtinuisset, gratulatus est. Cumque per dies plurimos memoriam abundantiae suauitatis hujus recolendo frequentius eructaret, fundebat vberim dulces & pias lacrymas, quibus die noctuque satiari non poterat. Transacto autem anno probationis ejus, sacrum habitum cum multa deuotione suscepit: vesté innocentiae, qua non tam foris quam intus vestitus fuerat, jugi meditatione perpetuaque sollicitudine illibatam seruare contendens: sicque post vestigia venerandi Patris, quem vnice diligebat, indefesso studio pro modulo suo gradiens, & vitam suam in bona perseuerantia consummans, illi, vt confidimus, est associatus in caelis, cujus in terris positus consortium ardentem desiderauit, & vigilanter requisit.

Caput VIII.

De Monacho, cui Dominus Iesus Christus semel & secundo apparuit.

Alius quidam in eodem Cœnobio nouitius frater, cum ex toto corde Dominum querere proposuisset, conjunctis siue expansis manibus frequenter orare solitus erat: vbi tamen oportune id facere potuisset. Quadam itaque nocte in principio vigiliarum, cum esset in choro, clausis oculis, manibusque protensis ad Deum intendens, subito adfuit ibi Dominus Iesus Christus, loquens ad eum, & dicens. Porrigere mihi manus tuas. Ad hanc itaque vocem cum aperuisset oculos frater ille, multum obstupuit: sed vtrum dormiens an vigilans hoc audisset, non facile discernere potuit. Ex hac autem voce multum fervorem, multamque deuotionem mente concipiens, eandem formam orandi seruare deinceps sollicitus fuit. Post aliquantum vero temporis, cum jam Monachus factus in quodam ejusdem Ecclesiae angulo secretius staret, intento animo junctisque manibus, sicut solebat, orans, subito fuit in spiritu. Et ecce astitit ei Dominus Iesus Christus, suppositis atque expansis manibus suis manus illius excipiens, & quasi ad professionem admittens. Quo facto cum fuisset homo reuersus ad se, gaudius est gaudio magno valde: jamque felici doctus experimento certissime credidit, vbi que diuinam esse praesentiam: maxime vero, sicut testatur Legislator noster S. Benedictus, quando operi Dei, siue orando, siue psallendo, insistimus.

*Alloquitur
Christus no-
uitium.*

*Quasi ad
professionem
eum admit-
tit.*

*S. Benedic-
in cap. 19.
Regula.*

Caput IX.

De fratre Anselpho, qui vidit Dominum Iesum in cruce pendentem.

MAGNAE deuotionis vir, & magna praeditus gratia, nomine Anselphus, cum adhuc esset in Claravalle nouitius, vidit in visione apparentem sibi Dominum Iesum Christum, tamquam in cruce pendentem. Erant autem, vt sibi videbatur, ibidem duo alij nouitij, qui secum erant in probatione. Cum ergo suppliciter Dominum adorasset, & vt sui sociorumque suorum miseretur, humillima prece rogaret, motus misericordia pius Dominus respexit ac benedixit eum; & alterum cum eo supradictorum nouitiorum. Cernens vero nouitius, qui haec videbat, tertium illum Dominica benedictione minime roboratum, fraterna pietate commotus, cepit attentius rogare Dominum, ne ipsum a largitate suae benedictionis excluderet. Respondit autem Dominus, nequaquam illum esse benedicendum; sed magis ad massam pertinere maledictorum. In his verbis euigilans nouitius ille, de benedictione, qua cum socio suo a Domino benedici meruerat, oppidò gratulatus est: sed quidnam de illo, de quo tam tristem sententiam audierat, futurum foret, dubius expectabat. Post diem itaque ter-

*Christus du-
os benedicit,
tertium pro-
terit.*

*Malgerus,
quasi mala
gerens.*

tium tertius nempe neophytus trinitatis vinculum rumpens, ut tristem sui nominis etimologiam exprimeret, Malgerus siquidem vocabatur, Ordine derelicto reuersus est ad vomitum vitæ secularis, & factus est apostata vilis. Reliqui autem duo, qui benedictione Domini firmati fuerant, ipso miserante benedictionem hereditate possederunt: & quoniam ad sortem benedictorum Domini pertinerent, in proposito suo iuste & pie usque in finem vitæ perseuerando, declararunt.

Caput x.

De fratre qui dexteram Domini se benedicientem in visu deosculatus est.

FRATER quidam ejusdem Cœnobij, cum se ad querendum Dominum magno desiderio conuertisset, & pij Salvatoris nostri Domini Iesu Christi memoriam dulci meditatione continuè ruminaret: vidit illum quadam vice in visione sibi apparentem. Sollicitus autem de sua salute, flagitabat obnixè salutiferam ejus benedictionem, dicens. Obsecro, Domine, benedic mihi, ut saluus fiam. Pius verò Dominus, qui propterea pauperi suo apparere dignatus fuerat, ut aliquam stillam dulcedinis suæ ipsi misericorditer impenderet, eleuata sancta dextera sua, benedixit eum. Qui protinus sibi in eadem visione videbatur inenarrabili gaudio repletus, & pia præsuppositione apprehendens beatissimam dextram, à qua benedici meruerat, cum ingenti deuotione deosculabatur eam, atque dicebat. Gratias ago tibi, Domine Iesu Christe: quia benedixisti mihi, & saluus ero.

Caput xi.

De fratre, qui vidit B. Mariam Magdalenam in visu.

ALTERI cuidam fratri religioso atque deuoto, datum est in spiritu videre B. Mariam Magdalenam splendidissimo vultu & habitu ante altare stantem. Qua visa repletus est frater idem lætitia magna. Cumque cogitaret animo, optando atque supplicando, & cum magno æstu sacri desiderij suspirando, quatenus ei beatissima Dei genitrix virgo MARIA, cui deuotissime die noctuque seruiebat, similiter monstraretur, facta est vox ad eum in ipsa visione dicens. Nosse te conuenit, quod necdum idoneus es, ad sublimissimam immaculatæ Dei genitricis & Virginis claritatem contuendam. Satage ergo, cresce & profice, quantum poteris; ut eam quandoque videre merearis.

Caput xii.

De magno profectu cuiusdam Monachi Laici.

Jerem. 9.

NON gloriatur, ait Dominus per Prophetam, sapiens in sapientia sua: neque dives in diuitijs suis: sed in hoc gloriatur, qui gloriatur, scire & nosse, me: quoniam ego sum Dominus. Hanc diuinæ scientiæ formulam perfectius imitati sunt ij, qui sub beato patre nostro Bernardo in Claravalle cælestis Philosophiæ disciplinis imbuebantur, non solum literati, & in mysterijs sacre legis eruditi viri multi, verumetiam Laici & illiterati quamplures: qui et si humanæ scientiæ fabricam, per quam ad perfectionis culmen niterentur, minimè consecuti sunt, habebant tamen gratiam illuminantem, & spiritum viuificantem, qui de omnibus quæ oportebat, sæculari scientia incomparabiliter efficacius eos docebat. Talium quidam Monachus Laicus, non litera doctus, sed spiritu, cum esset feruens in opere Dei, charismatūque meliorum: haud segnis æmulator, didicerat Spiritus sancti magisterio non altum sapere, sed semetipsum in omnibus humiliare: sacre religionis stu-

dia, quæ in moribus contubernalium suorum duce humilitate sedulus scrutabatur, magna & præexcelsa æstimare: suas verò virtutes, quibus non mediocriter pollebat, eorum consideratione prorsus despicere. Sicque factum est, ut eminentia sanctæ humilitatis illos præcelleret, quibus in alijs virtutibus impar non erat, dum, (quod rarum valde in humano genere est,) continuè, quid sibi deesset, vel quibus alij floreret virtutibus, non inuidiosus, sed pius scrutator, attenderet. Contigit autem, ut taliter affectus, quadam vice solènis fratrū vigilijs interesset. Tum verò lethali negligentia seu somnolentia propulsata, consuetudinaria corripuens arma, quibus ad bellandū inimicum nihil efficacius esse, fortassis nesciebat, cœpit sua sibi peccata proponere, negligentias quotidianas distriktè discutere: se miserum, se reum, se peccatorem, coram oculis summæ maiestatis accusare: consequenter etiam fratrū suorum, sicut solebat, vitam conuersationēque magnificare & beatificare. Ceterum præ omnibus vnū, quem gratia virtutum multos alios excellere non semel notauerat, secretario cordis humiliter inducens, ipsius humilitatem, charitatē, patientiam, & continentiam, ceteraque spiritualis gratiæ charismata, quæ in illo seruo Dei inueniebat, religioso vsque ad vnguē scrutinio rimabatur, seque in ejus comparatione non nisi pulverem & cinerē reputabat. Denique sanctę humilitatis ardorem, quem in tam sublimi contemplatione conceperat, ferre non valens, sūmo diluculo, tempore quo regulariter loqui posset vix expectato, reuerēdissimū P. Bernardū signo in auditoriū trahit, veniam petit, circūfusa sibi mœstitia internū cordis prodens dolorem. Requisitus quid causæ haberet, vę, inquit, mihi misero peccatori omni bono prorsus vacuo, qui hac nocte in illo tali fratre nostro triginta virtutes, quibus omnibus pollet, numeravi: quarum ne ultimā quidem seu minimam in me mendico reperire præualeo. Rogo ergo te, Domine pater, ut digneris intercedere pro me ad Dominum: quatenus tuis sanctis meritis & precibus virtutū opera consequi merear, quæ peccatis meis exigentibus hætenus habere non potui. Audiens spiritualis magister altissimā discipuli sui humilitatem, cujus religionem optimè nouerat, licet ipse qui ea clarus erat, felici ignorantia se eā habere nesciret, gaudius est gaudio magno valde: desiderans & optans, cunctos sibi commissos ita semper in virtutibus proficere, ut tamen religiosa infirmitatis suæ consideratione se proficere quodāmodo nescirent. Quanta verò admiratione dignum censuerit tantæ humilitatis præconiū, per hoc euidentius innotuit, quod in sermonibus in conuētū fratrū habitis, ejusdem fratris aliquoties debita cum laude meminit: asserens, nullam ex omnibus virtutibus, quas idem verè Monachus in simplicitate cordis sui enumerarat, tantæ fortassis excellentiæ fuisse, quantæ pia contemplantis erat humilitas, qui negligentiores & infirmiores quosque juxta se positos nec videbat, nec attendebat: solos illos pertinaci studio præ oculis habens, quos vita & moribus spectabiles esse sciebat: quatenus eorū comparatione sibimetipsi vita sua in oculis suis vilesceret.

*Vita humi-
litas in des-
pectione sua
est.*

*In alio 30.
virtutes no-
tarat, qui-
bus se carere
credebat.*

Caput XIII.

De Conuerso, cujus deuotionem S. Bernardus per spiritum cognouit.

INstabat aliquando sacratissima solemnitatis Assumptionis, si rite memini, intemeratæ & immaculatæ Virginis Dei genitricis Mariæ: & fratres grangiariū Clarevallis ob reuerentiā tantę diei ad Abbatiam festinabant. Verū in vna ex ijs grangijs quæ viciniore erant, fuit Conuersus quidā religiosus

*Conuersi in
B. Virginis
pietas.*

*Nocte As-
sumptionis
excitatur ad
laudes Vir-
ginis.*

*Salutatio-
nem Ange-
licam sapi-
us iterat.*

*S. Bernard.
reuelata e-
ius deuotio.*

actimens Deum, qui etsi pro simplicitate sua perfectiora quæque sacrae religionis apprehendere nequibat, bonæ tamen voluntatis & deuotionis existens, piissimam Dei genitricem dominam nostram sincero venerabatur affectu. Cum autem magister grangiæ ordinaret, quinam ad Abbatiam ire deberent, vel qui ob tutelam domi remanerent, inter ceteros qui remansuri erant, eidem fratri cura custodiendarum ouium commissa est. Quam commissionem licet egerimè ferret, quoniam sperabat, & multum desiderabat, diuinis hymnis & cantilenis spiritualibus interesse, quas in honore Regine cœli à sancto illo conuentu deuotissimè persolvendas fore sciebat: nihil tamen ausus contradicere, obedientissimè paruit imperanti. Vnde accidit, vt deuotio sancta, quam mente conceperat, quamque per inquietudinem terrenæ occupationis, quam obedientia injunxerat, perdere timebat, eadem obedientia promptam voluntatem ipsius remunerante, velut ignis scintillans & exestuans in præcordijs ejus, magis ac magis dilatata feruentior efficeretur. Nocte itaque sacratissimæ celebritatis dum sollicitas excubias supra gregem suum in pascuis quiescentem feruaret, factum est, vt sonitus signi matutinalis, quo fratres ad diuinas laudes persolvendas in Cœnobio excitabantur, quodque ob conticinij silentium procul audiri poterat, aures ipsius reuerberaret. Tum verò concaluit cor ejus in ipso, & in meditatione ipsius exarsit ignis, cogitantis sanctæ illius multitudinis frequentiam, sed feruorè, sed deuotionem: quàm scilicet sincero affectu piissimæ matri misericordiæ cœlestis harmoniæ odas in commune persolverent: seu qualiter singuli quique apud se in secreto suo ejusdem beatæ Virginis patrocinium votis & suspirijs implorarent. Protinus igitur exurgens, tantæque deuotionis pro modulo suo particeps effici cupiens, versus illam plagam cœli, qua Monasteriū situm erat, vultu & animo intentus stabat. Dehinc consuetudinarijs precibus, quæ Conuersis vice Marutinarum statutæ sunt, quanto potuit deuotius expletis, cum in paupere armariolo cordis sui enixius quæreret, quid precis seu quid laudis sanctæ Theotoco dominæ nostræ offerret, vnde protelatas & in longum valde productas fratrum vigilias aliquomodo recôpensare potuisset, nihil aliud præter salutationem ejusdem piæ Dominæ, quam utcumque didicerat, se scire inuenit. Hanc itaque tamquam verbum consummans & abbreviatum, in quo plenitudo totius deuotionis inueniri posset, assumens, & oculos ad cœlum dirigens, venias venijs, suspiria suspirijs, salutationesque salutationibus superaddidit: & in tam religioso negotio reliquum noctis & diluculi partem sine tédio transegit. Diuina namque preuentus gratia, quæ tantū fervorem in corde sui pauperis accenderat, identitas mater fastidij, nouerca deuotionis, miro & contrario modo fastidium propulsabat, & deuotionem exacuebat: dum verba illa suauissima, & omni melle dulciora simplici corde prolata, itidemque crebrius repetita, fauorem & gratiam vniuersalis Dominæ oranti & suspiranti celerius impetrarunt. Denique quòd non frustra in gemitu suo laborauerit, nec incassum misericordiam à matre misericordiæ quesierit, Dominus Reuerendissimo Abbati ipsius beato Bernardo per spiritum reuelare dignatus est. Qui diuinis hymnis expletis, sacrisque mysterijs in honore præcelsæ Dei genitricis & virginis Mariæ à singulis sacerdotibus deuotissimè celebratis, cum in conuentu fratrum ob tantæ solemnitatis prærogatiuam commendandam sermonem faceret, Spiritus sancti gratia vehementer ignitum, inter cetera sic ait. Et qui-

*Verba S.
Bernardi
ad fratres
suos.*

dem fratres mei dilectissimi, dubitare fas non est, vos Domino Iesu Christo vero Regi, nec non & speciali patronæ nostræ gloriosæ Virgini matri ipsius, sanctum, beneplacens, & acceptabile deuotionis nostræ sacrificium hac nocte obrulisse, ideoque fructum laboris vestri mercedem æternam, apud Dominum & eandem benignissimā protectricem nostram, vobis repositā esse, certissima fide tenere debetis. Verumtamen scire vos volo, vnum ex minoribus & simplicioribus fratribus nostris Conuersis, quem obedientia hac nocte in montibus & silvis istis sub diuo, tantæ festiuitatis gaudia celebrare coëgerat, tam iucundum, tam deuotum, tam festiuum Dominæ nostræ Matruinarum exsoluisse seruitium, vt nullius vestrum quantūcumque suspensa contemplatio, seu intensa deuotio, ipsius deuotioni, quam non alta contemplationis sublimitas, sed submissa sanctæ simplicitatis effecit humilitas, præferri potuerit. Quo audito mirati sunt vniuersi. Præcipue verò non solum mirati, sed & gratulati sunt, & vehementer edificati fratres Laici, quos obedientia tam festiuis quàm priuatis diebus frequenter in diuersa opera trahēbat: certissimè scientes, quoniam sicut septa claustrī & parietes templi sanctum non faciunt timorem Domini negligentem: sic etiam negotia, quæ causa terrenæ necessitatis obedientia injunxerit, nil obesse poterunt puras manus in oratione levanti, puraque conscientia Domino seruire cupienti.

*Quæ ex
obedientia
suscipiuntur,
non obsunt
deuotioni.*

Caput xiv.

De visione, quam vidit frater quidam in obitu alterius fratris.

FRATER quidā sanctæ conuersationis, dignus cui Dominus secreta sua reuolare dignaretur, vidit quadam vice in visione, se quasi in infirmatorio Clarevallis positum. Et ecce pretiosa quedam indumenta de pallijs & sericis à venerabilibus quibusdam personis in eadem domo incidebantur & preparabantur. De cuius rei nouitate cum multum obstupisset, dictum est ei. Ornamenta ista, de quibus ita miraris, preparata sunt cuidam de filiabus Abbatis Clarevallis, quæ modo processura est ad nuptias. Et quia minus habet pulchritudinis in se, quàm conueniat generi suo, oportet vt habeat saltem pretiosarum fragrantiam vestium, atque decorem, vnde placeat æterno sponso: in cuius purissimum thalamum non modò macula peccati, sed neque ruga negligentiae, quod benignissimæ charitatis ipsius indulgentia non texerit, vllomodo intrare poterit. Eadem igitur hora pulsata est tabula defunctoria, & defunctus est ibi frater quidam: de quo inuentum est, quòd quamvis innocentem & mansuetam vitam duxerit, in operatione tamen aliquantulum negligens & remissus extiterit. Vnde necesse erat, vt cui gratiam absoluti decoris propria merita non præstabant, ei nimium fratres de orationibus suis copiosiore ornatum impenderent.

*Oratio iusto
rum pro aliis
indumenta
sunt.*

Caput xv.

De Monacho Laico, qui Missam per somnium didicit.

Charismatum cœlestium distributor Spiritus sanctus, qui omne datum optimum, & omne donum perfectum descendens à Patre luminum, singulis fidelibus, prout vult, dispensat, Monacho cuidam Laico & illiterato speciale ac mirabile quoddam gratiæ suæ conferre dignatus est. Hic itaque beatus homo Galterus nomine, doctis & literatis fide & deuotione non inferior, vestiarij officium in Claravalle multo tempore gerens, non secundum personarum acceptionem, sed secundum necessitates indigentium vestimenta fratribus cum multa charitatis dulcedine providebat: qui etiam

puritate innocentis vitæ tam Deo quàm hominibus carus & acceptus erat. Huic aliquando in strato suo quiescenti, persona quædam reuerenda dormienti apparuit: præcipiens, ut oratorium quantocytus intraret; & diuinæ majestati Missam deuotus cantaret. Ille verò super hujus præcepti nouitate non parum attonitus, simul etiam personæ suæ humilitatem considerans, nutabat quidem præ verecundia: sed præcipientis auctoritate pressus, nec resistere ausus, velociter paruit imperanti. Aggressus itaque insolitum opus, & sacerdotalibus ornamentis indutus, Missam de Spiritu sancto cum magna deuotione per somnium celebrauit. Cumque euigilasset, eadem Missam, quæ antea penitus, ut pote literas nesciens, ignorabat, corde tenus sciuit: & eam deinceps per plurimos annos in memoria retinuit, tantoque eam in meditationibus & orationibus suis dulcius ruminare studuit: quanto se hanc non ex humana doctrina, sed ex inspiratione diuina didicisse iucundius meminit.

Caput XVI.

De magna patientia cuiusdam Conuersi in infirmitate sua.

Conuersus quidam cum de domo Claravallis leuitate sua tertio fuisset egressus, tertioque receptus, tandem salutaribus monitis, & sanctis precibus beati Bernardi Abbatis compunctus, cœpit apostasiæ suæ præcipitium, in quo jam tertio grauiter periclitatus fuerat, totis medullis cordis horrere: quid pœnitentiæ vel satisfactionis Domino pro tam enormi reatu suo offerre posset, enixius querere. Et inspirante Domino cogitauit & intellexit, ad promerendam veniam delictorum, & ad obtinendam gratiam virtutû, nihil efficacius, nil in conspectu Domini acceptabilius esse sacrificio cordis contriti & spiritus humiliati, quod solum regno cœlorum vim facere præualet, & formidabilem cunctis diuinæ justitiæ distractionem gemitibus inenarrabilibus flectere consuevit. Hęc itaque pietatis arma corripiciens, seipsum contra semetipsum erigens, primò quidem vniuersas Ordinis obseruantias sine dissimulatrice negligentia, quantum potuit, observare studuit: & insuper quotidianis precibus & lamentis præterita sua peccata diluere sollicitus fuit: salubri prorsus exemplo stantes, ne laberentur: lapsos, ut erigerentur, informans. Ceterum disponente Domino, qui fortioribus peccatis fortiora solet adhibere medicamina, quique ineffabili pietate sua quandoq; vasa contumeliæ transfert in vasa honoris & gratiæ: ingressa est putredo in ossibus prædicti fratris, & percussus est circa femora vlcere pessimo, apostemate canceroso, & crescente in dies angustia languoris, totus distabuit: ita ut carnibus circa locum vlceris vndique corrosis ossa nudata patescerent, & vulnera vermibus scaturirent. Annis itaque pluribus in grabato carceratus & diuinæ animaduersionis flagellis humiliter subditus, quot horis vivebat, totidem penè interitionibus subiacebat. Erat ergo patienti animæ miserabilis dolor & angor à facie putrescentis corporis sui, simulque seruitoribus ejus angustia cordis immensa, præ horrore & foetore, quem tabiosum vlcus continuè exhalabat: sed laboris ac patientiæ hujus erat nihilominus remuneratio copiosa penes Deum vtrisque reposita. Satagebat autem frater idè infirmus in doloribus & pressuris suis semper gratias agere: corde credens, & ore confitens, sese recipere longè adhuc imparia meritis. Cum autem jam ad purum excocta fuisset in eo scoria peccati, ut secundum sapientis dictum, ablata rubigine de argento egrederetur vas purissimum, tandem educta est anima illa beata conflatorio purgationis: & velut argentum igne exami-

*Pœnitentia
Conuersi.*

*Flagellatur
à Deo vlce-
re graui.*

Præter. 25.

natum, munda & nitida cum ceteris misericordiae vasis translata est ad palatium summi Regis. Sed antequam de lacu miseriae & de luto facis educeretur, ad consolationem omnium verè poenitentium meruit in hac vita prælibare fructum laboris & patientiae suae: & nescio quid ineffabile de illa superna dulcedine, ad quam sine fine fruendam in proximo erat admittenda, prægustare. Qua gustata, tamquam multo coelesti inebriatus, protinus erupit in jubilum præconij coelestis. Et serenata facie coepit idiota, & qui numquam cantare & legere didicerat, cum suauissima melodia quosdam novos, multumq; delectabiles hymnos, ac modulos cantare de canticis Sion. Facta autem hac voce conuenit multitudo fratrum, videre cum grandi miraculo hominem tantis miserijs & calamitatibus oppressum in ipso mortis accessu cantando ac tripudiando morti insultantem, & quodammodo dicentem. *Vbi est mors victoria tua?* Ecce ego magnus peccator & pauperculus homuncio, quoniam stigmata Domini Iesu in corpore meo pro nomine ipsius patienter sustinui, te, larvalis vmbra, mater mœroris, gaudij exterminatrix, & vitae perditrix, non timeo, sed potius contemno: sciente absorptam, & penitus annihilatam in victoria crucis Domini mei Iesu Christi. Ita ergo præcentor noster modulizans, & *Alleluia*, quod in plateis coelestis Ierusalem frequentatur, quodammodo præoccupans, quid post mortem carnis facturus esset, in carne adhuc corruptibili positus prælogo miraculo declarauit: sicque lætabundus & laudans in voce exultationis & confessionis beatam animam illam exhalauit. De cuius felici consummatione beatus Bernardus multum exhilaratus, sermonem deuotissimum ad fratres in Capitulo fecit, commendans in eo dignum poenitentiae fructum, & admirabilem patientiam ejus omnibus proponens exemplum.

*Egrotus
idiota hym-
nos inaudia-
tos & coelestes
canit.*

1. Corin. 15.

*Tobia. 13.
Apocal. 19.*

Caput XVII.

De Conuerso, cui scientia diuinarum Scripturarum collata est.

SOLEBANT infirmarij Claravallis cum gaudio & admiratione magna referre de quodam religioso viro Conuerso, gratiam quadam admirabilem & memoria dignam: quam Dominus ipse ante obitum illius conferre dignatus est. Cum enim mater gratia bonae vitae ipsius merita remunerare dispouisset, & infirmitate correptus aliquam diu decubisset, tandem ingravescente languore mortis signa evidentius apparentia resolutionem corporis imminere nuntiabant. Et ecce spirante ubi voluit, & quando voluit, Spiritu sancto, nouo verè & stupendo miraculo illuminatus est intellectus ejus, & aperta lingua illi: coepitque homo rusticus, qui numquam literas didicerat, expedire latino uti eloquio; miras quasdam sententias de Scripturis sacris differens, nihil tamen proferens, nisi quod sanæ doctrinae congruebat. Mirabantur fratres Laici, qui literas nesciebant, quænam esset hæc rei nouitas, & accitis quanto cyus Monachis, in audientia nihilominus eorū idem infirmus Scripturarum mysteria luvulento sermone pandebat. Præterea suaues quasdam cantilenas de mysterijs sanctæ Ecclesiæ modulatis vocibus decantabat, quæ nusquam audiri consueuerant: ita ut audientes miraculi nouitate attonitos redderet, & cantus suauitate mulceret. Sed quid omnipotens & misericors Deus in hac tam insolita gratia simplici & rusticano homini collata mortalibus innotescere voluit; nisi hoc, quod in æterna beatitudine regni ipsius, secundum Apostoli sententiā, *Non erit Iudeus aut Græcus; Barbarus, & Scythæ, seruus & liber, literatus seu illiteratus: sed se-*

Idiota latine loquitur, & sententias miras profert.

Colos. 3.

Ioann. 6.

Ierem. 31.

Alludit ad
Iob 20.Humilitas
fundamen-
tum vere
scientiæ.
Psal. 110.

cundam Prophetam, *erunt omnes docibiles Dei: & omnes, à maximo usque ad minimum eorum cognoscent me, dicit Dominus?* Utinam attenderent exemplum istud homines inquieti, qui circumcunt mare & aridam, ut palca literæ repleantur, & typho scientiæ turgeant: ut vocentur ab hominibus Rabbites & magistri: ut glorientur se esse Legistas & Decretistas, Dialecticos & Sophistas: ut de negotio pietatis avaritiæ & ambitioni seruiant: utinam inquâ cordis aure perciperent & intelligerent, quoniam sicut rustico huic & idiota, qui simpliciter in timore Dei ambulare studuit, in obitu ipsius diuinæ scientiæ sublimitas collata est, & notitia mysteriorû cœlestium reſerata: sic econverso ipsi stulti & fatui remanebunt in obitu suo: cum diuitias scientiæ, quas sine timore Dei deuorauerunt, euoment: & de ventre illorum extrahet eas Deus. Et hæc dicimus, non ut scientiæ appetitores generaliter condemnemus: sed ut doceamus omnem hominem, primum fundamentum timoris Dei collocare in fossato humilitatis: quia timor Dei, secundum veram diffinitionem, initium sapientiæ est: dehinc quantumcûque voluerit scientiæ superædificet: quia nulla vmquam scientia inflat, ubi diuina pariter & fraterna charitas ædificat. Itaque novus iste Theologus de quo locuti sumus, qui à timore Dei incipiens, fastigium perfectæ sapientiæ apprehendere meruit in consummatione præsentis vitæ, cum aliquamdiu sententiarum varietate, & cantuum modulata suauitate, tamquam dulcissimo poculo audientes lætificasset, tandem in bona confessione transiit ex hoc mundo ad Patrem, felici absorptione in abyssum æterni luminis absorbendus: cuius in hac vita primitias ad hoc tantum, ut reor, acceperat, ut nos in odore vnguentorum, quibus delibutus erat, tantò auidius currere faceret, quantò solis mansuetis & humilibus fontem veræ sapientiæ patere cognosceremus.

Caput XVIII.

De Conuerso bubulco, qui vidit in visione Dominum Iesum boues secum minantem.

CONVERSUS quidam in vna grangiarum Clarevallis bubulci gerebat officium, homo purus ac magnæ simplicitatis: qui omnia quæ sibi à magistris suis fuissent injuncta promptus ac deuotus exquebatur, & intuitu retributionis diuinæ quotidianos labores patientissimè tolerabat. Hic quadâ vice vidit in somnis juxta se Dominum Iesum Christum jucundo nimium spectaculo illa sua dulcissima manu tenentem aculeum, atque ex alia parte temonis boues secum minantem. Cumque euigilasset, & piissimi collaboratoris sui mansuetudinem, benignitatem, dulcedinemque mente reuolueret, exarsit subito in præcordijs ejus ignis vehementis desiderij, ipsum suspirantis, ipsum facie ad faciem videre cupientis: quem in beata visione collaboratorem habere meruerat. Cumque dissolui vehementer cuperet, & cum Christo esse: pius Dominus, qui cum mitibus ambulat, & cujus sermocinatio cum simplicibus est, desiderium pauperis sui nequaquam differre voluit: sed mox idem frater ægritudine correptus lecto decubuit, & die septimo laborem & dolorem cum morte finiuit: vitamque perpetuam cum requie sempiterna, quæ est Christus Dominus, feliciter apprehendit. Ad hunc in extremis agentem reuerendissimus Abbas ipsius beatus Bernardus gratia visitationis intrauit: quatenus filio repatrianti, cujus conscientiam puram ac simplicem nouerat, valefaceret: & jam exire parantè contra latrunculos spiritualis nequitie sua benedictione muniret. Cum verò prædictam visio-

Optat dis-
soluti frater
Conuersus,
& exaudi-
tur.

nem

nem ipso infirmo referente cognouisset, plurimum inde gratulatus est. Quo defuncto pronuntiavit de eo confidenter, quoniam cum Deo ambulavit, & verè cum ipso operatus est Deus: ideoque transtulit illum Dominus. Non enim poterat miserator omnipotens servum suum in supremo agone deferere: cui dignantissimus comes & cooperator fuerat in labore.

Caput XIX.

De humilitate magna cuiusdam Conuersi.

Conversus quidam de fratribus Claravallis, innocentis vitæ, & conversionis honestæ, cum graviter aliquamdiu ægrotasset, tandem ad extrema devenit. Introiit autem ad eum gratia visitationis beatus Bernardus, & confortans illum ait. Confide fili, quia migraturus es jam nunc de morte ad vitam, de labore temporali ad requiem sempiternam. Ille verò cum ingenti fiducia respondit. Quidni pergam ad Dominum & creatorem meum? Verè confido, & quantum de misericordia Domini mei Iesu Christi presumere audeo, certus sum, quia citò visurus sum bona Domini in terra viventium. Porro beatus pater, ut erat medicus sapiens, pastorque sollicitus, timens nimirum homini rusticano, ne tam fida responsio de præsumptionis magis temeritate, quàm de conscientie puritate procederet, ait. Signa cor tuum, frater, signa cor tuum. Quid est, quod locutus es? Vnde tibi surripere potuit tantæ præsumptionis audacia? Enimverò tu non es ille pauperculus & miserabilis homo, qui cum nihil, aut prope nihil haberes in sæculo, necessitate forsitan magis quàm timore Dei cogente ad nos confugisti, multis precibus tandem aditum impetrando, nos verò causa Dei collegimus inopem, & parem te fecimus in victu atque vestitu, cæterisque comitantibus, ijs qui nobiscum sunt sapientibus atque nobilibus viris; & factus es quasi unus ex illis? Quid ergo tribuisti Dño pro omnibus istis? Et ecce non sufficit ingratitude tuæ, gratis accepisse te tot beneficia de manu Dñi: nisi & regnum ipsius hereditario jure vendices tibi: quod nullus umquā Regum aut Principum quavislibet auri & argenti molibus potuit comparare? Ad hæc ille respondens, placido vultu & tranquillo animo dixit. Bene, pater carissime, bene utique perorasti; & vera sunt omnia quæ dixisti. Verūtamen si jubes, loquar ad te dominum & patrem meum: & paucis aperiā, vnde mihi pauperi & misero, suggeri potuit tantæ, non præsumptionis, sed ut ego confido, devotionis occasio. Nam si vera est illa prædicatio vestra, quā nobis sæpius inculcatis, quod scilicet regnum Dei non carnis nobilitate, non terrenis divitijs possidetur, sed sola obedientie virtute acquiritur: hanc unā sententiā, tamquā verbum abbreviatum à Dño sedula commemoratione apud me continui, ponens illud quasi signaculum super cor meum, assidue meditando; & super brachium meum, sollicitè operando. Querite, si placet, ab omnibus magistris & socijs, quibus me obsequi ac servire iussistis: & si cuiquā illorum aliquando inobediens fui, si de fratribus nostris quæpiā verbo aut signo, vel quolibet alio modo, quantum in me fuit, contristavi. Quod si operam dedi, omnibus in Christo obedire, cunctosque per Dei gratiam diligere: quis prohibere me potest, ut de misericordia ipsius non confidam? Beatus itaque pater cum tale responsum ab homine rusticano accepisset, gavisus est gaudio magno, & ait. Verè beatus es, fili carissime, quia caro & sanguis non revelavit tibi sapientiam hanc, sed pater cælestis ipse te docuit: ipse posuit animam tuam ad vitam, etatissimoque tramite perduxit ad patriam. Iam ergo securus ingredi: quoniam patefacta est tibi janua vitæ. Defuncto itaque fratre, & exequijs celebratis, vene-

Conversi fiducia magna.

Obedientia cælum comparatur.

Conversi verbis applaudis S. Bernardus.

rabilis pater de conuersatione & consummatione ejus sermonem in Capitulo luculentum sua illa deuotione & facundia perorauit : omnesque illius exemplo ad amorem obedientiæ mirabiliter accendit. Vehementer namque affectus fuerat in responsione illius, & magis congratulabatur ei super obedientiæ virtutem, & super ipsius animi puritatem, quàm si vidisset eum signis & prodigijs coruscantem.

Caput XX.

De Conuerso, post cujus mortem Dominus gloriosa reuelatione demonstrare dignatus est, quanta perfectionis in vita sua fuerit, & quantam beatitudinem in morte consecutus sit.

*Conuersus
orabat Deum
pro suis accusatoribus.*

IN supradicto Cœnobio alter quidam Conuersus extitit, vir religiosus ac magnæ mansuetudinis, qui per magisteriū diuinæ gratiæ didicerat esse mitis & humilis corde. Huic ceteri fratres testimoniū perhibebant, quòd nunquam visus fuisset irasci : numquam quibuscumque injurijs prouocatus ad impatientiam erumpere. Hic inspirante Deo, statuerat firmiter in animo suo, ut quoties à quibuscumque fratribus justè siue injustè proclamaretur, toties pro illis oraret, & pro singulis *Pater noster* ad minus vna vice diceret. Cujus etiā exemplo informati multi Claravallensium fratrum, eadem consuetudinem vsque hodie quasi pro lege custodiunt. Verumtamen si accepta Deo & grata hominibus erat deuotio & humilitas hujus beati viri, videant, quid responsuri sint Deo in die tremendi examinis ejus, qui è contrario nituntur : qui si fortè ab aliquo proclamati fuerint, exasperantur, & ad impatientiæ verba prorumpunt : rancorè quoque, quem aduersus proclamantes se concipiunt, dissimulare nequeunt : seu etiam opportunitatem captant, quò non charitatis, sed rancoris spiritu impulsī, eos qui se clamauerant, cum quanta possunt exaggeratione reclament. Prædictus itaque vir Dei quadam vice pro negotijs Ecclesiæ suæ in via directus, necesse habuit per fauces cujusdam nemoris solus transire. Contigit autem eum ibidem in manus incidere latronum, qui etiam despoliantes eum, jumentum quoque quo vehabatur cum sarcinulis rapuerunt : & nihil ei penitus præter solam charitatem reliquerunt. Illa verò, quoniam non erat incautè foris in cistarcia relictā, sed firmissimæ patientiæ nodis intus in intimo cordis sapienter astricta, sicariorum violentiam timere non potuit. Salua igitur charitate, nihil Dei servus amittere poterat : quia pro nihilo erat, quidquid illa remanente perdebat. Recedentibus verò latronibus, cum jam paululum processissent, ipse ad orationem prosternitur, obsecrans Dominum, ut hanc eis impietatem remitteret. Quidam autem ex ipsis nutu Dei reuersus, & fratrem illū à longè subsecutus, curiosius obseruabat : volens scire, quid ageret. Et videns eum orationi diutius insistentem, celeri cursu reuertitur ad socios, percutiens petus suum, & dicens. Væ nobis miseris & damnatis. En moriemur omnes, quia hunc tam sanctum hominem, & tam sancti Monasterij fratrem malo nostro tam malè tractauimus : siquidem ipso reuelante cognouerant, quòd de Claravalle esset. Hic enim, inquit, ex quo recessit à nobis, non cessat orare cum gemitu & lacrymis : nec dubium est, quin ipse Dominum roget etiā pro suis inimicis. Quod audientes latrunculi illi, compuncti sunt animo, velociterque redeuntes, inuenerunt illum adhuc in oratione flexis genibus intentum. Cui mox vniuersa, quæ violenter ei abstulerant, restitunt : & venia suppliciter postulata in pace dimittunt. Quo viso, frater ille Salua-

*Spoliatur à
latronibus.*

*Sed ablata
recipit.*

tori Christo immensas gratias referens, gauisus est gaudio magno valde de compunctione prædonum, magis quàm de receptione spoliolum. Iste ergo vir bonus cum in proposito sancto laudabiliter usque in finem vitæ suæ perseverasset, tandem vocante se Domino collectus est ad patres suos: visurus bona Domini in terra viventium, à modò & usque in sempiternum. De cujus glorificatione visio talis apparuit, eadem qua defunctus est die. Erat in quodam Monasterio longius à Claravalle remoto Monachus quidam religiosus & magnæ opinionis vir: quem pro sua sanctitate omnes ejusdem Monasterij fratres sincerè diligebant, omnes singulariter honorabant. Hic igitur eadem die, qua prædictus frater in Claravalle defunctus est, & ipse moriens ad extrema devenit. Cumque jam morti proximus videretur, raptus est ab humanis, ita ut omni membrorum officio destitutus, à mane usque ad horam nonam jaceret immobilis. Tantummodo in pectore modicum spiramenti supererat, quod eum à mortuo secernebat. Ita ergo de mane, sicut jam diximus, usque ad horam nonam in extasi positus, tandem ad seipsum reuertitur, & virtute recepta lingua iterum in verba laxatur. Stupètes verò qui aderant, causâ ab eo repentinæ discessionis ac reversionis, flagitant. Quibus ipse respondit. Hodie cum à sensibus carnis in spiritu subleuatus abstraherem, inveni me subito introductum velut in paradysum voluptatis, in locum gloriosum atque præclarum nimis: cujus aptitudinem, pulchritudinem, atque amœnitatem, humani sensus angustia æstimare non sufficit. Videbatur illic pretiosorum vasorum aliorumque ornamentorum gloria magna & diversitas multa, infinita quoque deliciarum præparatio, quomodo fieri solet in aduentu cujuscumque potentissimi Regis aut Imperatoris. Erant etiam illic sancti innumerabiles, immensa claritate coruscantes: quorum alij jam aduenerant, alij adhuc de cunctis partibus veniebant: quasi ad grande spectaculum certatim properantes, & velut ad diem solemnem undique confluentes. Audiebatur præterea ibidem suauitas harmoniæ cœlestis, & resonabat undique gratiarum actio & vox laudis. Ego verò cum in ijs quæ videbam & audiebam nimis obstupuissem, sciscitatus sum ab Angelo ductore meo quænam esset tantæ solemnitatis & lætitiæ occasio. Ipse verò respondit. Hæc est celebritas noua, noui cujusdam sancti hodie de domo Claravallis assumpti: & in gaudia ista modò solemniter introducendi. Hoc itaque dicto iussit me citius egredi, atque ad humana reuertere. Quod cum ego nimium delectarer, obsecrabam medullitus, ut ab illa felicitate ad miseras corporis amplius non remitterer. Ille verò respondit. Modis omnibus oportet te ad fratres tuos regredi, donec annunties, quæ vidisti. Quo facto protinus reuerteris, & æternæ istius lætitiæ participiū obtinebis. Hujus rei gratia missus sum ad vos indicare ista quæ vidi: ut & ipsi beneficientes proficiatis & perseveretis in bono: scientes utique, quòd non deerit merces operi vestro. Et cum ista dixisset, illico valedicēs eis, obdormiuit in Domino. Planxit autē cum omnis congregatio Monasterij planctu magno, utpote sanctissimū, & magnæ utilitatis virum: de cujus exēplo omnes erant informati, & de cujus consilio pendebant vniuersi. Illi ergo sollicitè tēpus horāq; notantes, cum requisissent in Claravalle, cognouerūt fratrem supradictū, eadē die, qua visio hæc demonstrata est, fuisse defunctū. Cujus nimirū tanta ac talis inuenta est cōuersatio, ut fidē facile faceret tanto ac tali miraculo. Beatus verò Bernard⁹, cum quidā de fratrib⁹ hanc visionē corā eo cū grādi admiratione re-

*Conuersi de
functi glo-
ria visionē
manifestant*

*Defuncti
Conuersi se-
cū celebrā
Sancti in
celo.*

*Visio verā
fuisse proba-
tur.*

Apoc. 14.

Qui in Ordinis puritate vixerint, quid consecuturi.

ferret, ita respondit. Et vos fratres ista miramini? Ego verò magis admiror incredulitatē & duritiā cordis vestri, qui adhuc minimè creditis, aut minùs fortè aduertitis vocem illam veridicam, qua de cœlo clamatur. *Beati mortui, qui in Domino moriuntur. Amodo enim jam dicit Spiritus, ut requiescant à laboribus suis.* Mihi siquidem luce clariùs, & vita qua vivo certius constar, omnes, qui in Ordinis hujus puritate obedientes & humiles perseverauerint, mox ut carnem exuerint, ab omni miseria protinus exuendos, & immortalitatis gloria vestiendos. Audientes verò fratres ab ore tanti Patris testimonium tale de puritate Ordinis, vehementer confortati sunt: & de glorificatione fratris qui puritatem Ordinis totis viribus sectatus fuerat, Domini clementiam collaudantes, studebant & ipsi districtioris vitæ vias nequaquam abhorre: ut & glorificationis, quæ arctam & angustā viam propter Christum incedentibus repromittitur, participes effici mererentur. Utinam & nos, qui temporibus istis nouissimis, quibus refrigerante jam charitate, tepiditas & negligentia vsquequaque subintrare cœpit, hæc audimus vel legimus, recalcemus ad imitandum vigorem fervoris & deuotionis sanctorum Patrum: ne fortè, qui similia ipsis conuersionis initia habemus, conuersatione reprobade generes effecti, sicut puritatem Ordinis sacri negligimus, sancta puritate illius summæ beatitudinis alienati, illic deputemur, ubi nullus ordo, sed sempiternus horror inhabitat.

Caput XXI.

De fratre, quem S. Bernardus in visu, ne tentationi cederet, admonuit.

POST transitum reuerendissimi Patris Bernardi, fuit in Claravalle frater quidam, qui in primordio conuersionis suæ, tamquam novus miles, crebros hostium assultus tolerabat, crebra tentationum jacula scuto patientiæ viriliter excipiebat: super omnia verò spiritum fornicationis adeò infectum sentiebat, ut phantasias miseræ carnis, quas malignus ille cordi ejus ingerere continuè nitebatur, manu sacræ compunctionis & orationis vix abigere valeret: & in hoc frictorio confixus tota die contristatus incederet. Augebatur in dies molestissimi hujus conflictus molestia, nec erat rudi tyrunculo tanta patientia, ut violentiam passionis duræ se ulterius ferre posse confideret. Vnde etiam deliberauit animo cedere tentatori, & projecto religionis habitu ad sæculum reuerti. Cumque jam sollicitè recedendi opportunitatem obseruaret, astitit ei per visum beatus Bernardus paulò antè defunctus, increpans ipsius socordiam, & arguens super iniquitate, quam mente conceperat, & actu perficere satagebat. Cui cum ille respondisset, sese diutius reluctatum fuisse, & jam tentationis violentiam ferre non posse, ait sanctus ad illū. Scito prenosces, quoniā multa adhuc te certamina manent. Sed age viriliter, & noli deficere: quia Dominus aderit tibi, tamquā adjutor in oportunitatibus, ut eruat te. Vnde tibi polliceor, quia si in Ordine vsque in finem perseveraueris, saluus eris. Quod si forsitan aliquis tibi nocere tentauerit in die nouissimo, ego respondebo pro te, & animam meā ponam pro anima tua. O verè amicum fidelem, pium patrem, auxiliarium fortem: qui post mortem carnis in vita beata magis se fidelem probans, oculam nutantem, jamjamque in baratrum apostasiæ ruentem tam dignanter visitauit, blandis consolationibus fouit, exhortationibus roborauit, & per Dei gratiam de præcipitio mortis ad vias vitæ reduxit. Tali namque pollicitatione tanti Patris prædictus frater animatus, spiritum pusillanimitatis

Visus Bernardus fratrem tentato.

Spondet Sanctus pro fratre.

& diffidentia penitus à corde suo eliminavit, & ad agonem certaminis incredibiliter roboratus, deinceps à stabilitate sua nullis maligni spiritus machinamentis, seu tentationum violentijs moueri potuit: sed sicut ei prædictum fuerat, multorum certaminum agones desudans, de cunctis per Dei gratiam victoriæ triumphum reportare meruit, atque in Ordine sancto usque in finem vitæ suæ in optima conuersatione perseverans, salutem æternam, secundum sponsonem Deo dilecti patris sui, feliciter consecutus est.

*Confirmatur
verbis San-
cti Mona-
chi.*

Caput XXII.

De fratre, cui S. Malachias, & B. Bernardus apparuerunt, & pro culpa sua castigauerunt.

ALIVS quidam de fratribus ejusdem Cœnobij, cum instinctu diabolico ita mente corruptus esset, ut jam apostatare à Deo, & pactum cum inferno facere, id est ad sæculum redire disponderet: vidit in visu noctis beatum Bernardum, sanctumque Malachiam, reuerendissimos ipsius loci patronos in dormitorio deambulantes, & fratres in lectis suis pausantes sigillatim visitando benedicentes. Qui cum in Ordine visitationis ad lectulum videntis hæc deuenissent, nec tam benignè cum respexere, nec benedictione, qua ceteros firmaverant roborauere: sed magis quasi indignantes aduersus eum stabant: sicque beatus Malachias ad sanctum Bernardum locutus est. Homo iste pravus & inquietus nihil omnino boni gerens animo, non timet iniquitatem meditari in cubili cordis sui: jamque prona voluntate diabolicæ suasioni assensum dedit, ut ad vomitum sæculi, quam citius poterit, reuertatur. Quo audito, beatus Bernardus dixit ei. Tu de Monasterio meo fugere queris? Et quò fugies miser à facie Domini? Crede mihi, quia malo tuo talia cogitasti. Scio, scio, sola vexatio intellectum dabit auditui: & qui per timorem Dei te corrigere neglexisti, dignis verberibus castigatus, ulterius fugere non tentabis. Et his dictis cœpit cum crebris ictibus tundere baculo quem tenebat, & ait. Ecce stipendia, quæ mereris: surge nunc, & fuge, si poteris. Euigilans autem frater ille inuenit se tunctionibus illis totum conquassatum atque contractum, ita ut in infirmitorium ductus, lecto detineretur. Tremens itaque ac pauens, fratres qui sibi assisteant rogat, ut Priorem quantocyus ad se venire faciant. Quo accersito, cum multa contritione cordis confessus est malitiam, quam mente conceperat, & opere perficere intenderat: poenā quoque, quam inde pertulerat. Priore verò desidiā & socordiam ejus, sicut dignum erat, corripiente, & pro reatu instabilitatis poenitentiam injungente, frater idem perfecte resipuit: & non apprehendit eum ultra desiderium fugiendi. Cum enim salubriter didicisset, durum sibi fore, contra stimulum pungentis gratiæ recalcitrare; studuit de cætero eidem gratiæ salutē suā in misericorditer operanti, cum timore & tremore cooperari.

*Tundit baculo
Monachum S.
Bernardus.*

Caput XXIII.

De Conuerso, qui sanctos Angelos in obitu suo videre meruit.

INfirmabatur aliquando Conuersus quidam de fratribus præfati Monasterij, homo religiosus & laudabilis conuersationis: qui in simplicitate cordis sui vitam arctam & angustam, per quam itur ad Deum, inoffenso pede, sicut in morte ipsius patuit, eueherrerat. Cum enim bonum cursum consummasset, & jam ad extrema deuenisset: apertis oculis vidit Angelos sanctos præsentem assistere lectulo suo. Quos ut vidit, mirum in modum exhilaratus, quasi jam de morte triumpharet, circumstantibus fratribus ait. Num-

quid non aspiciatis Angelos Dei, qui modo aduenerunt? Pulsare ergo quātocyus tabulam: quoniam ipsi præstolantur exitum meum. Vix verba finierat, & mox pretiosam resolutus in mortem, felicem animam reddidit: nec dubium, quin spiritus beati quos præuidere meruerat, eam susceperunt, & secum ad gaudia sempiternæ beatitudinis perduxerunt.

Caput XXIV.

Qualiter Conuersus, qui sine licentia caligas suas lauit, diuinitus punitus sit.

Quoniam de præclaris moribus religiosæque conuersatione, seu etiam pretiosa morte sanctorum Patrum, ad ædificationem proficientium multa jam diximus, libet nunc ad cautelam desidioforum, negligentiam cuiusdam fratris, & pœnam, quam pro eadem negligentia sua diuinitus sustinuit, interfere: quatenus sicut proficere volentes virtutum exemplis ad meliora prouocantur, ita negligentes quique diuinæ animaduersionis ultione territi, non solum majora, verum etiam minora sacri Ordinis instituta transgredi vereantur. Conuersus quidam in vna grangiarum Clarævallis caligas suas absque magistri licentia lauare præsumpsit. Exierat autem solus, & stabat in crepidine riui, qui prope grāgiam fluit, cœpto operi insistens: heu miser, non considerans, quod grauiter de linquunt, qui vel in minimis puritatem sacri Ordinis violare præsumunt. Cùm ergo, vt diximus, temerario operi, cuius magistri sui testem conscientiam non habebat, instaret, audiuit vocem clamantem, tamquam si aliquis alteri loqueretur, & dicentem. Percute, percutere. Nec mora sensit se idem Conuersus duobus grauissimis ictibus feriri, vno in capite, & altero in pedibus: tremensque ac pallens concitus in grangiam redijt: quid fecisset, vel quid audisset, quid etiam pateretur, tremantibus labijs fratribus indicauit. A quibus cùm confestim ad Abbatiam transmissus fuisset: peccatum suum pariter, & pœnam peccati, qua poterat humilitate, confessus est. Dicebat autem eisdem ictus, quos inuisibiliter acceperat, paulatim ad interiora sua serpere, vnum à parte capitis, & alterum à parte pedum: seque modis omnibus vitæ terminum sortiturum, dum iidem ictus in corde ipsius sibi mutuò jungerentur. Quod etiam verum fuisse rei exitus probauit, dum idem frater paucis interpositis diebus in bona confessione vitam finiuit: tantò purior, vt credimus, ad Deum vadens, quantò terribiliore morte pro culpa sua puniri promeruit. Sed quid causæ esse putam?, quod ille Iudex iustus, Dominus Sabaoth, qui iudicat orbem terræ in æquitate, pro consimili culpa disparem frequenter videtur ferre sententiam: cum certum sit, nec fallere velle, nec falli posse sapientiam Dei, quæ non solum suauiter, sed & prudenter disponit omnia? O quanti sunt hodie, qui Religionis habitu teguntur, & Monachorum nomine censentur, qui cùm secundum Regulam & Ordinem suum proprietati abrenuntiauerint, exemplo tamen Ananiæ & Saphiræ temeraria nimis presumptione proprietates habere non verentur: cùm illos virtus quæ exiuit de ore Petri Apostoli terribili morte multauerit, istos verò nulla plaga tangat: sed e contrario videantur in bonis ducere dies suos, vtinam non in puncto ad inferna descenduri. Sed & in ipso Cisterciensi Ordine, qui licet per gratiam Dei purus & integer sit à tam enormi vitio proprietatis, nonnulli tamen fuere, vel sunt, ab illo tempore, quo frater ille pro leui, vt videbatur, culpa tam duræ mortis sententiā excepit: qui sine respectu sacri Ordinis facile in leuibus excedentes, solent significare, aut verbo dicere, quid, vel quantum est? Nec attendunt, quod

*Conuersus
in capite &
pedibus per-
cutitur.*

*Non omnes
rei hic puni-
untur.*

*Ahor. 5.
Crimen pro-
prietatis.*

scriptum est: quoniam *qui minima spernit, paulatim decidet.* Quos tamen omnipotens Deus non continuo punit: non quia nunc in hoc tempore non sit adeò graue delictum, absque licentia quidpiam lauare, vel aliud sine nutu senioris facere, sicut eo tempore, quo talia voluit Deus ad exemplum posteriorum districtè ferire: sed quia pius & misericors est, & ipsa benignissima patientia sua nos ad Confessionis & pœnitentiæ remedia prouocare dignatur. Cæterum, si qui sunt, quod Deus auertat, qui se hæc leuia absque graui periculo animæ suæ facere posse putant, & tales excessus suos per condignos Confessionis & pœnitentiæ fructus diluere negligunt: paulatim ipsis minùs curantibus sentina negligentiae excrecente, nauis conscientiae ipsorum sine dubio, nisi Deus succurrat, in profundum demergetur. Quapropter omnes nos, qui præclarissimo Cisterciensi Ordini professionis titulo astricti sumus, studeamus non solum maiora, sed etiam minora ejus instituta omni sollicitudine seruire: ne fortè, quod absit, fervor Ordinis intepescat, & pereat temporibus nostris: & nos, si tanti sacrilegij rei coram justo iudice fuerimus inuenti, districta ejus sententia tollamur cum impijs, ne videamus gloriam Dei.

Minima etiam instituta sollicitè seruanda.

Caput x xv.

De Monacho, qui sine caligis dormire præsumpsit, & propterea per diuinam reuelationem vetatus est Abbas fieri.

QVIA, sicut superiora declarant, cognouimus, quanta districtione punitus sit excessus, per deliberationem quidem, sed quantum reor, per contemptum minimè contractus: adhuc aliud quiddam simile huic, licet non in Claravalle, sed in alia domo Cisterciensis Ordinis factum, referre libet: quatenus per hoc probemus, etiam minimorum mandatorum transgressionem non parui ponderis apud Deum esse: & ut mentis nostræ desidia gemino hoc exemplo, quasi manu quadam sollicitudinis, ut ad cautelam sui euigilet, excitetur. Cœnobium quoddam Cisterciensis Ordinis vacabat Abbate. Vocatus est autem pater Abbas, quatenus ipso præsentem, & consilium dante, secundum Ordinis instituta fratres domus idoneam personam in patrem & pastorem animarum eligerent. Cum autem tempus electionis instaret, & pater Abbas tam ex priuatis quàm ex publicis colloctionibus singulorum vota & voluntates didicisset, cognouit saniolem partem vnanimi consensu eademque sententia in personam quandam conuenisse, quæ tunc fortè aberat, sed incontinenti sperabatur esse ventura. Erat autem persona eadem major Cellerarius domus illius. Nocte verò diem electionis præcedente, audiuit Pater Abbas per diuinam reuelationem vocem dicentem sibi. Vide, ne Monachum illum constituas Abbatem, qui sine caligis dormire præsumpsit. Ad hanc vocem venerabilis Abbas vehementer expauit, & cum multa admiratione quidnam sibi Dominus per hoc insinuare dignaretur, ancipiti cogitatione pensabat. Porro persona suprà memorata, quæ ad tanti officij dignitatem idonea fore sperabatur, pridie quàm electio celebraretur, serò venerat: quæ etiam summo mane patrem Abbatem signo Confessionis facto in Capitulum traxit, & quia quadam vice dum esset in itinere, nimio æstu decoctus, caligas exuere, atque sine caligis dormire præsumpsisset, humiliter confessus est. Dehinc senioribus, & qui maturioris erant consilij cum patre Abbate conuenientibus, quatenus de electione tractaret, coeperunt omnes pari voto eademque sententia petere illum, quem diuina

Constitutus monachus sine caligis dormisse.

reuelationis arcanum tali honore priuandum iudicauerat. Eapropter pater Abbas secretius eis innotuit, quid sibi diuinitus imperatum fuisset: & ut aliam personam eligerent, consilium dedit: dicens, impossibile esse, ut contra conscientiam suam mandato Domini inobediens existeret.

Caput XXVI.

De mirabili fervore dulcis memoriae Ioannis quondam Prioris Claravallis.

Oportunum fore existimo, virum virtutis, dulcis videlicet memoriae Ioannem quondam Priorem Claravallis, quem conditio tulit, ad ædificationem posterorum styli officio reuocare: qui de calore domus Rechab, quod nomen ascendens interpretatur, id est de fervore cœlestis disciplinæ, quam sanctus Pater Bernardus tradidit, incendiū sumens, ascensiones in corde suo disposuit: & tanta constantia indeclinabilis intentionis limitem paternæ traditionis obseruauit, ut vinum carnalis voluptatis seu pompæ sæcularis, tamquam virus pestiferum perhorrescens, fumere illud penitus non acquiesceret. Exigit autem hoc à nobis nostri huius temporis planè miserabilis inopia: in quo tepiditas & negligentia vsque adeo inualuere, ut hodie ferventissimus sibi quisque videatur; si non vsquequaque tepidus & remissus inueniatur. Hic itaque strenuus vir Prioratus officio in Claravalle per plures annos functus, tanta alacritate spiritus & patientia corporalis exercitij partē hanc sollicitudinis administravit, ut quasi signaculum videretur posuisse super cor suum, sententiam illam, quam beatus Pater Benedictus Præposito, seu Priori Monasterij proponit, dicens: quia quantò plus prælatus est cæteris, tantò cum sollicitius oportet servare præcepta Regulæ. Erat ergo in exequendis diuinis promptus & alacer nimis: non noctibus, non diebus requiescens. Præcipuè verò dulcedinē Psalmodiæ, quæ in sacro illo conventu multa morositate & vocis intentione persoluitur, tota mentis sollicitudine insistebat: ita ut stupori & admirationi posset quidem esse omnibus, paucis verò imitationi. Dederat autem ei Dominus ad opus pietatis congruum satis instrumentum, vocem scilicet grossam & validam, quam etiam in seruitio largitoris feliciter expendere curavit: sciens nimirum fluentia gratiarum proprio fonti sine fraude esse restituenda, ut vberius iterum fluerent. Stabat ergo in medio iuencularum tympanistiarum, sicut superior cæteris pro officij sui dignitate, sic etiam eminentior cunctis sanctæ deuotionis fervore, & vocis exaltatione: psallens & satagens prævenire principes, id est, spiritus Angelicos conjunctos psallentibus, paratos deuotionē psallentium in conspectu diuinæ maiestatis in odorem suauissimi thymiamatis offerre. Nec leuem conscientia suæ iacturam reputabat, si quando raucitatis, vel alicujus infirmitatis incommodo interueniente, solemne psalmodiæ synaxim minùs alacriter persoluisset. Quod tamen rarissimè accidebat: quia cum cæteris donis etiam à gratia sanum & competentis roboris corpus acceperat: & ad omne opus bonum, pro regentis illud spiritus arbitrio, paratum. Cæterum inflexibilem mentis ejus in seruitio Dei vigilantiam quis dignè admirari, quis congruè effari queat: qualiter scilicet infra longissimum & quotidianū sacrarum vigiliarum spatium seipsum ad tolerantiam ardui illius laboris animabat: acediam, pigritiam seu somnolentiā viriliter propulsabat: & si propter humanæ naturæ fragilitatem dormire se vel rarò deprehēdebat, quàm seuera inuectione negligentiam suam redarguebat? Ut autem perpetuitatem vigiliarum quasi commonitorio quodam pulsatus illibatam seruare valeret,

*S. Benedictus.
6. 65. Regul.*

*Ioannis vox
valida &
fortis.*

*Robur etiā
corporis validum.*

leret, lignum quoddam in superiori parte stalli in quo stabat, ingeniosa compositione sic aptauerat, ut si quando prolixitate vigiliarum pertæsus dormire cœpisset, nutantis capitis inclinationem malleolus reperiens exciperet: & ad vigilandum repentino ictu suo sollicitiorem redderet. Porro ad opus manuum cum fortè alias exoccupatus esset, frequenter erat, haud segnem se & in hoc exercitio demonstrans: & pusillanimes, non tam voce quàm exemplo, ad tolerantiam laboris exhortans. Præcipuè verò secationis & messionis tempore, quando beati illi Clarevallenses martyres velut in frixorio rota die friguntur, ad eò tenaciter labori instabat, ut omnes pariter negligentias aliorum temporum illis laboriosis diebus quotidiano sudore se diluere reputaret. Ut verò peregrinum & aduenam se esse super terram, nec habere hic manentem ciuitatem, sed futuram inquirere, reminisceretur: de substantia mundi quantum minus poterat, accipiebat: sobrietatis & parsimonie decore corpus suum castificans: quoniam virtus animæ in carnis maceratione perficitur. In vestitu quoque eandem modestiam & humilitatem seruabat: grossos, veteres, & consutos pannos semper appetens & amplectens: pretiosos verò, molles, & subiles, quasi quamdam pestem, fugiens. Nam, ut de ceteris taceam, ipsum capitale lecti sui, in quo post nocturnas vigilias & diurnos labores fessum caput reclinare consueuerat, non patiebatur qualescumque plumas habere: sed fæno & paleis illud farciens sic cubabat: haud surdus auditor sententiæ, quæ in vita Patrum legitur, sed à multis quasi dura declinatur, quoniam abominabilis omnis corporalis requies. O beata, & potius appetenda huius sancti viri vilitas & abjectio sui in humilitate vera, quàm arrogantia illius Abbatis in presumptione pessima: de quo certa relatione cognouimus, quòd in partibus Saxonie Cœnobium quoddam Cisterciensis Ordinis regens, pannis qui de lana terre illius fiebant, nequaquam vti dignabatur: sed pretiosos de Flandria pannos, quibus lenocinijs voluptatis & vanitatis satisfacere posset, annuatim sibi comparari faciebat. Quo defuncto, cum Monachi vestimenta ejus inter se partirentur, Prior domus vnam de tunicis ejus sibi retinuit: quam etiam cum quadam solemni nocte, quasi pro reuerentia diei festi induceret, tamquam si ardentibus laminis candentis æris vreretur, terribiliter exclamauit, & detestabilem vestem longius à se projecit. Quæ projecta, velut candens ferrum scintillas ex se emittere visa est. Attoniti stupore miraculi ceteri, quid de anathemate illo aliquid rapuerant, cum omni velocitate partes singulas in medium proferunt, ac in vnum locum componunt, scintillis creberrimis vndique, quasi de clibano ardente, micantibus. Nec cessauit exitiale prodigium, quousque vicini Abbates in testimonium tam tremendi iudicii Dei asciti sunt. Non sic humilis Ioannes, non sic; qui improprium humilitatis Christi pluris æstimauit omnibus pompis Egyptiorum: qui vestem pretiosam non quæsiuit, sed despexit: nec tamen de vilitate habitus sui gloriam mundi siliuit, sed ad gloriosum votis & desiderijs amictum Angelorum suspirauit.

*Qua arte
somnia in
vigilijs per-
leret.*

*Labor mes-
sionis.*

*Austeritas
eius in vesti-
bus & lecto.*

*Exemplum
terribile de
vanitate
vestium.*

Hebr. II.

Caput xxvii.

Quanta constantia mentis venerabilis Prior Ioannes voluptates carnis calcauerit.

Verùm in his & huiusmodi sanctæ Religionis pijsque laboris exercitijs tanta inerat ei constantia mentis & longanimitas patientiæ, ut licet in quoti-

*Rigor vite
Ioannis
Prioris.*

diano agone desudaret, non facile tamen refrigerium qualicumque temporalis consolationis sibi surripere pateretur; numquam, nisi extrema necessitate urgente, vigilias fratrum deserere, seu infirmitorium introire, consentiret. Accidit autem quadam vice, dum sacris vigilijs interesset, ut corporali molestia tactus infirmaretur, nec valeret Psalmodyæ odas strenuitate qua solebat explere. Cumque magis ac magis malum intra se grassari, & per vitalia diffusum serpere sentiret, licet multum à cogitationibus suis vrgeretur, ut de choro exiret, perstitit tamen: tristis quidem, & reputans, ne fortè ejusdem inuالتudinis inæqualitate pressus, infirmitorium, quod, quantum in se fuit, semper vitare studebat, intrare compelleretur. Finitis verò vigiliarum solemnibus locum quemdam secretiorem adiit, ibique remotis arbitris, quanto secretius, tanto securius talia secum loquebatur. Quid modò miser Ioannes, quid modo erit? Numquid infirmaris? Numquid infirmitorium, quod solet aut sub flagellis Dei laborantium corpora misericorditer refouere, aut flagellari se simulantium conscientias terribiliter dissipare, tantilla incommoditate victus intrabis? Bene. Videlicet ut lectum mollioribus culcitrīs stratum

*Ægrotans
ut secum lo-
quatur.*

& ornatum ascendas, quæque molliora sunt in cellario, quæque delicatiora in promptuarijs, propter reuerentiam officij, quo indignus fungeris, morituræ & putredini obnoxie carni tuæ accuratius præparentur: & sic negligentiores quique fratrum ad sectanda carnis suæ commoda tuo prouocentur exemplo. Ergone deliciosa hac infirmitate cursum pœnitentiæ tuæ interrompere debebis? Quare non potius præsumis de misericordia Dei, qui potens est tibi morbum temperare, ut & corpus exerceat, & de labore pœnitentiæ, qui est seminarium beatitudinis æternæ, nihil minuere cogatur? Nutu verò Dei Monachus quidam proximus erat loco illi, in quo vir Domini talia secum loquebatur: qui parietis tantum interstitio ab eo diuisus, clariùs pij murmuris susurrium audiebat: quiq; mox festinus ad Reuerendissimum Abbatem Giraldum, cujus supra mentionem fecimus, currens, quid à Priore audisset, intimauit. A quo vocatus, vix obedientia cogente infirmitorium intrare compulsus est: licet hoc inualescentis ægritudinis ejus pondus per se requirere videretur. Cæterum, quàm strenuè, quàm discretè, quàm prudenter, officium sibi commissum administrauerit: quàm benignū, quàm pium, quàm charitativū se fratribus suis exhibuerit: quàm rigidum, quàm authorabilè, cum fortè censura justitiæ id deposceret, se ostenderit, non est nostræ paruitatis euoluere. Ita enim delicatis & teneris morem gerebat, ut tamen novas, & contra formam Ordinis usurpatas consuetudines, carnem magis quàm spiritum redolentes: quas per negligentiam Prælatorum, in subuersionem religionis, & perditionem animarū, facile pululare nouerat, numquā temporibus Prioratus sui Claravalli surripere passus sit. Sciebat nimirum, sicut beati sunt Prælati, qui traditiones Patrum per vigorem disciplinæ illibatas custodiunt: sic profectò miseri nimis, qui per negligentiam & incuriam suā Religionem intepescere, & Ordinem deperire permittunt. Nam semel exterminata Religio, non sine grauissimo scandalo & perturbatione, tam Prælatorum quàm subditorū, reformari poterit. Nec modo in majoribus, sed etiā in minoribus occasionibus, sicubi fortè emerfissent, cautissimè vigilabat: adeò ut cum quadā vice vnus de seniorib⁹ prorsus decrepitus & ferè edentulus indulgentia venerabilis Abbatis Gerardi pa-

*Cogitur in-
firmitorium
intrare.*

*Notanda
verba.*

*Ingens fer-
vor & Ordi-
nis emula-
tio in Iuan.*

nem Infirmiorij in Conuentu fratrum manducaret, patienter ferre nequaquam valeret. Hæc autem impatientia non de tabida peste inuidiæ, sed de fervore Religionis, & Ordinis æmulatione, descendebat. Dicebat ergo. Numquid non senes & debiles ante nos in hac sancta domo fuerunt: à quibus tamen numquam tale aliquid usurpatum est, quale nunc à nobis præsumitur? Numquid non remissiones & indulgentias corporales magis pro arbitrio imperantis, quam requisitione propriæ voluntatis accipiebant: ita tamen, ut misericordia eis impensa consuetudinibus Ordinis minimè obuiaret? Scimus verò nonnullos eorum tanta altitudine spiritualis vitæ à curis carnis auolasse, ut etiam in decrepitate miseros se reputarent, si inferiores alijs in vigilijs, vel in jejunijs inuenirentur: consolatiunculas quoque corporales à Prælati sibi oblatas, recipere nullatenus acquiescerent. Timendum, & valde timendum nobis est, ne cum sancti antecessores nostri spiritu fortiter cœperint, & spiritu fortius consummauerint, nos spiritu incipientes, carne, quod Deus auertat, consummemur. Quapropter si quis est inter nos emeritorum laborum senex, qui fatifcentibus membris in acie conuentus stare non possit, satius est, ut missionem accipiens, necessitate sua in infirmiorio transigat, quàm conuentum tenens inter abstinentes, & naturam grossioribus alimentis utcumque sustentantes, consolationes infirmiorij requirat. Certus sum autem, quod vniquisque propriam mercedem accipiet secundum suum laborem: & qui parce seminat, parce & metet: & quia Iudex, qui terribiliter minatur, scrutaturum se Ierusalem in lucernis, subtilissima examinatione discutiet, qua occasione, qua necessitate, quis pòdus dici & æstus, quod in vinea Domini Sabaoth portare suscepimus, declinet. In hac igitur sancti fervoris æmulatione, & religiosæ cōuersationis claritate, gratiæ Dei alumnus Ioannes vitam suâ laudabiliter consummans, denarium diurnum, & insuper mensuram bonam & confertam & coagitatam & supereffluentem, quam sibi laboribus multis, vigilijs supra modum, strenua quoque executione seruitij Dei conquieserat, à summo patrefamilias recepturus, infirmitate correptus lecto decubuit. Ad quem visitandum cum venerabiles viri Eskilus Danorum quondam Archiepiscopus, & Alanus Antissiodorensis quondam Episcopus venissent: videntes hominem feruentissimum nec in ipsa grauissima infirmitate à solito rigore suo intantum cedere, ut saltem vestibus ægritudini & debilitati suæ competentibus refrigeraretur, zelo quodam compassionis ducti vestes aliquantulum tractabiliore, quas tantæ personæ & infirmitati congruere nouerant, iusserunt afferri: petentes, ut causa leuaminis eis vestiri dignaretur. Tum verò fortis athleta Domini eadem vestimenta coram se posita seuerius intuens, ait. Itane beatior me faciet vestis mollis & tenera, magis quàm grossa & rusticana? Aut quale emolumentum erit, humilitatem, quam à primis cōuersationis meæ annis tanta solitudine seruare curavi, imminente mortis articulo perdere? Credite paruitati meæ; quia quamdiu superest spiritus in visceribus meis, non recedam à vilitate, per quam elegi abjectus esse in domo Dei mei: nec dabo occasionem inimicis meis confundendi me, cum loquar eis in porta. Cum autem vocante Domino moribundos hos, jamjamque morientes artus exuero, quantum vultis putridum hunc carnis saccum induite & ornat: quia quidquid de massa vitali spiritu carente

*1. Cor. 3.
2. Cor. 9.
Sophon. 1.*

*Remissio in
morte à solli-
to rigore dis-
cedere.*

fiat, nihil mea interesse, confido. Tanta itaque fidei virtutisque constantia munitus vir Domini Ioannes, corruptibilis carnis materiam exuit, & bona Domini in terra viventium videre promeruit. Corpus ejus juxta sacra ossa fratrum veteris Abbatiae, quorum patientiam & humilitatem haud segniter imitatus fuerat, condigno honore sepultum requiescit in pace.

Caput XXVIII.

De venerabili D. Gerardo Monacho Clarævallis, postea Abbate.

Postquam aquila illa grandis magnarum alarum, multarumque plumarum, magnus videlicet Pater Bernardus, magnus meritis, sublimis sanctæ contemplationis alis, ornatus varietate virtutum, medullam cedri, id est perfectione Religionis, quam de summitate Libani, id est, de altitudine diuinæ gratiæ acceperat, in solitudine vallis absynthialis plantravit, quatenus eadem vallis medianre amaritudine poenitentiae verteretur in Claram-vallem, coepit jam Religio ipsa transplantari super aquas multas, id est diuersarum nationum ceruicofas ac tumidas voluntates, tamquam cærulcos vndarum vertices ad veræ pietatis cultum inclinare. Volens autem idem venerabilis pater in populis Aquilonarium partiū, sicut & in cæteris gentibus aliquem fructum habere, petente religiosa femina Regina Sueciæ, conuentū fratrum ad partes illas direxit. Cumque Monachi & Conuersi, qui ad hoc denominati fuerant, ut hominibus rudibus & indomitis formam religionis & disciplinæ traderent, nimio mœrore consternati, precibus quibus valebant, agerent, ne tanti Patris præsentia carituri, ad exterarum & barbararum mitterentur regiones, Sanctus Abbas respondit. Ut quid irrationabilibus fletibus & precibus affligitis animam meam? Aut numquid voluntatem meam, & non potius voluntatem Dei, cui omnes obtemperare debemus, sequor in hoc negotio? Erant autem coram eo posita vestimenta, & vasa sacra, cæteraque utensilia ad ministerium diuini officij pertinentia, quæ iidem fratres, qui mittendi erant, secum ferre debebant. Volens itaque certos eos reddere, quoniam à Domino egressus esset sermo, eleuauit peluim, quæ ad recipiendam aquam Sacerdotis manibus fundendam deputata erat, & digitum fundo ejus imprimens, dixit. Ecce hoc vobis erit signum, quod Spiritus Domini miserit vos. Mirum in modum rigor & inflexibilitas æris teneritudini digiti ejus cedere visa est: adeo ut cujus quantitatis sacer articulus fuerit, usque hodie liquidò valeat dignosci. Quantum autem intus cessisse, tantum foris æqualitatem excessisse videtur. In testimonium enim tanti miraculi eadem peluis in secretario domus, quam tunc pater sanctus ordinauit, summa cum reuerentia seruatur. Porro prædicti fratres videntes perspicuam diuinæ gratiæ præsentiam adesse, stimulos edacis tristitiæ reprimentes gauisi sunt: & licet remotissimas, & in ultimo climate Aquilonaris brumæ abstrusas nationes, non sine quodam horrore spiritus adire possent: tamen eandem gratiā Dei meritis & precibus sancti Patris nostri interuenientibus se comitaturā, pia confidentia præsumebant. Erat verò inter cæteros adolescens quidam honestæ indolis & columbinæ simplicitatis, Gerardus nomine, oriundus de Prouincia Germaniæ secundæ, ciuitate Traiecto, qui impatientius alijs dolens, cum lacrymis dixit ad virum Dei. Beatissime Pater, ego miserabilis iuenculus relicta domo paterna, spretisque omnibus, quæ mihi in hoc sæculo desiderabilia & amabilia esse poterant, religionis amore paternitatem tuā adij, sperans me tua dulcissima præsentia debere frui, tuis doctrinis & exēplis

*S. Bernard.
fundat Cœ-
nobium in
Suetia.*

*Digitū pel-
ui imprimit.*

informari, tuis meritis & precibus adjuvari, subque sanctę hujus multitudinis umbraculo à turbine tentationum, & ab æstu juvenilium desideriorum tutari: quodque votis omnibus exopto, inter sacra corpora fratrum nostrorum in hoc cimiterio quiescentium diem expectare nouissimum. Et ecce ejicis me hodie à facie tua, sanctique hujus collegij consortium perdo, & insuper desiderata mihi sepultura priuabor. Hinc prorsus, hinc vehementer doleo: quia cor meum conturbatum est in me. Compassus adolescenti vir beatus afflictam mœrore animam ejus affatu blando mulcere curauit: & quę post annos quinquaginta futura erant spiritu Prophetico pręuidens & prędicens, ait ad eum. Vade, fili carissime, quò te Spiritus sanctus mittere dignatur; & in agro Dominico tamquam strenuus operator labora: ego tibi in nomine Domini polliceor, & securum te facio, quia sicut desideras, in Clavalle morieris: & cœlestis sponsi gloriosum aduentum vnà nobiscum pręstolaberis. Hanc ergo tam letam pij Patris sponsonem frater ille velut arrhā desiderij sui suscipiens, gaudisus est valde: sciens vtrique, nec falli posse, nec fallere velle hominem, quem sapientię & veritatis sectarium esse, manifesta signorum & prodigiorū declarabant indicia. Iuit itaque, & in domo quam cum ceteris fratribus initiare mittebatur, Prioris & Cellerarij administrationes strenuē percurrrens, diuina largiente gratia nomen pariter & officium Abbatis sortitus est. Cujus dignitatis apicem licet inuitus conscenderet, malens in humili loco saluari, quàm in sublimi periclitari: susceptum tamen religiosissimę conuersationis nitore decorauit. Quia verò propter paucitatē Clericorum, vix aliquis de terra illa conuertebatur, Dominus fideli suo de partibus Germaniæ & Angliæ literatas & discretas personas mittebat: per quas disciplina Monasticę Religionis in regno illo fundata crescebat, & fructificabat competenter in populis, qui Monachi quidem nomen audierant, sed Monachum antea non viderant. Ipse etiam Domnus Abbas Cellerario suo, Abraham nomine, viro prudenti, vniuersa domus ordinatione in temporalibus, cunctisque negotijs exterioribus commissis, totum se spiritualibus studijs mancipauit: animabus lucrandis intendere, in seruitio Dñi vigil & sollicitus inueniri, frequens esse in labore, dum aliàs vacaret: frequens etiā in lectione, corporale subsidium de communi quęrere, & per omnia formā pietatis & religionis fratribus suis studens exhibere. Tanta quoque mansuetudinis & patientiæ gratia pollebat, vt cū quadam vice Monachus quidā, quem pro culpa sua castigarat, maligno spiritu afflatus, descendentem eum per gradus dormitorij pugno tam validē percussisset, vt dolor non modicus ictui succederet, tantę peruersitatis hominem non solū non ejiceret, seu graui culpę subjiceret: sed econtrario scorsum eum trahens, veniam coram ipso peteret: supplicans, vt rancorem, quem aduersus se habebat, propter Deum dimitteret. Ceterū quidquid virtutis, quidquid religionis, tam in se, quam in subditis suis deprehendebat: non hoc suę industrię, sed gratiæ Dei, meritisque sanctissimi Patris sui Bernardi tribuebat. Iam verò si fortē agendorum causā negotiorum, certa necessitas eum de Monasterio progredi postulasset: tantum se ac talem in omni disciplina & continentia secularibus exhibebat: vt tam Rex quàm Principes terrę illius, sicut reuera hominē Dei ipsum venerarentur & colerent, & audito eo multa facerent, & libenter eum audirent. Dux etiam terrę illius vir strenuus & potens, totum se ad reuerentiam beati viri submittebat, fastigiumque principatus sui celsitudini

*Prophecia
S. Bernardi
de Gerardo.*

*Gerardus fit
Abbas.*

*Gerardi ex-
ercitia.*

*Patricia ē
ins ac humi-
litas.*

*Reuerentia
ductis erga
Gerardum.*

sanctitatis ipsius adeò humiliabat, vt aliquoties familiaribus suis diceret: Quacumque hora Abbatem Gerardum me videre considero, tanto timore concutior, ac si omnia secreta & abstrusa pectoris mei pateant oculis ejus. Cùm autem jam senuisset, & vsque ad decrepitam ætatem peruenisset, quadragesimum in Prælatione complens annum, varijs quoque infirmitatibus corpus ejus quateretur: cœperunt eum fratres rogare, quatenus sicut communiter multo tempore cum eis vixerat, ita etiam sepulturæ locum apud ipsos sortiri dignaretur. Quibus vir Domini respondit. Ne quæso, ita loquimini, filij mei. Oportet modis omnibus, vt in Claravalle moriar, & secundum sponsonem Deo dilecti patris mei, cum sanctis qui ibi pausant, in pace in idipsum dormiam & requiescam. Causantibus illis & dicentibus, quomodo te, pater, illuc reducere poterimus, cùm præter veteranæ senectutis incommoda, tot & tantis infirmitatibus quassatus & debilitatus sis, vt vix ad proximos terminos Danorum spirantē te peruenire posse, putemus: cum multa fiducia respondit. Verbum Dei validum & forte, viuum & efficax, quod per os reuerendissimi viri auribus meis infusum, penetralibus cordis mei artham bonæ spei hujus, qua feror, indidit, prosperos in hoc itinere successus præstabit: vos tantum, quod præcipio, festinanter implere curate. Itaque gestatorio inter duos equos composito, in eo collocatur: & non sine grandi miraculo à finibus orbis per tanta terrarum spatia, per tot maris & fluminum pericula, Claravallē peruenit: ibique in infirmitorio aliquamdiu recubans, in bona confessione spiritum exhalauit. Accepit verò desideratæ sepulturæ locū juxta beatæ memoriæ Domni Benedicti nani tumbulam, qui cum familiariter in vita sua dilexerat. Cujus decessum cùm Rex Sueciæ comperisset, cum gemitu protestatus est, regnum & terrā suam dignam non fuisse, vt in ea tanti viri sacra ossa requiescere debuissent.

*Gerardus
Claravallē
miraculosè
reductus.*

Caput XXIX.

De visione, qua à tentatione sua quidam Nouitius Claravallis liberatus est.

*Tentatur
Nouitius.*

Clericus quidam de Ordine Regularium Canoniorum arctioris & sanctioris vitæ desiderio Claravallē veniens, deuotè susceptus est: sed & ipse primordia tyrocinij sui floribus suaueolentis conuersationis ornare sollicitus fuit. Cumque prioris vitæ suauitatem nimis ægrè dedisceret, & nouæ quam assumpserat asperitas palato cordis minùs saperet, cœperunt de interioribus ejus variarū tentationū ebullire tempestates: sicut necesse est, homines alterius Ordinis ad Ordinem Cisterciensem venientes, plus multò quàm sæculares de sæculo venientes, experiri. Versabantur ante oculos cordis ejus imagines consuetudinum, quas antea diu in vsu habuerat, & eas rationabiles & honestas fuisse, callidus hostis suadebat: Cistercienses verò obseruantias, quas tunc discere cogebatur, velut rusticas & minùs suaues, rudis adhuc mens fugiebat & abhorrebat. Verùm, nutantem atque fluctuantem ouiculam, jamjamque ad apostasiæ retrogradam turpitudinem respicientem, diuina miseratio tali modo ab errore retrahere, & in bono proposito confirmare dignata est. Aspiciebat in visu noctis, & ecce in nubibus cœli Dominus majestatis, Rex Regum, & Dominus Dominantium Iesus Christus filius Dei veniebat, tamquam jam judicaturus orbem terræ in æquitate, & redditurus vnicuique secundum opera sua. Tum verò vniuerso genere hominū cum timore & tremore multo ad hanc examinationē suspensio, singuli quiq; Ordines qui sunt in Ecclesia Dei, seorsum & seorsum coadunabantur: soli-

*Apparet ei
Species iudi-
cij.*

citi valde de observantijs & ceremonijs Regulæ & Ordinis sui: ne fortè perperam quid ab eis gestum seuerissimus Iudex suo illo subtilissimo scrutinio deprehenderet. Vtinam illud attenderent illi, qui Regulam beati Augustini profitentur, & singulas ejus sententias quotidie in Capitulis suis legunt: & tamen sæculariter vivere, sæculares dici & esse, non solum non verentur, verumetiam gloriantur: vel illi, qui cum Regulam S. Benedicti habitu & specie Religionis profiteantur, omnimoda sæculari conuersatione sua seruantes sæculo fidem, mentiri Deo per consuram noscuntur. Videbat interea præfatus Nouitius præclarum quemdam Ordinem magnæ multitudinis separatim ab alijs consistere, in cujus medio splendidissimus quidam juvenis, cœlesti gloria adornatus stabat: & quasi dux & patronus diuini illius exercitus esse videbatur. Cumque sacer ille conuentus de statione sua se moueret, vt coram Domino appareret, præfatus juvenis cum multa alacritate præcedebat, vniuerso cœtui sequentium se non mediocrè fiduciam consequendæ misericordiæ præbens. Porro cæteri Ordines cum summa reuerentia venientibus cedentes, & per sese transcuntibus inclinantes, prærogatiuæ felicitatis eorum congratulari quodammodo videbantur. Ipse etiam splendor paternæ gloriæ Dominus Iesus, cum sit tremendus ineffabilis majestatis omnipotentia, tamen quasi tenerimus ligni vermiculus pietatis & miserationis dulcedine, susceptum in osculo pacis juvenem diuinæ claritatis suæ gloria ipsum cum omni collegio suo illustrauit. Nouitius autem qui hæc videbat, cœpit cum ingenti admiratione quærere, quænam esset illa iustorum congregatio: quæ tam speciali prærogatiua præ cæteris Ordinibus à Domino meruit honorari. Dictumque est ei, quia ipse esset Ordo Cisterciensis: juvenis verò ille splendidus sanctissimus Bernardus primus Clarevallis Abbas. Mox vbi hæc audiuit, quasi de extasi quadam in se reuersus, dicebat intra se. Numquid non ego fui Nouitius in Ordine Cisterciensi, in magna illa domo Clarevallis? Vt quid ergo miser otio torpeo, & non festino me conjungere huic præclarissimo cœtui: quatenus cum eis æternæ beatitudinis particeps fiam? Et hæc dicens, cœpit totis viribus celeres gressus moliri: sed obstaculo quodam præpeditus proficere non valuit. Nam veluti ramus quidam arboris tortuosus atque nodosus perplexis recurvitatibus pedes & tibias ejus sic arctabat, vt licet summopere impedimentum hoc rumpere niteretur, incassum laboraret. Vnde sibi metipsi vehementer indignatus, quòd tam frivola occasione tanto bono priuaretur, dum totus ad expediendum se mouetur, euigilat: & visionem suam prudenter aduertens, indignationem suam, quam dormiens conceperat, vigilans & sobrius in laqueos tentationis, qua irretitus fuerat, viriliter intorsit. Tanta namque seueritate pristinarum suarum consuetudinum imagines, quas antè delectabiliter recipere, & cum eis fornicari solebat, à corde suo eliminauit: vt eas sibi dominari vltèriùs non permitteret. Cisterciensiu verò sacra instituta, quæ licet sint speculum justitiæ, factione tamen malignorum spirituum in æstimatione ejus viluerant, toto mentis desiderio complexus est: & in eis per arduam & angustam viam, non quasi in incertum currens, coronam beatitudinis æternæ consecutus est.

*Canonici
sæculares.*

*Visio præ
clara.*

*Ordo Cisterciensis S.
Bernardo
duce quàm
honorabilis
apparet.*

*Qui laqueos
Nouitium
intricarent.*

qualiter demones Conuerso cuidam nocere voluerunt, sed non valuerunt.

Conuersus quidam vnus ex opilionibus Clarevallis, cum esset vir bonus & religiosus, officium sibi commissum cum omni sollicitudine & mansuetudine timoris Dei exequabatur. Omnium verò bonorum inuidus inimicus, deuotione & simplicitate conuersationis ejus nimium exacerbat, aliquid nequitiarum suarum contra eum moliri conatus est: sed Deo auxiliante fraudis ejus commenta in se collisa ad nihilum redacta sunt. Cum enim esset aliquando idem frater ad caulas, vigilans & custodiens vigilias noctis supra gregem suum: ecce subito facta est in aëre commotio magna turbinum, & compugnantium inter se tempestas valida ventorum. Tonitrua quoque crebra, & terribiliter vndique crepantia mugiebant: sed & fulgura creberrima cælo erumpentia timorem & horrorem maximum mentibus hominum incutiebant. Prædictus itaque frater surrexit, & signo crucis frequenter se municens, nomen Domini trepidus & anxius inuocabat, sanctorumque omnium suffragia suppliciter implorabat. Cum ergo sic staret ad orationem, cœpit audire strepitum & vociferationem quasi exercitus ingentis, ad partes illas cursu rapido venientis: & quanto amplius propinquabant, tanto voces eorum clariùs resonabant. In quibus non soli hominum clamores, clangoresve tubarum audiebantur: sed insuper diuersi generis ferarum monstrorumque rugitus, & voces terribiles inesse deprehendebantur. Cum ergo vsque ad caulas ouium cum ingenti strepitu peruenissent, tamquam ipsas oues vsque ad ossa laniaturi, fratre attentius orante, diuina virtute repulsi sunt: & intrare quidem minimè potuerunt, sed diuisis agminibus hinc inde celeriter transeuntes nihil eis penitus nocuerunt. Verumtamen duo ex eis statura enormes & fuligine nigriores, ad fratrem orantem diuerterunt. Cumque paululum coram eo substitissent, vnus ex eis locutus est ad alterum, dicens. Verè diabolus nos deducit, & ipse modo nos huc venire fecit. An non satis dixeram vobis, quia non licet nobis transire per bonum? His itaque dictis quasi pennigero lapsu perneciter abierunt: & cum paululum processissent, omnes tenebrarum incolæ vna cum eis euanuerunt. Hanc autem visionem frater ipse qui vidit, sub testificatione veritatis innotuit nobis. Cujus nimirum talis erat conuersatio, vt fidem dictis ejus non adhibere, nefas esse putar aemus. Constat ergo, quia per bona iustorum contrariæ potestates transire vetatur: nisi fortè exigente aliqua causa diuinitus permittantur.

Signum crucis contra fulgura.

*Non transeunt potestates diaboli-
ca per bona
iustorum.*

De fratre, cui Dominus Iesus cum gloriosa matre sua apparuit.

In domo Fontis-Mauriniaci Conuersus quidam degebat, nomine Robertus, qui illuc à Claravalle transmissus, religionis & disciplinæ, quam in Claravalle didicerat, nequaquam immemor erat: sed virtutis & deuotionis exempla fratribus ejusdem loci in omni conuersatione sua dabat. Inter cetera verò pietatis studia, quæ Domino sedulus offerebat, hoc præcipuum habebat, quòd beatissimæ Dei genitricis & virginis Mariæ seruitio deuotus insistebat: specialis quoque Patroni sui Bernardi memoriam frequenti & dulci meditatione ruminabat. Cursu denique præsentis vitæ feliciter peracto, salvationis suæ certitudinem, diem quoque mortis suæ prognostica visione præuidere meruit. Ante quintum diem dormitionis suæ vidit in visione Dominum Iesum Christum, & beatissimam Dei genitricem, cum sancto

*Deuotio
Conuersi ad
B. Virginis
& sanctum
Bernardum.*

Bernardus

Bernardo Abbate, stantes in quodam horto deliciarum, cuius amœnitatis & gloriæ tanta erat immensitas, ut humana locutione explicari non valeat. Ipse verò frater, qui hæc videbat, stabat seorsum: ac respectum divinæ miserationis suppliciter flagitabat. Tunc pijsissima mater ait ad filium suum. Domine fili, quid facturus es de isto paupere tuo? Et Dominus ad eam. Quidquid tibi placuerit, mater. Respondit illa pauperum susceprix, & humilium consolatrix. Volo igitur, ut mittas eum in requiem tuam. Dixit autem ad eam. Fiat ei, sicut vis. Respondit ei beatissima Virgo. Et quando fiet istud? Ait Dominus. Quinta die veniat, & saluetur. Transacta itaque visione, frater ille quod viderat & audierat, cæteris indicavit: & attonitos, & ad prædictum diem suspensos reddidit. Ut autem certitudo revelationis probaretur, ingrauescente ægritudine qua premebatur, quinta die juxta sermonem Domini migravit à corpore: & in requiem & pacem quæ exuperat omnem sensum, assumptus est: quam ei beatissima Virgo Dei genitrix suis pijsissimis precibus obtinere dignata est. Beati igitur omnes, qui confidunt in ipsa, ejusque servitio vigilanti devotione insistant: quoniam mensuram bonam, & confertam, & coagitatam, & superfluentem, largissima remuneratrix reddet in sinum eorum. Cæterum fratres ejusdem Cœnobij de tam felici assumptione hominis Dei multum ædificati, Clarevallensis quoque disciplinæ, quam in eo viderant, æmulatores effecti: venerationi sanctæ Theotocou Dominæ nostræ tantò alacrius intendebant, quantò sibi perire non posse sciebant, quidquid ejus famularui impendere potuissent.

B. Virgini
servire
quàm sit
utile.

CAPUT XXXII.

De Monacho, cui dictum est, Dimissa sunt tibi peccata tua.

INter athletas Christi, qui spirituali palestra in stadio Clarevallis exercebatur, erat strenu⁹ quidam agonothesa, Enarradus nomine, nobilis quondam in seculo miles: qui relicta mūdiali pompa vanā militiā fructuosa militia cōmutavit. Militibus namque Templi Dñi sociatus, & apud ipsos fidelis inventus, militū quoque Templi magister effectus est: in quo officij industriā animi, viresque corporis, quas à Dño acceperat, non in cines, sed in hostes vibrare didicit, & de strenuitate sua non plausum terræ, sed præmiū cæli sperare, cautus fuit. Quia verò eadē militia Mariæ otium nesciens, tota erat in laboriosis negotijs Marthæ, quæ sine pulvere delictorū vix aut numquā peragi possunt, ut in sacratioris adhuc militiæ sacramenta juraret, Clarevalli se contulit: ubi sicut antea priorem militiā secunda nobilitarat, sic nunc secundam tertia superavit. Cœpit namque robur corporis non exercere, sed frangere jejunijs, vigilijs, & laboribus multis: propriæ quoque voluntatis mortificationi intēdere: volūtariæ paupertatis, quæ sola Christianæ religionis vera militia est, amatorē se probans. Sedulus erat in compunctione & oratione: pro præteritis erratibus suis Christi Domini misericordiam quotidianis lamentis enixius implorans. Cū talia diutius actitaret, factus secundum Prophetam vir videns paupertatem suam in virga indignationis Domini: volens jam pius Dominus lactucis agrestibus, id est, amaritudini pœnitentiæ ejus, azymos panes, id est gratiam consolationis adjungere, sine quibus agnus æternæ vitæ mandi non potest: tali modo indulgentiæ suæ largitatem mœrenti ac affligenti se prærogare dignatus est. Cū esset aliquando positus in oratione, præveniens faciē Dñi in confessione & obsecratione pro peccatis suis, ra-

Enarradus
ex Magistro
militiæ Tem-
pli mona-
chus Clara-
vallis.

Thren. 3.

*Miraculum
ab Enaran-
do recitatu.*

*Miles redi-
uit ad
horam, cur.*

prus est subitò in excessum mentis, viditque Dominum Iesum Christum mansuetissima voce dicentem sibi. Dimissa sunt tibi peccata tua. Mox verò ab extasi dimissus, & in se reuersus, consolatus est vehementer: & gratias agens Deo, didicit de cetero seruire Domino in timore, & exultare ei cum tremore; sicque in optima conuersatione consenescent, plenus dierum appositus est ad patres suos: laboris sui premium vitam æternam à Domino percepturus. Hic autem vir venerabilis memorabile Dei miraculum, quod nuper acciderat, retulit nobis: quod à quibusdam honestissimis fratribus, & cõmilitonibus suis audierat, quodque ipsis presentibus, & rem certius exploratibus, acciderat. Erat in partibus Germaniæ miles quidam strenuus, & genere nobilis, qui tempore vitæ presentis explicito, spiritum emisit. Cumque diu mortuus iacuisset, & iam tempus humationis instaret, anima rediit: repente homo rediuiuus apparuit, & velamine reuoluto aperuit oculos, atque in stratu funereo resedit. Stupentibus cunctis qui aderant, planctus & lamenta mœrentium illico sopiuntur: & à mortuo suscitato causa tantæ nouitatis exquiritur. Ille verò presente vxore atque germano, qui ei succedere habebat in patrimonio, ita exorsus est fari ad illos. Cum in mortem, inquit, oculos clauderem, ductus sum protinus ad tribunal Iudicis examinandus. Ibique appensus in lance æquitatis, inuentus sum minus habens, quam oporteat ad salutem. Cumque jam damnationis sententia meritò esset proferenda, intercedentibus qui ibidem aderant sanctis, permissus sum redire ad vos, & ex duobus, quæ mihi principaliter ob sunt, remedium vestræ pietatis expetere: videlicet obligatione maxima debitorum, & illegitimo fœdere nuptiarum. Tunc conuersus ad mulierem, nosti ait, mi dilecta conjunx, quod affinitatis linea juncti, illicito matrimonio conjuncti sumus: vnde etiam mortis æternæ rei ambo rehemur. Vnum tantummodo superesse remedium, agnosce. Si relicta sæculi pompæ Christi connubio Monastica professione te junxeris, mihi veniam, & tibi gloriam impetrabis. Quod illa grater accipiens, sese incontinenti facturam esse firmavit. Deinde conuocatis singulis debitoribus suis germano suo præcepit, vt ad ea quæ justè expostularent, singulis satisfaceret. Inter ceteros verò Iudæus quidam accessit, trecentos debiti solidos exigens ab eo. Quem feuerso vultu & reuerberantibus oculis intuens, cunctis qui aderant mirantibus, dixit ad eum. Tu neque in cœlo, neque in terra, neque in omni creatura Dei, habes aliquid juris. Tamen ne videamur te ante tempus judicare: tunc præcepit, vt per omnia responderetur ei, sicut, & cæteris. Cum ergo hæc & similia multa dixisset, reclinato iterum capite emisit spiritum.

Caput XXXIII.

De Religioso quodam Conuerso Clarevallis, nomine Laurentio.

*Diffin. 3.
Cap. 15.*

*Corpora SS.
Bernard. &
Malachia
in secretario
diu seruata.*

ERAT in Claravalle Conuersus quidam religiosus, nomine Laurentius: cujus etiam superius, dum de venerabili viro Domno Gerardo de Farfa literis aliqua mandarem, mentionem fecimus. Erat ergo vir ille spiritualis & deuotus in omni conuersatione sua, orationi atque compunctioni mirabili pertinacia iugiter insilens: ita vt per plurimos annos, cum Sanctorum Confessorum Bernardi & Malachia corpora in secretario die noctuque seruaret, vix vnquam aliqua hora posset ibidem aliter inueniri, nisi semper orationi incumbens, & diurnis fletibus pauimentum rigans. Hujus autem puritatis & deuotionis celsitudinem non sine multo labore per gratiam Dei conquieserat: quoniam in pri-

mordio conuersionis suæ multis tentationibus vexabatur, & contra malignorum spirituum venenatas suggestiones diuturno certamine exercebatur. Nocte verò quadam, dum finitis Matutinis in quodam domicilio solus esset, ecce immundus spiritus mugiens & plangens, discursu gyrouago circa eum rotabatur. Ipse verò fronti suæ signaculo crucis imposito, quisnā esset, interrogauit. Versipellis autem malignator, ut rudi adhuc & teneræ menti grauiorem metum incuteret, respondit. Ego sum ille, qui tentauit & flagellauit Iob. Quod audiens frater, quoniam adhuc novus in conuersatione sancta erat, timuit vehementer, & fugit à facie maligni spiritus, & cum ulterius non vidit. Post transitum autem B. Bernardi contigit, ut idem frater à Domno Philippo venerabili Claravallis Priore ad Regem Siciliæ Rogerū mitteretur, pro negotio ejusdem Ecclesiæ. Qui cum Romam fuisset ingressus, comperto quod idem Rex nuperrimè mortuus fuisset, consternatus est animo: & quid in tali articulo facere deberet, prorsus ignorabat. Et recordatus sancti patris sui Bernardi, sub quo pro diuersis negotijs frequenter missus prosperè ibat & redibat, cum gemitu & lacrymis multis conuersus ad orationem, eundem sanctum Dei inuocabat dicens. Pater mi, pater mi, currus Israël & auriga ejus, ut quid dereliquisti nos? Heu me, pater sancte, quid dicā, vel quid faciam ego pauperculus & misellus: ego omni consilio & auxilio destitutus? Te viuentem & te iubente securus procedebam ad terras & ad nationes diuersas, & vbiq; recipiebar ob gratiam tui, nimirum deferens salutationes & literas tuas: quas Reges & Præsules cum ceteris omnibus tamquam cælitus missam benedictionem suscipiebant: & eulogijs tuis nobiliores quique se nobilitari gaudebant. Nunc autem te defuncto defuncta est tecum pariter & gratia mea: nec erit jam, qui peregrino & inopi manum porrigat adjutorij. Et ecce mortuus est Rex, qui te sincero diligebat affectu: surrexitque filius pro eo, puer qui te forsitan ignorat. Quem adhuc tam longè remotum si adire voluero, & repulsam ab eo pati contigerit, inconsolabilis mihi erit dolor, post tanti laboris & longissimi itineris defatigationem, infecto redire negotio: qui te viuentem bonis omnibus cumulatus in Claravallē tuam redire solebam. Si verò incontinenti reuersus negotiū intentatū reliquero, torporis & insipientiæ argui pertimesco. Porridge precor auxiliū, præbe consilium indigenti: & ne despicias gemitum seruli miserandi. Eadē itaque nocte apparuit ei idem beatissimus pater, & magnificè consolatus est eum, dicens. Quid tibi visum est, frater, ita de Dei misericordia & mea interventionē diffidere? Quando enim, vel vbi sensisti, defuisse tibi adminiculū meū in necessitatibus tuis? An fortè impotentiorē me modo autumas, quando jam introductus sum in potentias Dñi, quàm olim fuerim, dum in carne vixi? Vade ergo securus, quia prospera cuncta euenient: & in hoc ipso scies, quia ego te miserim. Hæc & alia plurima sancto loquente, frater ille præ nimio pietatis ardore totus in anima liquebat: & corde ejus immensam parturiente letitiā, foris quoque deuotionis lacrymæ erūpebant. Cumque euigilasset, madentibus oculis atque maxillis, etiam pulvillum in quo caput reclinarat, eodem lacrymarū profluvio vndiq; perfusum esse cognouit. Sūmo igitur mane iter arripiens, cum de vrbe fuisset egressus, reperit cuneū insitorum mercimonij gratia Siciliā adeuntiū. Qui cognoscentes eū esse de Clara-valle, mox eum in suo conductu atque conuictu gratanti animo receperunt: & quæque necessaria gratis quotidie ministrabant. Tandē ingressus ad Regē

Demonmugiens Conuerso apparuit.

Hic Philippus post de Eleemosyna Abbas fuit.

S. Bernard. Conuerso apparet, & opē pollicetur.

*Rex Sicilia
multa Cla-
revalle lar-
giur.*

*Largiuntur
& Romani.*

*Orat Con-
uersus S.
Bernardū,
& eripitur.*

Siciliæ, inuenit gratiam magnam in oculis ejus. Et non solum de negotio pro quo fuerat ad patrem destinatus, prosperum euentum obtinuit: verum etiam Rex apertis thesauris suis ad ædificationem nouæ basilicæ Clarevallis, pro ejusdem patris sui anima non modicam auri summam per eundem fratrem magna deuotione transmisit. Reuersus itaque Romam prædictus frater, talem nihilominus ibidem gratiam reperit, vt de donarijs Cardinalium, aliorumque Romanorum, plurimam acciperet benedictionem, ita vt etiam largientibus eis ex vrbe vsque ad decem bubalos educeret: quos non sine ingenti omnium stupore Deo se protegente, sanctique Patris sui meritis patrocinantibus, Claramvallem vsque perduxit. Quis enim satis mirari sufficiat, quod homo debilis ac veteranus, cum duobus tantum puerulis, tantæ enormitatis ac ferocitatis animantia, quæ etiam boues multa corpulentia & fortitudine superant, per tot locorum discrimina, per tanta latronum prædonumque molimina, tam longo itinere salua & incolumia minare potuerit: præsertim cum genus illud animalium citra Alpes, vt asserunt, in toto Occidente hætenus visum non fuerit? Vix enim vel vna die malignantium occurfus ac violentias poterat declinare: quæ tamen omnia, Deo fidelem famulum suum per orationes S. Bernardi tutante, pertransiuit indemnis. Factum est autem, vt transire cogeretur per quoddam municipiū, cujus principatum latronum principes obtinebant: quorum manus nullus immunis euadere poterat, nisi fortè qui viribus prævalebat. Mane verò jam rutilante aurora, cum de aliquo prato, in quo cum animalibus pernoctarat, egrederetur, rogabat attentius Dominum, sanctumque Bernardum, vt ab imminenti periculo erueretur. Et ecce apparuerunt ei procul quasi duo viri obuiam venientes, & singulos cereos accensos in manibus ferentes. Qui paulatim appropinquant, cum jam penè ad ipsum peruenissent, subito ab oculis ejus euanuerunt, multamque fiduciam euadendi Dei famulo contulerunt. Ingressus itaque illum diaboli nidum, illico sistitur, atque ad prædam diripiendā vndique accurritur. Nutu verò Dei superuenientes eadem hora quidam honesti viri, cum eum Clarevallensem esse cognouissent, de manibus irruentium liberarunt, & cum suis omnibus abire fecerunt. Tandem verò perueniens ad Clarāvallem, mirantibus vniuersis noui generis bestias intulit, quæ multiplicatis fœtibus quotidie propagantur: atque ex eo loco per multas jam provincias dilatantur. Ipse verò frater ad spiritualia reuersus studia, sacre disciplinæ, quam sanctus tradiderat Bernardus, seniles humeros tota alacritate supposuit: pia confidentia præsumens ejus se meritis & precibus ab æternis malis eruendum, sempiternisque bonis perfruiturum, qui ipsum de præsentis itineris tam multiplicibus periculis misericorditer absolutū, ad Claramvallem suam saluum perducere dignatus est.

Caput XXXIV.

Narratio cuiusdam spiritualis Monachi de Clara-valle.

QUIDAM religiosus & spiritualis Monachus de collegio Clarevallis in partibus Daciæ in vna de domibus Clarevallis diutius habitauit. Hic igitur quadam vice rediens in Clarāvallem, fratribus suis causa ædificationis retulit iucundum, & omni acceptione dignum miraculum, quod in confinio Saxoniz nouiter accidisse, asseuerabat. Erat in eisdem partibus quoddam Cisterciensis Ordinis Cœnobium: in quo quidam magnæ religionis & admirandæ humilitatis Monachus in simplicitate cordis sui Domino deuotè

seruiebat. Qui cum in omni sacri Ordinis observantia fervens esset, atque deuotus: semetipsum in omnibus despiciens & humilians, maximè tamen silentio & quieti operam dabat: orationi, compunctioni, atque lectioni, continuè vacans: ita ut semper ad orandum siue ad legendum, vbi-
 poterat, mirabili dulcedine traheretur: fructum tamen deuotionis magis quàm eruditionis in lectione requirens, ita in ea delectabatur, sicut in omnibus diuitijs. Appropinquante autem hora migrationis ejus de hoc mundo, cum grauitè ægrotaret, & oleo infirmorum jam inunctus esset, rogauit ut corpus ejus in presenti lauaretur, & vestimentis quibus sepeliendus erat, indueretur. Fratribus verò causantibus nouitatem, & facere differentibus, cum in sua petitione persisteret, obreuerentiâ sanctitatis suæ quod volebat obtinuit. Quo factò, circumstantibus ait. Reuertimini vnusquisque ad officia vestra: quia modo moriturus non sum, sed die sequenti post refecti-
 onem seruitorum vocabit me Dominus. Cunctis itaque fratribus ad hanc Prophetiam hominis Dei suspensis illuxit dies altera, & eadem qua prædixerat hora, sonitus tabulæ vniuersos ad commendationis officium migraturo persolvendum ocyus inuitauit. Quod cum tantò deuotiùs facerent, quantò morientem in æterna vita mox glorificandum fore certiùs sperabant: ipse frater vltimum jam trahens spiritum subito diuina gratia illuminatus est, & exhilarata facie circumstantibus dixit. En modò ingreditur ad nos ille dilectus Domini, beatus Ioannes Euangelista. Et cum paululum reticuisset, iterum dixit. Ecce nunc venit beata Dei genitrix & virgo Maria. Et post modicum intervallum ampliori repente gratia illustratus, clara voce subjunxit. Eia fratres, ecce jam venit Dominus Iesus Christus, & cum eo sanctorum Angelorum aliorumque sanctorum frequentia. Et cum hoc dixisset, confestim in jubilum & exultationem cordis, præ dulcedine illius quem intuebatur, raptus, cantare cœpit, & imponere Antiphonam illam dicens, *Subuenite sancti Dei, occurrite Angeli Domini*: atque ita cantando animam reddidit. Videntes autem fratres hominem in morte exultantem, & cantando morientem, eandem Antiphonam quasi de ore ipsius festinatò rapuerunt: & cum multo pietatis affectu eleuata in excelsum voce percantauerunt. Hæc itaque prædictus senior fratribus Clarevallis fideliter innotuit, eorumque animos ad contemptum mundi, despectum sui, amoremque Dei, vehementer accendit: quorum vtinam imitatores efficiantur, omnes qui hæc legerint, vel audierint: scientes certissimè, quoniam quantò quis in hoc mundo despectior, silentij, quietis, & humilitatis appetens fuerit, tantò in futuro apud Deum gloriosior & sublimior apparebit.

*Monachus
vult lauari
& sepultura
veste indui
adhuc vi-
uens.*

*Moricens
nit Antiph.
Subuenite,
&c.*

Capit. xxxv.

De claris luminibus Clarevallis.

HActenus itaque de claris luminibus Clarevallis, necnon & de clarissimo sole, qui de eadem conspicua valle consurgens, vniuersas mundi partes claritatis suæ radijs illustrauit, nos disserruisse sufficiat: cum tamen paucos admodum flores de spatiosissimo floridissimoque prato vernantis ejusdem beatæ vallis, ad accendendum in nobis sacræ deuotionis fervorem, decerpserimus: quatenus rutilantis eorum pulchritudinis venustate illecti, suauolentiaque recreati, mundum cum omni vanitate & voluptate sua spernere, atque ad eternæ claritatis patriam anhelare: in libro veræ Theologiæ, in quo scriptæ sunt lamentationes, carmen, & vix tota mentis vigilantia

*Conclusio
huius &
precedenti-
um distin-
ctionum.*

discamus. Sed quis ad hæc tam idoneus? Propterea quid aliud restat nobis, nisi comedere panem doloris in amaritudine compunctionis: ut sint nobis lacrymæ nostræ panes die ac nocte: ut totis medullis cordis suspiremus ad eos, de quibus locuti sumus: si fortè cœlestes conuiuæ misericordia moti, ad ora latrantium sub mensa catulorum, vel exigua aliqua sublimium illarum deliciarum fragmenta demittant: per quæ, ne in via pœnitentiæ deficiamus, sustentemur? Ceterum sicut in prædictis patribus cognouimus, quàm liberalis sit misericordia Dei in sanctos ejus, quamque pius respectus in electos illius, qui mandata vitæ absque dissimulatione custodiunt: sic in subsequētibz exemplis demonstrabimus, quanta benignitate quandoque peccantibus ignoscat, seu quanta districtione delinquentes interdum feriat: quatenus sic misericordiam amplectamur, ad omne opus bonum parati: ut tamen, si fortè negligentiores nos in via mandatorum Dei deprehenderimus, maledictionem, quæ opus Dei negligenter exequentibus intentatur, pauida semper mente pensamus.

Materia sequentiū Distinctionum prænotatur.



DISTINCTIO QUINTA.

Continens salutaria Monita exemplis probata: De quorundam vitiorum periculo, & punitione.

CAPVT PRIMVM.

Admonitio Domni Gerardi Abbatis, Clarævallis de non jurando, & de periculo jurantium.

*Distinct. 2.
cap. 27.*

BEATÆ memoriæ Dominus Gerardus, quondam Clarævallis Abbas; ejus suprà pretiosam in conspectu Domini mortem descripsimus, solebat aliquoties fratres suos à consuetudine jurandi compescere: & ut hoc efficacius posset, rem quandam terribilem, quæ tunc cuidam juratori recens acciderat, exempli gratia narrare curauit. Dicebat verò eandem rem venerabilem virum Cadorcij Episcopum sibi innotuisse: cui etiam ejus Capellanus vir valde honestus se præsentē interfuisse affirmabat. Erat igitur in partibus illis homo quidam carnalis, qui dum aleis aliquando luderet, & tesseriis sibi malè cadentibus perderet, quidquid dementi in buccam veniebat, ore furibundo jurabat. Cumque jam penè omnia amisisset, alius quidam nefandus aleator accessit: & tumida illum indignatione amonens, ait. Cede iners, cede; ego ludam pro te: quia tu nescis, neque ludere, neque jurare. Cumque & ipse, ut erat filius perditionis, similiter perderet, diabolico furore inflammatus, cœpit omnia Domini nostri Iesu Christi tam interiora, quàm exteriora, quasi per ordinem, membra jurare: nihil omnino injuratum dimittere volens. Proferebat, igitur, jurationes quasdam, seu blasphemias horribiles atque inauditas: quemadmodum cordis & oris ejus instructor, imò verè destructor diabolus excogitabat. Ast ubi Dei & hominis Domini nostri omnia membra furioso & blasphemio ore consumpsit: adjecit ad cumulum damnationis suæ, etiam intemeratæ matris ejus sanctissima

Aleator dicit omnia membra Christi blasphemari.

membra jurare, terribili nimis temeritate satagens vniuersa sigillatim atque feriatim venenato dente discerpere: ita vt sanæ mentis omnes qui aderant, à facie blasphemantis & obloquentis aures obstruerent, & pectora tunderet. Necdum iuramenta omnia sacrilegus jurator expleuerat, & ecce repente ultio digna atque diuina inuisibili & quasi fulmineo ictu feriens ac perforans sceleratum, maiestatis iratæ terribile dedit experimentum. Percussus itaque blasphemus corruit; & putans, quod aliquis eum materiali gladio confodisset, horrendo gemitu exclamans, ait, Heu; heu, miser: quis es, qui me interfecisti? Cumque diutius in terra palpitans, & mortiferos gemitus efflans, volutaretur; tandem vrgente maligno, cui traditus fuerat, abominabile animam tartareis ignibus cōcremandā expuit. Nudato itaque corpore ad lauandum, inuenta est in dorso eius plaga recens, terribili apertura dehiscens: ac si aliqua securis amplissima ibidem immersa fuisset: ita vt penetralia cordis, hepatis, & pulmonis, funditus apparerent. Quo viso conterriti sunt iuratores: videntes, quia zelus Domini exercituum tam graui animadversione multauit iuratorem impium atque blasphemum. Cumque rumor velocius peruolans tremefactos vndique vicinos traheret ad videndum: quidam de intimis ejus mœstus accelerabat ad illum. Huic ergo itineranti apparuit quidam mortuus homo, quem viuentem ipse cognouerat, & ait, Agnoscisne me? Ego sum ille defunctus, olim tibi non ignotus. Noui ego quod tendas, sed incassum te fatigas. Iam enim morte absorptus est, quem viuentem inuenire te puras. Porro vnum est, quod te latere nolo, quia Dominus Iesus Christus à suis contumeliosis multas contumelias & injurias patitur, patienter expectas, tamquam patiens redditor. Verumtamen immaculatæ genitricis suæ læsiones atque conuicia non facile sustinet: sed aut præfenti supplicio citius punit, aut si fortè reseruat in posterum, cæteris malis acerbius ferit. His ita peroratis, defunctus ille, qui loquebatur, exanuit. Is vero ad locum perueniens, amicum jam mortuum iuxta mortui vaticinium reperit: & referens quæ audierat, terrorem terrori, & miraculo miraculum adjecit. Alium quendam iuratorem impudentem & execrabilem circa fines supradictæ ciuitatis Cadorcij fuisse affirmabat prædictus venerabilis Abbas Gerardus: qui cum beatæ Dei genitricis & Virginis Mariæ sacrata & secreta membra ore spurcissimo iurare præsumeret, mox immundo spiritui traditus, durissima passione diu vexatus atque distortus est, ita vt oculis euerfis, & facie tota enormiter intumescente, linguam ardentem atque ejectam longius ab ore porrigeret. Qui cum ita fuisset longo & horrendo tormento excruciat, tandem miserabilem animam dæmoniacis spiritibus reddidit; linguamque effrænem, quam extraxerat, nec in morte retraxit. His & hujusmodi exemplis Domnus Gerardus Abbas Claræ-vallis fratres suos, ne iurationibus assuesceret deterrebat: quia licet omni homini consuetudo iurandi periculosa sit, à Monachis tamen, & omnibus religiosis, etiam minimas iurationes sine graui periculo vsurpari non posse, certissimum est.

*Blasphemi
horrenda
plaga.*

*Iniuriam in
B. Virginē
grauius punit
Deus.*

*Alterius
blasphemia
mors æque
horrenda.*

Caput II.

De periculo proprietatis.

Plissimæ recordationis Domnus Abraham quondam Prateæ Abbas, quæ est vna de filiabus Claræ-vallis, florem virginitatis cum fructibus bonorum operum, sine quibus castitas non magna est apud Deum, vsque ad consummationem immaculatæ vitæ, largiente Christo, conseruauit. Hic

*Quanta
vis Confessi-
onis.*

*Demon-
stratio sumie in-
fidei scapu-
lari.*

*Confessio de
minimis pec-
catis.*

itaque homo sanctissimus, ac singulari mansuetudinis gratia præditus fuit, jugumque Domini ab adolescentia cunctis diebus vitæ suæ indefesso studio portavit. Qui cum adhuc esset ætate pariter & religione novell⁹, modicam panni novi scissuram ad refarciendam vestem in grabatulo suo sine licentia condidit. Sed dum eam post paululū requisisset, & reversato undique stratu minimè reperisset, miratus abscessit: & remordente conscientia, furtivā rapinulam privata confessione quantocyus delere curavit. Et ô magna virtus confessionis! magna nihilominus pietas Redemptoris! qui totam quodammodo spem salutis humanæ constituit in Sacramento Confessionis. Sicut enim nulla multiplicitas, nulla enormitas criminū aut scelerum potest obsistere, quin gratia purè & humiliter confitentē subleuet de imo baratri, & collocet in fastigio cæli: sic nimirum etiam minima delicta confiteri dissimulātem præcipitant defastigio perfectionis in ima miserabilis dissolutionis. Itaque prædictus juvenculus, qui prudenter adverterat tantillum peccatum suum sine Confessionis remedio aboleri non posse, cum post modicum temporis intervallum solus in coquina scutellas ablueret, ecce subito panniculus ille per aëre lapsus, & velut aliquo portante manibus ejus injectus est: quatenus cum ipso sordes materiales detergeret, propter quem sordibus proprietatis animam ejus Satanas fœdare tentauerat. Quē cum certissimè recognosceret, & porrectis quaquaversum obtutibus neminem in eadē domo, neque sursum neque deorsum aspiceret: manifestè cōperit ab immundo spiritu furtim sublatū fuisse, sed post factam confessionem ab eo retineri non potuisse. Quapropter in timore pariter & exultatione cordis gratias agens Deo, animadvertit, quā cavendum, quamque timendū sit ab ejusmodi proprietatibus, quamlibet minimis, eis qui puram atque perfectam paupertatis professi sunt vitam: cum etiam Sanctimonialis quædam, ut legitur, propter exiguū sericum filii, quod sine licentia lectulo suo reposuerat, diaboli sustinuerit in mortē calumniam. Alius quidā Cisterciensis Ordinis Monachus, cum infirmitate tactus ad horam ultimā devenisset, jamque loquendi officium amisisset, vidit immundum spiritum ad instar simiæ sedentem in pertica juxta parietem posita, ubi scapulare ipsius dependebat. Porro in ipso scapulari veteri & dirupto idem frater modicam panni scissuram sine licentia nuper affuerat: quam ille impurus spiritus suaviter atrectans, & sæpe deosculans, etiam lingua lingebat, & manu palpat. Quod cum ille videret, ingemuit: & quia jam loqui non poterat, protensione indicis indicando, verbisq; semirutis ac dimidiatis balbutiendo, quomodo poterat innuebat, ut derisorē pessimum amoverent. Fratribus verò qui circa ipsum stabant mirantibus, & diu percunctantibus, quid diceret, aut quid intenderet: diuina tandem miseratione recepit officiū linguæ, & ait. Numquid non videtis obscenum illum sedentē in nostro scapulari, & ore spurcissimo lambentem pitaciū illud, quod nuper in eo sine licentia consuere præsumpsi? Expellite ergo quantocyus sceleratum, & tollite de indumento pitacium: ne mihi in finem calumniosus & impius iste derisor insultet. Cumque omnes intentè respicerent, & spiritū nequam, quem ille conspicabatur, videre non possent: amoverunt scapulare de loco, & protinus recessit exprobrator pessimus. Frater verò infirmus accepta pœnitentia pro delicto suo rursus obmutuit: atque post paululum in bona confessione decessit. Itaque summopere cavendū est omnib⁹ nobis, qui sacri Cisterciensis Ordinis purā & defæcatam Religionem p^rofessi,

mundo

mundo & vniuersis quę mundi sunt, insuper etiā nobismetipsis abreunntiamus: ne saltem in minimis & vilibus quibuscumque rebvs dandis vel accipiendis seu habendis sine licentia, maculā demus conscientię nostrę, & atrocissimis hostibus nostris materiam calūnię: qui in exitu Israhel de Ægypto, id est animę de corpore, tantō atrocius à tergo instabunt malignissima exprobratione, nequissima insultatione, seuerissima ultione, iusto Dei iudicio tales excessus plectētes, quantō nunc eos nos facilius cauere possemus, si timorē Dei, sicut in Regula nobis præcipitur, continuē prę oculis haberem⁹.

*In morte
atrocissim-
stant nobis
demonēs.*

Caput III.

Quantum sit periculum, Monachum sine habitu suo, id est cuculla mori.

VIR illustrissimus Romanus genere, & honestę conuersationis Monachus, Dōnus Iordanus de Fossa-noua, quę est vna de domibus Clarevallis, retulit nobis quoddam grande miraculū, quod intra Italiam in quodam Cœnobio Cisterciensis Ordinis Dominus ad admonitiōē & correctiōem nostram fieri concessit. Monachus quidam ibidem cū per tramitem disciplinę regularis deuotē & humiliter vsq; ad metam sibi à Domino constitutam cucurrisset, ægrotabat ad mortē. Qui cū imminente jam exitu magnis febriū estibus vreretur, infirmarij min⁹ discreti, minusue monastici habitus sacramentum considerantes, ad releuationem ardoris exutum cuculla, scapulari induerunt: & ita per negligentiam eorū manendo spiritū exhalauit. Verū antequam corpus terrę cōmenderetur, qui mortu⁹ fuerat, repente rediuius apparuit: & mirantibus vniuersis ita exorsus est fari. Ego cū in morte carnis oculos clauderem, & carnis sensibus exemptus in vita animę spirituales oculos aperirem, mox à sanctis Angelis benignē susceptus, in eo habitu quo carnis induvias exui, id est absq; cuculla vsq; ad portas paradisi perductus sum. Cumque ductores mei me introducere conarentur, & in eterne beatitudinis mansione collocare, spirit⁹ Angelici, qui illic janitorū officium habere videbantur me diligentius intuentes, & monachū absq; monachali esse veste deprehēdentes, clauserunt portas continuō, meque excludere dicentes. Nūquid iste sine cuculla recipiendus erit in ordine vel requie monachorum? Repulsus itaq; pauidus & trepidus manebā foris, metuēs nimirum damnationis subire tristē sententiam. Verū ductores mei pro me rogantes dicebāt, me, excepto sermone hoc, virū extitisse p̄babilem, & in obseruantia monastici ordinis satis fuisse deuotū: sed responsum est illico, eterna lege sancitum esse, monachū sine habitu monachi, id est cuculla, per portas illas nequaquā intrare. Cūque magis ac magis anxierer, & ne ab eterne beatitudinis januis penitus excluderem vehementer pertimescerem, subito ab iisdē sanctis janitoribus audiui, piū iudicem Dñm Iesum Christum sententiam dedisse, vt ad humana reuerterer: quatenus accepta pœnitētia pro negligentia mea, cucullaq; reindutus, portas paradisi jam sine obstaculo intrarem. His auditis fratres cum gaudio & admiratione multa gratias egerunt Deo, qui facit mirabilia solus: sed mox prædictus frater qui revixerat, ad confirmationem dictorū suorum accepta pœnitentia indutusq; cuculla, migravit in pace. Constat ergo monachicum habitū, in quo etiā crucis forma exprimitur, si vita monachi teneatur, magnū habere mysterium, sicut in Vitis Patrū legimus cuidam Sancto fuisse monstratum, qui eādē Spiritus sancti gratiam, quā super Baptismi sacramentum venire conspexit, postmodum etiam super habitū monachi, cū benediceretur, descendere vidit.

*Suscitatur,
qui sine cu-
culla obierat.*

*Monastici
habitus esti-
matio.*

Caput IV.

De Conuerso, à cuius memoria peccatum graue exciderat.

*Obtinet pi-
us frater à
Deo, ut mo-
riatur.*

Cum facta esset aliquando mortalitas magna in domo Grandissilue sub venerabili patre Pontio, postmodum Clarevallis Abbate, ægrotabat ibidem religiosus quidam Conuersus, nomine Stephanus: qui moriendi desiderio tactus vix aliquid cibi sumere acquiescebat, sed votis & suspirijs continuus, ut ab hac valle plorationis, de hoc durissimi exilij filiorum Adam ergastulo educi mereretur, orabat. Unde factum est ut desiderium cordis ejus, tribueret ei Dominus. Quæ cum infirmari⁹ qui ei sedulè ministrauerat, cum tanta deuotione & tranquillitate cordis morientem cerneret, accensus & ipse vehementer desiderio moriendi dixit ad eum. Obsecro, carissime frater, quia video te de ærūnis hujus sæculi mox eruendum, & in gaudium Domini tui feliciter introducendum: ut cum perueneris ad Dominum nostrum I. C. etiam mihi celerem comestum ab ipsius benignitate impetrare digneris. Ille verò respondit, suum ei non defuturum auxilium, dummodo liceret. Euolutis autem post dormitionem ipsius paucis diebus apparuit eidem infirmario suo per visionem, & dixit ad eum. En ego in pace receptus video bona Domini in terra uiuentium, quæ incoparabiliter exuperant omne delectamentum carnis & sanguinis: & nunc ex debito sponsonis meæ reuertor ad te, opem laturus tibi: non tamen illam quam incaute petisti, sed quam tibi potius expedire cognoui. Recordare ergo, quia dum adhuc in sæculo esses, illud tale piaculum comisti: de quo nondum per contritionem cordis & confessionem oris absolui meruisti. Confitere igitur, & poenitentiam age celeriter: quia si ante obitum per Confessionem deletum non fuerit, post mortem insolubile permanebit. Euigilans itaque frater, reduxit ad mentem illud graue delictum, quod ante annos duo decem perpetrarat: sed ab ipsius memoria lethali obliuione funditus abolitum erat. Accelerauit ergo confitendo & satisfaciendo liberari: & gratias agens Deo, manifestè cognouit, quia non frustra Sanctorum suffragia expetuntur: nec parui pendendum esse confessionis Sacramentum, sine quo etiam tales ignorantjè taliter imputantur.

Caput V.

De periculo eorum, qui peccata sua confiteri erubescunt.

*Suffragia
Sanctorum,
& Sacra-
mentum Con-
fessionis,
quanti sint
momenti.*

Ecclesi. 4.

*Ecclesi. 9.
Iac. 2.*

Quoniam misericorditer Dominus predicti fratris ignorantiam & obliuionem discussit, & eum ad salutare remedium Confessionis attraxit: nunc ostendere liber, quantæ dānationis rei sint, qui tremendi iudicij Dei immemores, peccata graui, quæ comiserunt, per vanam & inutilem verecundiam, de qua Scriptura dicit, *Est confusio adducens peccatum*, cæcati, confiteri vel dissimulant, vel erubescunt: & in virtutum operibus, quæ fortassis processu temporis acquisierunt, confisi, semetipsos decipiunt: cum scriptum sit, *Qui in uno, hoc est in Confessione, delinquit, multa bona perdet, & factus est omnium reus*. Dōnus Arnoldus Abbas Belliloci vir fidelis ac religiosus, narrauit nobis miraculum gloriosum, quod sibi à quodam Calacensis monasterij Priore, viro sancto, relatū esse dicebat, quo presente res ipsa contigerat. Erat in territorio Lemouicensi matrona quedam religiosæ valde cōuersationis, quæ licet maritali vinculo teneretur, tamen jejuniis, orationibus, elemosynis, ceterisque religiosis actibus insistens, in habitu seculari vitam regularem ducere videbatur: verum in adolescentia sua piaculum grave comiserat, de quo vehementer erubescens, nunquam illud alicui præ nimia verecundia confiteri volebat. Quoties tamen Presbytero suo confitebatur, palliatā de isto crimine mentionem faciebat:

*Fraus femi-
ne in Con-
fessione.*

ita confessionē suam concludens. Deoībus peccatis meis, quę modò protuli, & quę non protuli, culpabilē me fateor coram Deo & vobis. Cūque hunc finem & confessionis veluti sigillatū sermonē emitteret, trahebat ex imo cordis longa suspiria, & tota protin⁹ in lacrymas solvebatur. Hoc igitur per annos plurimos frequenter ac vniiformiter actitante, Sacerdos, vt erat prudens & sollicitus, aduertit aliquid pestiferū latere in corde ipsius: vnde etiā tentabat multis argumentis id ipsum ab ea per Confessionem elicere. Sed dū nihil hac sollicitudine proficeret, monuit eam vicini monasterij Calacensis suprà memoratum adire Priorem: & ei tāquam viro sanctissimo conscientiam suam totam exponere. Porro Sacerdoseundē Priorem super huiusmodi verbo secreti⁹ p̄tāmunire curauerat. Cū ergo venisset ad eum mulier, & ipsi confiteretur, nihil ab ea potuit extorquere: nisi quod Presbyter solebat audire. Fāctum est autem, vt infirmata & minimē confessa moreretur. Cūq; diuti⁹ mortua jacuisset, tardante filia ejus, quę de alio remotiori vico ad materni corporis exequias vocabatur, dilata est interim sepultura. Quę cū tādē concito gradu adueniens magnis ejulatibus fleret, & omnes qui aderāt ad lām̄ta converteret: repente misericordissima Dei omnipotentis virtute femina defuncta revixit: & redeunte in p̄prium corp⁹ anima, post triste divortiū factum est dulce spiritus & carnis consortiū. Tunc quasi de graui sōno evigilasset, flenti & lamentāti filię sic locuta est. Noli timere filia, cessent à flatibus oculi tui: quia jam miserantē Deo revixi. Discinge velaminum impedimenta quibus amicior, vt surgere queam. Solutis itaque cum omni velocitate ligamentis, erecto capite femina resedit. Tunc illa iubente Sacerdos p̄peranter asciscitur, & secedentibus cunctis contagium veterinosum protinus per Confessionē emittitur ac diluitur. Postea verò cōfluentibus populis ad miraculū intuendum, ipsa mulier inestimabilis gratiæ Dei in se factæ testis & annuntiatrix effecta, rei gestæ ordinē cunctis exposuit: & qualiter per interventionem pijsimę Dei genitricis & virginis Marię liberata fuisset, hoc modo dicens. Ego miserabilis peccatrix cū in hac vita cum hōibus conuersarer, p̄pter bona opera quę faciebā, & religiosam conversationem, quam p̄tendebā, videbar coram oculis hominum stare: sed coram oculis oīpotentis Dei in ruina mortis jacebam: cujus mandati p̄varicatrix esse, impia temeritate non pertimui. Constituit enim Dñs in sancta Ecclesia sua, neminē absq; Confessione posse salvari. Ego autem misera licet de ceteris peccatis meis puram frequenter confessionē facerem: tamen quoddam graue peccatū quod in adolescentia mea cōmisi, p̄r nimia verecundia nulli vñquam hōiū ausa fui confiteri: p̄pterea omnia bona opera quę faciebā infructuosa & inutilia mihi reddebant. Verūtamen hunc lapsum meū solebam singulis ferē dieb⁹ beatissimę Dei genitrici Marię, corā ipsius altari vel imagine, seu vbicumq; poteram, pœnitendo, lugendo, & flendo confiteri: & ipsius misericordiā miserabili querimonia implorare: ne me pro hoc peccato meo pateretur eternę damnationis sentētiā subire. Postquam autē mortis debitū solvi, protinus à malignis spiritibus vndique vallata crudeliter rapiebar, impellebar, discutebar: & cū amarissima exprobratione peccati mei ad inferni supplicia damnanda trahebar. Recordabar interea eleēmosynarum quas feceram, ieiuniorum, vigiliarum, orationū, ceterorumque bonorum operum, in quibus multo tempore sudaueram: & mirabar quòd tamquam omnium criminū rea gehennalib⁹ tormentis absq; vlla miseratione destinarer.

*Mortitur
inconfessa.**Rediit
confictur.**Necessitas
Confessionis.*

B. Virgo fugat demones.

*Extra carnē locus non est Confessio-
ni.*

Quærebam lucem operum meorum: & continuò pestifero tabo inconfessi peccati mei de imo conscientie mee terribiliter evaporante, ita oculi mei obnubilabantur & contenebrabantur, ut radios veri & æterni luminis, quod per eleemosynas & bona opera conquiritur, nullomodo respicere valerem. Heu! tunc, licet tardè nimis, intellexi, hæc esse stipendia obstinati & obdurati cordis mei: tunc quàm sit perniciosum miseris mortalibus, Dñi & Creatoris sui præceptis non obedire, non solùm scire, sed etiã experiri compulsus sum. Itaq; omni consilio & auxilio destituta, recordata sum, quòd hoc ipsũ peccatum meum, pro quo justam dñationis sententiam excipiebã, beatissimæ Dei genitrici & Virgini flendo & lamentando frequenter confiteri solebam: & continuò modicum aliquid spei concipiens, ipsam veram matrẽ misericordiæ, & vnicam spem miserorũ, ne me misellam in supremo necessitatis articulo constitutam dereliqueret, votis magis atq; suspirijs, quàm verbis orabam. Nec mora eadem consolatrix & protectio omniũ ad se confugientium, tamquam stella matutina & fulgor meridianus adveniens, terruit & increpavit demones qui mihi illudebant, quòd suam ancillulam invadere præsumpsissent: jussitq; quantocyus deponere prædam, ibique dimittere eam, donec à Domino egrederetur sententia, quid inde juberet fieri. Cumq; dicto citius paruissent nequam spiritus, ipsa mater misericordiæ accedens ad benedictum fructũ vteri sui Dominũ nostrum Iesum Christum, adoravit & ait. Obsecro pietatem tuam Domine Fili, ne tradas bestiis animã illam, quæ suam transgressionem coram imagine mea toties deploravit. Cui respondit Dominus. Nosti, dilecta mater, quòd sine cõfessione salvari non potest? At illa. Domine, omnia tibi possibilia sunt: ne quæso confundas faciẽ pauperculæ hujus, quæ fiduciam habuit in me: & per multa bona & justa opera faciem tuã, licet non secundum scientiam, placare curavit. Ait Dominus. Quoniã fas non est, ut pro quavis petitione repulsam à me patiaris: & quoniam extra carnē locus confitendi & pœnitendi non est: placet, ut anima hæc proprio corpori reddita, quod malè deliquit, & pejùs apud se retinuit, humiliter pœnitendo confiteatur: statimq; reducta, debito tandem ordine misericordiam consequatur. Mox itaq; Dño imperante, & pijsima Domina nostra sollicitè procurante, missus est ad me Angelus bonus: qui me de omni expectatione malignorũ spirituum eripiens, proprio corpori, ut cernitis, restituit. Nunc ergo Confessione peracta, tempus est ut abeam, minimè jam reditura, sed in æternum misericordias Domini canitura: qui me, licet indignam, tremendo judicio suo, eadẽ misericordia præveniente & subsequente, tam dignãter subduxit. Cũ hæc illa dixisset, caput in feretro reclinauit: & signaculo sanctę crucis se muniens, spiritum exhalavit. Utinã quicumque mortis eternæ jaculo per criminale aliquod peccatum transossus exemplum istud legerit vel audierit, ad Confessionis & Pœnitentiæ salutare remedium animetur: sciens proculdubio neminẽ à Dño veniam consecuturũ, qui vicario ipsius, hoc est Prælato vel Sacerdoti suo, humiliari contempserit. Quòd si quis absque fundamento Confessionis, virtutũ opera super inane præsumptionis ædificare tentaverit: vel de Confessione quæ in extremis fit, propter ipsa bona opera sua præsumperit, seu majore dementia tale aliquid, quale nunc retulimus, de se somniauerit: nouerit, quia quantò altiùs absq; alis Cõfessionis volauerit, tantò ruina ejus gravior erit: & quia Confessio in extremis tantò difficiliùs conceditur, quantò superbiùs de ea præsumitur: singu-

laria quoque priuilegia paucissimis per diuinam gratiam collata, generalitatē prorsus excludunt. Ex his colligitur, multo melius esse, dum adhuc vacat, & in hoc corpore sumus, preuenire faciem Dñi in confessione pura, quàm in obstinatione nostra perdurantes, in die generalis resurrectionis sempiternę confusionis & opprobrij nūquam finiendi corā Angelis & hominib⁹ notam sustinere; insuper etiā horrendę maledictionis jaculo feriri, quando dicetur impijs & inconfessis, *Ite maledicti in ignem aeternum: qui pręparatus est diabolo & Angelis ejus,* Mat 25.

Caput. VI.

Quanta pietate Dominus somnolentiā cuiusdam devoti Monachi castigauit: quanta seueritate alterius tepidi & negligentis inertiam corripuit.

ERAT in supradicto Cœnobio Grandisilulæ Monachus quidam spiritualis, & magna gratia præditus: qui licet assidue cum somnolentię vitio luctaretur, contendens putam Domino, sicut oportet, deuotionis seruitutē in psalmodia exhibere: tamen naturę fragilitatem in hac parte superare non poterat. Quadam itaque vice dum staret in ordine suo in choro, & quasi pigritando & dormitando psallere videretur: astitit ei quędam reuerenda persona, cujus vultum non agnoscebat, quę etiam excitans dormitantē, apprehendit eum per vestimentū à parte pectorali, & quasi de choro extrahere nitetur. Qui dum traheretur, aperiens oculos, & videns eum dixit. Quis es domine, & cur me ita trahis? Ille autem respondit. Et tu cur ita dormis? Tāquam diceret. Numquid propterea de stratu tuo surrexisti, & chorū intrasti, vt dormitando & capite nutādo risum de te inimicis tuis faceres: & non magis propterea, vt Domino creatori tuo in conspectu sanctorum Angelorum ipsius alacriter psalleres? Et cum hoc dixisset, dimisit eum, & statim evanuit. Frater verò, qui tam misericorditer à Domino pro somnolentia sua castigari meruerat, in timore Dei excutens à se somnū torporis & negligentię, curauit deinceps ad vigilandum & psallendū cautior inueniri. Alius quidam in eodem monasterio Monachus erat, nomine Bernardus. Hic quāvis iuuenili & vegeto corpore robustus appareret, tamen remissiùs ceteris agebat, exhibens le ad opus manūū pigrum, & ad vigilias somnolentum. Vnde etiā contubernaliis suis non parum onerosus erat, & vbique de inertia notabatur: præcipuè in Ecclesia, vbi negligentior inueniebatur. Quadam itaq; nocte, cum eum dormientem ad vigilias præcentor monasterij pertesus nimiam pigritiam ejus solito seueriùs excitasset: ille cōmoto animo surrexit, & in dormitorium perrexit. Cumque ad necessariam domum accederet, ecce turba demonum ad ostium cum ingenti strepitu & terrore aduersus eum clamans, & crebris vocibus iterans, apprehendite, apprehendite illum. Quo audito repente totus inhorruit: & fugā festinanter arripiens, rapido cursu in Ecclesiam rediit. Cumque venisset ad stallum suum tremebundus & anhelus, illico defectū cordis incurrit: & corruens in terram, sine motu & sensu diutius velut exanimis jacuit. Sublatus autem inde fratrum manibus, & in infirmatorium delatus, cum ab illo terrore aliquantulum respirasset, & sui compos effectus fuisset: percunctantibus fratribus quidnam ei accidisset, rem per ordinē referens, contumacię & somnolentię suę pœnas se luisse testatus est. Potrò Nouitius quidā dum ipsa hora in oratorio esset, eundem Dæmonum strepitum & clamorē se audisse testabatur. Sic ergo frater ille piger & negligens diuinę correptionis stimulo salubriter castigatus, didicit, pigritiā som-

Angelus excitat somnolentum.

Dæmones fugant alium.

Ecclesi. 22.

Isaia 51.

Somnolentorum differentia.

Visio S. Bernardi notanda.

Speciale donum.

Psalm. 118.

Psalm. 33.

nolentiam, atque desidiam, ceterasq; huiusmodi pestes, verè esse stercoreas, quæ boues, hoc est, fortes in timore Dei, projiciunt, hoc est, abominantur & detestantur: quibus etiam stercorebus immunda Dæmonia pigros quosque & inutiles ad ipsorum multam confusionem lapidare non cessant. Ecce quantum distat inter negligentiam ex infirmitate contractam, ubi in quotidiano conflictu vigor mentis velut aquis niuis se lauans, puram Dño nritur exhibere servitutem: & tamen ne insolescat & superbiat, somnolentiae sordibus intingitur: & miseram inertiam, quæ arma spiritualia projiciens, hostibus ultro se tradit: non dormitans, sed dormiens & stertens profundius aliquando in choro quam in lecto: nec vlla viuacitate mentis resistens malignis spiritibus illudentib⁹ & dicentibus. *Incuruare, ut transeamus.* Pulchrè verò gemino hoc exemplo quod retulimus, ipsa distantia expressa est: quia illum athletam Christi, cujus supra mentionē fecimus, per gratiam quidem pugnantem, sed ex infirmitate succubentem, bonus Angel⁹ blâdo alloquio ad cautelam sui sollicitiorem effecit: hunc verò, cujus inertiam & vecordiam prodidimus, caterva malignorū spirituum terroribus & clamoribus improbis insectando mente captum & ferè alienatū reddidit. De bonis sumamus exempla, eligentes magis cum viris virtutum in agone spirituali viriliter certare: pigrorū verò & inutilium tepiditati sic ex animo compatiamur, ut tamen negligentias eorū, propter spem diuinæ retributionis, seu propter metum gehennæ ignis, modis omnibus fugere studeamus. Nam & seniores Clarevallis de beatissimo patre nostro Bernardo referre solebant, quia dum quadam vice nocturnis vigilijs intetesset, vidit Angelum Dñi cum incensorio cælesti thymiamate referto utrumq; chorum lustrantem: & quos vigilantes psallentes & orantes inueniebat, suavissimo nectare spiritualiū aromaturū corda eorum reficiens, fastidiū tollebat, & deuotionem in eis exacuebat: quos verò somnolentos, pigros, & inutiles cernebat, quasi cum indignatione quadā præteribat, nec eos aliquatenus cælesti pitantia dignos judicabat. Venerabilis etiam pater Dónus Richardus, quondam Abbas Sauiniaci, de quodā religioso & sancto Abbate, qui in vna domorū Sauiniacensium abbatizabat, mirabilē quandam, ac paucissimis, ut reor, expertam gratiam nobis innotuit: quam ipsi ob meritū deuotionis suæ largitas diuinæ pietatis prærogare dignata est. Nam cum carnalibus non solum desiderijs, verū etiam cogitationibus à corde suo penitus eliminatis, in puritate & deuotione mentis vigilaret, psalleret, & oraret: superna desuper aspirante gratia solebat sentire naribus suis influentiam peregrini cuiusdam odoris, nectaream suauitatē cinnamomi, thuris, & balsami, omniūque odoramentorū fragrantiam incomparabiliter exuperantem. Faucibus etiā suis quasi cælestis mannæ dulcedinē infundi sentiebat, omnē in se saporem, & omne delectamentum suauitatis habentem: quod veluti fons vivus in ore illius scaturiens, indeq; ad interna corporis & aīæ defluens, utrūque ipsius hominem dulcore mirabili perfundeat & afficiebat, ita ut ex sententia dicere posset. *Quam dulcia faucibus meis eloquia tua, super mel & fauam ori meo.* Felix anima, quæ non modò in seipsa, verū etiam in corpore suo, quamvis adhuc corruptibili, jam gustare & videre meruit, *Quoniam suavis est Dominus.* Nullatenus nāque dubitandum est, quòd cuiusque tam excellens donum concessum fuerit: carnalia mox in eo desideria potenter extinguit, spiritualia vehementer accendit, ipsamq; animam totam igne diuini amoris liquefacit. Præterea malignorum spirituum

fugam insinuat, sanctorum Angelorum presentiam indicat: & preoptatum diuinæ clementiæ respectum tam felici quàm veraci experimento denuntiat. *Deus fratres nostros consolatur, & terret desideres.* Sic sic nouit Dominus consolari humiles in seruitio suo strenuos & deuotos: nouit etiam terrere desides & inertes, comoda carnis suæ plus iusto sectantes: presenti quodammodo iudicio declarans, quod in futuro examine manifestandum Propheta denuntiat: videlicet quid intersit inter seruientem Domino, *Malach. 3.* & non seruientem ei: inter vouentem Domino & reddentem, vouentem & non reddentem: cui, secundum testimonium sacræ Scripturæ, melius fuerat *Eccle. 4.* non vouere, quàm post votum promissa non reddere. Itaque quod in supra memoratis personis, diuersis pro qualitate meritorum stipendijs, corporaliter & visibiliter Dominus fieri voluit, hoc in cunctis seruitium Dei profitentibus spiritualiter & invisibiliter actitari, certissimè scire debemus. Sicut enim professionis suæ memores, & nulla laboris seu vigiliarum instantia perturbatos, quominus quotidianum psalmodiæ & hymnorum cursum prompta & alacri deuotione persoluant, diuinæ dignationis pietas secretissima visitatione releuat, fouet & consolatur: sic nimirum professionis suæ oblitos, & nec summis, ut ajunt, digitis arduos labores vigiliarum & seruitij Dei tangere volentes, horrida Dæmonum colluvies varijs illusionum & passionum phantasij foedare non cessat, & in baratrum periculosissimū tepiditatis & negligentie de die in diem procliuius efficere conatur.

Caput VII.

Quantum periculum sit sacros Ordines ambire.

Avdiant ambitiosi, auscultet ad sacros Ordines seu ad Ecclesiastica beneficia impatienter anhelantes, exemplum de ambitioso: audiant inquàm & contremiscant: & quid sibi de maximis timendum sit, in minimis considerantes, tandem patrimonio crucifixi Domini se imprudenter ingerere vereantur: quoniam *hereditas ad quam festinatur in principio*, eodem Domino maiestatis, qui ex infirmitate crucifixus est, irato, *in nouissimis benedictione carebit.* *Prover. 20.* Monachus quidam Cisterciensis Ordinis religiosa admodum conversatione vitam suam consummans, tentationibus & ærums hujus mutabilis vitæ morte interueniente subtractus est. Quo defuncto Sacrista domus illius nocte quadam imminente jam tempore vigiliarum, dum præstolaretur signum horologii vigilans sedebat sic in lecto suo: cum ecce spiritus ejusdem fratris tamquam solido & palpabili corpore vestitus repente astitit coram ipso: sicque lamentabili voce allocutus est eum. Domine Sacrista, ego sum ille frater nuper defunctus: sed cur nunc ad te venerim, queso, ut pietatis intuitu pensare digneris. Ego enim dum adhuc essem viuens in corpore, licet per gratiam Dei vigilanter satis in obseruantijs Ordinis meipsum exercerem, in vno tamen grauius deliqui: quod scilicet sacrum Diaconatus Ordinem carnaliter concupiui: & ut ad hunc honoris gradum ascenderem, sine respectu timoris Dei valde inquietus fui: quodque adhuc est grauius, absque condigna poenitentia huius delicti de corpore exiui: quia nec tanti ponderis hoc fore putabam, quati post mortem inueni. Sed pius Dominus idcirco nunc me tibi apparere concessit: quatenus qui jam per meipsum mereri nihil possum, fratrum nostrorum, qui adhuc tam sibi quàm alijs misericordiam Dei promereri possunt, orationibus debeam adiuuari. Itaque obsecro per pietatem Domini nostri Iesu Christi, quatenus calamitatem meam Priori exponas: ipsumque roges, ut in Capitulo me absoluens, generalem orationem pro mea liberatione fra-

Sacrista apparet animam defuncti, preces postulans.

*Apparet
secundò de-
functus pre-
ces petens.*

tribus injungere dignetur. Vt autem noveris, hæc quæ vides & audis phantasticam nequaquam illusionem esse, in argumentum veritatis Psalterium quod Portarius ante aliquot dies in Capitulo requisivit & nondum invenit, in tali loco repositum invenies. Verùm Sacrista qui hæc audierat & viderat, licet multum miraretur tam insolitam novitatē rei, tamen cum esset homo maturi consilij, ipso die nemini quidquam super hoc verbo locutus est: reputans, ne fortè tāquam somnior aut à dæmonibus illusos, derisui haberetur. Nocte verò sequenti, dum sicut prius vigilans & sedens in lecto suo, de ijs quæ præterita nocte contigerant attentius cogitaret: rursus idē defunctus sicut antea vigilanti & stupenti apparuit, dixitque ei. Non rectè agis, domine Sacrista, non rectè agis circa me, qui iram Dñi porto, quoniā peccaui ei: in cujus manus quàm horrendū sit incidere, vtinam & tu non experiaris. O si scire posses, quàm gravis est jam minima pœna animæ carne solutæ, profectò non tam negligēter ageres, sed totis viribus succurrere satageres. Quapropter etiam atq; etiā confessor te per Deum, ne ulterius dissimules, sed petitionē meam effectui mancipare festines: quia spero, me per orationes fratrum nostrorum apud clementissimū Iudicem Deum misericordiam adepturum. Vt autem totius dubietatis scrupulus de corde tuo tollatur, & me ipsum esse, quem paulò antè viventē in carne bene noueras, non dubites: ecce tolle de manibus meis psalterium, quod portarius in Capitulo quæsit, & necdum invenit. Tulit itaque Sacrista psalteriū de manibus ejus, super tam inauditis mirabilibus Dei vehementer obstupescens: quia ipse verè est, qui facit mirabilia magna solus. Porro idem Sacrista scire volens, utrūnam solidum & palpabile esset corpus quod videbat, utrūve sic subjaceret tactui sicut visui, cum haberet prope se virgam, tulit eam & quasi tangendo experientiz satisfactorius, leui ictu vibrauit illam: sed mox nullo penitus obstaculo resultante, quasi per vacuū aërem, sic per corp⁹ quod apparebat transducta est. Mane autem factō Priori & fratribus quæ viderat & audierat, innotuit: psalteriū etiam quod acceperat, tāquam veritatis pignus protulit: sicq; fratris illius anima per cōmunes fratrum orationes, & Missarum celebrationes pœnis, vt credimus, absoluta, beatitudinis æternæ consortiū Deo miserante pmeruit. Sed quid est, quòd omnipotens Deus in his nouissimis præsentis sæculi temporibus tam multa de animarum statu clarescere facit, quæ antea latuerunt: ita vt apertis reuelationibus atque ostensionibus, animarum post mortem vita, futuri quoq; sæculi manifestatio se nobis quodāmodo inferre, jamjamque aperire videatur: nisi hoc, quod beatus ait Papa Gregorius, quia *quantò præsens sæculum propinquat ad finem, tanto futurum sæculum ipsa jam quasi propinquitate tangitur, & signis manifestioribus aperitur*? Væ igitur ijs, qui tremendi & æterni iudicij Dei tantis & tam manifestis erūpentibus signis, adhuc, secundum Apostolum, turpe lucrū sectantes, quæstum æstimant pietatem: qui sacris Ordinibus & Ecclesiasticis honoribus per fas nefasque se intrudere non verentur: & cum item dicat Apostolus, neminē sibi debere assumere honorem, *sed qui vocatur à Deo, tāquam Aaron*: isti e contrario superbo oculo & insatiabili mēte quilibet Ecclesiasticas dignitates, prece, pretio, & obsequio, mendicare non erubescunt: non vt vigilijs, jejnijs & orationibus intenti, lucrands animabus invigilent: sed vt gulæ & ventri vanitati, voluptati, & superbiz vitæ satisfaciant: quorū damnatio, nisi resipuerint, & pœnitentiam egerint, tantò erit præ omnibus hominib⁹ durior,

*Corpus assū-
ptum à spi-
ritu non est
solidum.*

Hebr. 5.

& import-

& importabilior, quantò ipsa diuina sacramenta indignè peruadere, & vicariorū Christi sacros Ordines carnaliter sibi arrogare non timuerunt. Sed quid agimus, vel potius quo lacrymarum imbre plangere poterimus, quòd hac ambitionis peste vniuersum genus filiorū Adam sic generaliter infectū est: vt quantò quis religiosior, sanctior, & perfectior esse contenderit, tantò subtilius hoc infirmę mentis vitio se pulsari erubescat? Sicut enim in quodam Sermonē suo testatur beat⁹ Bernardus, nobilis creatura sumus: quippe ad imaginem Dei creati, sursum aspiramus omnes, ad alta nitimur cuncti, & sublimia sectamur vniuersi: nec esset omnino vllum vitiū altitudinis appetitus, si legem ab Altissimo præfixam nullus ascendere gestientiū transgrediretur. Quia verò interveniente peccato intentio nostra curva, ratio cæca, voluntas infirma effecta est: necesse habemus pro imperfectione nostra cōpungi in cordibus nostris, scindi in Confessionibus, humiliari in pœnitentię laboribus, & omnino solliciti esse, ne vniquam demus mēbra nostra arma iniquitatis peccato: hoc est vt nūquam vanis adulationib⁹, simulatorijs obsequijs, vel quibuscumque quasi suauum morbum lenocinijs, morbo nos ambitionis laborare, à proximis vel Præpositis nostris deprehendi patiamur.

Ad alta
nitimur om-
nes

ibidem. Caput VIII.

De periculo inobedientiæ.

CVM Apostolus de Domino & Salvatore nostro dicat, quia factus est Patri obediens usque ad mortem: & beatissim⁹ legislator noster Benedictus obedientiam vsque ad impossibilia extendat: ipse etiā Dominus de Prælati Ecclesię suę fateatur, *Qui vos audit, me audit: & qui vos spernit, me spernit*: dolendum valde est, sacrę religionis professores, & obedientiam super omnia & ante omnia vouentes, in tantum quandoque superbię & inobedientię saltum prorumpere, vt nec precibus flecti, nec minis terreri queant, vt ab insanię suę fervore detumescere velint. Vnde necessarium reor, exemplum inobedientię in medium adducere: quatenus ij, qui iracundię felle commoto, & superbię vlcere exasperato, nec Deum timent, nec homines reuerentur: audientes, quàm terribili iudicio suo Deus superbis resistit, discant magis humiliari & obedire cum mitibus, quàm spolia contumacię & arrogantię diuidere cum superbis. Conuersus quidam Cisterciensis Ordinis Priori suo inobediens factus, quod sibi imperabatur superba mente facere despiciens, nullo respectu timoris Dei, nullis fratrum blandis admonitionibus, ad hoc poterat induci, vt obediret imperanti: quinimo tumidis & indisciplinatis responsionibus hostenūquam facturum garriebat. Inter eā sole ad occasum vergente clauditur dies: & ipse rancoris & amaritudinis felle plen⁹, & in contumacia sua perdurare non pertimescens, tāquam paufaturus in lecto suo se collocauit, illius Apostolici malè memor, *Sol non occidat super iracundiam vestram*. Ecce autē primo conticinio noctis, cum necdum obdormisset, sed adhuc dirę superbię vitio, corde machinando malū, satisfaceret, adsunt duo nequā spiritus fuligine tetriores, draconib⁹ crudeliores, stantes ante lectū ipsius: quorum vnus alteri quasi interrogando sic locutus est. Quis nā est iste, qui jacet hic? Respondit alter. Conuersus quidā. Rursus ille, qui prior locutus fuerat, quasi sub stomachando, nequaquam, inquit, sed inobediens quidam. Et continuò subiecit alter dicens. Ergo si inobediens est, trahamus illum ad portam. Nec segniùs dicto quod dixerat exequuntur. Nam manus misero injicientes, & de lectulo minùs suauiter excutientes,

Philip. 2.
S. Bened.
c. 68. Reg.

Luc. 16.

Ephes. 4.

*Dæmones
Conuersum
in dormito-
rio tollunt,
eique in-
dunt.*

os etiam ipsius, ne clamare posset, obturantes, de dormitorio & cætu fratrum obedientium inobedientem & contumacem traxere crudeliter. Deinde per aëra eum ferentes, cum venissent extra septa monasterij, cœperunt illudere ei, pro nefas! ad alterutrum eum jaculantes: sicut solent homines ludentes pilam jacere & capere. Cumque diutius illusissent ei, dimiserunt illum ad horam recedentes ab eo. Sed ô inexplēbilis diabolicæ nequitię crudelitas! Post paululum nāque reuerſi cum sicut prius cœpiſſent illudere ei, ecce signum ſervitiij oīpotentis Dei subito inſonuit: ad cuius tinnitū, tāquam ſi tonitruum de cælo cum fragore ſuper eos rueret, territi fugerunt: miſerū verò Conuerſum jam non ſuperbum & contumacē, ſed ad inſtar damulę pavidum ac tremebundū, in quandam paludē quę ibi erat projecerunt. Qui ſe inde put poterat proripiens, ſubitus quandam arborem conſedit, totus ex vligine paludis denigratus atque fœdatus. Vbi cum mœrore & anguſtia depreſſus ſederet, & in continenti rediturus laruales dæmonū effigies formidaret: aſtitit ei repente perſona quædam reuerenda, dicens ad illū. Confortare, & noli timere, quoniam maligni illi tenebrarū miniſtri, ſuperbię & contumacię vltiores, tibi vltiūs nocere nequaquam præſument. Hęc autē juſto Dei iudicio tibi ppter ea acciderunt: quia tam ſuperbē inobediens & rebellis eſſe ſeniori tuo non timuiſti. Mane autem factō cum Conuerſus idē inter cæteros fratres non appareret, & licet multū per officinas quęſtus inueniri non poſſet, ſuſpicati ſunt oēs clauſtino eum diſceſſu ad ſeculi vomitū rediſſe. Erat autē ſitus loci talis, vt coquinarios oporteret ad miniſterium coquinę mundam aquā extra portam haurire. Vnde fratres qui tunc coquinę officio inſerviebant, ſummo mane egreſſi ad hauriendam aquā, viderunt Cōverſum illum velut amentē ſub arbore ſedentē: feſtinatoque redeuntes Priori & fratribus quod viderant indicarunt. Prior itaque aſſumptis ſecū aliquantis ex fratribus exiit foras ad eum: vidensque eū ſic miſerabiliter ſe habentē, quęſiuit quare illic ſederet, vel quid mali illi accidiſſet. Ipſe verò caninis riētibus morſum intentās fratribus ad ſe accedere volentibus, & torvis oculis ſingulos reſpiciēs dicebat. Vos tota nocte hac viditiſtis me ludibrio fuiſſe malignis ſpiritibus: & nemo ex vobis auxiliū mihi ferre curauit. Protinus ergo intellexerūt fratres, eum pro culpa inobediētię & cōtumacię ſuę aliquas pœnas ſolviſſe: & præcipiente Priore ductus eſt in infirmitorium, ibique diu jacēs & eadem amentia laborans, didicit ex ijs quę paſſus eſt, contumax & rebellis non eſſe: & ſicut ſcriptum eſt, ſola vexatio intellectum dedit auditui. Itaque ſicut incomparabile malum eſt ſuperbia & rebellio: ita ſine exemplo punientur, damnabuntur, & cruciabuntur ſuperbi, arrogantes, & rebelles: quorum ſententia longē ſit ab omnibus nobis, qui Deum ſincera & humili charitate diligere, & vicarijs ipſius Prælatiſ nostris in omni ſolicitudine propter ipſum ſubdi & obedire decreuiſmus.

*Conuerſus
amens.*

Iſaia. 28.

Caput IX.

Item de periculo inobediētię.

SVnt verò nonnulli, qui licet ab hac groſſa & quodammodo manifeſtē peremptoria inobediētia tota ſolicitudine, ſicut dignū eſt, declinent, in minoribus tamen præceptis per obediētiā injunctis minūs cauti, limitem obediētię facilē tranſgrediuntur: ſed etſi poſtea reatum inobediētię Confessione & Pœnitentia diluere conantur, magis hoc perfunctoriē,

quàm vera cordis contritione facere comprobantur. His ergo adhuc exemplum inobedientiæ proponere non grauabor: vt quibus panis mendacij, id est propriæ voluntatis appetitus, contra mandatû Prælati sui suavis esse dignoscitur, hoc exêplo territi resipiscant: ne fortè panis furtiv⁹ in stomacho conscientia vertatur in fel aspidû: sicque diuitias inobedientiæ, quas delectabiliter denorant, evomant, & de ventre eorum extrahat eas Deus. In prouincia quæ dicitur Germania trans Rhenum, quæ etiam generali nomine Saxonia vocatur, territorio ciuitatis Parbrunnensis, quâ Carolus magn⁹ Imperator condidit, extat cœnobium Sanctimonialiû Aroldisceium nuncupatum, quod sanctissimorum Apostolorum filiorû Zebedæi sacro nomini attitulatum, magnæ antiquitus religionis & districtissimæ disciplinæ fuisse dignoscitur. Huic monasterio quodam tēpore præfuit vir vitæ venerabilis, nomine Petrus, de Ordine Regularium Canonicorû assumptus: quoniam & ipsius monasterij instituta secundum Regulam beati Augustini disposita sunt. Erat ergo homo ille mandatorû Dei scrutator sedulus, & executor deuotus, charitate clarus, humilitate submissus, castitate præcipuus, quique tâquam fidelis paranympus & amicus sponsi, sponsarum domini sui sibi cômmissarum castitatem pervigili deuotione zelabat: latrunculos quosq; integritatis corruptores, ne thalamum cœlestis sponsi violarent, viriliter ppulabat. Cumque bonis polleret moribus, hoc in conuersatione sua præcipuû velut pretiosam margaritâ habebat, sacræ videlicet venerationi Dei genitricis sincera cordis affectione insistere: hostiam salutarē & sacrificium singulare, per quod peccata mundi tolluntur, in ejus honore multa cû deuotione frequenter immolare: ipsam sibi in cunctis necessitatibus suis aduocatum eligere, ipsiusque suffragia lacrymosis & continuis precibus implorare. Porro laudabilem talem consuetudinē sibi effecerat, vt quoties nomen mellifluû ejusdem beatæ virginis & matris nominari audisset, si oportunitas petendę veniæ deesset, inclinato reverenter capite, genibus etiam aliquantulû incuruatis, salutationē Angelicam eidem matri misericordiæ quantò deuotius poterat, representaret. Denique optimi agonis certamine feliciter consummato, temp⁹ aduenit, quo veridicâ illam cœlestis oraculi sententiâ experiretur dicentis, *Beati mortui, qui in Domino moriuntur*. Aduersa namque correptus valetudine febribus cœpit æstuarē, & quantò viciniorē esse mortem signa mortis erûpentia nuntiabant, tantò specialis patronę personæ suę Domina nostræ auxiliû cœpit enixius flagitare: & vt ad servuli sui exitû occurrere, seq; à malignorum spirituum nequissima crudelitate tueri dignaretur, attentius orare. Itaque paucis diebus ante dormitionem suam vocauit ad se Priorissam ejusdē loci, nomine Gissam, prudentem valde ac religiosam virginem, quasdam etiam de senioribus sororibus: dixitque ad illas. En ego ingredior viam vniuersę carnis: & licet pro modulo meo puram Domino studuerim exhibere seruitutem, tamen quia nescit homo, vtrû amore dignus sit, an odio, districti Iudicis anticipem sententiam reformido. Porro notum vobis facio, quod beata Dei genitrix virgo Maria, Regina cœli, Domina mundi, me cras qualemcumque servulum suum circa horam sextam visitare, atque, vt spero, credo, confido, de hujus mundi exilio eruere, secumque ad cœlestis patriæ lucidas mansiones assumere dignabitur. Quod enim meis me meritis consequi posse nullatenus præsumo: hoc per ipsius sanctissima merita mihi fiducialiter vsurpo. Vos ergo domum

Aliud exemplum inobedientiæ

Deuotio in sanctam Deiparam.

Apocal. 14.

*Ornatur
domus a
B. Virginis
aduentum.*

Vos ergo domum totam mundari quantocyùs facite, sedilia componite & ornate: ac circa horam quã prædixi, vniuersas sorores cum thymiamate & cereis adesse præcipite: cumque ego versiculũ illum sequentiæ Assumptionis B. Virginis, *Te celi Regina*, incepero, cunctæ simul sorores in iubilo cordis & vocis sequentiam ab eodẽ versiculo vsque ad finem alacri deuotione percantent. Verũ Priorissã cæterisq; sororibus quę aderant, fidẽ cõtinuò dictis ejus adhibentibus, vtpote sanctitatis & innocentie ipsius conscijs, Cõuersus quidã nomine Theodericus, ad caput lectuli in quo homo Dei jacebat stans, & incredul⁹ ijs quę dicebantur, talia in corde suo loquebatur. O verè mobile & infirmũ, omnique verbo credens, genus femineum. Ecce enĩ homo hic in vicinia mortis constitutus, deficiente sensu aliena loquitur: & istę sorores verba ejus tamquam ex ratione prodeuntia, vel veritate subnixa, putant continuò effectui fore mancipanda. Talia eo cogitante, sanctus Sacerdos caput virtute qua poterat eleuans, & ad partem illam vbi Conuersus stabat oculos dirigens, es-ne, inquit, ibi, frater Theoderice? Quo respondente, sum, domine, accede, ait, huc ad me. Illo quoque p̃tinus accedente, da, inquit, manũ tuam. Obstupefactus Conuersus, & adhuc eum quasi min⁹ cõpotem sui considerans, non ausus tamen contradicere sermonibus sancti, dedit manũ suam. Quam vir Dei apprehendens, & digitis suis digitos ejus fortius stringens, sicut, ait, verum est, quòd ego manu mea manũ tuam teneo, digitisque meis digitos tuos stringo: sic verum est, quòd ego per virtutem gratiæ Dei locutus sum: quod autem tu in secreto cordis tui loqueris, falsum esse scias: me scilicet delirare, sensuque turbato nescire quid dicam. Sic itaque per vnius increduli propheticam ac verè diuinam correptionẽ, omni dubietatis nubilo à cordibus ceterorum deterso, tantam gratiam spirituali patri suo cõlitus fuisse collatam omnes in cõmune gratulabantur. Iam altera dies illuxerat, & hora quam vir Dei prædixerat, sole ad centrum festinante proximabat: vniuersalique sororum cum fratribus laicis adunata pijsimæ Reginæ celi aduentũ tantò certius præstolabantur, quantò eam is qui prædixerat, manifestiore miraculo cõprobarat. Tanta verò reuerentia mentib⁹ cunctorum qui aderant circa prætaxatã horam infusa est: vt diuinam aliquã aduenisse virtutẽ, nemini astantium dubitare fas esset. Ipse verò beatus Sacerdos mirum in modũ serenata facie, eleuatis in cælum oculis, manibus quoque sursum protensis, versiculũ quem prædixerat cantando imposuit dicens. *Te Regina celi hac plebicula pijs concelebrat mentibus.* Sed quis dignè effari queat, quanta deuotione & cõpunctione, quantoq; pietatis affectu eadem Sequentia à sororibus percantata sit? Iacebat interĩ seruus Dei in agonia, raptusque in extasin multa de secretis celestibus & de statu ejusdẽ Cœnobij per reuelationem cognouit, quę postea Priorissæ, senioribus, sororibusque indicauit. Omniũ verò oculis in eum defixis, subito obnubilata est facies ej⁹, & corrugata fronte mœroris cuiusdã & anxietatis magnæ signa dedit: erũpensque in vocem, miserabili lamentatione talia edidit verba. Cur Domina pijsima seruum tuum pauperculũ in hac fæce mortalitatis relinquis: quẽ licet indignum tam benigna visitatione consolari dignata es? Dulcissimam præsentiam tuam tantis desideratam votis, experitam precibus & lacrymis, jamjamque morituro dignanter indulsisti: & nunc ad patriã vitę, ad gaudia paradisi rediens, misero comitatus tui consortium negas? Cumq; frequenter iterando, Domina pijsima, Domina misericordissima, ne derelinquas

*Videt vir
sanctus fra-
tris cogita-
tiones.*

*Anxiatur
sanctus spe
frustratus.*

me, tecum volo, tecum volo, cunctos in fletum & lamenta conuerteret: repente redditus sibi, postquam ppter nimiam defatigationem corpusculi modicū cōquieuerat, dimissis cæteris, & Priorissa cum paucis senioribus secum retenta, sic locutus est. Refocillandi gratia modicum aliquid liquoris afferri præcipire: quatenus ariditate linguæ delinita, fauciumque reumate deterso, expeditius proferre valeam, quod dicere debeo. Festinatò itaque Priorissa per seipsam modicum vini in vasculo afferente, mox ut limen domus, in qua homo Dei iacebat, attigit: ille, cum neque visu neque vlllo corporis sensu percipere posset, quid illa gestaret, exclamauit dicens. Non, domina Priorissa, nequaquam afferatis nobis vinū: quia vinum arcana denudat, & vinū apostatare facit sapientes. Audiens illa, tam euidenti prophetiæ spiritu se esse deprehensam, adeò intremuit, ut gradū vix reflectere posset. Dehinc modica aqua refocillatus, ita exorsus est. Quanta sit culpa inobedientiæ, utinam miser, antequam pœnam experirer, subtilius intellexissem: utinā hoc mentibus vestris, sicut necesse est, imprimere valeam. Ecce enim pro reatu inobedientiæ pijsima Domina mea in hac lacrymarū valle nunc me reliquit: nec dignum censuit, ut sub protectione ipsius aëreas pertransiens potestates cæli secreta penetrarem. Qualis autem ipsa inobedientia mea fuerit, audite. Accidit aliquando, ut plurimi diæcesis hujus presbyteri improuida calculatione decepti, jejunium quatuor temporum mensis Septembris illegitimo tempore celebrarent: in quo errore & ego, Canonū scita minus attendens, prolapsus sum. In proxima verò Synodo, cum ij qui jejunium illegitimo tempore celebrarent, hanc transgressionem accusarent, præceptū est in virtute obedientiæ, ut quicumque hujus delicti sibi conscius esset, veniam peteret, & se culpabilem redderet. Cumque cæteri, quos accusabat conscientia, malentes periclitari famam quàm conscientiam, quod jussum fuerat humiliter facerent: ego miser plus deferens Ordini & opinioni meæ, quàm veritati: quia & vnus ex Prælati Ecclesiæ eram: & nonnullius religionis esse putabar, heu! confusionis opprobrium non sustinens, publicè veniam petere erubui. Hoc est peccatum meū, hoc delictum inobedientiæ, propter quod hodie tanto bono prius, ut à consecratu vniuersalis Dominiæ matris misericordiæ repulsus, ab introitu æternæ vitæ & sempiternæ gloriæ ad ærūnas mortalitatis hujus reuocatus sum. Porro Priorissa inquirente, utrūnam peccati illius maculam per Confessionis & Pœnitentiæ lavacrum non diluisset, illeque se hoc non semel, sed pluries confessum fuisse assereret: cum magnæ admirationis stupore Priorissa subjunxit. Væ mihi peccatrici, domine pater: quid ergo dicemus de Sacramento Confessionis? Si tibi non semel, sed pluries confitenti indulgentia est negata: quis jam alius mediante Confessione delictorum veniam sperare poterit? At ille dignū memoria verbum respondit dicens. Scire debetis, quoniā secundum intentionē vel contritionem confitentis siue pœnitentis, intentio iudicij, siue remissio indulgentiæ reformatur. Quia enim ego miser peccatū meum secundum veram æstimationem ponderare neglexi: nec quanta oportuit contritione & cōpunctione cordis confessus sum: propterea necdum indulgentiā consequi merui. Cumq; talia tristis & mœrens locutus fuisset, sororum quæ præsentibus aderant corda magno terrore concussa sunt: & ad obedientiæ puritatē sectandam non mediocriter accensa. Triduo, si bene memini, postea supervixit: tantò amariùs lugens peccatum suum, quantò diuini iudicij districtiōne euidentius fuerat expertus.

*Inobediētia
luis pœnas.*

*Quæ fuerit
illa inobediētia,
aperit.*

*Notandum
de confessione
verbum.*

Pœna inobedientiæ.

Moriens autem, mortalitatem magnam in eadem domo futuram esse prædixit, quæ etiam mortē ejus ē vestigio subsecuta est: sicque in pace consummans dies suos, plenus operibus bonis appositus est ad patres suos. Verumtamen festiuam illā & omnino gloriosam assumptionē, qua cum beata Dei genitrice Maria sanctorūq; Angelotum frequentia assumi meruisset, si culpa non interuenisset, merito inobedientiæ perdidit: cujus vtinam exemplo nos omnes, qui obedientiam professi sumus, terreamur, vt nūquam ad inobedientiæ vitium profiliamus: aut si per infirmitatis humanæ corruptionem prolapsi fuerimus, condignis hoc pœnitentiæ lamentis diluere festinemus:

Caput x.

De periculo conspirationis.

A Pud prouinciam, quæ Germania prima dicitur, cujus metropolis est Maguntia, territorio ciuitatis Wangionum, quæ est Warmatia, extat Cœnobiū Cisterciensis Ordinis, de linea Clarevallis, quod Germanica lingua Sconaugia dicitur, quodq; interpretatum pulchra insula dicitur. In hoc monasterio temporibus bonæ memoriæ Dōni Godefridi Abbatis facta est aliquando instigante maligno gravissimi scandali occasio talis. Superiori tēpore per negligentia, seu potius indiscretā benevolentia Prælatorum, consuetudo contra formam Ordinis præsumpta in eadem domo inoleuerat, scilicet vt Conuersis sicut & Monachis annuatim novæ botæ darentur. Cū autem prædictus vir strenuus de altera domo assumptus diuina pariter & humana vocatione primum honoris gradū non pecuniæ vel carnis & sanguinis prærogatiua, sed vitæ merito prudentiæque decore in eadē Ecclesia obtinuisset, & inuenisset Conuersos temerariō hoc fastu delectari, laudabili zelo accensus, præsumptionem pessimā censuit esse corrigendam. Itaque priuatim in consilijs & publicè in fratrum Capitulis cœpit ingenuè de præsumpta nouitate causari, monere, rogare, tandem etiā præcipere, vt tortitudo prauæ consuetudinis Ordinis rectitudini non conueniens, absq; scandalo dissensionis, si fieri posset, amputaretur. Sed quia viscus diræ præsumptionis carnalium fratrum mentibus tenacissimo glutino misere obstinationis sic inheſerat, vt absque scandalo auelli nequaquā posset: maluit vir prudens, vt, secundū beati Gregorij doctrinam, scandalū magis oriretur, quā veritas relinqueretur. Cœperunt itaq; Conuersi primò quidem in angulis susurrantes murmurare: dehinc conspiratione paulatim invalescente, seditionem publicam effrænata insania meditari. Totius verò mali incentor & conspirationis author extitit Conuersus quidam, cui Dormitorij fratrum seruandarūque botarum cura cōmissa fuerat: qui diabolico spiritu repletus, & secundū Prophetam in omni loco silentium ꝑꝑiciens, nunc singulos, nunc simul plures conueniebat, suadebat, hortabatur, vt numquam consuetudinem suā insolentiæ fomitem, elationis incentivū, quacumq; precum seu minarum occasione sibi paterentur auferri. Et ô quā mirabili, imò quā lamentabili dementia, spiritus superbiæ illos quos semel deceperit, illaqueat: ita vt arduos durissimosque labores, quos si propter Deum subire cogerentur, intolerabiles judicarent, contumaciæ fastusq; typho inflati, tāquam leues & faciles subire non vereantur. Cū enim Dōnus Abbas susurria eorum primū deprehendisset, præceperat per virtutem obedientiæ, vt quicūque ex eis silentium rumperet, si ante cibū hoc faceret, eadem die, sin verò postea, sequenti die in pane & aqua jejunaret: quod is, cujus suprà meminimus, non Con-

*Greg. ho. 7.
in Ezch.
Conuersi
Sconaugie
seditionem
meditantur.*

Amos 8.

uerfus, sed peruersus, nequaquā virtutis amore, sed vt inuidiam Abbati suo suscitaret, tāquam cælitus datam sententiam servare cutabat. Nam cū penē quotidie conspirationem conflando silentium frangeret, singulis etiam ferē diebus in panē & aqua jejunabat: vt vel sic animos fratrum in odium Abbatis inflāmaret: qui tam duram & inhumanam sententiā pmulgasset. Interea sacratissima Dominici Adventus celebritas superuenit: & conspirationis procella clandestinis susurrijs aucta & roborata vndiq; intonabat: jamque publicum scandalū, & ipsum gravissimum minitabatur. Dederat namque prædictus pseudoconuersus consilium pessimum, quod etiam sceleratissima instantia perurgebat: scilicet vt vigilia Natalis Domini congregatis fratribus de grangijs vnanimō consensu Dormitoriū monachorū tempore laboris ascenderent, atque de singulorum lectis botas auferentes, minutatim eas ferro secarent, manibusq; discerperent. Licet verō prodigiosa hæc & infamis eorum nequitia venerabilis Abbatis conscientia minimē lateret, dissimulauit tamen, sicut scriptū est, quia *Prudens in tempore malo tacebit*. Ceterū quantō in tantis angustijs longiūs aberat humanum consiliū pariter & auxilium, tantō enixius diuinę pietatis viscera statuit interpellanda: monachisq; generalem orationem indicens, monebat, vt singuli secundum possibilitatem suam Dñi misericordiā peterent: quatenus de tanta insolentia carnaliū fratrum melius aliquid disponere sua pietate dignaretur. Instabat jam præcipua & festiua Natalis Domini solemnitas: & ante paucos dies ejusdem solēnitatis Dōno Abbate Capitulo Conuersorum præsidente, prædict⁹ signifer dissensionis & minister Satane de indiscreta abstinentia, & quia barbam suam nouacula penitus abrasisset, (quod quidem miser ille intentione commouendi scandali fecerat), à quibusdā complicibus suis, nequaquā zelo Ordinis, neque fraternę charitatis intuitu, sed studio, exercendę malitię, proclamatus est. Cūque Dominus Abbas blando affatu quæreret ab eo, cur hoc fecisset, & ex tumidis inordinatisq; responsionibus ejus intelligeret malitiā ipsius esse cōpletam, laudabili quodam iustitię zelo accensus, sic ad eum præfago spiritu coram omnib⁹ locutus est. Debueram quidem frater, salutarib⁹ monitis aggredi contumacē animum tuum, si fortē resipisceres à laqueis diaboli, à quo captivus teneris ad ipsius voluntatem: sed quoniam trabs superbix oculū cordis tui adeo obnubilauit, vt eam per humilitatem meam ejici posse non præsumam: & quoniam sic te alienatum sensu video, vt monita nostra irrideas potius quā recipias: idcirco omnibus hic sedentibus de te fiducialiter pronuntio, quia nisi celerius & sine dilatione resipiscas, atq; humiliato spiritu ad satisfactionem venias, omnipotentis Dei terribile iudiciū in brevi senties: & sicut scriptum est, *In tempore vindictę disperdet te Dominus*. Ecce iterū ac tertio dico omnibus hic sanum intellectum habentibus, quoniam sicut pius & misericors Dominus humilibus dat gratiam, sic terribilis Deus indeclinabili linea rectitudinis suę superbis resistit: ideoq; tu, qui pacis & institutionis, quā sancti Patres sanxerunt, publicus hostis es, si in malitia perseueraueris, durissimum intra paucos dies iudiciū portabis. Confido enim in Domino Iesu, & in gloriosa Virgine matre ipsius, cujus nos inutiles seruli sumus: quia domum istam ab ipsa sui fundatione fraternę charitatis glutino, laudabiliumq; morum disciplina conspicuā, non patientur tua nimium improba pernicacia corrumpi. Iam preces fratrum super intestine discordię tabe gementium ad aures Dñi Sabaoth ascenderant, & Angelus Do-

*Conspiratio
Conuersorū
aduersus
Monachos.*

Prover. 11.

*Abbas
ra prædictū
Eccli. 5.*

*Alludit ad
Ezech. 9.*

*Horrenda
mors Con-
uersi stulti-
osi.*

Prov. 10.

mini accepta ab eo sententia, pertransiens eos, quorū frōtes signo Tau, hoc est, vexillo humilitatis Christi insignitas reperit, miserum conspirationis auctorem, cuius fronti characterē bestiae & draconis, qui est rex super omnes filios superbiae, impressū vidit, percussit, ac sine mora extinxit: pariterque cum eo totius scandali turbinem & praesumptionis nebulam dissipauit. Vespera namque diei vigiliam Natalis Dñi praecedentis, cum post Cōpletorium de dormitorio descendisset, & infirmarius Conuersorum, qui quasi secundarius ejusdem conspirationis esse videbatur, cum quo etiā venenata dissensionis cōsilia frequentius tractabat, ei occurrisset: subito vocem doloris cum gemitu valido coepit emittere: & pallecente facie, naribusq; contractis, oculis etiā de statu suo euersis, mortem in continenti adfuturam, tristitia signa declarabant. Turbatus alter, cum jam nurantem cerneret, ne forte repentino lapsu terre allideretur, mediū complexus est: sed adeo subitanea mors fuit, ut antequam terram petere posset, inter manus tenentis se funestū sodalis miserā animam exhalaret. Tunc conturbati sunt principes cōjuractionis, robustos in contumacia sua obtinuit tremor: obriguerunt omnes dissensionis & schismatis incensores. Quā bonus es, Domine Iesu, sperantibus in te, quā dulcis est misericordia tua in tempore tribulationis: sicut ros matutinus, & sicut pluvia opportuna in diebus siccitatis. Tu enim es Rex Regū, & Dominus dominarū, qui sedes in throno iudicij, dissipans omne malum intuitu tuo: qui per vnius peccatoris terribilem mortem peccatores coercuisti multos: & domū illam, quoniam placita tibi in ea inuenta sunt opera, à turbine praemeditati, diuque conflati scandali, misericorditer liberaisti. Accurrerunt vndique ad signiferū suum Conuersi: & quem postero die ad inauditum scelus perpetrandum quasi ducem sequi decreuerant, ejus, Iesu bone, cadaver extinctum miserabili tumultu in infirmitotiū deferentes, in area ubi fratres vita excedere solent, consternati metu & tremore, collocarunt. Non enim passus es, Domine, sacratissimam solēnitatem tuam, in qua primum ministerio Angelorum pax terris annuntiata est, discordiae schismatisq; perturbatione fœdari. Cumque tabula defunctoria signum dante vniuersorū aures percellerentur, tum maxime propterea, quia neminē illic sic proximum morti sciebant: Dōnus Theobald⁹ tunc Subcellerarius, postmodū verò ejusdē loci Abbas, quiq; inde assumptus praelatus est matri Ecclesiae, scilicet Everbacensi, quae est vna de primis filiabus Clarevallis, cuius etiam revelatione nos ista didicimus, orationem, quam Dōnus Abbas pro perviaconia conspirationis constituerat, vsq; ad illam horā obliuioni traditā eodē momento, quantō devotius poterat, persolvebat. Audito verò sonitu tabulae festinanter in infirmitorium cucurrit: & cum rescisset, quis defunct⁹ esset, vehementer admiratus iudicium Dei, Domnum Abbatem, qui tunc forte de dormitorio descenderat, ad Cōmendationis officium defuncto persolvendum quantocyus inuitavit. Illo quoque celerius accurrente, cum remoto à parte capitis operimēto quo corpus tegebatur, faciem jacentis intuit⁹ esset, cōplossis manibus, & ex intimo cordis trahens suspiria, heu! inquit, tu miserrime, ecce quomodo sine poenitentia malitiae tuae diuino iudicio extinctus jaces. Et hoc ipsum secundò & tertio ingeminans, utinam, inquit, monita mea contumaci animo non spreuisses: utinā misericordiam Dei aeternaliter à te non excluseris. Aliquādiu itaque, quid sibi faciendum esset, deliberans, tandem id consultius esse credidit, ut Cōmendationis officio ex more

peracto,

peracto, corporeq; in Ecclesiam delato, postero die fratres omnes tam Monachos quàm Conuersos conuocaret: quatenus quid sibi in tali articulo faciendum esset, in còmune decernerent. Concione autem facta, sic Domnus Abbas in audientia cunctorum locutus est. Nostis, fratres carissimi, in quàm peruerso proposito prauis cordis & malitiosæ volùtatis suæ homo iste deprehens⁹ sit: què nisi districta iudicij Dei censura quantocyùs de medio tulisset, domū istam in optima pace & concordia hæcenus durantem grauissimi scàdali cauterio cum còplicibus suis, quosad hoc susurrijs improbisque suasionibus illexerat, inurere non timuisset. Quapropter, quoniam peruersitatē ejus omnes scimus, confessionem verò seu pœnitentiam ipsius non nouim⁹, corpus ejus inter corpora fratrum nostrorū nequaquam poni debere cēseo: & hoc non temeritate aliqua, sed libramine iusti iudicij decernere confido. Quo audito extimere & expalluere Conuersi: vtque sibi cum senioribus Monachis seorsum loquendi licentia daretur, suppliciter postularunt. Hoc per indulgentiam Dōni Abbatis consecuti, cū in partem diuertissent consilij gratia, post paululū reuersi, & solotenus coram ipso prostrati tam Monachi quàm Conuersi, vt misericordia defuncto non negaretur, multa precum instantia petierunt: spondentib⁹ Conuersis, atque sub attestatione diuini nominis asseuerantibus, quoniā si D. Abbas districtiōnem sententiæ tēperaret, & defuncto, licet min⁹ digno, còmunem sepulturā non negaret, se ab omni intentione conceptę malitiæ cessaturos: & super petitione nouarum botarū verbum vlteri⁹ nullo modo se moturos. Dicebāt præterea quidam de senioribus, excepto sermone hoc, aliās virum satis extitisse probabilem: nec debere ab hominibus iudiciū sine misericordia decerni in eum, què fortassis diuina misericordia idcirco temporaliter punisset, ne conceptam malitiam effectui mancipare posset, pro qua æternaliter damnari debuisset. Considerans itaque Domnus Abbas ita tempori expedire, & ne fortè nouissimus error peior fieret priore, si Conuersi, qui hac occasione facile sedari poterant, in majus aliquod scandalum prorumperent: simulque metuens sibi, si præproperè austeriorem, quàm oporteret, sententiam daret, quoniam sententia conspiratorum necdum à Capitulo Generali promulgata fuerat, annuit petitioni ipsorum: celebratisq; ex more Misæarum exequiarumque solemnij, inter corpora fratrum defunctus frater terræ commendatus est. Benedictus per omnia Deus, qui domum illam de altissima rupe malitiosæ conspirationis pendentē, jamjamq; in profundissimū baratrū grauis scàdali præcipitandam, sicut pius, sicut misericors, liberauit: ita vt sepulto fratri totius discordiæ fæx consepulta quodammodo videatur: nec callidissimæ vulpeculæ fœda vestigia succedenti tempore in eadem domo deprehensa fuisse, omnis illa sancta Congregatio vsque hodie gloriatur. Cæterum Domnus Theobaldus, cujus suprà mentionem fecimus, cū esset eidem defuncto fratri ex antiquo intimæ familiaritatis amicitia conjunctus, seque invicem tam in vita quàm in morte, cū alterutrum eorum decedere contigisset, orationum suffragijs adstrinxissent: quoniam idem Conuersus ante conspirationis turbinem non contemnendæ religionis extiterat: sciens in suprema sorte necessitatis amicum probari: dolensque valde de periculo animæ illius, quem viuentem familiariter dilexerat, statuit apud semetipsum, annuam pro eo facere orationem. Indubitanter namque credidit, quòd etsi exigentibus meritis,

Statuit Abbas sepulchrum rapinare reuellem defunctum.

Mutat sententiam grauem ob causam.

Orat pro defuncto D. Theobaldo.

*Oratio pro
defuncto de
cuius salute
dubitatur.*

precum impendia defuncto nihil emolūti ferrent: sibi tamen bonę voluntatis suę fructum perditū iri non posse. Cumq; toto illo anno supplices pro eo preces ad Dñm fudisset, reuoluto anni circulo idem defunctus ei in visu apparuit: lugubri vultu tristem sese subiisse sententiā significans. Interrogatus quomodo se haberet, respondit, se ab hora exitus sui vsque ad temp⁹ illud, in vltionem contumacię & rebellionis, gravissimorū suppliciorum pœnas luisse: non tamen de misericordia Dei vsquequaq; desperare. Sanè, utrū hoc simplex somniū, an alicujus reuelationis mysterium fuerit, sicut temerarium est definire, ita pium est super anima fratris defuncti præcipitè frenare sententiam: cui fortassis temporalis mortis horrendū exitium sempiternę misericordię fuit adminiculum: quia misericordia & iudicio è regione se respicientibus clariùs elucescit misericordia. Certè quàm sereno pietatis oculo Dominus hanc domū respexerit, Euerbacensis probat Ecclesia: in qua cum longo post tempore nouarum botarū quæstio malignissim. Dæmonum instinctu mota fuisset: tantorum scandalorum, tantarumque calamitatū spine eruperunt, vt eas magis flere libeat, quàm verbis explicare. Sit ergo nobis propositum exēplum in humilitatis & cautelę monimentum: vt si vnquam serpens ille antiquus, hostis inveteratus, zizania discordię & conspirationis propter consuetudines Ordinis, in locis in quibus fuerimus, seminare tentauerit: nos in timore Dei pacis concordięque violatores velut aspides & basiliscos fugientes, cum filijs pacis, qui prauas consuetudines contra formam Ordinis præsumptas, zelo Dei extirpare & extinguere conātur, ex aduerso viriliter ascendere, murumque pro domo Domini nos opponere non pigritemur: quoniam, quod sæpe dicendū, ac sine obliuione retinendū est, *Deus superbis resistit, humilibus autem dat gratiam.*

*Zelandū est
aduersus
prauas con-
suetudines.*

*Iac. 4.
1. Petri. 5.*

Caput XI.

De periculo Excommunicationis.

LICET vniuersorum, qui Christiano nomine censentur, mentibus, per fidem, qua imbuti sunt, velut naturaliter persuasum sit, Excommunicationis sententiam nihil aliud esse, quàm separationem à Deo, alienationemque à vita æterna: tamen quia corda per negligentiam torpentina plus quandoque mouent exempla quàm verba, necessarium duxi, demonstrare peremptoria hac sententia, quàm sit pauenda rationali creaturæ: quæ etiam irrationalem creaturam nonnumquam aut morti, aut grauissimæ subicit calamitati: quatenus miser homo, cui specialiter ob meritum superbię anathematis spiculum intentatur, quid sibi de se metuendum sit, penset: quando ea quæ rationis experientiam subire nesciunt, per virtutem diuini nominis anathematis mucrone feriuntur. Ludouicus pius Imperator Augustus, Caroli magni filius, qui primus Ecclesias Christi per Galliam & Germaniam de amplissimis Imperialis fisci redditib⁹ magnificè ditauit, ob quod etiam Pius meruit cognominari: quique, vt fertur, audiuit vocem dicentem sibi, Ludouice, venenū Ecclesijs addidisti: in partibus Saxonię super ripam Werre magni fluminis Cœnobium Monachorum fundauit, quod secūdum magnificentiā Imperialem diuitijs & honore nobilissimè exaltatum, ad distinctionem Corbię veteris, quæ in Gallijs est, Corbiā nouam appellari decreuit. In hoc monasterio temporib⁹ diuę memorię Friderici Imperat. erat Abbas quidā noīe Conrad⁹, qui secūdū pompaticā consuetudinē

*Corbia no-
ua in Ger-
mania.*

Imperialium Abbatū, inter cæteras seclularis gloriæ illecebras, annulis aureis utebatur, longè aliter, ut credo, affectus, quàm ille verè pauper & humilis spiritu Clarevallis primus Abbas: quem, sicut de eo scribitur, plus delectabat rastrū & sarculus, quàm tiara & annulus. Contigit verò, ut quadam vice haberet anulum aureum, qui erat ei pretiosus: quem vna dierum sedens ad mensam, dum juxta morè curiæ causa abluendarum manuum deposuisset: nugis nescio, an serijs intervenientibus, aliquantò negligentius sic super mensam relictus est. Advolans interea domesticus ales corvus, quem curiales Abbatis in delicijs habebant, nullo penitus aduertente, raptum ore annulū, nec furti se reum intelligens, pernicii volatu in nidulū suum asportavit. Verùm postquam exempta est fames epulis, mensisque remotis surrexere omnes, Abbas damnū suum intelligens, ministrorumque negligentiam culpans, anulum quaquaversum quæri ocys jubet: sed auctore sceleris conscientias omnium eludente minimè reperitur. Itaque tam convivæ quàm ministros suspectos habens Abbas, gravique indignatione commotus, mandavit plebanis oppidi, quod amplissimum & ditissimum haud longè à muris Cenobij sitū Abbatis subjacet ditioni, quatenus acerrimam Excommunicationis sententiā publicè intorqueret in eum, qui se hoc scelere maculare non timuisset. Quo facto sicut cunctis ratione utentibus in hac parte testimonium conscientia factus est decor innocentia: sic ipsa irrationabilitas naturæ subterfugere non potuit, quin temporales anathematis solueret pœnas, quas sempiternas solvere transitoria conditionis suæ verabat infirmitas. Cœpit namque imprebus quidem, sed tamen culpæ inscius fur paulatim languescere, cibū fastidire, ludicras crocitationes, ceterasque irrationalis creaturæ ineptias, per quas stultorum hominum timorem Dei negligentium animos oblectare solebat, segniùs exercere, dehinc etiam pennas projicere: ad postremum verò ipsis quoque plumis tabescentis carnis corruptionem fugientibus, miserabilis & admiratione dignus cunctis se cernentibus apparere. Factum est autè quadam die domesticis Abbatis ipso præsente de tam prodigiosa alitis illius immutatione inter se quærentibus, remque tam insolitam nequaquam sine causa fieri posse asseuerantibus, ut unus ex ipsis sic quasi joco diceret Abbati. Considerandum vobis est, domine, ne fortè iste sit fur quæ queritis, & hæc horrenda plaga quam cernitis, vinculi anathematis quo innodatus est, iudiciū det. Attonitis ad hoc verbum cunctis, vni ex ministris præcepit Abbas, arborem in qua cubile alitis illius erat festinatò ascendere: stratumque stipula & sarmentorum repugijs subornatū diligentius reversare. Qui mox ut ascendit, repertum anulum ab injuria sordium vendicavit: nec sine stupore omnium qui aderant manibus Abbatis restituit. Ita misero fure, qui atrocissimas furti pœnas luebat, nec tamen furti se reum intelligebat, diuino, ut credimus, nutu prodito, ad consilium discretorum virorum Domnus Abbas ijs, qui Excommunicationis sententias dederant, mandavit, quatenus anathema, quod reo intorserant, restituto damno celerius relaxarent. Quod postquam factum est, sicut priùs paulatim deficere, pestiferoque tabo de die in diem languescere prædictus ales visus fuerat: ita postmodum per incrementa reuiuiscere quodammodo, atque reuitescere cœpit, quoadvsque pristinae formæ, sanitatique amissæ, non sine magno Dei miraculo, integraliter restitutus est. Inuenitur etiam in gestis beatissimi Patris nostri Bernardi, quia cum ad Dedicationem novæ Basilicæ

*Excommunicationis
vis in corvum
furcm.*

*Convalescit
corvus ex-
communicatione subla-
ta.*

*Excommu-
nicato i S.
Bernardo
musca.*

Fulniacenſis Cœnobij invitatus fuiſſet, tam innumerabilis muſcarũ multi-
tudo propter nidorem nouę calcis in Eccleſiam recens linitam conuenerat,
tantãque inquietudinem inſtrantibus generabant: vt fratres valde timeret,
ne fortè dedicationis ſolemnitas, quæ poſtero die celebranda erat, earũ im-
probitate impediretur. Quod cum patri ſancto intimatum fuiſſet: ſolita cõ-
fidentia, quam in Deũ habebat, uſus, excõmunico, inquit, eas. Mane autẽ
facto vniuerſæ muſcæ illæ anathematis ſpiculo percuffæ & mortuæ ita pau-
mentum omne repleuerant, vt palis eas in congeriem adunari, geruliſq; ex-
portari neceſſe fuerit. Sed & de milite quodam audiuiſus, qui ob prauitatẽ
ſuam publicè excõmunicari meruerat, quia ſedens ad menſam panem cani-
bus ꝑꝑiceret: ſed canes ſolo odore polluti panis exterriti retrocedebant, &
eum tangere nullatenus acquieſcebant. Quàm verò pauidus & circũſpectus
debet eſſe homo, qui ratione & gratia duce malum vitare, bonũque operari
valet, ne in exterminij & ſeparationis adeò terribilem ſententiam incidat, ſi
ſic irrationalis creatura quæ peccare neſcit, ac per hoc peccati pœnas ſolvere
non tenetur, interueniente anathematis ſeueritate quandoq; puniri videtur.

Caput XII.

De periculo indiſcretorum Confefſorum, & de laude diſcretorum.

*Diſcretio
virtutum
mater.*

Quam pulchrè ſacra Scriptura diſcretionem matrem cõmemorat eſſe
virtutũ, quæ quaſi ſacer quidam limes inter virtutes & vitia medius,
alterutra hæc ab invicem ſagaci prouidentia diſterminat: vitia virtutũ ſpecie
adumbrata exſufflat: ipſas virtutes per deuotionem impingat & ordinat:
infirmum in fide non projicit, ſed materna magis pietate ſuſcipit: conſcien-
tias peccatrices ſibi per confeſſionis verecundiã denudatas per invecſtionis
aſperitatem nequaquam exulcerat, ſed benigna conſolatione mulcet & eri-
git: ac ſi tãta eſt puſillanimitas conſitentis, etiam grauiffima ſcelera, quæ vix
multorũ annorum luctu aboleri poſſe ſperarentur, per ſacrificium ſpiritus
humiliati, cordiſq; contriti, facilè deleri poſſe, melliflua exhortatione ſuadet.
Non ſic Paſtores multi in Eccleſia Dei, indiſcreto & impetuoſo ſpiritu ſuo
diſpergentes gregem Dñi, qui diſcretionis virtutẽ ignorantes, & pretioſam
linguam eucharin, qua peccatricis animæ tabida vulnera linguntur, vt ad ſa-
nitatẽ perducantur, non habentes, quos ſanare debuerant, ampliùs vulne-
rant: quippe pietatis viſceribus vacui, exaggeratione duræ diuturnæq; pœ-
nitentiæ quaſi ſeminariũ quoddam contempt⁹ & deſperationis infirmis in-
ducunt. Neque verò iſta ſic dicimus, quaſi non rectè faciant, qui peccatori-
bus pro qualitate ſeu quantitate criminum cõdignam pœnitentiã iungũt:
ſed quia vbi eſt tanta puſillanimitas conſitentis, vt non ſolũ præ confuſi-
one perpetrati ſcleris, verũetiam præ gravamine ſubſecuturæ pœnitentiæ,
pallentem, tementem, ſpirituq; deficientẽ, diſcretus Confefſor viderit eũ,
qui conſitetur, interim omnino diſſimulet, neceſſe eſt: ac lacte dulcis con-
ſolationis, blandimentoq; pię exhortationis ſuſtentet animam pavore laſſã:
quoadvſque benevolentia ipſius roborata, ſolidiorem fructuoſæ pœniten-
tiæ cibũ ſumere conualeſcat. Quanti verò periculi ſit, vim diſcretionis igno-
rare, nec ſcire, juxta Apoſtolum, cum infirmo infirmari, neque qualitatem
conſitentis penſare: itemq; quanto laudis præconio attollendus ſit diſcretus
Confefſor, qui per vñtionẽ gratiæ docentis ſe de omnibus, vniuſcujuſque
conſitentis qualitati vel poſſibilitati conformare ſe nouit, pulcherrimo, val-
deque jucundo exẽplo lectoris ſenſibus imprimere curabo: vt qui ſanct⁹ &

*Non ſemper
rigorose in-
iungenda
pœnitentia.*

2. Cor. 11.

discretus est, in discretionem proficiat adhuc: qui autem durus & indiscretus est, hoc exemplo quasi manu quadā sollicitudinis pulsatus, sordes indiscretionis quantocyus abstergere festinet: & quanto pietatis studio parvulos Ecclesiæ Dei parturire debeat, donec Christus formetur in eis, solertis considerationis industria discere non grauetur. Miles quidā nobilitatis, diuitiarum, *Miles impius.* iuventutis, magnarūque virium titulis adornatus, & ob hoc sensu carnis suę inflatus, leges diuinas pariter & humanas contēnebat, & jura ciuilia jurāque naturalia confundebat: incendijs, rapinis, seditionibus, & homicidijs omnia replens, fas nefasque paruipendebat: & vt breuiter vniuersa ejus mala cōcludam, nec Deum timebat, nec homines reuerbatur. Habebat sanē fidele *Vxor pia de viri salute sollicita.* conjugem, in omni Christianæ religionis pietate, quantum sub tam crudeli marito licebat, deuotam: quæ virū suum sincera charitate diligens, perversitatem ipsius irremediabilibus lacrymis flebat: atque pro emendatione ejus assiduas ad Dñm preces, spiritualis magis quàm carnalis amoris affectu, fundebat. Præterea si quando tumidū animum ejus ab ira deferbuisset, sereniorque vultu lætitiā prætendentem vidisset, salutaribus eum monitis aggrediebatur: & vt à tantis malis aliquando cessaret, faciēque Domini per confessionis & pœnitentiæ humilitatem placaret, exhortationibus & lacrymis multis obsecrabat. Ille verò nunc quidē periculosa dissimulatione, nunc autem turbida indignatione vxorem optimam salutem suam zelantē à se repellabat, dicens, sibi nondum hanc inesse voluntatem: se magis bellicis ac militaribus rebus debere intendere, nec posse pati opprobria propinquorum & amicorum exprobrātium sibi, si otio & inertia torpens, inimicis suis mala irrogantibus talionem duplicatam, aut etiam triplicatam non reddidisset. Sed licet sapius sic repulsa, nullo modo tamen desperatione frangebatur optima mulier, quæ virum suū sacri desiderij vulua parturiebat: nec desisteat casta consilia etiam invito importunē oportuneque ingerere: donec tandē assiduitatem benevolentiae ipsius pertæsus, vxoria quoque charitate delinictus, sic ad eam locutus est. Ecce ad consilium tuū confiteri volo: sed vbi talē Confessorem inueniam, cui tutò conscientiam meam credere possim, quique semih benignū atque humanum exhibeat? Mox illa, quæ salutem viri sui ardentissimo pietatis affectu sitiebat, verbum hoc velut auspicatū de ore ipsius læta rapiens, domine, inquit, ego vobis fidū & humanum confessorē procurabo: tantū ab hac bona & sancta voluntate non moueamini. Igitur quærente illa spiritualem medicum veterosis ac multiplicibus peccatricis animæ vulneribus curandis idoneū, inuenit quēdam religiosæ quidem conuersationis Presbyterum, sed heu! gratiæ discretionis ignarum: curationis spiritualis gnarum, sed qualitates & complexionēs egrotantium discernere nescientē. Ad hunc ergo venerabilis matrona feminea simplicitate omnem religiosum etiā discretum esse reputans, miserabilem virum suum adduxit: monēs & obsecrans, quatenus purā ruborūque confusionis nequaquam cedentem confessionē, non sicut homini, sed sicut Christo domino facere nō dubitaret. Quod cum ille prout poterat fecisset, audiens Sacerdos tam multiplicia, tamque enormia scelera, obstupuit: & quem de profundissima perditionis fouea malagmate piæ consolationis eripere debuerat, indiscreti rigoris mucrone in baratrū reperitæ imò duplicatæ desperationis miserū iniecit. Ait namque ad eum. Si quidem, ô bone vir, excessus tui qualicumque mediocritatis meta cohiberentur, nec te tanta criminum & scelerum enor-

mitas inuolueret: utique mediocritatis meæ consilium tibi libenter impenderem. Verum quoniam talia ac tanta te commisisse constat, quæ non cuiusvis Sacerdotis, sed solius summi Pontificis examini reservanda, sacra Canonum sanxit auctoritas: suadeo & hortor, ut quam citius poteris limina Apostolorum petens, sanctæ Sedis Apostolicæ Pontifici conscientiam tuam humiliter pandas: atque ad ipsius nutum poenitentiae laborem subire non graueris. Ad hæc verba effera mens illa, quæ aliquantulum mitigata & humiliata esse videbatur, tamquam si validissimo lapidis ictu in fronte percussa fuisset, infremuit: & recrudescente crudelitate miserabilis homo totus in insaniam versus dixit. Ergone nil aliud à te expectare debeo: qui ad hoc me humiliavi, ut tibi conscientiam meam manifestarem? Presbytero verò simpliciter respondente, se ad præsens melius & sanius consilium non habere: mox ille filius belial, ante cuius oculos tamquam nihil erat sanguis, euaginato gladio caput ipsius amputavit: rediensque ad uxorem suam, tristem euentum, & sanguinem scædatæ confessionis aperuit. Expauit & expalluit illa, atque præ nimio dolore cordis penè exanimata, detestando parricidij nuntio non verbis, sed luctu & lacrymis respondit. Sed quando charitas de corde puro, & conscientia bona, fideque non ficta, quæ in pectore optimæ conjugis altius radicaauerat, difficultatibus cederet, obice peruersitatis repelleretur, malitiæ malleo extruderetur: quæ fortis ut mors, dura sicut infernus, à Sapiente perhibetur? Imò quanto durius repellebatur, tanto valentius insistebat: nec destitit, donec ad victoriam perduceret iudicium pietatis: & secundum sententiam Apostoli, saluaretur vir infidelis per mulierem fidelē. Æstuabat altera Theodora, ferventissimo desiderio salvare cupiens alterum Sifinnium: & verè altera Natalia, de viro suo, si fieri posset, alterum efficere gestiens Adrianum. Nec dormitavit ocul⁹ ejus, nunc quidem terribile iudiciū Dei compari suo proponendo, nunc verò præsentis vitæ breuitatem atque instabilitatem inculcando: quousque rursus ab eo, cooperante gratia Dei, confitendi voluntatem elicuit. Tum verò velut apis sagacissima pia curiositate quærere cœpit, sicubi non solum religiosum, sed etiam discretum confessorem reperire posset: qui præoccupatum multis delictis in spiritu lenitatis instruere nosset: qui sciret calamum quassatum penitus non esse conterendum, ne fortè nouissima miserabilis viri sui deteriora fierent prioribus. Et volente Dño, cujus iudicia sunt abyssus multa nimis, qui secundum altitudinem beneplaciti sui quandoque sceleratissimos quosque ad vitam vocat præsumentes verò de innocentia sua relinquit in manu consilij sui: inuenit Episcopum quendam religione conspicuum, discretionem præcipuum, lucrandis animabus idoneum, negotioque quod fortis mulier intendebat, aptissimum. Ad hunc itaque alter Naaman Syrus spiritualis lepræ contagione à planta pedis usque ad verticem percussus, adducitur in descensu Iordanis, hoc est, in humiliatione puræ confessionis, per virtutem septiformis gratiæ Sancti Spiritus ablucendus: ut de cætero mortu⁹ quidē esset peccato, viueret autem Deo. Facta autem confessione, stomachoque conscientiae pestiferi fellic humoribus euacuato, prudens & pius medicus ferrum secationis, ignemque adustionis penitus abscondens, suauissimæ consolationis vnguento seminecem aggreditur dicens. Grauius quidem sunt, ô amice, peccata tua, quibus Deum offendisti, & animam tuam vulnerasti: sed qualiacunque, seu quantumque sint, quid sunt ad incóprehensibile diuinæ pietatis abyssum? Non plus, quam stilla situle ad pelagus maris. Quapropter suadeo tibi, bono ani-

*Penitentem
confessorem
necat.*

Cantic. 8.

1. Cor. 7.

*Alludit ad
4. Regū 5.*

*Pij confessoris
exhortatio.*

mo esse: & quia per gratiā Dei confessionis antidotum consecutus es, pœnitentiæ quoque portionem, licet aliquantulum amarā, sumere non graveris: quoniam sine illa confessionem nemini prodesse posse, diuina sanxit auctoritas. Meum autē erit, salutarem hanc pœnitentiæ portionem ita tibi temperare, vt per eam mortis eternæ periculū euadas: sempiternæ quoq; vitę participio non frauderis. Nutante illo, soloque pœnitentiæ nomine audito responsum non dante, quid, inquit Episcopus, frater carissime, quid tibi videretur? Poterisne aliquantulū pœnitentię sacrificiū pro tantis peccatis tuis offerre? Ille respondit. Duram ac diuturnā pœniām nec agere possum nec volo: sed si secundū sponsonē tuam servata mediocritatis consideratione, tale aliquid mihi imposueris, quod vires possibilitatis meæ non excedat: conabor aggredi quod hortaris. Et Episcopus. Considera ergo jam nunc mecū, metiamurque vires tuas: vt ea tantū tibi injungamus, quę te perficere posse putaueris. Quid ergo? Saltēne facilia tibi sunt aliquanta jejunia, elemosynarumue larga erogatio nūquid te grauare poterit? At ille. Nihil horū facere queo. Neque enī vel vsque ad horam terciā jejunare valeo: rei que familiaris quotidiana & inconsiderata effusio citiūs domū meam ad vltimam egestatē perduceret. Episcopus ait. Si te nihil horum facere posse putas: saltē vel in hoc consentias nobis, vt aut sepulchrum Dñi peregrinus pro peccatis tuis visites: aut certē Romę limina Apostolorū, siue corpus sancti Iacobi in Galecia adeas: quatenus ipsorum interuentu peccatorum tuorū indulgentiam percipere merearis. Mox miles ille fortis quidem corpore, sed nimium pusillus ac debilis corde, conceptam indignationē cohibere nō valens, sub stomachando respondit. Vt quid sine causa vana loquimini? Si enī vnus diei itinere à terra mea recessero, continuò rapinis, incendijs, direptionibus, dilapidationibusq; patebunt omnia mea: & ego rediens, inueniensque nihil, opprobrium ero p̄pinq̄uorū & amicorum, sub sannatio & derisio inimicorum. Absit à me, vt tam graue dispendium honoris mei simul & patrimonij mei incurrā. Quid faceret quantumcūque peritus medicus: agro inter manus ipsius miserabiliter tabescente atq; deficiente, omnēque medicinam prorsus respuente? Quid inquam faceret illi, qui, non dico secantem aut vrentē, sed fouentem & vngentē abhorrebat? Hic jam necesse erat, vt pia discretio, sanctaque compassio partes suas exerceret: ne fortē ouiculam moribundam & languidā, pro qua Christus mortu⁹ est, inueteratus ille draco deuoraret: qui absorbet fluuiū impœnitentium, & non miratur: sed habet fiduciam, quod & ipse Iordanis pœnitentiū influat in os ejus. Igitur Episcopo, quidnam sibi in tali articulo faciendū dicendumve foret, ancipiti mētis trutina pensante: diuina subitò gratia illustratus, hilari vultu dixit ad eum. Eia fortissime miles, poterisne saltem vna nocte pro peccatis tuis silentiū tenere? At ille licet esset pronus ad desperationem, neq; sicut dicit Scriptura, laborare, vīque facere perditioni suę nullatenus acquiesceret: audito tamen hoc verbo, quasi de gravi somno evigilans, ait. Si p̄pter vnus noctis silentium omnia peccata mea mihi condonantur, faciam quod consulis. Episcopus verò de Dñi pietate fiduciam plena fide concipiens, metuensque, ne fortē recidivū passus, omnibus se rursus sceleribus involveret, respondit. Factū modo quod iudico, & sub qualicumque forma pœnitentiæ vel obedientiæ humiliare coram Deo ejusq; Vicario, firmū habens p̄positum, criminaliter de cætero non peccandi: & ego p̄ anima tua in die tremendi examinis

*Pœnitens
respuit durā
ac diuturnā
pœnitentiā.*

Respuit ieiunia & elemosynas.

Respuit peregrinationes ad loca sancta.

Iob 40

Acceptat silentiū vni⁹ noctis.

*Monetur
pœnitens de
diaboli ar-
tibus.*

2. Tim. 2.

*Apparent
demonēs
primò ad in-
staur mercen-
tiorum.*

iusti iudicis Dei respondebo. Fit itaque consensus verè mirabilis, statuitur pactum penè sine exemplo, initur cambitio cōmercij à sæculis inauditi, ut ppter vnus noctis silentiū multorum annorum crimina, flagitiaq; grauissi-
ma & innumera relaxarentur: & tamen tanta est virtus obedientię, tantaq; sublimitas charitatis: ut quod pia mens fratris animā saluare cupientis de Dei sui larga benignitate præsumberat, irritum fieri nullo modo potuerit. Declinante interim ad occasum sidere lucis, noctisque tenebris incumbentibus, ducit ad Ecclesiā pœnitentem suum verus pastor, verè dign^o nomine & honore Pontificis: atque ante ipsius Ecclesię fores novus de inueterato diaboli milite Christi tyrunculus, de fide, de patientia, de perseuerantia, de multi-
moda dæmonū calliditate, diligentius instruitur: & quia nisi quis legitimè certauerit, non coronabitur. Super omnia verò cōmonetur, sapiusq; ei ab Episcopo inculcatur & præcipitur: ut quidquid audiat, quidquid videat, quoscumque terrores, quantascūque horripilationes sentiat, ne vllum om-
nino verbū loquatur: quovsq; facto mane ipse Episcopus cum cruce Dñi-
ca veniat, suaque benedictione faminis officium restituat. Dehinc rudis a-
gonotheta qualiter in spiritali palæstra se exercere debeat sufficienter in-
structus, lætantibus Angelis, frementibus dæmonibus, in Ecclesiā introdu-
citur, factaque oratione ante altare sistitur, rursusq; ab Episcopo de perse-
uerantię constantia admonetur: sicque recedentibus cunctis, januarū quo-
que repagulis firmissimè clausis, in manu Dei relinquitur. Circūseptus ergo
timore & horrore nocturno didicit jam mitescere, superbię fastum depone-
re, crudelitatis belluinę rabiem in mansuetudinē commutare: Dei misericor-
diam, quam ante tumidus despexerat, tremantibus labijs inuocare: & ut se
diuina pietas in hoc periculosi certaminis agone non defereret, suppliciter
orare. Vidit hæc peccator ille, qui ab initio peccat, & iratus est: dentib⁹ suis
frenduit & distabuit, de antiqua possessione sua noua pietatis arte se expelli
vehementissimè indoluit: totamq; malignorum spirituū cateruam ad calli-
ditatis & deceptionis laqueos tendendos inuocauit. Primo igitur conticinij
tempore, dum pœnitens ille pauido corde pericula omnia metuens, sonum
aure captaret, audiuit repente quasi Ecclesię fores referari: viditque phan-
tasticos institores, re autem vera dēmonēs in specie quorūdam negotiatorū,
gratia pretiosarum vestium coēmendarum sibi familiariū ad se intrare: qui
singuli velut pannos diuersi coloris multeq; subtilitatis ac magni pretij por-
tantes, eos coram ipso deposuere: sicque quasi compatiendo ei locuti sunt.
Ut quid, domine, sequimini hypocritam illum, qui vos seducere conatur,
qui etiam ad hanc vos ineptiam perduxit, ut in medijs tenebris & horrore
nocturno inter sepulchra mortuorū, velut amens ac sensu alienatus, sedearis?
Aut nūquid non poteritis maturiori post hoc æuo, cōpetentiorique modo,
pro peccatis vestris pœnitentiam agere: tantum ut nūc non efficiamini op-
probriū & derisio inimicis vestris? Omnes enim p̄pinqui & amici vestri au-
dientes vos subito amentem effectū, lamentantur & plangunt: inimici autē
vestri exultatione magna tripudiant, possessionesque vestras auidissima cu-
piditate rapere festinant. Quapropter & nos audientes calamitatem vestrā,
venimus ad vos, pannorum quos attulimus, si eos cōparare volueritis, pre-
tiū, prolongato quantum placuerit termino, præstolaturi: & si fortè horta-
tu nostro ab amentia resipere, honoremque pristinū recipere dignaremini.
Cumque vidissent callidissimi & malignissimi spiritus, quod verbis eorum

nullo-

nullo modo moueretur, nullumque ab eo possent elicere responsum, confusi recesserunt, alterius tentationis præstigia post modicum machinaturi. Circa medium verò noctis, dum miles memoratus, de ijs quæ viderat, attentius cogitaret: audiuit de longè velut strepitum equitum cum tumultu properantium, atque ad Ecclesiam in qua sedebat, festinantium. Cumque foribus ipsius Ecclesiæ appropinquassent, citis saltibus de equis suis desilientes, luctuosos vocibus clamare cœperunt, dicentes. Numquid hic est carissimus socius & consanguineus noster? Erant autem dæmones in specie quorundam propinquorum ipsius, quos peculiari familiaritate dilexerat: quosque flagitiorum & scelerum socios frequentius habuerat. Effractis itaque, ut sibi videbatur, potius quàm reſeratis januis, ingressi sunt ad eum: & nunc dolentis, nunc indignantis vocibus vſi, proprio eum nomine compellabant dicentes. Heu heu amicorum propinquorumque dulcissime, quæ te neceſſitas ad hanc lugendam fatuitatem perduxit: & quis tibi hanc voluntariam, insanamque calamitatem perſuadere potuit? Quis crederet virum prudentem & industrium, in agendis rebus strenuū, & militaris diſciplinæ gnarum, in bellicis conſictibus experientiſſimum, ad tantam ſubitò amentiam prolabi potuiſſe: ut propinquorum & amicorum immemor, ipſius quoque honoris ſui negligens, ſeipſum extremæ infelicitati & miſeriæ ſubdere: cuncta verò bona ſua rapinis & incendijs exponere non cunctetur? Scias namque omnes inimicos tuos, quorum ſuperbiam & audaciam in robore fortitudinis tuæ virili conſtantia retundere ſolebas, audito quòd aduerſa fortuna deſectus atque humiliatus ſis, lætari & exultare, ſicut exultant victores capta præda: diſpoſitiſque agminibus tyrannica crudelitate omnia quæ tui juris ſunt rapere, ſuæque ditioni mancipare velle. Hac ergo malitia eorum permoti, venimus hortari te, amice cariſſime, quatenus abjecta dementia qua inuolveris, ſocijſque & commilitonibus tuis quantocyus aſcitis, aduerſarijs in manu valida occurras: ne ſi, quod abſit, amicos honorem tuum zelantes ſpreueris, & exire diſtuleris: poſtquam fertiles fundi tui, cunctaque tibi atinentia rapinis & incendijs conſumpta fuerint, ſerò nimis hujus te fatuitatis pudere ſimul & tædere incipiat. Quæ enim major dementia eſſe poterit, quàm credere, propter vnius noctis ſilentium, peccata tibi diſmitteri: quod Pſeudo-epiſcopus ille de corde ſuo conſinxit, non ad aliquam utilitatem tuam, ſed ut ſtrenuitati tuæ qualitercumque ſatiſfaciens, placentia tibi loqui videretur? In his omnibus ſubtiliſſimæ deceptionis concinnationibus pœnitens ille diuina gratia illuſtratus, immobilis perſeuerabat, nec vllum omnino garrientibus dedit reſponſum: ſed inanes, ac ſine effectu malitiæ ſuæ, ſequē ipſos præ ira & furore diſcrepantes abire permiſit. Videntes itaque impietatis miniſtri, fabricatores mendacij, ſe in cunctis aſtutiarum ſuarum argumentis eſſe fruſtratos, maximumque peccatorem, de cujus quaſi certa perditione ſibi applaudebant, mediante virtute obedientiæ in puncto, ut ita dicam, temporis ad vitam reuocari, liuore inuidiæ nimium exaſperati, crudelitate jam & tormentis rem agere decernunt, quatenus ſi fieri poſſet, qui blanditijs non ceſſerat, ſaltem terroribus & cruciatibus actus, aliquod qualecumque verbulum depromeret, ſicque pretioſum ſalutis vnguentum, quod in mortariolo obedientiæ piſtillo patientiæ contundebatur,

*Apparent
rurſus dæmo-
nes informæ
equitum &
ſociorum.*

*Quanta da-
moni inui-
dia de ſalu-
te hominum.*

*Tertio de-
mones appa-
rent in pro-
pria forma.*

*Multis pla-
gis peniten-
tem afficiat.*

*Psal. 76.
& 93.*

*Rom. 8.
Ioann. 11.*

Iob 41.

per impatientiæ vitium effunderetur. Igitur cursu noctis magna jam ex parte transacto, gallicinij tempus imminabat: cùm ecce maligni spiritus, non jam in peregrina, sicut antea, sed in propria specie pœnitenti illi apparuere; deformes & tetri corporibus, truces vultibus, minaces oculis, dirumque malitiæ virus sœuendo spirantes: qui etiam vndique eum vallantes, terribilibus vocibus increpabant dicentes. O miles damnate, criminum fœx, scelerum sentina, flagitiorum Charybdis, quæ est ista vana spes tua, qua seduceris? Numquid aliud de cetero esse poteris, quàm vnus ex nobis: qui horrendis criminibus & sceleribus ipsos etiam dæmones vicisti? O quàm stulta, quàm vana, quàm fatua est hæc cogitatio tua: vt pro vnus noctis silētio consortiū nostrū euadere, magistriq; nostri iugum de collo tuo excutere te posse præsumas: cuius jam caractere ad militandū regno mortis signatus es! Ne ergo contēptus nostri pœnas cōdignas soluas, neq; sentias iratos, quos placatos habere poteris, si volueris, exi celerius hinc: atq; fauore nostro florētis iuuentutis tuæ vigorē in cunctis oblectationibus dulcis mundi lētificato: de aduersarijs quoq; tuis adiutorio nostro deuictis & confusione opertis gloriosissimū triumphū reporta. Hæc quidē illi: ceterū fortis athleta Dei, qui paulò antè adeo pusillanimis ad patientiam fuerat, merito fidei & obedientiæ fundatus jam supra firmissimā petrā, id est Christū, sicut fallēdo blandientes, sic terrendo increpātes despiciens, propositūque silentiū viriliter seruās, in tantā dæmones insaniā prouocauit, vt versi in furorē irruerent irreuerenter in eū: plagisq; acerrimis lacerātes, licet liuore vulnerū fauciū, illæ sæ tamen conscientiæ testimonio gloriantem reliquerunt. Superato itaq; timore nocturno primæ tentationis, à sagitta quoque volāte in die, id est prosperitate secūdæ victoriæ scuto diuinæ gratiæ protectus, tertia nihilominus vice à negotio perābulante in tenebris diabolicæ sēuitiæ thorace patientiæ cōmunitus, quid illi restabat, nisi dæmoniū meridianum: quod tantò acrius insurgit in splendore bonorū operum, quantò per extollentiā cordis, jaçtantiāque virtutū, facilius se posse supplantare præsumit? Iam rutilantes aurora radios spargebat, & homo peccator, sed pœnitens, tot triūphis subactę diabolicæ nequitiae clarus exultabat in gratia Dei, penitusque in alterū virū mutatus, cum magno desiderio suscipiendæ legitimæ pœnitentię præstolabatur aduentū Episcopi, qui se orto diluculo vēturū esse promiserat. Verè hæc est mutatio dextera excelsi, verè beatus homo, quem tu erudieris, Dñe, & de lege tua docueris eum: vt mitiges ei à diebus malis, quando fodietur peccatori fovea æternę perditionis: & baratrū nūquam finiendę cōfusione. Quis accusabit aduersus electos tuos, Dñe: te Domine aperiente, quis est qui claudat: te Dñe quatriduanū Lazarū lethalter fœtentem horrore vitiorum, & insuper malæ inueteratęque consuetudinis lapide pressum, in virtute vocis tuæ foras euocante: quis est qui dicere audeat, cur ita facis? Tibi, Domine, super peccatorum, qui tamquam iumenta computruerunt in stercore suo, iustificatione, laus, honor, potestas, & imperiū in sæcula sæculorum. Liuidissimus autem ille Leviathan serpentis antiqui oculus, qui de sublimi merito superbiæ cecidit, & tamen omne sublime per desiderium gloriæ videt, ideoque omni ad sublimitatem, quā ipse perdidit, ascendēti inuidet, considerans pœnitentem illum de victoria sua in gratia Dei exultantem: longè alia via, multoque periculosiore quàm antea, insatiabilis homicida tentare aggreditur. Sciens namque in proximo venturum esse Episcopum, conuoca-

tis tartareis ministris suis, fraudulentissimam commentatur scenam; ipseque lupus rapax punienda temeritate pastoris habitum induit: crudelissimus tyrannus in fausto prodigio Pontificis personam assumit: tenebrarūque ministros falsa luce perfusos, velut ministros justitiæ subornat. Procedit subito ridiculum plasma, progreditur falsus & fallere moliens Antistes splendidissima stola decoratus, facie lætus, habitu incessuque quasi reuerendus, ut nihil minus quàm diabolus putaretur: subsequuntur satellites falsitatis, vestibibus & ipsi candidis fallaciter adornati, tamquam Sacerdotes & Leuitæ, cæterique inferiorum graduum Clerici: portantes singuli velut utensilia Ecclesiæ, alij vasa sacra altaris, alij indumenta sancti sacrificij, quidam verò velut libros diuini officij impuris manibus ferentes. Sic ergo versipellis & tortuosus dracho transfiguratus in Angelum lucis, cum comitatu impietatis pietatē simulante accedens ad hominem peccatorem, sed gratia Dei ad pœnitentiā roboratū, sereno ore lethale deceptionis virus euomuit, dicens ad eum. O serue Dei, magna est patientia tua, inuicta est fides tua: quia & propositam tibi obedientiam illæsam seruasti: & seductores spiritus in omni malignitate atque fallacia sua ad nihilum redeigisti. Noueris enim, nequissima eorum molimina nos nequaquam latere: quibus tota hac nocte multiplici fraude patientiam tuam frangere, fidem cassare, obedientiam pessumdare conati sunt: cum tamen protegente te Domino, effectu malitiæ suę priuati sint. Adjungunt se pestilenti huic adulatori ceteri nequam spiritus, qui in specie Presbyterorum & Diaconorum, aliorumque Clericorum astabant; miris laudibus victoriam ejus efferentes: & alij quidem, quòd speciem sibi oblatam nec saltem respicere, nedum tangere dignatus sit: alij verò, quòd propinquos & amicos, possessiones, & omnia quæ mundi sunt, timori Dei postposuerit, magnificabant; omnes autem in commune, quòd atrocissima verbera patientissimè tulerit, prædicabant, eumque Martyrum collegam fore asseuerabant. Deinde summus ille, non Pontifex, sed doli artifex: cia, inquit, frater, bonum certamen certasti, cursum consummasti, obedientiam sicut bonus athleta seruasti: nunc superest, ut quia aurora illuxit, accepta licentia loquaris: & qualiter de illis erroneis spiritibus triumphaueris, nobis hoc à te audire cupientibus per ordinem pandas. Interim gratiæ Dei alūnus cujus oculos & aures talibus phantasijs ludificabat Satanas, grauiter in cogitationibus suis turbabatur: quoniam ijdem seductorijs spiritus, qui foris visibili specie ei illudebant, intus inuisibiliter ad credendū fallacijs suis vipereis suggestionibus ipsum illiciebant. Sed quem misericordissima Dei pietas seruare decreuerat, quomodo malignissimi insidiatores nocere poterant? Ideo namque antiquus hostis mille modis miseros mortales tentare non cessat: quia quis sit electus, non nisi per dejectionem & confusionē suam intelligit. Cum ergo, sicut diximus, multum turbatus, utrum loqui deberet, necne, dubius & anxius animo volueret: secretissima subito Dei gratia inspirante recordatus est, dixisse Episcopum, cum cruce Dominica se esse venturum. Curiosius verò perlustrans oculis cuncta illa, quæ quasi sacra insignia scelestis manibus indignissimi bajuli ferebant, signum salutare inter ea non esse sagaciter deprehendit: quia licet cætera omnia fallendo & mētiendo simulare possit Satanas, signum tamen admirabile, per quod deuictus, & ad nihilum reductus est, effigiare penitus non valet. Territus ergo vehementer, jamque erumpere vocem intra fauces ca-

Demon specie Episcopi apparet ei fuit.

Laudes demonum fallaces.

Nō possunt demones crucis signū effigiare.

*Visti demones
discedunt.*

*Signum crucis
demonibus
metuunt &
fugiant.*

*Quam detestanda
sit
demonum
societas.*

stigans, intellexit, omnem illam candidatorum turbam, ministros esse tenebrarum: atque ad deceptionem sui falsæ illius religionis finxisse apparatus. Vbi verò ille quondam Lucifer, nunc autem noctifer, cæterique apostatici spiritus, viderunt cuncta fallaciarum suarum argumenta cassari, seque ab homine peccatore, sed pœnitente, in omnibus versutijs suis velut pannum menstruata despici & projici: tamquam si ipsius summæ diuinitatis in vase fragili virtutē operantis præsentia percellerentur, territi, sicut fumus euanuerunt: nec ultra ausi sunt nequissimis dolis vellicare eum, quem sub vmbra alarum gratiæ Dei protectum, viderunt insidiarum suarum laqueis teneri non posse. Hostibus igitur totius boni cum principe suo deuictis, atque confusis, secundum pollicitationē suam cum cruce Dominica aduenit Episcopus: sacri Cleri non fictitia, sed vera & germana religione insigniti, vallatus frequētia. Cumque facta oratione reclusum suum salutasset, & ut loqueretur, in nomine Domini imperasset, ille nocturna adhuc pericula metuens, vix ut in verba linguam laxaret, suaderi poterat: quippe qui multimodas dæmonum insidias expertus, Academicorum more de omnibus dubitandum putaret, seque inter verum & falsum discernere posse diffideret. Tandem viso signo sanctæ crucis, quod solum dæmones contremiscere & fugere non ignorabat, inclinato reuerenter capite adorauit: requisitusque ab Episcopo, utrūnam breuē quidem, sed salutarem pœnitentiam sibi injunctam seruasset: vel si aliquid amplius satisfactionis superaddere posset, respondit. Ego reuerende pater, ut obedientiam seruarem, immensos agones, & periculosa valde certamina brevis temporis spatio desudata percucurri: ideoque gratias ago Saluatori nostro Deo, qui mihi misero licet & indigno, quā pertinax hucusque salutis meæ inimicus extiterim, vel quā crudelis tyranni pernicioso satellitio meipsum vecors manciparim, in hac nocte demonstrare dignatus est. Ad hæc verba cunctis qui aderant attonitis, & rem gestam scire desiderantibus, præcipiente Episcopo, ut quid vidisset, vel audisset, absque cunctatione ediceret, tragœdiā diabolicæ versutiæ mirantibus vniuersis recitauit: & insuper tyrannicæ crudelitatis indices plagas, quarum liuore dorsum cæteraque membra ejus intumuerant, ostendit. Cumque gratias in commune Domino Iesu Christo super inenarrabili dono pietatis ejus referrent: Episcopus grata hilaritate subridens dixit ad eum. Quid ergo, frater, tibi videtur? Numquid sola hac pœnitentia contentus vis esse; an adhuc legitimam pœnitentiam secundum Ecclesiasticas sanctiones consentis subire? Ille verò pristinæ infirmitatis suæ penitus oblitus, & ad tolerantiam grauissimorum quorumlibet laborum per S. Spiritus gratiam roboratus, respondit. Domine pater, quidquid iusserit paternitas tua libens & deuotus implebo: tantum ut malignorum spirituum consortium effugere valeam: quorum quā sit detestanda & amara societas, sicut horrendum est experiri, utinam sic miseri mortales præscire & præcauere valerent. Quapropter solemnes carinas, extensa jejunia, votiuas peregrinationes, & siqua sunt alia, quæ legitimæ pœnitentiæ congruunt, subire paratus sum: quoniam absque amaritudine pœnitentiæ peccatores ad vitam redire non posse, per gratiā Dei certus effectus sum. Sed quis dignè effari queat, quanto Episcopus gestierit gaudio: quantas vniuersi qui aderant, omnesque cognati & amici ejus sanum sapientes, Deo gratias reddiderint, cum ab ore peccatoris ante vnius noctis spatium superbissimi & obstinatissimi, omnemque prorsus pœnitentiam respicientis, tam sancta, tam

humilia, tamque deuota verba resonarent. Super omnes verò admirabilis & bonorum memoria digna conjunx ipsius speciali tripudians gaudio, benedicebat Dominum: quoniam virum suū, cui carnali copula jungebatur, ad spirituales & castissimas agni immaculati nuptias, labore atque industria sua per sanctæ orationis ac piæ exhortationis assiduitatem attraxerat. Ecce quàm dulces, quàm suaues, quamque salubres pietatis fructus sanctæ discretionis virtus protulit: & è regione quàm amaros, quàm perniciosos, quaque mortiferos perditionis fructus miseræ indiscretionis vitium fecit: quando supra memoratus Sacerdos, qui ad sanandum ægrotū susceperat, virtutem discretionis ignorans, & quàm benignum compatiēteque infirmæ conscientię se exhibere debuisset, non intelligens, sibi quidem mortē temporalem ascivit; illi verò, quem ad vitam reuocare debuerat, æternæ mortis pondus duplicauit. Hic verò beatus Episcopus, quoniā virtute discretionis magnificè pollebat, cū omnia pietatis argumenta illi defecisse viderentur, per sagacitatem piæ discretionis aliquid inuenit, vnde superbum salubriter prosterne-

Fructus discretionis & indiscretionis quàm diuersi.

Capitulum XIII.

Quantum periculum sit, quacumque hora confiteri volentem differre.

O Mne datum optimum, & omne donum perfectum, desursum, est, & à Patre Iac. 1. 3. *luminum*, descendere, Iacobus testatur Apostolus: stultā videlicet Philosophiam illorum redarguens, qui lumen boni operis, viuacitatem intellectus, libero assignantes arbitrio, suam conantur statuere iustitiam, ideoque iustitiæ Dei non sunt subiecti. Quis enim pensare sufficiat, quantis casibus, quantisue calamitatibus, non solum humanæ carnis, sed etiā humanę mentis infirmitas pateat, si vel ad momentum à gratia deferatur: quandoquidē nec quid oremus, secundum quod oportet, nesciamus, si non spiritus infirmitatē nostrā adiuuet? Vnde, quæso, patienter feras, lector, si adhuc de Sacramēto Confessionis pernecessarium, vt reor, exemplum breuiter perstrinxero: in quo euidentissimè clarebit, quàm lamentabili ruinæ cecitas humanę mentis, quæ per liberū arbitrium corrupta est, obnoxia sit: & rursus, quàm potens, quàm efficax sit gratia ad saluandum quod perierat: quæ vtique ab ipsa etiā ruina seruare poterat, si non secundum egregiam Ambrosij sententiam necessarium fuisset Adæ peccatum, quod Christi morte deletum est: vt proinde nobilis ad imaginem Dei creata natura, quid per se, vel quid per gratiam sit agnoscens, miserationum Domini in æternum non obliuiscatur. In vno ex Monasterijs Ordinis Præmonstratensis, quidam de fratribus aliquando infirmarij officium sortitus est: qui secundum ea quæ in facie sunt, competentis religionis, & honestæ conuersationis esse videbatur. Sed heu! *pondus & pondus*, quod *utrumque est abominabile coram Deo*, deprehensus est appendere in statera dolosa: quoniam foris per hypocrisin sobrium, parsimonięque amatorē se esse simulabat: intus verò in secreto suo gulæ & voracitati laxans habenas, obsonium, quod fortè lautius infirmis præparasset, cibosque deliciores fidei ejus ob necessitatem infirmorum creditos, non veritus iudiciū Dei, sceleratissimè insumebat. Contigit verò, vt cū huic nequissimo vitio puniēda temeritate aliquamdiu subjacuisse: nescio quo iudicio compunctus ad horam, confiteri deliberaret. Itaque in sacra Vigilia Pentecostes circa horam nonā, cū jam Abbas ejusdem loci ad celebrandum officiū ipsius diei sacris vestibus ornandus esset, accedens ad eum, signum Confessionis,

Necessitas gratia.

Rom. 8.

Prover. 20.

Ecclesi. 4.

Dilata confessione frater in desperatione laborat.

Proner. 8.

Cultra guttur sibi perfodit.

Allo desertur à demonibus.

sicut moris est confiteri volentibus, fecit. Abbas autem putans eum de quotidianis negligentijs aliquid habere dicere, renuit: significans, ut cōpetentior potius horā ad confitendum quæreretur: se ad celebranda sacrosancta mysteria incontinenti esse processurū. Repulsus ergo abiit tristis, eo quod scelus omni confusione & ignominia plenum dicturus, effectum Confessionis habere non meruisset: timebatque, ne fortè igniculus ille timoris Dei, qui ad præsens in eo accensus fuerat, hac dilatione repesceret: nec se post modicum talem inueniret, ut confusionem quæ gloriam adducit sufferre valeret: sed magis confusionem quæ peccatū operatur incideret. Tali ergo mœrore affectum, atque ad desperationem procliuem fratrem illum hostes humani generis maligni spiritus considerantes, velut latrones super pupillū irruere: miseram animam, quæ se præter rationem, contra ordinem, contra omnem juris & honestatis pulchritudinem indecenti carnis suæ voluptate fœdauerat, felle obdurationis, absynthioque desperationis potantes, & insuper in suimetipsum jugulū hominem jam mente captum violentissima suasionem impellentes. Denique ab hora qua repulsam passus est vsque ad vespērā, factione dæmonum varijs & perniciosis cogitationibus fluctuans, factus est insipiens, & elongatus à sapientia Dei, quæ dicit, *Ego sapientia habito in consilio, & eruditus inter sum cogitationibus*: Iudam proditorem, qui cælo terræque perosus inter utrumque periit, infelicissima dementia statuit imitari. Iam sacratissimæ solemnitatis vespertina synaxis à fratribus agebatur: & ille quasi pro infirmantium solatio remoraretur, stationem suam deferens cætui fratrum se subtraxit: non intelligens miser, tantò se malignorū spiritū infidijs facilius decipi posse: quantò se à congregatione iustorū Deum laudantiū magis elongare præsumebat. Quid plura? Victus tandem tædio & desperatione, ipsius quoque vitæ suæ odium incurrens, iniit stultus pactū cum morte, & fœdus cum inferno pepigit: atque in ipsa sancta nocte Pentecostes cultrum gutturi, cuius voluptati dedecoroso lenocinio satisfecerat, immergens, eundem in sceleratissima interfectione sui incentorem habuit, cuius instinctu cyclopeam voracitatem sectari non timuit. Tum verò apostatæ spiritus nequissimo tripudiantes gaudio, quo specialiùs & profusiùs exultare solent, si quando aliquem de numero Religiosorū supplantare potuerint, ignorantēque præsumptionē suam diuina censura celerius esse reprimendam: tamquā jam plena victoria potiti, consilium iniere, quatenus sic seminecem de medio tollentes absentarent, ne fortè antequam penitus expiraret, inuentus à fratribus, quacumque pietatis arte ad confessionis & poenitentiae subsidium reuocaretur, sicque prædam nefariam tartarei principis amitterent. Cæterum, cum neque in vespers, neque in sacris vigilijs frater ille in ordine suo in choro appareret, recordatus Abbas signi Confessionis quod fecerat, & repulsæ quā sustinuerat, totus intremuit: & quasi jam prælagiente sibi spiritu suo, ne fortè fieret, quod factum esse nesciebat, grauissima cordis contusione cœpit vereri. Velociter ergo quibusdam fratribus ascitis ad inquirendū eum pauidus & anxius mittit: sibi à iusto Iudice Deo imputandū fore reputans, quidquid aduersi pertulisset is, quem confiteri volentē, licet euidenti necessitate, minùs tamen discretè repellere præsumpsisset. Quæsitus itaque in infirmitorio ceterisque locis, in quibus inueniri posse sperabatur, minimè repertus est: sed tandem curiosius ijs qui missi fuerant, etiam obstruos quoslibet angulos perscrutantibus, in necessarijs

infirmorum culter horrendi sceleris minister cruore infectus, pauimentum quoque multo sanguine rubens, tristem euentum recenter admissi homicidij indubijs declarauere indicijs. Quo viso expauere & expalluere fratres ad inquirendum destinati: atque illius qui ab initio homicida est, crudelem malitiam aduersus fratrem pusillanimè præualuisse, ingemuerunt. Sed cum quidnā de cadauere, vt putabant, extincto factum fuisset, abdita & obscura quæque loca perlustrando diligentius explorarent, nec vllum omnino vestigium viuientis vel defuncti reperire valerent, maiori stupore perculsi sunt: celeriusque regressi, lamentabile fraterni exitij euentum Abbati & fratribus pandere maturarunt. Oritur mox mœtor & luctus omnium, vox vna fratris ruinam pio compassionis affectu plangentium: sed is præ ceteris impatientius luget, qui pastoris nomen & officium tenens, miserabili ouiculæ perditionis occasionem dedisse notabatur. Illuxit interea festiua deuotione colendus dies Pentecostes, & fratres ob tanti diei reuerentiam Missarum solemnia deuotissimè celebrantes, omnipotentis Dei clementiam suppliciter postulabant, quatenus solita pietate quidnam de fratre illo factū fuisset, ipsis manifestare dignaretur. Verum diuinæ clementiæ bonitas, quæ incomparabiliter & merita supplicum excedit & vota, minimè contenta id solū concedere, quod petebatur: largiori dono gratiæ suæ demonstrare voluit, quàm dignanter ruinæ peccatoris illius manum misericordiæ suæ supposuit: ne is qui pro culpa sua castigari meruerat, diabolicæ malitiæ præsumptione collideretur. Non enim passi est irrefragabilis celsura misericordis equitatis Dei, iudicium sine misericordia recipere illum, qui iudicium metuens, sub alas misericordiæ per Confessionis & pœnitentiæ adminiculū confugere desiderarat, licet hoc negligentia Prælati sui consequi minimè potuisset: sed neque sacratissimum diem, quo Spiritus sanctus corda primitiue Ecclesiæ suæ, ad illuminandas omnes gentes copiosè illustrauit, aduersæ partis mortifera victoria fœdari sustinuit. Ecce namque dum sacra mysteria celebrarentur, quidam de fratribus seorsum stans sub turre quæ campanas sustentabat, sursum fortè respexit, viditque hominem illum sui ipsius infelicitate verè miserū, sed planè magnifica Dei gratia beatum, super murum quemdam præruptum pronū jacere: ita vt à renibus & deorsum de muro pendens, incontinenti casurus esse videretur. Attonitus is qui viderat, ciet ceteros, curiosiusque considerantes ipsum esse deprehendunt, quæ fraudibus inimici circumuentum corpore & anima perijsse reputabant. Rati verò cadauer extinctum se solūmodo reperturos, allatis scalis ascenderūt: sed miseratione illius qui neminem prædestinatorū suorum perire patitur, spirantem adhuc hominem inuenerunt. Quod postquā clamore mixto gaudio ab ijs qui ascenderant ceteris innotuit, exultantibus omnibus, præcipuè tamen Abbate, qui se flens & ejulans mortis illius esse reum clamitabat: gloria tibi Christe Deus, gloria tibi Spiritus sancte Deus, à cunctis ingeminatur. Dehinc præcipiente Abbate summa cum cautela diligentiaque depositus, in infirmitorium delatus est: cunctisque in gutture ipsius horrendi vulneris hiatum cernentibus, & mirantibus præ gaudio, quonāmodo sic salutis integritate mutilatus viuere posset, in lectulo collocatus est. Cumque paululū conquieuisset, accedentes fratres aperturam hiantis enormiter gutturis manibus compressere, ne flatus vitalis contrario meatu erumperet: tentantes, si vel hoc modo qualitercumque verba edere posset. Sed misericors Deus, ei quem de tyrann-

Dies Pentecostes.

Corpus vulnerati cernitur à fratre.

Viuens reperitur, & de muro deponitur.

*Sancius mi-
raculose sa-
natus sancte
postea vixit.*

Rom. 15.

1. Thessal. 5.

nica hostis antiqui malitia potenter eripuerat, faminis quoque officium ad laudem gloriæ suæ, contra vim deficientis naturæ confessionis gratiâ concedere dignatus est. Quod ubi pia explorantium fratrum curiositas aduertit, contra omnem legem mortalis naturæ etiam fratrem illum sanitati restitui, mox secedentibus cunctis Abbas Confessionem incautè dilatam, verè magno munere Dei stupendo miraculo tandè recepit: confitenti quoque pœnitentiam congruam injunxit. Vt verò plenum & absolutum esset donum, quod Spiritus sanctus, qui pietas Dei dicitur, excellentissimo solemnitate suæ die prærogare dignatus est, tantò propensius & deuotius puritatem sanctæ conuersationis postmodum æmulatus est, quantò in semetipso certius expertus fuerat, Leuiathan serpentis antiqui virulentis patere moribus eos, qui schemate religionis insigniti, conscientias suas latebrosis sceleribus maculare non verentur. Sicut igitur, testante Apostolo, *quæcumque scripta sunt, ad nostram doctrinam scripta sunt*: ita proculdubio quæcumque magnalia Dei in sancta Ecclesia ipsius facta sunt, ad nostram eruditionem facta sunt: & propterea quicumque curam animarum gratia Dei sortiti sunt, caueant, ne quavis occasione seu necessitate confiteri volentè, sibi dumtaxat cõmissum, sine graui pondere discretionis differre præsumant: ne contrarij sint Apostolo dicenti, *Spiritum nolite extinguere*: & ne fortè is qui nunc ad vitam reuocari poterat, ipsa repulsione sua in auersionem cordis vadens, post modicum ad vitam redire contemnat.

Caput XIV.

De periculo discordiæ.

Matt. 5.

Ephes. 4.

Luc. 2.

*In altari
Christus pro
peccatis mū-
di immola-
tur.*

CVM Dominus in Euangelio dicat, *Omnis qui irascitur fratri suo, reus erit iudicio*, itemque Apostolus salubriter admoneat, dicens, *Sol non occidat super iracundiam vestram*: dolendum valde est, quosdam etiam de numero Religiosorum negligentius iræ frēna laxare, & vsque ad contentionis discordiæque fecem interdum prorumpere: qui dum foris inuicti esse cupiunt, intus grauiter feriuntur, dumque foris parua & vilia defendunt, intus magna & pretiosa perdunt: quia dum rem temporalem tenēre diligunt, pro ea si auferatur, plusquā expedit irascendo, verè dilectionis incomparabilem thesaurum amittunt. Vt ergo quisquis religiosam vitam sectatur, templū Dei se esse meminerit, dominumque maiestatis habitantem in se iracundiæ seu discordiæ passione offendere pertimescat: qualiter Sacerdos quidam Religiosus, dum pacem, quam cœli Rege in terris nato cœli ciues terrigenis annuntiauerunt, in proximo suo violare non timuit, admirandam quamdam gratiam specialiter à Domino sibi collatam perdidit, ad cantelam torpentium describere non pigritabor. Hic ergo laudabilis vitæ Presbyter ignauix nequaquā marcens otio, sollicitè satagebat, quatenus conuersationis suæ qualitas ab excellentia gradus sui non discreparet: tumque præcipuè in oblatione hostiæ salutaris, in qua Filius immolatur Patri, ut tollat peccata mundi, per sacrificium cordis contriti & spiritus humiliati semetipsum in præsentia summæ diuinitatis mactare curauit. Habebat verò parochianū quemdam, qui licet sæcularis vitæ negotijs implicatus esset: fidei tamen integritate deuotionisque sinceritate pastoris sui meritis fortassis impar non erat. Ejus namque doctrina & exemplo religiosè institutus, Ecclesiæ limina sine cessatione terebat: Missarum celebrationi sedulus obseruator intererat: sanctarumque precum instantia cœlos pulsans, in simplicitate cordis sui tempore

diuini

diuini sacrificij cum Domino loquebatur. Volens autem Dominus vtrorū-
que meritum ad laudem & gloriam nominis sui manifestare, laici illius tam
spirituales quam corporales aperuit oculos : cœpitque infra sacri mysterij
actionem Dominum nostrum Iesum Christum beatis oculis videre super
altare stantem juxta calicem sanctum, qui amborum conscientias mira sua-
uitate præsentiæ suæ misericorditer peruagebat. Consecratione verò diui-
norum sacramentorum rite peracta, cum pacis osculum in populum esset
diffundendum, & Sacerdos juxta morem quorundam sacram hostiam
primitus oscularetur : in ipsa hora pius Dominus accedens, eidem ministro
suo pacis osculum dignantissimè porrigebat. O quanta est benignitas Re-
demptoris nostri : ô quantum de Deo suo quorundam pia & deuota sim-
plicitas meretur : vt ineffabilem illam æternæ visionis Dei dulcedinem,
quæ generaliter omnibus electis in finem seruetur, ipsi quodammodo in
hac mortali vita prælibare videantur ! Is ergo qui ad tam diuinæ contem-
plationis reuerendum arcanum admissus fuerat, juxta Prophetam, secretū
suum sibi retinuit : & cum frequenter speciosum forma præ filiis homi-
num videret, nihil tamen Presbytero indicare voluit : ne aut ipse vanitatis
notaretur, si tantum Dei mysterium faciliè sine magno pondere rationis
propalaret : aut ille cui tanta gratia à Domino collata erat, per elationis vi-
tium eadem se gratia priuaret. Accidit interea, vt horum præfati Sacer-
dotis diuersis herbis & oleribus virentem, cultorique suo ipsa viuacitate
germinis quodammodo aridentem, pauperis cujusdam porcellus furtiuis
irruptionibus intrare consuesceret : & quia in domo domini sui, ob rei fa-
miliaris penuriam, vnde ventriculum suum replere posset, non inuenie-
bat, aliunde hoc mendicare compellebatur. Itaque Sacerdos ægerrimè fe-
rens hortum suum vastari, cum frequenter pauperem illum admonuisset,
quatenus porcum suum domi teneret, ipsumque porcum teneras olerum
plantas suffodientem cum injuria verberum extra sepra horti sæpius expu-
lisset, nec tamen quidquam proficeret, ad extremū dolore stimulatus eun-
dem porcum occidit. Verum pauper ille animalis sui interitū cognoscens,
adminiculū substantiæ suæ se magna ex parte perdidisse ingemuit : volens-
que agere cum Presbytero, quatenus damnum sibi illatum secundum leges
restitueret : illo econtra horti sui jacturam exaggerante, quoniam pauper
vbique jacet, cum detrimento causæ suæ despectus & repulsus est. Itaque
Sacerdos irreconciliatus manens pauperi fratri suo, ad immolandam veræ
reconciliationis hostiam temerarius accessit : sed Dominus Iesus, qui factus
est nobis à Deo Patre justitia, redemptio, & reconciliatio, discordiæ peste
maculato præsentiam suam exhibere dignatus non est. Ecce namque ho-
mo Dei, cujus supra meminimus, infra sacri Canonis actionem stans, &
deuotissimè orans, illum in quem desiderant Angeli prospicere, more so-
lito se visurum sperabat : sed frustratus à spe sua vehementer turbatus est,
considerans Sacerdotem gratia sibi collata prorsus nudatum, & quasi nu-
bilo quodam diuinæ indignationis offuscatum. Quod ergo verecunda
humilitate sola testante conscientia aliquamdiu celauerat, causa exigente
silentio premere noluit : sed assumpto seorsum Presbytero, qualem &
quantam gratiam perdidisset, secretiùs suggessit : monens & obsecrans,
vt si in peccatum aliquod lapsus esset, per confessionis & pœnitentiæ
remedium diluere illud quantocyus festinaret : si fortè gratiam amissam

*Laicus vi-
des sepe Chri-
stum in al-
tari.*

Isaia 44.

*Sacerdos irre-
concilia-
tus sacrifi-
cans, solita
gratia pri-
uatur.
1. Cor. 11.*

*Monetur
Presbyter à
laico gratia
amissa.*

Et

Deus iniuria pauperis vindex in Sacerdotem.

Præpositus discordiæ Religiosas scandalizat.

*Emprobatur ei ab e-
nergumeno,
quod sic ad
altare accesse-
ris.*

larga Redemptoris nostri benignitate recipere mereretur. Consternatus animo Sacerdos, nullius quidem criminalis delicti sibi conscius se esse, sed nec in his quæ quotidianis excessibus euenire possunt, conscientiam se plus solito remordere, respondit: excepto dumtaxat, quod hortum suum pessumdari non sufferens, pauperis illius porcum occidisset: eique per satisfactionis humilitatem necdum reconciliatus fuisset. Intellexerunt ergo utrique, pauperum susceptorem Dominum, injuriam pauperis sui tantò seueriore, quantò occultiore vindicta punisse: festinauitque Sacerdos pusillo Domini per condignam illati damni recompensationem satisfacere: sed utrùm sublimem illam gratiam, quam perdiderat, recuperauerit, necne, non constat nobis: quoniam servus Dei, qui eandem cum illo gratiam, vel fortassis præ illo, participabat, censorio semetipsū castigabat silentio: ne mysteria Dei passim sine certæ necessitatis articulo reuelare præsumeret. Cæterùm quoniam duritia cordis humani difficulter ad custodiam sui excitatur: adhuc etiam ipsius inimici testimonio, quàm sit periculosum discordiæ vitium comprobabimus: qui licet inuitus & coactus veritatem prodatur, tamen quandoque talia verba depromere videtur, qui fidelibus commonitoria esse noscuntur. In Monasterio quodam Sanctimonialium Præpositus ejusdem loci tractabat aliquando cum sororibus, quamdam possessionem ipsius Cœnobij vendere volens: & sicut fieri solet ex studijs partiū suam sententiam tãquam saniori consilio subnixâ defendentiū, grauis inter ipsum & sorores discordia exorta est. Verùm Præposito dicente, sibi creditam esse dispensationem, totūque negotiū auctoritate Prælationis suæ ad arbitriū voluntatis suæ cogente: sorores, quæ contrario nitebantur, grauiter scandalizatz recesserunt. Erat autem femina quædam laica in eodem Monasterio, quæ ab imundo spiritu vexabatur: pro cuius liberatione quotidiana precū instantia sorores in cōmune laborabant: & ut pestiferū spiritum validiùs vrgeret possent, Dominicis eam sacramentis frequentius participare faciebant. Postero itaque die Præpositus paruipendens scandalum sororū, turbatus ipse cum grauius turbatis eisdem sororibus, ut pacificam hostiam imolaret, ingressus est ad altare Dei: peractaque ex more diuinorum munerū consecratione, etiam patientem illam causa percipiendæ Eucharistiæ sibi presentari fecit. Tum verò spiritus nequam mirum in modum recalcitrans, truculentas & horrifonas cœpit edere voces, ipsumque Præpositum amarissima inuectione redarguens, dixit. O miserrime & infelicissime hominum, quid facis? Lethale virus rancoris & discordiæ toto pectore spirans, insuper etiam grauis scandali pusillarum Domini coram oculis summæ maiestatis reus, ad consecrandam, tractandam, & manducandam carnem altissimi imprudenter simul & irreuerenter irrumpis? Noueris pro certo, quia consultius fecisses, si domum Dei hodie non intrasses, quàm tantæ præsumptionis cuaterio conscientiam tuam vstulasses. Cumque exorcismis & orationibus multis cogeretur, quatenus diuinis Sacramentis reuerentiam exhibens cederet, quoadvsque mulier quam torquebat, communicasset: per multas difficultates vix cogi poterat, ut de manibus illius qui dissensionis & contentionis vitio fordebat, Eucharistiæ gratiam eam sumere permitteret. Hinc colligimus, negligentiam nostrā hostibus nostris contra nos vires accrescere: & quia quantò quis ad peccandum procliuior fuerit, tantò principis tenebrarum

dirissimum jugum difficilius euadere possit. Quanta verò diligentia discordiæ vitium fugiendum sit, quamque festinanter ad pacis concordiaque vinculum redeundū sit, etiam magnus ille Ioannes, qui Eleemosynarius dicitur, satis ostendit: qui propter incomparabilem largitatem & compassionē, quam circa egenos habebat, græco vocabulo Eleimon, id est, misericors, appellatus est. Hic beatus Pontifex, cum esset Alexandriae magnæ ciuitatis Patriarcha, Niceta ejusdem vrbis Patritius adulterinas quasdam leges in foro rerum venaliū proponere volebat: quæ exactionem magis & avaritiam, quàm iustarum legum moderamina redolerent. Sed liberalis Patriarcha hoc in grauamen pauperum, qui pascua sunt diuitum, fieri prospiciens, magnanimitè resistebat: sicque factum est, vt grauissima dissensione turbati, discordes ab inuicem discederent. At verò mitis pastor, qui à summo Pastore Domino Iesu Christo didicerat mansuetus esse, & humilis corde, licet potuisset conscientiam suam potioris causæ testimonio tueri, scandalumque illius, qui avaritiæ æstibus inflammatus irrationabiliter mouebatur, paruipendere: tamen propter timorem Dei, cum sol jam festinaret occumbere, per religiosos Clericos mandauit Patritio dignum memoria verbum, dicens. Domine Patritie sol ad occasum est. Ad quod verbum compunctus Patritius, cum festinatione surrexit, currensque tenuit pedes honorandi Patriarchæ: sicque verus imitator mansuetudinis Christi, dum se ad humilitatis celsitudinem inclinare studuit, in corde proximi superbiæ discordiæ fomitem extinxit.

*S. Ioannes
Eleemosyna-
rius patritio
resistit ini-
quas leges
statuenti.*

*Exemplum
reconciliati-
onis non dis-
ferenda.*

Caput xv.

De Laude Patientiæ.

SED, ô mihi suauem locum, in quo pro similitudine exempli congruenter valde memoria fiat admirandæ patientiæ cuiusdam fratris, qui cum eo qui oderat pacem, pacificus esse, & secundum Domini præceptū, etiam pro inimico orare satagens, miserante Domino inueterati liuoris virulentas radices de corde fratris extirpauit: & quem diu patienter sustinuerat violentissimum persecutorem, deuotissimum recipere meruit obsecratorem. Igitur in Monasterio quodam Cisterciensis Ord. contigit aliquando, inter duos quosdam fratres dissensionis & odij seminaria, causa simultatis cuiusdam, pullulare. Verum vno eorum in malitiæ discordiæ persecutante, alter per gratiā Dei citò resipiscens, quod malè in se pullulare cognouit, rostro compunctionis eradicare quantocyus festinauit. Quantoque maleuolus ille clanculis seu apertis insectationibus, irrisionibus, detractionibusque fratris animū ad amaritudinem perducere nitebatur, tantò iste in humilitate timoris Dei semetipsū submittens, liuoris & impatientiæ stimulos, quos in corde ipsius aduersarius exacuere tentabat, confitendo, flendo, & orando, vigilanter retundebar. Verum, quid non mortalia pectora cogis, liuoris & inuidiæ execrabilis tabes? Quod enim patiens iste & humilis frater conscientia suæ præstabat, dando locum iræ, percutientique se in maxillā, secundum Evangelicum præceptum præbendo alteram, hoc totū peruersus & tumidus ille sinistrè interpretando superbiæ contempnūque suo deputabat: quantoque is efferos animos patientia sua linire tentabat, tantò ille malitiæ suæ furijs agitato ad persequendum innocentem misero liuore magis ac magis accendebatur. Hinc factum est, vt versus in amaritudinem vitis alienæ, sanctum profanare, jus proscribere, fas nefasque

*Vnus ex dis-
cordantibus
statim resipiscit, altero
in odio per-
seuerante.*

*Falsò accu-
satur detest-
andi crimi-
nis innocens
frater.*

2. Cor. 1.

Rom. 12.

*Orat Deum
pro se & pro
falso accu-
satore.*

Prov. 16.

Zachar. 13.

*Ante alta-
re proster-
nur ad ora-
tionem.*

confundere non vereretur, dum modo illius, quem scelestissimo odio per-
sequebatur, tranquillitatem turbare, gratiam obnubilare, famâque fuscare
potuisset. Cernens namque inuictû robur mentis colluctatoris sui de cun-
ctis nequitia suâ adinventionibus sublimiter triûphare, fortique patientiâ
pede malitiæ suæ collum calcare, acriori sèuiens inuidia, Abbatem suum lu-
pus sæuissimus ouem mentitus adiit, detestandi cujusdâ criminis, quod ne-
quiter concinnauerat, fratrem suû nequius insimulans: vt quem decus in-
nocentiæ gloriosum reddebat, pessimi mendacij fermento corruptâ famâ
si fieri posset, humiliaret. Vbi verò frater falsò accusatus in causam vocatus
est, sciens scriptum, quia *crudelis est, qui famam negligit*, se hujus criminis sibi
conscium non esse ingenuè protestatus est: seque ad comprobendam inno-
centiam suam examen quodcumque placuisset, spontanea voluntate subi-
turum. Quia tamen sensum cordis humani, non solû ad faciendum, sed
etiam ad suspicandum de altero malum ab adolescentia pronum nouerat,
verbum semel emissum occasionem scandali de se infirmis dedisse, grauiter
doluit: & qui securè cum Apostolo dicere poterat, *Gloria nostra hæc est, te-
stimonium conscientia nostra*, malitiam diei vanis suspicionibus se exagitare,
patienter ferre nequibat. Cæterum cautus sequi consiliû Apostoli dicentis,
Noli vinci à malo, sed vince in bono malû, timens etiâ ne fortè continuus do-
lor impatientiæ stimulis nutritus in odiû aduersarij verteretur, totam vim
grassantis in se doloris ad negotium transtulit pietatis, assiduis orationibus,
& fletibus, tam pro se, quam pro æmulo suo, Domini misericordiâ, beatissi-
mæque Dei genitricis pietatem exorans: quatenus diuina gratia & se in cha-
ritate confirmaret, & in æmulo suo magnitudinem malitiæ compriimeret:
& ad tollendum scandali fomitem vnctione dulcedinis suæ compungeret.
Nec frustra laborauit in gemitu suo, neque pupillæ oculorum ejus otiosæ
pietatis aquis fluebant: sed qui consolatur humiles, tribulorum susceptor
Dominus exaudiuit vocem ejus, impletûque est in eo, quod sapientissimus
Salomon ait. *Cùm placuerint Domino via hominis, etiam inimicos ejus conuertet
ad pacem.* Cùm enim sacrificium cordis contriti & spiritus humiliati in sim-
plicitate deuotionis suæ Domino aliquamdiu obrulisset, nec tamen dolor,
qui tam ob infamiæ notâ, quam innocens incurrerat, quàm etiam pro per-
ditione fratris, qui mendacij & odij veneno infectus peribat, præcordia ejus
depascebatur, cessaret: contigit, vt taliter affectus quadam nocte in choro
stans in ordine suo Vigiliarû solemnijs interesset. Et ecce ad memoriam ca-
lamitatis suæ simul & fraterni periculi cœpit ebullire de intimis cordis ejus
medullis fons lacrymarum, verè de fonte domus David patente in ablutio-
nem peccatoris & menstruatæ venarum suarum principia trahens: quo sca-
turiente fluebant ab oculis lacrymæ, non super deducentem eas, sed pro de-
ducente eas: non vt confunderetur & periret, qui fundenti eas confusionis
& perditionis foueam parauerat: sed vt resipiscens à laqueis diaboli, à quo
captivus tenebatur ad ipsius voluntatem, æternæ vitæ beatitudinem & glo-
riam recuperaret. Inebriatus itaque sincerissimo vino charitatis, quod læ-
tificat cor hominis, cujus dignior portio & eminentior laus est, diligere
inimicos, & orare pro persequentibus & calumniantibus, non se poterat in
medio fratrum pati, sed citò secretû petens, coram vno de altaribus ad ora-
tionem prosternitur: quatenus bullientia ardentissimæ compunctionis aro-
mata liberiùs euaporandi, cœlosque sicut virgula fumi penetrandi oportu-

nitatem nancisceretur. Ibi omnium misericordiarum Domini, quæ à seculo sunt, memor: beatissimæ quoque Dei genitricis inexhausta pietatis viscera mente reuoluens, non tam verbis, quàm immenso rugitu cordis largissimo-que lacrymarum imbre ipsam matrem misericordiæ, quæ spes miserorum esse dignoscitur, ut suam aduersarijque sui causam suscipere dignaretur, suppliciter postulabat: quoniam negotium quantūcūque intricatum, pro quo summæ pietatis mater coram pijsimo Iudice filio suo allegationis officio fungi non recusaret, non nisi pietatis ordine terminari posse, pia fiducia præsumebat. Nec fefellit simplicitatē fidei ejus magnificus ē vestigio subsecutus pietatis effectus. Ecce enim dum in multa contritione cordis sui frequentius iteraret, pie Domine miserere, pia Domina Dei genitrix virgo Maria succurre misero, omni prorsus consilio & auxilio destituto, & adhuc pij murmuris verba corde & ore volueret: adest illa spiritalis pauperum susceptrix, & peculiare miserorū refugium, Dei genitrix Virgo, domina nostra, non qualemcūque, non mediocrem afferens consolationem desolato: sed planē tantam ac talem, quantam ac qualem, Reginam celi, dominā mundi, matrem misericordiæ, spem miserorum, ei quem visitatione sua dignata est, decebat impendere. Iam psalmi, quem tunc chorus psallentium ad laudem Dei decantabat, vltimū versum fratres psallebant: cum respiciens frater ille oculis lacrymas stillantibus, vidit illam sublimem dominam Angelorum, spem miserorū, quasi à dextro latere altaris egredientem, ad se venire: vultu & habitu & modo, qui matrem misericordiæ decebat, reuerendam, immensū quoque luminis jubare coruscantem. Sequebatur verò eam juvenis splendidissimus, cœlesti & ipse gloria insigniter adornatus. Interim dum finito psalmo fratres gloriam Sanctę Trinitati dicerent, & sicut moris est, ob reuerentiam summæ majestatis omnes pariter inclinarent, substitit beata Virgo, sublimissimumque verticem, cui non adequabitur omnis creatura, excepta dumtaxat illa, quæ in sacro & de sacro virginali utero ipsius à Verbo Dei in vnitatem personæ assumpta est: illum inquam tam humilem quàm celsum verticem reuerenter submisit: & quovsq̃ue fratres, *Gloria Patri, & Filio, & Spiritui Sancto*, per dicerent, tamquam verè humilis ancilla Domini inclinis permansit. Post hæc erigens se, vultūque ad fratrem in angustia constitutū dirigens, mellifluis verbis consolata est eū dicens. Homo Dei cessent lacrymæ jam ab oculis tuis, & amaritudo mœroris quo cor tuum vehementer affligitur, recedat à te, quia est merces operi tuo, qui summæ innocentie, altissimæque charitatis domini ac filij mei, pro modulo tuo imitator effectus, aduersarij tui violentiam non solum equanimiter tolerasti, verū etiam salutis ejus piam sollicitudinē gerens, in luctu & lacrymis temetipsum pro eo in conspectu Domini humiliare non dubitasti. Quapropter noueris, me ob sinceram fidei tuæ deuotionem, tam tibi gloriā, quàm æmulo tuo veniā à Domino impetrasse. Frater verò, qui ad tantam secretorum cœlestiū celsitudinem admissus fuerat, ut cunctis ordinibus Angelorū reuerendam matrē Domini carnis oculis videret, nil territus, (neque enim turbari poterat, qui suauitatis & securitatis matrem videbat,) fiducialiter dixit ad eam. Obsecro Domina, quæ es tu, quæ sic dignanter loqueris ad cor serui tui: vel quis est juvenis iste, qui tecū est? Ego sum, ait, Maria mater Dei: juvenis verò iste Ioannes est Euangelista, cujus castis obsequijs, benignissimus filius meus in cruce pro nostra pēdens salute, me cōmisit. Et frater ait. Si ergo tu es illa,

*Orant ap-
paret B.
Virgo.*

*Inclinat Vir-
go caput
ad Gloria
Patri.*

*Præcepius
exauditas
dicis.*

*S. Ioann.
Euangelista
B. Virginis
comes.*

Ec iij

*B. Virgo
odore celesti
psallentes
reficit.*

Psalm. 105.

Leuit. 26.

Psalm. 51.

Luc. 15.

*Detraitor
ad odorem
illum respici-
scit.*

*Frater affli-
ctus Abba-
ti declarat,
unde tantus
odor uenerit.*

per quam salus humano generi venit, quam reueretur & laudat vniuersitas creaturæ: cur queso & tu tamquam vna de ceteris, ipsis etiam potestatibus Angelicis honorandum caput tuum inclinas? Pijssima Dominā respondit. Scire debes, quia quotiescumque gloria Sanctæ Trinitati cum metu & reuerentia exhibetur in terris, toties omnes virtutes cœlorum commouentur, & ad laudem sui creatoris excitantur. His dictis visio beata ab oculis videntis sublata est. Porro tam mirifica nectarei odoris suauitas eadem hora apparitionis beatæ Virginis, non solum fratris illius, qui mœrore & anxietate tabescebat, verum etiam cunctorum tunc in choro deuotè psallentium penetrabilia cordis adeò gratiosa inspiratione refecit, vt faciliè daretur intelligi, non materialium aromatum fragrantiam illam, sed diuinæ planè fuisse virtutis. *Quis loquetur potentias Domini; auditas faciet omnes laudes miserationum ejus?* Verè inuestigabiles sunt viæ ejus: & incomprehensibilia opera pietatis ipsius. Liuidus namque ille detractor & accusator innocentis fratris sui, qui quantum in se fuit, proximi vitam pariter & honorem crudelis mendacii gladio extinxit, cum justè prorsus terribili illa sententia percellendus fuisset, qua Dominus dicit ad filios Israël, *Si ambulaueritis ex aduerso mihi, ego quoque aduersus vos incedam, & corripiam vos septem plagis propter scelera vestra*: & illud de psalmo, *Dilexisti malitiam super benignitatem, propterea Deus destruet te in finem*: cum hoc inquam dignus fuisset audire, non tamen hoc audiuit: sed interueniente patientia innocentis, fraternæ quoque charitatis pro se piæ gementis humillima intercessione, potius audire meruit Euangelicū illum patremfamilias prodigo filio viscera pietatis exhibentem, & dicentem. *Cito afferte stolam primam compunctionis, & induite eum, ne nudus ambulet, & videant turpitudinē ejus: & date annulum aureū confessionis in manu ejus, vt lotus aquis confusionis, quæ gloriā adducit in salutem, (quia in confessione omnia lauantur,) signaculum innocentiae recipiat: & date calceamenta fructuosæ poenitentiae in pedes ejus, vt ambulans vias iustitiæ, de cetero non offēdat ad lapides malitiæ pedes affectionum suarum.* Enimuerò vbi suauissimi illius odoris fragrantia, qui de virgineo corpore intemeratæ Dei genitricis erupit, inter ceteros, qui hac gratia digni habiti sunt, etiam liuore & odio tetrum pectoris ejus antrum tetigit, mox vehementer compunctus, & illo igne quem Dominus Iesus mittit in terram salubriter inflāmat, cœpit jam scelus suum veritatis lance trutinare: se reum, se miserū, seque omnibus tormentis dignum reputare: fratris quoque sui, quem falso crimine infamauerat, innocentiam consequenter beatificare. Denique redarguentis se conscientiae stimulos ferre non valens, proposuit in animo suo se ab omnimoda fratris sui insectatione cessaturum: concinnati quoque facinoris fabula per confessionem patefacta ad arbitrium Abbatis sui, se ei quanta posset humilitate satisfacturum. Mane autem factō fratribus non sine magna admiratione inter se querentibus, quidnam tanti odoris suauitas, quam noctu psallentes senserant, portenderet: is qui tanti mysterij conscius erat, Abbatem secretiūs adiit, quæ viderat, quæque audierat, simpliciter pandens: ipsaque horam apparitionis beatæ Dei genitricis fuisse, qua psallentium naribus cœlestis suauitatis fragrantia infusa est, asseuerans. Abbate verò stupente, difficilisque fidem dictis adhibente, magnitudine quippe tam gloriosi miraculi estimationem personæ supergrediente: ecce in astipulationem veritatis maliciosus ille infamator innocentis fratris sui pallens & tremens aduenit: de-

testandi criminis scenam liuore inuidiæ cogente fictam potius à se quàm veritate subnixam, flens & ejulans confitetur: seque multis modis multoque tempore in persecutionem ipsius exarsisse, cum magna cordis contritione deplorat. Porro requisitus vnde illi tam repentina compunctio, & peccati sui recognitio accidisset, respondit, se licet indignum, eadem gratia suauissimi odoris, qua & ceteros perfusum fuisse: moxque vt doni cœlestis vnctio cordis ejus intima penetrauit, in odium malitiæ & amorem innocentiae mirum in modum respirasse. Abbas audita quibusdam spiritualibus senioribus refert: & super tantis mirabilibus diuinæ pietatis gratiæ Domino in comune referuntur. At verò frater ille, qui patientia sua inimicum hominem ad pacem conuerterat, & inimicum diabolum sub pedibus suis contriuerat, locum in quo cœlestia mysteria cognouerat, tota auditate reuifens, cum deuotissime adoraret illic, vbi sacros pedes Regine cœlestis sterisse meminerat, ad confirmandam visionis veritatem mellisui suauitatis odorem, quem in ipsa visione senserat, lapides beata vestigia fragrantia sua representantes spirare letus deprehendit. Quod vbi Abbas ipso celerius nuntiante comperit, assumptis secum quibusdam religiosis fratribus, designatum locum cum metu & reuerentia adiit: quodque verbis audierat, rebus probans, suauitatem quippe mirifici odoris naribus hauriens, communicato cum fratribus suis consilio, eosdem lapides erui, atque in sacrario, loco competenti, in memoriam tanti miraculi reponi precepit. Ecce ad literam, & quodammodo manu palpantes probare possumus, beatos esse pacificos, quoniam filij Dei vocabuntur: cum econtrario sicut superiora hujus capituli declarant, etiam ij qui per Religiosam vitam in numero filiorum Dei computati esse videbantur, si pacis & concordie vinculum in vnitae fraternæ charitatis seruare neglexerint, celsi nominis consortio priuentur, si non ocyus ad pacis tranquillitatem, sine qua Deum nemo videbit, redire contendant. Oremus ergo Dominum, fratres, vt per Sancti Spiritus sui dulcedinem, extinguat in nobis discordiæ amaritudinem: rancoris & malivolentiæ pestes, per quas religiosi comuni vita degentes quandoque grauiter periclitari noscuntur, de cordibus nostris eliminet: quatenus omnes vniuersales id ipsum in inuicem sentientes, tamquam filij Dei, cum simus filij pacis, habitemus in domo Domini omnibus diebus vitæ nostræ.

*Locus ubi
sterat B.
Virgo sua-
nem spirant
odorem.*

*Lapides in
sacrario re-
ponuntur.
Matt. 5.*

Hebr. 12.

Caput XVI.

De periculo Psalmos negligenter ruminantium.

Diuini seruitij quotidianam pensionem cum metu & reuerentia summæ maiestati nos exhibere Psalmista hortatur dicens. *Seruite Domino in timore.* Quia verò imbecillitas cordis humani ad negligentiam ab adolescentia prona, facile in spiritualibus studiis tepescit, maximè vbi identitas fastidium generat, velut in cursu continuæ Psalmodiæ: dignum duximus ad correctionem negligentium pandere, qualiter Dominus noster Iesus Christus per seipsum blasphemam negligentiam cuiusdam Clerici corripere dignatus est: quatenus tantò propensius ad emendationem sui negligentium mentes euigilent, quantò sollicitius maiestas corripientis pavidò corde pensatur. Beatus Anno Colonienſis Archiepiſcopus Sigeberti Cœnobij fundator, vbi etiam sacri corporis ejus cineres gloriâ futuræ resurrectionis preſtolantur, quantæ sanctitatis, quantæque auctoritatis in Ecclesia Dei fuerit, cunctis historiam vitæ ejus legentibus liquet. Hic venerabilis Sacerdos, si

Psalm. 21.

*Cor facile
tepescit in
cursu orati-
onis.*

*Clericus ad
Gloria Pat.
omittens Ri-
lium.*

*Christus ne-
gligentiam
Clerici de-
clarat Pon-
tifici.*

*B. Anno
Ecclesia ca-
lamitates
futuras pra-
uidet.*

*Va Pastori-
bus notan-
dum.*

quando ab exterioribus negotijs liber, frequentia se subtrahere poruisset, Psalmodia cum quodam Clerico suo, quem sibi ad tam religiosum studium idoneum praeviderat, attentius vacabat. Verum is, quem non deuotio voluntarium faciebat, sed necessitas, ut reor, ad tam continuas odas persoluendas angariabat, identitatem pij operis pertæsus, coepit quandoque dimidia, nonnumquam verò etiam integra verba transilire: ita ut ad omnem gloriæ pronuntiationem, primæ tantum & tertiæ personæ mentionem faciens, mediam penitus reticeret. Cumque dies diei succederet, & hanc pessimam negligentiam, quia nullus aduertebat, nullus corripere, sancto quippe Pontifice in ijs versibus, quos sibi fors alterna dabat, intentionem cordis figente: quadam vespere dum idem Pontifex in lectulo suo gratia quietis se collocasset, antequam obdormiret, audiuit quasi vocem hominis festinato negligenterque dicentis, *Gloria Patri, & Spiritui Sancto*: atque id ipsum secundo & tertio repetentis. Quod cum audisset, & quid sibi hæc vox portenderet, discernere nullomodo valeret: in somnum resolutus astitit ille speciosus forma præ filiis hominum Dominus Iesus Christus: qui etiam manu protensa, duobus quoque in ea digitis, id est pollice & auriculari in volam replicatis, medios tres erectos tenebat: dehinc dexteræ manus indice alterius manus indicem tangens, ecce, inquit, Pater, moxque medium similiter tangens, en, inquit, filius: ad prostratum verò annularé tangens, ecce, ait, Spiritus sanctus: deinde subjunxit. Cum itaque tres istæ personæ, quæ vnus Deus sunt, pari honore ab vniuersa Ecclesia colantur: quare blasphemias Clerici tui non redarguis, qui ad omnem gloriæ decantationem, mihi, qui media in Trinitate persona sum, laudis honorem subtrahit? Post hanc iucundam visionem euigilans Sacerdos Dei, gratulabatur valde de visitatione tantæ maiestatis: & quod in spiritu audierat, festinans aure corporis probare, accito post quietem Clerico consuetæ coepit insistere Psalmodia. Diligentius verò qualem in psallendo disciplinam teneret auscultans, comperit certissime, quod in singulorum conclusione psalmorum puniendâ negligentia Trinitatem in dualitatem contrahens, personam Filij transiliebat. Quem mox seuera, ut dignum erat, correptione castigatum, ut de cetero distinctius & deuotius psalleret, sub graui interminatione precepit. Hic idem beatus Antistes per virtutem illius qui reuelat mysteria, raptus aliquando in spiritu, cognouit vniuersas tribulationes & calamitates, quæ Ecclesiam Dei vsque ad finem mundi oppressuræ sunt: rediensque ad se, non solum mente, sed & corpore, præ horrore visionis quam viderat, aliquanto tempore languit. Cumque à religiosis viris obnixè rogaretur, quatenus mysteria quæ viderat, ad ædificationem fidelium pandere dignaretur, hac tantum sciscitantibus se voce respondit. Væ, væ, væ, vniuersis angulis terræ, ab ijs qui dicuntur Episcopi rectoresque animarum: quorum doctrina & exemplo populus Dei informari debuerat, ut puram Domino exhiberet seruitutem. Ceterum, quàm fugienda, quaque cauenda sit hæc periculosa negligentia, qua psalmorum, seu quarumlibet precum cursus, sine mente, absque deuotione: festinando, atque dimidiata seu etiam integra quandoque verba transiliendo percurritur: liber quoque, qui de miraculis beatissimæ Dei genitricis Mariæ intitulatur, manifestè declarat. Ibi enim inuenitur, quod quædam virgo religiosa, secundum numerum psalmorum centum quinquaginta salutationes Angelicas cum totidem venijs eidem Reginz cœli matri misericordiz singulis diebus offerebat: sed quoniam

nam propter ipsam multipliciter minus digna deuotione, quam oportet, id faciebat, admonita est ab eadem Domina nostra, quatenus recis duabus partibus, quinquaginta sibi quotidie salutationes cum competentibus venijs intentè & morosè persolueret: patenter insinuans, Deo & sibi acceptius fore, quamlibet parum seruitij cum deuotione, quam multum negligenter, & sine deuotione exhibitum. Quid ad hæc respondere poterunt, qui in multiplicatione precum seu Psalmorum qualitercūque prolatorum confidunt: qui in breuissimo temporis spatio quinquagenā, siue etiam Psalterium integrum, se percurrere gloriantur? Discant quæso his exemplis, non pensare Deum, quantū, sed quanto pietatis affectu quid in sacrificio ipsius offeratur: nec posse holocaustum dici, quod totum flāma deuotionis incensum non fuerit. Siquis verò ad tantā perfectionis celsitudinē per gratiam Dei excreuerit, vt & multa & deuotè soluere valeat, huic secundum Scripturā lex non est posita: sed sicut in hac vita imperfectorū vora transcendēs & merita, absque tædio mentis & corporis bonū semen seminat, ita in futuro imensū pondus eternæ gloriæ, tāquā stella multis sideribus clarior hereditabit.

Capitulum XVII.

quantum bonum sit, seruitium Dei in quotidianis vigilijs sollicitè persolvere.

Eximius Prophetarū, illustrissimusque Patriarcharū & Regum sanctus Dauid, homo quem Dominus secundum cor suū non tam inuenit quā elegit: qui primus mortaliū choros Psallentiū statuit, ad confitendū Domino, *quoniam bonus, quoniam in seculum misericordia ejus*, dispositionē domus Dei, itemque ordines & vices Cantorum Salomoni filio suo tradens, *Omnia*, inquit, *venerūt ad me, manu Dñi scripta*, perspicuè demonstrans, quia quidquid gratiæ, quidquid decoris & virtutis habet Ierusalem peregrinans in terris, atque sub onere carnis peccati gemens, totū hoc de plenitudine cœlestis Ierusalem quæ sursum, & ob hoc libera est, descendit, cujus participatio in idipsum, in cuius plateis dulcissimū Alleluia sine intermissione cātatur: ad cuius vtique exēplar terrigenæ & filij hominū charitatis, castitatis, & innocētiæ sanctimonia ornati, laudū præconia Domino creatori suo sedula deuotione persolvere conantur. Hanc diuinæ laudis executionem licet singuli quique fidelium in Ecclesia Dei pro modulo suo sectentur, vero tamen iudicio cæterorū Ordinum pensioni Cisterciensis Ordinis arduus labor in hac parte deuotionis antefertur: cuius professi paulò post medium noctis, nonnūquam verò circa medium noctis ad vigilias surgentes, spreteque dulcedine matutinalis somni vsque ad solis ortum sic perseuerantes in labore & ærumna, in vigilijs multis satagunt præuenire faciem Domini in confessione precum & laudum, dicentes cum Psalmista. *Propter te morte afficimur tota die: & propter verba labiorum tuorum ego custodiui vias duras.* Verum, quanti meriti sit apud omnipotentem Deum, in sancto & quotidiano seruitio ipsius sollicitas seruare excubias: itemque quanti periculi sit, stationem vigiliarum sine necessitatis articulo deferere, gemino docebimus exemplo: quatenus ij, qui seruire Sancti Spiritus accensi, sacræ Psalmodiæ carmen sapientes, onerosam prolixitatē non perhorrescunt, sed viuacitate vocis ac Spiritus Deum laudare, cordaque purificare contendunt, testimonium operis sui lætis auribus audientes, in gratia Dei respirent: ij verò, qui acedix & somnolentiæ vitio pressi, Deum non timent, nec homines erubescunt, seruitij Dei jucundam fraternitatem facile deferentes, & ad requiem lectuli festinantes, quā crudelis tyranni.

Parum orare cum deuotione gratius Deo, quā multū minus deuotè.

1. Tim. 1.

*Psalm. 105.
106. &c.*

Cisterciensium arduus labor in officio diuino.

*Psalm. 43.
& 16.*

*Euerbacen-
se Cœnobiū
Claramval-
lem marrem
suam amu-
latur.*

*Ibi nobilis
quidam Pu-
rificationis
festum agit.*

dominio se subdant, perpendere non negligent: & ne atrocibus pœnis post hanc vitam pro ipsa socordia sua crucientur, torporem pigritiæ à se repellere terribili exemplo commoniti curent. Cùm sanctus, & omni spiritalis amoris dulcedine nominandus Pater Bernardus primus Clarevallis Abbas, Monasticæ religionis perfectionem, quàm à Patre luminum, à quo omne datum optimum est, plenius & sincerius cunctis sui temporis hominibus didicerat, diuersarum nationum populis tribubus & linguis transfunderet, & ex oblatione fidelium Monasteria Cisterciensis Ordinis vbiq̃ue terrarum missis fratribus extrueret: rogatu venerabilis viri Auberti senioris, Moguntinæ ciuitatis, quæ est Germaniæ primæ metropolis, Archiepiscopi, Euerbacense Cœnobiū duarum leugarum spatio à mœnibus præfatæ vrbis distans, haud procul à ripa Rheni magni & inter omnes præcipui fluminis fundauit. Hęc itaque domus ad benedictionem tanti Patris validissimū incrementum sumens, optimeque marrizans, religione, diuitijs, celebri fama, personarum probitate, Prælatorum auctoritate, grandique conuentus numerositate, celsitudinem reuerendæ matris suæ vsque hodie æmulatur: ita vt in cunctis Germaniarum Prouincijs velut speciale religionis & honestatis speculum Euerbacensis fulgeat Ecclesia. Sanè vicini fideles, necnon & remotiores nonnulli, bono odore virtutum sanctæ congregationis illius attracti, de plenitudine ejus consilij grauitatem, orationum suffragia, periculorum tutamina quærere, & de abundantia sua pauperum Christi inopiā largiter supplere, præcipuas etiam solemnitates quidam deuotionis intuitu illic agere, consueuerunt. De quorum numero miles quidam armis strenuus, natalibus clarus, deuotione non infimus, nomine Conradus, solemnem diem Purificationis beatæ Virginis & matris ibidem celebrare, sacrificque vigilijs ob reuerentiam tantæ diei in longum valde productis à principio vsque ad finem deuotus interesse solebat: quatenus sanctæ illius multitudinis precibus adjutus, exhortatione solemnisi Sermonis recreatus, diuinis Missarum sacramentis munitus, lares proprios lætior repetens benedictionem domui suæ reportaret. Licet enim sæcularis vitæ casibus irretitus, & ea quæ mundi sunt cogitans, vitem fructiferā se non esse humiliter recognosceret: tamen velut vlmus promptissima vitem spirituales cum suis fructibus temporalia impendendo sustentare satagebat. Accidit verò, vt quadā vice vrgentioribus rei familiaris occupationibus præpeditus ad prædictam festiuitatem minùs tempestiuè occurreret; ideoque profunda jam nocte cubitū vadēs, dum ex lassitudine itineris fatigatos artus in lectulo collocasset, alto sopore depressus, signum vigiliarum, quo fratres ad diuinas laudes persoluendas excitabantur, nequaquā audiuit. Post horam experfactus, dum concentus melodiæ in auribus ejus resonaret, celerius de lectulo exiliuit, veniensque in Ecclesiā, in parte australi ejusdē Ecclesiæ, vbi hospites diuinis interesse solent, corā vno de altaribus mœstus confedit. Sedens ergo, negligentiaq; suā recōpensare volens, nitebatur sanctę deuotionis, quæ per totam Ecclesiā illam, tam in cantibus, quàm in orationibus certatim ferebat, aliquomodo particeps fieri: sed fallacia somnolentię pressus, ad vigilandū & orandū se minus expeditū esse, dolebat. Vnde sibi metipsi iratus, dū in longū extenderentur vigilię, nunc quidē stabat, nunc verò sedebat: interdū etiam frontē & tēpora manu fricabat: sicque quasi arte quadā somni violentiā euincere conabatur. Interim verò considerans, cum quanta alacritate

vocum & mentium fratres diuinis laudibus insisterent: simul etiam carnis suæ imbecillitatem perhorrescens, non sine magnæ admirationis stupore, sic quasi causando loquebatur ad Dominum dicens. Domine Deus, quæ est hæc tolerantia, vltra possibilitatem humanæ fragilitatis extensa: qua fratres isti velut metas corruptibilis naturæ excesserint, propter te morte afficiuntur tota die & nocte? Ecce enim cum in quotidianis Vigilijs jejunijsque exerceantur, & insuper hac nocte vix aliquid somni ceperint, nihilominus cum tota alacritate spiritus tibi Domino creatori suo laudum vota impendere comprobantur. Ego verò miserabilis peccator, nec vnus saltem noctis aliquantulum protelatas vigilias propter nomen tuum sustinere valeo, quas isti continuas propter præmium vitæ æternæ se sufferre gloriantur: ita vt nullis omnino calamitatibus cedant, quominus ad eisdem rursus agones subeundos valentiùs inardescant. Inter has piæ querelæ meditationes parumper obductis palpebris in somnum, tenuem quidem, sed felicem, resolutus est: viditque duas personas cælestis pulchritudinis venustate conspicuas, monachico schemate reuerendas, de choro psallentium ad se egredientes: quarum vna quasi cogitationibus ejus respondens, vt eminentia laboris & vigiliarum in Dei seruitio expensarum commendaretur, nequaquam naturali militis illius lingua, hoc est Germanica, sed versu latino eleganter composito literas penitus ignoranti locuta est dicens. *Talia posse pati, soli meruere beati.* His dictis confestim excusso somno aperuit oculos: magnoque Dei miraculo verba quæ audierat memoria retinens, gratias egit Deo: & licet vim dictorū nequaquam per intelligentiæ acumen discernere posset: tamen boni aliquid sibi eadē portendere certissimè sperabat. Reliquum ergo noctis propulsata viriliter somnolentia, quanta potuit deuotione vigilando & orando transegit, magno desiderio estuans & optans diem fieri: quatenus diuinū oraculum sibi larga benignitate gratiæ Dei reuelatū, priusquam à memoria excideret, literato alicui reuelaret: cujus adminiculo ad intelligentiā quoque dictorū perungere valeret. Mane autem factō expectata oportunitate loquendi, Priorem ejusdem loci virum valde religiosum secretiùs adiit, quid vidisset, vel quid audisset, simpliciter pandens: postularusque Angelicum dicere versum, absque obstaculo linguæ homo idiota & sine literis sonabat verba latina, iterūque repetebat: quousque præcordijs Prioris tenaciùs impressa, labilis memoriæ fugaci leuitate aboleri non possent. Mirandis plus miranda succedunt: & quia non propter se tantum mysterium hoc cognouisset, verum multò magis propterea, vt quorum tolerantiam pia simplicitate mirabatur, eorum beatitudinis iucundus vates efficeretur, Dominus adhuc manifestiùs declarare dignatus est. Mox namque vt verba quæ audierat, sed non intellexerat, intelligentis conscientiæ communicauit, ipsoque interpretante vim dictorum comprehendit, recurrens ad armariolum memoriæ vacuū illud prorsus inuenit: nec vnumquam postea versus quem ad horam didicerat, ne minimam quidem syllabam exprimere valuit. Aëdificatus ergo multum in gratia Dei, & confortatus, conseruatorem loci illius verè credidit esse Dominum: pensionemque annui census in eadem Ecclesia professus est; quem etiam singulis annis, quoad vixit tempore, fideliter soluere curauit. Quisquis itaque metu corporeæ fragilitatis excluso, cordisque pusillanimitate discussa, strenuum se atque deuotum in seruitio Dei exhibere

*Miratur
secularis
Religiosorum
in vigilando
laborem.*

*Angeli ad
secularem
responsionem
tandem.*

*Priori verum
sum audiri
declarat.*

*Versus illi
mox à memoria
excidit.*

*Meffridus
Prior exi-
mia virtutis.*

*Henricus ro-
bustus cor-
pore, debilis
animo.*

Iob 24.

*Desidis col-
lo equitat
demon vsq;
ad lectum.*

Psalms. 72.

contendit : beatitudinem & requiem cœlestis patriæ tantò fideliùs expectet, quantò recentiori hoc miraculo Dominus artham bonæ spei fidelibus suis prerogare dignatus est. Erat verò suprà memoratus Prior nomine Meffridus vir quantum ad Deum religionis eximie, quantum verò ad sæculum aucto-ritatis præcipuæ : qui etiam domum suam inter horribiles procellas schisma-tis, quod temporibus Alexandri Papæ factiōe Frederici Imperatoris Eccle-siam Dei diutina cuiſceratione cruciauit, ne penitus destrueretur, mirabilis industriæ prouidentia conseruauit. Huic famulo Dei inter cetera charif-matum dona, quibus feliciter pollebat, arcana quoque reuelationum non-numquam diuinitus pandebantur : & sicut beatorum spirituum visitatione quandoque consolabatur, ita etiam malignorum spirituum larualibus um-bris, vt purgator redderetur, terrebatur. Erat autè in eadem domo iuuen-culus quidam Henricus nomine, Argentinensis natione, robustus, & vege-tus corpore, sed spiritali macie fœdus ac debilis corde, quales, heu ! nostris temporibus multos videmus & dolemus : plus formidantes temporaliter macerari, quàm gehennæ supplicijs deputari. Qui videlicet iuuenis, licet in cunctis obseruantijs Ordinis segnitici & inertie à ceteris fratribus notaretur : grauiùs tamen in executione diuini seruitij delinquebat, quod modis omnibus negligebat : cùm vtique multis alijs validiùs id exequi potuisset, si non sub ascella nimie pigritie manus naturalis vigoris occuluisset : & insu-per sacrarum vigiliarum collectam, quasi causa infirmitatis frequenter dese-rere solebat, atque ad repausandum miseram carnem cubitum ire non cru-bescebat. Hujus detestabilem negligentiam venerabilis Prior paterna so-llicitudine nunc quidem publicè, nunc verò priuatim, monendo, obsecran-do, redarguendo, sanare cupiebat, sed frustra : ipso enim pluris æstimante carnis suæ cōmoda, quàm animæ requiem, ideoque tamquam stultus æsti-mator rerum, pascebat sterilem quæ non parit, & viduæ non benefaciebat. Accidit interea, vt idem dissolutus frater laboris & disciplinæ fugitans, sta-tionem vigiliarum sicut solebat deserens, de choro exiret, quatenus infir-morum matutinis quantò breuiùs posset, dictis, voluptati carnis suæ cubi-tum se re collocando satisfaceret. Dominus autem volens ostendere sollicito Priori, quàm iusto zelo moueretur, quantaque esset pernicies negligentie, vel potius contèptus & superbie fratris illius, aperuit oculos ejus ; viditque, fratre ipso de stallō suo se mouente, & ante gradum altaris modicum quid inclinante, ostiumque chori egredi festinante, teterrimum dæmonem collo ejus insilientem, ipsumque, vsque ad introitum infirmitorij miris modis gesticulando atque cachinnando, vt verbo vsitato inertiaque digno loquar, equitantem. Post modicum verò de infirmitorio egredientis humeris ferus agitator rursus insilijt : & tamquam verè irrationale jumentum capistro so-cordie tractum, flagello turpissimæ mollitiei vsque ante spondam lectuli, in quo malo suo pausare gestiebat, minauit. O quàm feliciùs, quaque con-sultiùs stolidum hoc jumentum pij illius jumenti sanctam deuotionem secu-tum fuisset, quod in simplicitate cordis sui dicebat Deo, *Vt jumentum factus sum apud te, & ego semper tecum* : quatenus sessorem potiùs habere meruisset illum qui ascendit super occasum, ad destruendum peccatum, & statuendā justitiam : non eum, qui pro temporalis delectationis iucunditate, sempi-ternæ calamitatis nexibus miseros illaqueat. Denique nullus corrigere va-let eum, qui timorem Dei neglexerit : miser ille optimi Prioris quid de eo vi-

differt intimantis monita spernens, claustralis disciplinæ vigorem, nec saltem superficie tenus tenere curauit: sed ingrati sefforis sui mortifera consilia secutus Ordinem deseruit, factus apostata vilis: vt in falsis bonis, vel potius corruptionibus huius mundi duceret dies suos, & in puncto ad inferna descenderet. Sicut ergo superius exemplum labores & vigilias seruitij non refugientibus incentiui deuotionis fore speramus, ita nimirum necesse est, vt hoc posterius teneris & delicatis, atque ad arduos labores inualidis, luctum & mœrorem cordis indicat: ijs verò, qui cum robore valetudineque corporum ac vocum polleant, per turpissimam tamen inertiam laboribus pro Deo fatigari contemnunt, timendum valde est, ne nouissima eorum huius, cuius miserabilem vitam, sed miserabiliorem apostasiam prodidimus, similia fiant.

*Seffori suo
obediens, sit
apostata.*

Caput XVIII.

Quanti periculi sit vigilias seruitij Dei tepidè persolvere.

Ceterum de inertia & negligentia atque somnolentia in seruitio Dei, necnon & de phantasij & illusionibus, quas tepidiores quique etiam in choro dormientes per immisiones demonum inuiti patiuntur, subtilius & exploratius in reuelationibus cuiusdā serui Dei inuenitur: quem in partibus Britanniae in domo quadam Cisterciensis Ordinis, quae Strata-florida dicitur, habitantem, ad correctionem seruorum suorum Dominus spiritu praesidentiae implere dignatus est. Qui videlicet famulus Domini, cum à diebus adolescentiae suae terrena despicere & amare coelestia, sanctitatem quoque sacri Ordinis enucleatius observare contenderet: quadam solemnitate Pentecostes, dum ad sonitum horologii surgens matutinas Dominae nostrae psallere inciperet, repente quamdam nouam & antea sibi inexpectam deuotionem praecordiis suis illabi sentiebat: quae per extensum vigiliatum spatium magis ac magis incrementum sumens, mira alacritate interiorem pariter & exteriori hominem ipsius reficiebat. Cum autem hymnus *Benedicite omnia opera Domini Domino*, in quo omnis creatura ad benedicendum & laudandum inuitatur, à fratribus inciperetur: vidit carnalibus oculis Angelum Domini per oppositam sibi fenestram cum magnae claritatis fulgore in medium chori descendere, thuribulum coelesti thymiamate refertum in manu ferentem: qui inde versus altare progrediens, thurificabat illud, sicut in solemnitatibus ad Missam fieri solet, indeque versus utrumque chorū lustrauit: & Monachis vigilantibus & psallentibus spiritualium aromatum viuificum vaporem offerebat. Cum autem psallentes chori ad versum illum, *Benedicamus Patrem & Filium cum Sancto Spiritu* peruenissent, Angelus Domini per ordinem circueñs vniuersos, iam ad fratrem, cui hæc videre concessum fuerat peruenerat. Tum verò idem, frater mira deuotione pietatis succensus, tamquam cum Propheta diceret, *Os meum aperui & attraxi spiritum, quia mandata tua desiderabam*, totum se extendit, vt halitum attraheret: quatenus inclinans laudem Patri & Filio & Spiritui sancto feruentius decantaret. Angelus verò Domini carbonem ardentissimum atque lucidissimum duobus digitis de thuribulo tollens, in os anhelitum trahentis projecit: qui per totum corpus ejus descendens, omnia interiora ejus suauissimo ardore succendit: ita vt ex sententia dicere posset cū Propheta, *De excelsis misit Dominus ignem in ossibus meis*. Itaque ardore carbonis desolatorij salubriter in eo vitia consumens ferre non valens, pallidus & exanguis in terram corruit: indeque

*Angelus in
Ecclesiam
visus descen-
dere.*

Psalm. 118.

*Angelus
ignitum car-
bonem in os
monachi in-
icit.
Thren. 1.*

delatus in infirmitorium, tribus diebus ibidem sine voce & sine motu tamquam mortuus permansit. Post triduum verò eadem hora qua raptus fuerat, ad se reuersus, ab omni carnali corruptione quæ animam aggrauat, illo igne quo feliciter arserat, in tantum purgatus est: vt absentia quasi præsens spiritualibus oculis videret: tentationes etiam Monachorū domus suæ, quibus vel vigilantes vel dormientes vexabantur, ediceret, modumque & causas earum exponeret: ita vt multi ex fratribus purioris vitæ sanctimoniam exhortationibus ejus prouocati æmulerentur. Dicebat præterea, singulis quidem noctibus, maximè autem Dominicis & Festiuis, nimiam multitudinē dæmonum in choro psallentium fratrum conuenire: quorum execrabile officium non erat aliud, nisi multis & varijs modis fratribus illudere, eorumque mentes ab intentione seruitij Dei auertere: pigritantibus quoque & dormientibus malignissimis applausibus & cachinnis insultare: de dormiente ad dormientem gyrouaga pernecitate ire & redire. Habebant verò in capitibus suis caputia quædam veterum pannorū sordidissima & nimis foetentia, interiùs & exteriùs quasi sanie scabiosorum vlcerum perfusa, sub quibus abscondebant laruales facies suas, quasi timentes agnoscì: venientesque ante vnumquemlibet de Monachis, callidissima exploratione obseruabant, vtrumnam vigilaret, an dormiret. Quod si dormientem eum reperissent, omnè continuò foetorem & corruptionem putridi caputij sui in vultum illius excutiebant: conclamantesque quasi ad signum plurimi coram illo conueniebant: & quamdiu dormitabat, phantasmata & turpia somnia illi immittentes non recedebant. Sanè quos vigilantes & psallentes aduertebant, à facie illorum, velut à facie ignis fugiebant: ita vt halitū qui de ore cantantium, Deumque laudantiū procedebat, ferre nullatenus possent. Quia ergo consummata beatitudo & felicitas nostra in vita æterna erit, Dominū ac Creatorem nostrum non solū sine labore, verumetiam cum summa voluptate perpetuò laudare, antequā claudantur in morte oculi nostri, & lingua, quæ ad laudandum Deum creata est, in pulverem religatur: seminemus, licet cū labore, bonum semen seruitij Dei; tempore enim suo metemus, inenarrabili lætitia exultantes: sicut è conuerso hi qui nunc spinas & tribulos tepiditatis & negligentiae in terra carnis suæ seminare non metuunt, ignem & suppliciū in ultionem preuaricatricis conscientiae metent: quando iidem maligni spiritus inertiae suasores tormenta puniendis atrociter cumulabunt: qui nunc desides voluptate carnis suæ eneruiter victos, ad pausandum illicere non cessant. Porro autoritas libri, qui Vitę Patrum dicitur, his quasi recentioribus, & ob hoc, vt videtur, minus authenticis revelationibus, in firmamentum & astipulationem veritatis non immeritò assumitur. Ibi enim inuenitur scriptum, quia cum malignus spiritus cuidam sanctorū Patrum dixisset, se cum complicibus suis vigilijs fratrum frequenter interesse; illeque Dominum orasset, vt sibi veritatem hujus rei pandere dignaretur: veniensque ad collectam fratrum, vidisset dæmones velut Æthiopes per totam Ecclesiam discurrentes, atque vniuersa quæ fratres orantes & psallentes in cordibus suis versabant, per phantasias in oculis suis figurantes, sicut postmodum ex confessionibus singulorum patuit: animaduersum esse, vanas, & peruersas cogitationes, mortiferasque delectationes, quas fratres in hora diuini seruitij patiuntur, dæmonum suggestionibus fieri. Quapropter in spiritu contrito & corde humiliato necesse est exclamare cum Psalmista,

*Pe se habent
dæmones ad dor-
mientes vel
vigilantes in
choro.*

*Dæmones
nituntur orā-
tium animo,
alia auertere*

Ne tradas, Domine, bestiis animas consistentes tibi: & animas pauperum tuorum ne Psalmi 73: obliuiscaris in finem.

Caput XIX.

De periculo Religiosorum molliter in hac vita uiuentium.

QVAM verò metuendum & tremendum sit examen ignis purgatorii, ubi Dominus secundum Prophetam *abluit sordes filiarum Sion, & sanguinem Ierusalem lauat de medio ejus spiritu judicii & spiritu ardoris*, sicut & ipse *Isaia 4:* Dominus per alium Prophetam testatur dicens, *Et mundabo sanguinem eorum, quem non mundauerant; & sicut item Propheta de Domino dicit, quia ipse erit quasi ignis conflans, & quasi herba fullonum: & sedebit conflans & emundans argentum, purgansque filios Levi; utinam attenderent ij, qui in leuitatibus & negligentijs atque somnolentia non timebunt perdere dies suos.* De hoc metuendo examine in quadam collectiua legisse me memini, quod Monachus quidam in extremis agens, antequam decederet raptus est in spiritu, ductusque ad loca infernalìa, vidit, quod sine horrore referre non possumus, animas scilicet multas veribus & contis acuminatis infixas ad rogam permaximum in modum anserum torreri & assari: ipsosque crudelissimos tortores cum sufflatorijs alijsque ignis instrumentis inferarum tormenta totis nisibus exaggerantes. Alij verò patellas & sartagine ignitas de subtus jacentes portabant, adipemque qui de ardentibus jacentium membris fluebat diligentissime colligentes, eundem rursus bullientem & nimis feruentem super eos, à quibus fluebat, refundebant: quam pœnam ceteris cruciatibus intolerabiliorem eis esse considerabat. Post hæc ductus est ad quemdam refrigerij locum, ubi multitudinem animarum quasi post grauem aliquem laborem quiescentium inuenit: interrogatusque ab Angelo ductore suo, si sciret, quæ hæc essent, se nescire respondit. Sanctus verò Angelus dixit ei. Hi quos vidisti ad ignem illum permaximum assari, homines sunt Ordinis tui, qui licet criminalibus peccatis se nequaquam fœdauerint, non tamen, sicut monet Scriptura, seruire Domino in timore & tremore curarunt, non disciplinæ censuram tenere, non quietis & silentij patientes esse, non denique vigiliarum & orationum solemnem deuotionem, neque laboriosam Psalmodiæ executionem strenuè, sicut oportet, æmulari studuerunt: sed magis curiosi, faceti, vagi, superflui, desides, pigri, somnolenti, signis, jocos, & leuitatibus indulgentes: Monasticæ professionis puritatem violare non timuerunt. Qui postquam æquissimam iusti Iudicis Dei sententiam, in supra visis pœnis, alij breuius, alij prolixius pro antiquitate seu qualitate excessuum suorum purgati fuerint, mediante gratia Dei in hunc refrigerij locum introducuntur: atque hic post horrenda illa supplicia pausantes, perfectionem beatitudinis suæ cum patientia præstolantur. Luce ergo constat clariùs, reuelationes huiusmodi per diuinæ pietatis dispensationem tantò magis crebrescere, quāto magis finis mundi appropinquat: ut quoniam abundante iniquitate & negligentia refrigescit charitas multorum, tantò electi Dei per hoc incentiui charitatis habentes, incalescant animis, quāto is in proximo venturus esse putatur, cujus faciem totius boni præcedit egestas. Quid verò per hoc nobis innuitur, quod prædictus frater vidit tartareos focarios adipem diligentius collectum, super eos à quibus stillabat in augmentum supplicij refundere: nisi hoc, quod quāto quis contra professionem suam in hac vita sibi pepercit, voluptati carnis suæ per inordinatæ quietis pinguedinem satisfaciendo,

Ignis purgatorij.

Eo igne ardent Religiosi negligentes.

Crebra reuelationes instantis finis mundi.

tantum in altera vita locis purgatorijs deputatus suppliciorum soluere cogetur? Sic nempe de purpurata illa meretrice, quæ calice carnalium voluptatum, & vino sæcularis pompæ inebriat omnem terram, Dominus per Prophetam dicit. *Quantum glorificauit se, & in delicijs fuit: tantum date illi tormentum & luctum.* Quocirca ad vocem tonitru hujus euigilemus, fratres, & intentis animis audiamus, quid etiam inter Monachos perfectissimus, & inter Patres reuerendissimus, Pater noster B. Bernardus, de quotidianis istis & valde perniciosis negligentijs nostris sentiat: qui in sermone, quem de vita & morib⁹ beatæ memoriæ Húberti quondá Prioris Clarævallis fecit, cum fratres ad æmulandá conuersationis ejus puritatē hortaretur, inter cetera, sic ait. [De reliquo, fratres, dico vobis, quia si sequeremini vestigia ej⁹: non tã facile in vanis cogitationibus & otiosis sermonibus, in jocis & scurrilitatibus laboreremini: nam in his multum perditis, & devit a vestra, & de tempore vestro, Volat irreuocabile tempus: & dum vos creditis cauere pœnã istam minimã, incurritis ampliorẽ. Illud enim scitote, quia post hãc vitã in locis purgatorijs cẽtupliciter, quæ hic neglecta fuerint, reddẽtur, vsq; ad nouissimũ quadratẽ. Scio ego, quia durũ est homini dissoluto apprehendere disciplinã, verboso silentiũ pati, vagari solito stabilẽ permanere: sed durius & multo durius erit, futuras illas molestias tolerare.] Porro quàm timoratos, quàm alacres, quàmque sollicitos nos in exequendis diuinis laudibus esse oporteat, non solum ut Domini & Creatoris nostri gratiam consequamur, verumetiam ut malignorum spirituum inextricabiles fallacias euadere valeamus, idem venerabilis Pater in sermone super Cantica Canticorum quadragesimo octauo docet, ita dicens. *Ex Regula namque nostra nihil operi Dei praponere licet. Quoquidem nomine laudum solemnia, quæ Deo in oratorio quotidie persoluantur, Pater ideo Benedictus voluit appellare: ut ex hoc clariùs appareret, quàm nos operi illi vellet esse intentos. Vnde vos moneo, dilectissimi, purè semper ac strenuè diuinis interesse laudibus. Strenuè quidem, ut sicut reuerenter, ita & alacriter Domino assistatis. Non pigri, non oscitantes, non parcentes vocibus, non pracidentes verba dimidia, non integra transilientes, non fractis & remisissis vocibus muliebri quiddam balba de nare sonantes: sed virili, ut dignum est, & sonitu & affectu voces S. Spiritus depromentes. Purè verò, ut nil aliud dum psallitis, quàm quod psallitis, cogitetis. Nec solas dico vitandas cogitationes vanas & otiosas; vitandæ sunt & illæ, illæ dumtaxat hora, & illo loco, quas officiales fratres pro communi necessitate, quasi necessariò admittere compelluntur. Sed ne illa quidem profectò recipere tunc consuluerim, quæ fortè paulò antè in claustro sedentes in codicibus legeratis: qualia & nũc me viua voce differente, ex hoc auditorio Spiritus sancti recentia reportatis. Salubria sunt, sed minimè illa salubriter inter psallendũ reuoluitis. Spiritus enim sanctus illa hora gratum non recipit, quidquid aliud quàm debes, neglecto eo quod debes, obtuleris. Hæc quidem beatus Bernardus. Quid, rogo, de peruersis & noxijs cogitationibus illa hora & illo loco cogitantibus nobis est sentiendũ, si non modo vanas & inutiles, sed ipsas quoque necessarias inter psallendũ vitari debere pater sanctus censuit? Hiç plane, hic cordium nostrorũ instabilitas deprehensa, secundum Prophetam confunditur, sicut confunditur fur, quando deprehenditur: ita ut etiam perfectiores quique cum luctu & gemitu cordis necesse habeant dicere Deo. *Non intres in iudicium cum seruĩ tuis, Domine; quia non justificabitur in conspectu tuo omnis viuens.* Sed aliud, imò valde aliud est, per infirmitatẽ mortalis naturæ ab intèrione Psalmodiæ mentem*

Apocal. 18.

Extat post
sermones de
S. Andrea.

Purgatorijs
afflictio pœ-
na eius
quantia.

Habetur
nunc hic lo-
cus sermone
47. in Cant.

Quæ vitan-
da in officio
diuino.

Psal. 142.

mentem interdum auolare: atque aliud per inertiae desidiam peruersis & noxijs cogitationibus nullo mentis vigore reluctari: ideoque sicut dispar est causa venialiter delinquentium grauiusque peccantium, ita dispar erit & sententia pro meritis digna recipientium.

Caput XX.

De periculo eorum, qui in seruitio Dei lasciuè vel plausibiliter cantare præsumunt.

ECce verò dum considero, qualiter vir Propheticus miserrimam & nimis superstitiosam quorūdam tenaciam reprehendit dicens, *Non parcentes vocibus, non remisfis vocibus muliebre quiddam balba de nare sonantes:* occurrat memoriæ terribilis casus, quem referente viro venerabili Abbate Morimundi, cuidam talium accidisse cognouimus. Sunt namque nonnulli, quibus etsi largissimè fœneret Dominus instrumenta laudis suæ, ipsi tamen parcissimè fœnerant Domino, prompti magis de eisdem instrumentis quærere gloriam hominum, quàm gloriam Dei: & cum parcentes vocibus quotidianum Psalmorum & Hymnorum cursum prorsus negligant, ne fortè acumen vocum retundatur: si tempus & oportunitas gloriandi in se & in vocibus suis arripuerit, continuò validos, gnaros & expeditos se ad cantandum, & in excelsum voces tollendas, esse demonstrant. Dicebat ergo præfatus Abbas, fuisse Monachum quemdam in vno de Cœnobijs Cisterciensis Ordinis, qui dono nobilissimæ vocis exultans, vigorem ejus in communi labore seruitij Dei expendere dedignabatur: sed magis propriam gloriam captans Festiua quæque Responsoria, quæ pro singulari priuilegio vocis suæ ipsi assignabantur, lætus, sed non timoratus: hilarius, sed minimè deuotus, solemnizando cantabat. Factum est autem in quadam Festiuitate Domini, vt in omnibus, qui communiter à conuentu fratrum ad laudem Dei decantabantur, velut murus & linguis staret: vt versum Responsorij sui non planè in grauibus, sed in acutis, vel potius in acutissimis, vocem quatiendo modulosque tinnulos flexibilitate vocis formando, solita lasciuia decantaret. Quo finito, vt à quo merces ridiculosi cantus speranda esset, intelligeret, tam ipso, quàm ceteris qui circa eum erant videntibus & audientibus, apparuit dæmunculus in modum pueruli Æthiopis teter & fuscus: qui manibus impuris plausum faciens, & miro modo cachinnans, exclamauit dicens. O, ô, bene, valde bene cantauit, optimè cantatum est. Nouerit ergo quicumque gratiam iucundæ vocis à Deo accepit, horribile malum esse, inde dæmonū malitiam pascere, lasciuè & plausibiliter cantando, vnde Deum honorare debuerat, deuotè & humiliter jubilando: ideoque summopere nitendum est, quatenus secundum mediocritatem quàm nobis sanctus Ordo noster præscribit, nec non & secundum auctoritatem, qua Regula, quam professi sumus, nos instruit, & singuli specialiter, & omnes in commune pariter, cum grauitate, cum timore & tremore, atque cum humilitate psallamus & cantemus Deo nostro. Certè ironia diabolicæ nequitiae, vel maximè, vel sola ruborem & suffusionem vultus nobis incutere, atque ad cautelam nostri nos excitare poterat: sed quoniam dura corda hominum plus reuerentur testimonium spiritus veritatis, quàm subsannationem spiritus fallacis, quid etiam nostris réporibus eximiae religionis & specialis abstinentiae

*S. Berna-
d. serm. 47. in
Cantic.*

*Quidam de
vocibus suis
vanam glo-
riam captant.*

*Dæmon pa-
lam irrides
vanissimum
cantorem.*

*Tria olim
in Ordine
Cisterc. Deo
ingrata.*

Isaia. 1.

sancta quædam virgo, de hac lasciuiâ cantus diuina reuelatione instructa prodiderit, non tacebimus. Cum enim Domnus Abbas Cisterciensis, qui est pater Patriarchalis totius sancti Ordinis nostri, ad eam gratia visitationis aliquando venisset, inter dulcia æternæ vitæ colloquia, cœpit Abbas attentius rogare, quatenus eadem Dei famula diuinitus sibi reuelari deponceret, quid in Ordine Cisterciensi puritati veræ Religionis magis contrarium per negligentiam irrepsisset. Illa verò post acceptas inducias, fusasque ad Dominum preces, ita respondit. Sciatis, Domine Pater, tria esse in Ordine vestro, quæ specialiter oculos summæ maiestatis offendunt, multiplicatio scilicet agrorum, superfluitas ædificiorum, atque lasciuiâ vocum. Quapropter omnes qui ad sacrum Ordinem Cleri asciti, iudicio sanctę Ecclesię psallendi & cantandi Officium sortiti sunt: si mediocritatis, grauitatis, & humilitatis metas excedant, nouerint se rectè quidem offerre, sed nequaquam rectè diuidere: timeantque necesse est, comminationem Domini per Prophetam dicentis, *Solemmitates vestras odit anima mea: quoniam cum derident hostes sabbata vestra, nullomodo acceptare dignatur omnipotens Deus, quod subsannat inimicus.*

Caput XXI.

De periculo Prælatorum parentes suos carnaliter diligentium.

1. Cor. 4.

*In Prælatos,
qui nepotes
sibi successores
designant.*

Apostolus deijs, qui summi patrisfamilias vicem gerunt in terris, quiq; dispensatores mysteriorum Dei in Ecclesia constituti sunt, loquens, *Hic, inquit, jam quæritur inter dispensatores, ut fidelis quis inueniatur.* Hoc scrutinium, hanc discussionem, quidam heu! minùs formidantes, si fortè per diuinam gratiam in partem sollicitudinis vocantur, continuò se ad plenitudinem honoris assumptos esse gloriuntur: & in Prælatione non solum quę sua sunt, non Iesu Christi, verumetiam ea quę consanguineorù suorù sunt, omni sollicitudine quęrunt: & pro eorum exaltatione patrimonium crucifixi domini, bona videlicet Ecclesię, quę se in promotione sua sacramento præstito cõgregata seruare vouerunt, profligare & dilapidare non verètur. Adhuc autè, quod graui⁹ est, si aliquos nepotulorù suorum ad hoc erudiendo & informando prouexerint, ut alicujus muneris functione illustrari posse videantur, carnis magis & sanguinis affectione attracti, quàm proximorum vtilitati consulentes, successores eos sibi designant: omnia cernentis Dei iudicium nec in ipsa terribili hora exitus sui recogitantes. Quapropter qualiter omnipotens Deus, qui glorificantes se glorificat, & contemnentes se reddit inglorios, vnius talium intolerabiles cruciatus, quibus post mortem carnis addictus est, ad correctionem viuientium demonstrare voluit, memorabimus: si fortè exasperatores Domini hæc audientes, & talia pati pertimescant, & ab inordinato amore parentum, seueritatē vitionis præ oculis habentes, quiescant. Abbas cuiusdam Cœnobij Monachù quædam nepotem suù à puero nutrierat, & vsque ad spectabiles mores prouexerat. Contigit verò, ut idem Abbas extremæ sortis articulo sibi imminente viam vniuersæ carnis ingressurus esset. Fratribus itaque, quos sub cura sua habuerat, destitutionē suâ lugentibus, (fuerat enim vir prudens & prouidus,) cum de substitutione alterius tractaretur, diuersis diuersa sentientibus, ne fortè ex studijs partium res in contentionem veniret, cõmuni consensu decretum est, quatenus vota & consilia sua ipsi tamquam patri spirituali cõmitterent, qui consciētiās & merita singulorum plenius nosset: & quem

Ille sibi successorem voce depromeret, hunc absque refragatione vnanimit-
 ter in Abbatem eligerent. Sed heu! quam tenerè necessitudini parentū suo-
 rum adstricti sunt, quos ab amore mundi charitatis ardor nondum perfectè
 separauit. Cùm enim prædictus Abbas in illa hora tremenda exitus sui me-
 morari debuisset iustitiæ Dei solius, & purè secundum Deum puram sibi
 exhibentibus obedientiâ consulere: carnis & sanguinis affectione male ille-
 ctus, antefatum nepotem suum fratribus illis designauit: dicens, cum bene
 esse religiosum, & in exterioribus negotijs prouidum & consideratū. Quod
 licet ex parte verum fuisset, quia tamen nequaquam sincera intentione, fra-
 trum videlicet vtilitatibus consulendo, tale consilium dederat: sed quantum
 ex pœna quæ subsecuta est, intelligi datur, magis eo intuitu, vt parentela ip-
 sius nepotis sui promotione illustrior redderetur: quàm districtæ sententię
 pro hoc reatu suo moriens addictus sit, Dñs eidem successori minùs canonicè
 ad prædignitatis demonstrare dignatus est. Erat nāque in eodē Monasterio
 locus quidā amœnus, & ad refrigerandum accómodus, atque in ipso loco
 fons perspicuis fluentis leui murmure scaturiens: qui per crepidinem alucoli
 sui luxuriantibus herbis iucundus, tam viuacitate sui, quàm etiam herbarum
 gratiosa viriditate animas & oculos accedentiū mulcebat. Hunc locum de-
 functus Abbas, dum vitales adhuc carperet auras, refrigerandi gratia frequē-
 rare solebat: ibique animum mordaciū curarū æstibus defatigatum relaxans,
 tanto liberiùs, quantò secretiùs euaporare sinebat. Cujus relaxationis con-
 suetudinem successor ipsius eodem modo tenere decernens, locum fre-
 quentabat & ipse, magis, vt reor, procliuis ad commoda carnis, quæ in
 prædecessore suo viderat, sectanda, quàm si virtutis alicujus specimen, à
 conuersatione ipsius exempli gratia trahere potuisset. Vna verò dierum
 cùm solito more ad prædictum locum accederet: audiuit quasi de fun-
 do fontis vocem lacrymabiliter plangentis, & heu heu me miserum, in-
 geminantis. Territus verò vehementer & consternatus, vbi propiùs ac-
 cessit, diligentius auscultans, hanc esse prædecessoris sui defuncti Abbatis
 vocem, ex olim nota sibi qualitate vocis ipsius, recognouit. Tum verò
 trementibus præ stupore labijs quærenti, quisnam esset, qui illic ita plan-
 geret, eadem vox quasi de sub aquis respondit dicens. Ego sum ille con-
 sanguineus tuus quondam Abbas, nunc autem miserabilis spiritus, cui tu
 ad multam confusionem & infelicitatem meam in regimine Monasterij
 hujus successisti. Interrogatus, cur ita plangeret, quia ardeo, inquit? Rur-
 sus interrogatus, quare arderet, cùm religiosa vita ipsius, quam in corpo-
 re gesserat, requiem magis quàm tormenta meruisse videretur: tu, inquit,
 incendij mei causa es. Et ait Abbas. Ego quare, vel quomodo? Quia, in-
 quit, fratribus, quibus indignus præeram, personam animarum suarum
 saluti proficua quærentibus, & mihi post Deum vota & consilia sua
 committentibus, heu! affinitatis, qua mihi junctus eras, lenocinio cæ-
 carus, non secundum timorem Dei, sed secundum propriæ voluntatis
 insipientiam, consilium dedi, vt te ad apicem hujus dignitatis proue-
 herent. Idcirco justo Dei iudicio in hoc aquæ elemento cruciatibus ad-
 dictus ardeo, liquefco, deficio: & in nihilum penè redactus, ad eadem tor-
 menta rursus toleranda, restauror. Quòd si certius probare vis, non esse
 friuola quæ audis, fac afferri candelabrum æneum, & lenta submissio-
 ne in aquam mitti. Mox præcipiente Abbate allatum est candelabrum

Abbas moriens nepotē suum designat successorem.

Plangit Abbas defunctus in aqua.

At se ardet in illa aqua.

Candelabrū æneū liquefit in aqua.

*U' puniti di,
qui parentes
Ecclesie bo-
nis dicant.*

*Plus mo-
uent exēpla
quam verba*

æneum, & sensim in aquam missum, stupendo miraculo ita à facie frigida illius, ut videbatur, aquæ liquefactus est, sicut fluit cera à facie ignis, vel sicut fugatur nebula à facie solis. Quanta ergo seueritate censura iusti iudicii Dei damnabit eos, qui parentes suos de pecunijs vel possessionibus Ecclesiarum sibi commissarum diuites & inclytos faciunt: si sic puniri meruit, qui personam fortasse satis idoneam, ad officij spiritualis eminentiam, sanguinis magis quàm charitatis intuitu præsumpsit? Hæc itaque, de periculis quorumlibet vitiorum, seu negligentiarum aliquamdiu jam tractauimus, ex occasione relationis beatæ memoriæ D. Gerardi Clarævallis Abbatis, qui de periculo assidue iurantiū fratres suos admouere studuit, ad exhortationem legentium summationem perstringere curauimus: scientes, simplicium fratrum animos exempla plus mouere, quàm verba: quoniam deuota mens, quæ ex lectione spiritualis cōpunctionis feruorem magis, quàm instantis scientiæ eruditionem quærit, dum facti memoriam versando atque reuersando, quasi manu cogitationis tangendo palpat, ad amorem virtutū, horroremque vitiorum ampliùs ex ea accenditur, quàm si decem millia sententiarum chartulis exarata transcurreret. Hoc igitur quasi grandi fœnore absoluti, ad Clarāvallem nostram, de qua cum Isaac ad meditandū in agro diuersorum Christi Domini nostri magnaliū egressi fueramus, reuertamur: sicque tandem narrationis nostræ series, quæ de venerabilium Patrum religiosa conuersatione, pretiosaque in conspectu Domini morte ad ædificationem multorum texitur, cōpetenti conclusione terminetur. Nam & rivulus sæcus prata fluens certis venarum meatibus deriuatus, ardentia quæque impinguat, marcescentia gramina reuirescere facit: demūque vniuersis sufficienter irrigatis sese in se recolligens, proprioque aluolo restitutus, legitimi cursus viuacitate prolabitur.



DISTINCTIO SEXTA.

Varia continens de Sacramento Altaris & Confessionis, de Animabus defunctorum, & alia quedam.

CAPVT PRIMVM.

De incauta Contemplatione cuiusdam Monachi Clara-vallis, & de periculo contemplatiuorum.

Iob 40.

*Ephes. 5.
2. Cor. 11.*

DOMINVS ad beatum Iob de multiplici calliditate antiqui hostis sub specie Leviathan loquens, *Nerui*, inquit, *testiculorum eius perplexi sunt*: omnem videlicet hominem manifestius instruens, subtilissimarum deceptionū eius inextricabiles nexus neminē abque gratiæ suæ adiutorio euadere posse. Verūm, si cunctis qui Christiana professione censentur, & ad cœlestē gloriam, de qua superbus Satanas cum Angelis suis cecidit, duce humilitate nituntur conscendere, summopere considerandū est illud Apostoli, *Videte quomodo cautē ambuletis, quoniā dies mali sunt*: & illud, *Ne circūveniamur à Satana*: ipse enim Satanas transfigurat se in Angelum lucis:

quanta putamus sollicitudine vigilandum est ijs, qui sacrationis vitæ desiderio in Cœnobijs Domino militare, & contra spirituales nequitias spiritualibus armis dimicare proposuerunt? Falluntur nempe, stolidissimoque errore raptantur, qui secularis molæ tumultuosa negotia tantum, & non etiam cœnobialis lecti quæta silentia insidijs inimici patere arbitrantur: cum tantò subtiliores laqueos tendere soleat callidus hostis, quantò quis aliùs scalam virtutum scandere, atque de hujus mundi naufragio nudum se euasisse confidit. Quapropter grauissimam vnius viri spiritualis tentationem, quam in otio silentij sui indiscretè contemplando incurrit, ad cautelam contemplatiuorum proponemus: quatenus ij, qui feruentiori studio lectioni incumbentes diuersas memoriæ sententias commendant, atque ex eis primo quidem meditationis, dehinc etiam contemplationis oculum exacuunt, semper illius sententiæ memores, *Qui scrutator est majestatis, opprimetur à gloria*, *Prov. 25.* magis in timore sanctæ humilitatis se vtiliter deprimant, quàm in luce periculosæ contemplationis pueriliter volare præsumant. Erat in Claravalle senior quidam purissimæ religionis, quæ sub venerabili Patre nostro B. Bernardo in eadem sancta domo multis etiam simplicioribus gratiam perfectionis contulit, strenuus imitator effectus, & in quotidiano virtutum exercitio deuotus: qui ob sapientiæ suæ grauitatem, consilij maturitatē, eximique conuersationis sanctitatē, non tantum sibi soli, sed & alijs quoque prodesse posse judicatus, Fusniacensis Ecclesiæ, quæ est vna de dignioribus, & *Rainaldus hic primus Abbas Fusniacensis. Psalm. 48.* magis religione conspicuis filiabus Clarevallis, Abbas constitutus est. Positus ergo in honore, ipsiusque honoris pòdus assidue pensans, ne secundum Prophetam periculum honoris non intelligeret, pastoralis officij dignitatē, humilitate, quæ spirituales virum decebat, administrabat: tandemque laboriosæ prælationis sollicitudini seniles humeros subducens, Rachelis quàmò sterilius, tantò iucundius contubernium Liæ licet fecundis, sed tamen valde periculosis prætulit amplexibus. Ad suam itaque Claramvallē reuersus, ac velut haud degener pullus nidulo proprio restitutus, quotidianæ conuersationis suæ discussione motus & affectiones cordis dudum Prælationis occasione quaquaversum sparsas ad se recolligebat: exéploque sanctissimi Patris sui Benedicti habitauit secum. Spiritualibus autem studijs intentus, & à strepitu garrulæ occupationis penitus sequestratus, orationi, lectioni, compunctioni, sacręque meditationi operam dabat: sciens aduersus virulentas suggestiones mūdialis pompæ, carnalisque illecebræ, efficacius his non esse antidotum. Porro continuæ meditationis assiduitate prouocatus, suauitateque illectus, cœpit jam sanctæ contemplationis subtilitate diuina quęque mysteria scrutari, scrutando iucundari, exultans in iubilo cordis, dicensque cum Psalmista Domino. *Mirabilia testimonia tua, Domine, ideo scrutata est ea anima mea.* *Psalm. 128.* Quia verò salutare hostiam, per quam redempti & reconciliati sumus Deo Patri cum fructu bonorum operum sedulus immolabat: altitudinem imperscrutabilis hujus mysterij tantò dulcius contemplando ruminabat, quantò id frequentius altissimam Dominicæ passionis humilitatē representando iterabat. Sed ô vtinam, sicut pius, ita etiam cautus & timoratus contemplator esse curasset, præsertim in tam mira profunditate tantorū mysteriorum, vbi omne rationis humanæ deficit argumentum, solumque sacræ fidei consulitur oraculū. Nam cum admirando pensaret, & pensando admiraretur, quonāmodo panis & vinum, quæ in altari proponuntur, me-

Bernar. epi.
190. & alibi.
Greg. hom.
26. in Euan.

Prover. 25.
Rom. 12.

Hebr. 11.
Rom. 8.

Prover. 20.

Berengarij
error.

dian te virtute Dei in verum corpus & verum sanguinem Iesu Christi Domini & Redemptoris nostri transsubstantiaretur, plusquam oportebat scrutabundus, rationisque oculo insolentiùs innixus, sacrum mysteriù arcano fidei commissum rationis temeritate discutere presumptuosè tentabat. Cæterum, sicut testatur B. Bernardus, ratio, si quod fidei est, tentet irrumpere, effractrix iudicatur: & B. Gregorius dicit, fidem non habere meritum, cui humana ratio præbet experimentum. Enimverò præfatus senior minùs considerans sapientis consilium, qui mel inuenientem parciùs edere suadet, ne fortè satiaturum euomere contingat: Apostolum etiam monentem, non plus sapere quàm oportet, sed sapere ad sobrietatem: dum sacri mysterij dulcedinem, ipsis, vt reor, Angelicis spiritibus imperscrutabilem, auidiùs rimatur, summæ maiestati debitam reuerentiam non exhibens, impegit in lapidem offensionis: & Dñs in ira declinauit à seruo suo. Vbi verò spiritus bonus, vel potiùs spiritus bonitas lucis suæ radios subtraxit, malignus extemplò spiritus malitiæ suæ tenebras ingessit: varijs cogitationibus animam jam nutantem exagitans, rationemque fluctuantem pessimo dubietatis spiritu quatiens. Nempe dum quod fidei certissimè constat, mortalitatis suæ tenebras dissimulans, quasi reuelata facie speculari præsumeret: iusto Dei omnipotentis iudicio de certitudine fidei cecidit in opinionis ambiguum: ita vt quod ratione comprehendere non poterat, impossibile esse presumptione cæcatus æstimaret. *Est enim, sicut elegantissimè definit Apostolus, fides sperandarum substantia rerum, argumentum non apparentiù.* Quod enim videt quis, quid sperat? Si autem quod in hac mortalitatis valle, in hoc peccati & mortis corpore videre non possumus, per patientiam expectare iubemur, vt in æternæ claritatis Patria in nobis compleatur, vbi erit Deus omnia in omnibus: compescamus oculos cordis à vitio inquietæ curiositatis: quoniam sicut testatur Sapiens, *Hereditas ad quam præproperè festinatur in principio, in nouissimis benedictione carebit.* Igitur vbi primùm incautus ille contemplator hoc dubietatis malum clandestinis animæ suæ motibus irrepere deprehendit, totus intremuit, nifusque vigore mentis tenebras diabolicę versutiæ discutere, non potuit: non enim sicut liberum est inquietæ voluntati spontanea deliberatione in foueam se præcipientem jacere: ita etiam liberum habet propria virtute vel industria de fouea conscendere. Gubernaculo itaque fidei procelloso presumptionis spiritu violenter evulso, naus conscientiæ miserabilis hominis validissimis perniciosarum cogitationũ fluctibus quatiebatur, malignis spiritibus cunctis nequitia suæ dolis ad id nitentibus, vt quem de certitudine fidei violenter perturbauerát, etiam de dubietatis nubilo in assertionis blasphemæ densissimas tenebras præcipitarent: vt videlicet exéplo Berengarij, qui primus impiæ hujus hereseos inuentor & defensor extitit, sentiret & diceret, panem & vinum quæ in altari proponuntur, post consecrationem verum corpus & verum sanguinem Christi nequaquam esse. Verum omnipotens & misericors Deus, qui seruum suum Angelo Satanæ ad colaphizandũ tradiderat, vt disceret presumptuosus non esse, quemque summum cognitionis gradum, qui soli beatæ vitæ debetur, in hac misera vita & in hac carne peccati insolentiùs rimantem, etiam de fidei stabilitate corruere permiserat: de periculosa tamen dubietatis rupe pendentem, in hereticæ prauitatis baratrum præcipitari passus non est. Ibat ergo miserabiliter marcescens & contrabescens in semetipso, præ angustia spiritus & violentia tentationis, sacrisq;

mysterijs, quæ antea deuotissimè celebrabat, approxinare non audens, atroci huic passioni se merito præsumptionis suæ addictum esse gemebat. Miro namque modo errorem suum recognoscebat & dolebat, nec tamen ipsius erroris nubilum discutere poterat: & sicut de B. Maria Magdalena sanctus ait Papa Gregorius, amabat & dubitabat, quantoque prioris deuotionis suæ sinceritatem recordabatur, tantò peruersæ opinionis suæ cæcitatem plangendo detestabatur. Augebatur in dies perniciosæ huius tentationis calamitas, nec solùm interiorem, sed & ipsum quoque hominem ejus exteriorem occupabat; ita vt deficiente pariter vigore mentis & robore corporis, in infirmitorio frequenter pausare, necessitatemque suam, quomodo poterat, transigere cogeretur. Audientes autè spirituales quondam filij ejus, fratres videlicet Fusniacenses, dulcissimum quondam patrem suum tali mœrore & afflictione oppressum, venerunt ad eum: blandisque precibus persuasum cum multa reuerentia Fusniacum eum reduxerunt: si fortè officiosa charitate ipsorum recreatus aliquod emolumentum calamitatis suæ caperet, & de angustia tentationis, qua vehementer vrgebatur, respiraret. Verùm, quia sicut eleganter Poëta canit, *Cælum, non animum mutat, qui trans mare currit*, & sicut Sapiens perhibet, quoniam, *Nemo corrigere valet, quem Deus despexerit*, nec loci mutatio, nec fratrum illorum fauorabilis exhortatio, tentationis aculeum de præcordijs senis illius evellere potuerunt: quia nondum venerat tempus miserendi ejus: sed temerariæ præsumptioni durior adhuc instabat cruciatus. Itaque vsque ad vltimum penè terminum vitæ suæ in hoc frixorio blasphemæ dubietatis confixus, & tamquam aurum in camino tribulationis probatus atque purgatus, tandem miserante Domino lumen fidei plenissimè recepit: tantò vtique humilius de cetero credulitatis stabilitatem retinens, atque ab inquietudine illiciti scrutiniij contemplationis oculum retrahens, quantò Deum superbis resistere, præsumptoresque reprimere, propriæ calamitatis experimento didicerat. Quisquis ergo claustralibus disciplinis subditus, Mariæ otium Domino largiente sortitus est, si callens ingenio diuinam paginam scrutari dulce habet: necesse est, vt semper meminerit, se discipulum esse, non magistrum: ne fortè ingenij sui subtilitate prouocatus, signaculo fidei signata malo suo tentet irrumpere: vel temerè quidquam discutere præsumat, quod ob reuerentiam profunditatemque mysteriorum Dei, indiscussum vigilantissima Sanctorum Patrum præterijt solertia.

Greg. ho. 25.
in Euangel.

Charitas
Fusniacen-
sum in sen-
tentatum.

Eccle. 7.

Præsumptio
in diuinis
mysterijs
scrutandis
vitanda.

Caput II.

De excellentia fidei Sacramentorum Corporis Christi & Sanguinis, & de discretionem contemplationum.

SANè quantum distet inter scrutinium, quod parit curiositas, & speculationem, quam gignit pietas: inter contemplationem, quam in fidei simplicitate, conscientiaque puritate, parturit humilis deuotio, & meditationes, quæ descendunt ex præsumptionis supercilio, lucidiùs adhuc declarabimus: quatenus sicut terruimus in spiritu suo præsumptuosos, ita mulceamus in spiritu Dei humiles & deuotos. Certè præcipuus & maximus ille contemplator, à quo in Clarissima valle totius deuotionis & contéplationis religio sumpsit exordium, beatum dico Bernardum, qui copiosè in scriptis suis dissemit, quàm fugienda sit præsumptuosæ contemplationis temeritas: quanta reuerentia sacro fidei arcano subdenda sit humanæ rationis infirmitas, quo-

dam loco satis euidenter indicat, ita dicens. *Fidenter loquor: Trinitatem Sanctam quam non intelligo, credo.* Quid hoc verbo abbreviato sanius ad fidem, simplicius ad meritum, quid fidelius ad deuotionem? Porro eandem fidei simplicitatem, quam hic de sancta Trinitate paucis verbis comprehendit, etiam de Sacramento altaris se firmissimè tenere, non solum verbis, sed & mirabilium operum patratiōe, magnificè demonstrauit. Cùm intrasset aliquando partes Italiæ, & propter efficacissimā gratiam, quam in effugandis spiritibus immundis habebat, fama virtutum ejus vbique claresceret: feminam quamdam atrocissimo dæmone multo tempore possessam, oblatam sibi in Ecclesiam introduci præcepit: nimirum sciens, eam non tam faciliè ut cæteros, posse curari. Ipse verò ad altare accedens, sancta Missarum solennia celebravit: peractaque ex more sacrorum munerum consecratione, corpus Dominicum super patenam posuit, atque super caput mulieris spurcissima colluvione maligni spiritus fœdum & horridum tenuit, *adeſt*, inquit, *inique, judex tuus*, & cetera, quæ in libro vitæ ejus cōtinentur: sicque tartaricū, cerberum, quem consuetudinaria precum facilitate fugare non poterat, fide & virtutē diuinorum Sacramentorū potenter ejecit. Quadam etiā vice dum Comitem Pietauiæ schismati Petri Leonis obstinatiūſ fauentem, Dominoque Papæ Innocentio subdi recusantem, nullis monitis, nullisve exhortationibus ad humilitatis fastigium, Catholicæque Ecclesiæ vnitatem reducere valeret: negotium, quod humanæ industriæ viribus impossibile fore videbatur, diuinæ potentæ commendans, ad immolandam hostiam salutarem, per quā vita, salus, pax, & vnitas miseris mortalibus conceditur, Ecclesiā ingressus est, Principe cum ceteris, quos ab introitu domus Dei excommunicationis sententia sequeſtrauerat, præ foribus Ecclesiæ præstolante. Sacris itaque mysterijs consecrationis corporis & sanguinis Domini rite celebratis, homo Dei non jam secundum hominem se agens, antequā pax in populum diffunderetur, manna cœleste, purissimum virginalis vteri fructum super patenam reuerenter posuit, cunctis qui aderant admirantibus, & cum maximo stupore exitum rei præstolantibus, ipsam patenā pretiosum depositum pignus æternæ salutis continentem secum ferens, foras exiit, atque vultu igneo, voce non deprecatoria, sed minaci, verbis auctoritate plenis Principē compellans: ita exorsus est. Rogauimus te, & audire nos contempsisti. Ecce egressus est ad te filius Virginis, filius altissimi Patris: ille inquam filius, qui pretio innocentissimi sanguinis sui sanctam Ecclesiam redemit: quam tu, quantum in te est, scindere & conturbare non formidas: adeſt judex vniuersitatis, in cujus manus illa tua animadeueniet: ante cujus terribile iudiciij solium totius vitæ tuæ actuum rationem redditurus es: huic resiste, si vales. Videns autem Comes reuerendum Abbatem cœlestia sacramenta cunctis Ordinibus Angelorum tremenda sanctis manibus tenentem, & ignito vehementer eloquio peccatricis conscientia suæ secreta terebrantem: summæ maiestatis præſentiam non ferens, obrigescēte gelido per membra sanguine velut exanimis in terra collapsus est, jacensque spumas horrendas nigrescentibus labijs egerebat, ac si vltimum jam efflaturus esset spiritū, & crebris singultibus vitalia quatiebat. Cumque sic miserabilis aliquamdiu jacuisset, flentibus & pectora tundentibus qui aderant, accedens vir Propheticus, & pede eum pulsans, in virtute illius quem portantem se portabat imperiosa voce præcepit, ut surgeret, & Episcopis, quos de

sedibus

Lib. 2. c. 3.

S. Bernard.
per Eucha-
ristiam cic-
cis dæmonē.Verba S.
Bernardi
ad Guillel-
mum rebellē.

sedibus suis expulerat, quorū aliqui præsentes erāt, recōciliaretur, seq; magis Ecclesiæ Catholicæ filiū, quā schismaticorū fautorē fore, demonstraret. Quod etiā cooperante gratia Dei continuō factū est, (sicut liber gestorū ejus plenius docet,) sanē præter spē vniuersorū qui aderant, qui obstinatū nimis animum Principis illius in schismate nouerant: sicq; tam Clerus quā populus terræ, virtute incōtaminati sacrificij, fideq; viri Dei, à rabie Petri Leonis liberatus, & vnitati sanctæ matris Ecclesiæ reincorporatus, Domini clementiā collaudabat. O quanta est pietas fidei! de qua excellēter pronuntiat Apostolus, quōd habeat promissiones vitæ quæ nunc est, pariter & futuræ. O verē mirabilis artifex Spiritus sanctus, qui tam mirabili glutino charitatis summis ima connectit, vt illum splendidissimū, nitidissimum & suauissimū panē Angelorum habentem in se omne delectamentum, quod est Verbum Dei, mediante beatissima humanitate ejusdem Verbi, vermiculis terræ comedere concedatur: & terrenæ substantiæ portiuncula, quæ ipso aspectū & æstimatione sui vilipendi poterat, per Ecclesiasticæ Traditionis regulā cōsecrata, in verum corpus & verum sanguinem Christi Domini nostri transubstantietur, fiatque pabulum dulcissimum, quo pium rationale sed miserū jumentum deliciosè refectū, rationali, sed beatæ naturæ in beatitudinis gloria consors efficiatur. Ceterum hæc altissima Dei magnalia, quæ ineffabili dignatione gratiæ suę miseris mortalibus largitur, fidei quidem manifesta sunt, rationi verō cæca: & propterea credere hæc, pietatis est, discutere, temeritatis: nosse, vita: & vita æterna est. Nonne tibi videtur admirandus iste sanctus cum sancto sene Simeone in profunditate mysterij maiestatis celsitudinem non solū agnoscere, sed etiam alijs patenter ostendere: sub accidentibus, quę carneis & sensibus & oculis ingeruntur, id est visibili specie, pondere, & sapore, Christum Dei virtutem & Dei sapientiam, non rationis temeritate scrutari, sed fidei simplicitate credere, venerari, & colere: atque in eadem fidei constantia superbis terribiliter representare? Cesset ergo jam humanæ rationis temeritas discutere velle, quod signaculo fidei signatum, mortali naturæ scire denegatum est: & licet cum Patriarcha Iacob, qui simplicitate sua contentus erat, pede cognitionis claudicet: cum Petro tamen Apostolo, qui virtute fidei Ananiæ & Saphiræ duplicitem deprehendit & extinxit, fidei pedem fortius figat: vt per deuotionem fidei quandoque ad cognitionis plenitudinem peruenire mereatur. Quid enim, curiose, interest, tua scire, quo ordine superni largitoris viuificum beneficium consequaris, dummodo id efficacia teneas, vtilitate probes, & insuper multimoda signorum & prodigiorum gloria, quæ ab initio fidei vsque nunc in Sacramento Altaris Deus operari non cessat, iucunda exhibitione, quantum fas est, expectariis? Sed vt de maioribus taceam, & modicus de modicis Dei mirabilibus loquar: qui licet sit magnus & laudabilis nimis in magnis, gloriosius tamen mirabilia operatur in minimis, quanta benignitate trepidationem illius Abbatis refouere dignatus est, qui araneam in calice sancto hora diuini sacrificij repertam, fide plenus cum ipso Sacramento hausit prudenter aduertens mortem vitæ præualere non posse: quique eadem die sanguinem minuens, araneam ipsam integram de vultu nuscule cum sanguine erupisse, miratus expauit! Alterum quoque Sacerdotem quemdam quanta dulcedine docuit pius DOMINVS:

*Guillelmus
respicit
ad presenti-
am Eucha-
ristia.*

1. Tmo. 4.

*Transsubsta-
tiationis
vox & asser-
tio.*

Matth. 5.

*Haustus ar-
aneæ cum sa-
cramento ex-
istit cum san-
guine venæ.*

*Aranea cū
calice sum-
pta per pedē
exit.*

aliud in altari videri, & aliud debere credi: qui in simili casu deprehensus, nec dispari fide armatus, mortē cum vita sumere non dubitauit: sed aduersa-
scente jam die dum pruritū in pedē sentiret, scalpendo, araneā quam sumps-
erat, nulla parte corpusculi sui contritam seu mutilatā evulsit. Illud verò quā
stupendum, quā admiratione dignissimū censebitur: quòd idem virulen-
tus vermiculus, qui fidem sinceram, debitāque reuerentiā Dominicis sacra-
mentis exhibentibus, etiam intra vitalia receptus, nequaquā nocere potuit:
quosdam eisdem terrificis sacramentis impudica irreuerentia se ingerentes,
licet longē positus, terribiliter extinxisse perhibetur! Legitur enim in gestis
Caroli magni Imperatoris, quòd cū idem religiosus Augustus quadam so-
lemni die Missam solita sua deuotione audiret, Diaconus qui ad ejusdem
Missæ Euangelium legendum deputatus fuerat, præcedenti nocte, mulier-
culæ cujus amore deperibat, impudicis amplexibus se fœdare non timuit:
hoc quoque grauissimo piaculo cauteriatam habens conscientiam, Dei ter-
ribilis in consilijs super filios hominum iudicia non veritus, sanctum Euan-
gelium legere præsumpsit: postmodū etiam sacris mysterijs secundū offi-
cij sui dignitatem eadem impudentia ministerium manibus impuris exhibi-
turus: si non ultio diuina districta animaduersione temerarium celerius de
medio tulisset. Ecce namque dum verba sacra labijs pollutis depromeret,
prædictus vermiculus desuper à laquearibus oratorij se per filum suū semel,
secundo ac tertio, super caput contaminati Lectoris demittens, tertia nihilo-
minus vice ipso Imperatore aspiciente caput obscœnum pupugit, ac sine
mora miserum extinxit. Si ergo ô curiose, nullo humanæ rationis acumi-
ne perpendere vales, qua via, quoue meatu vermiculus ille venarum ab-
strusas perplexitates irrepserit: seu qualiter à stomacho naturalem descen-
sum intestinorum euadens, vsque ad ima corporis inter carnem & pellē
illæsus serpendo peruenerit: quomodo scire poteris, quo ordine quoue
modo, panis & vinum quæ in altari proponuntur, verum corpus & verus
sanguis Christi efficiantur? Nam si secundū Prophetam, cum peditibus
currrens laborasti, quomodo contendere poteris cum equis: id est, si in
minimis istis mortalitatis tuæ densissimis tenebris obuolutum te sentis:
qua fronte, quave temeritate altissima Dei magnalia inquietus scrutari
præsumis? De sacramento ergo altaris, sicut quidam de martyrio ait, to-
tum demus Deo, nihil nobis. Volenti itaque in sancta Religione profi-
cere, correctioni morum, mundationique cordis modis omnibus necessariū
est insistere: mysterijs verò S. Scripturarū per contemplationem castigatiū
intendere: quoniam campus exercitij & laboris pertinet ad rudes & imper-
fectos, lectus verò contēplationis ad humiles & deuotos. Sed quales putas
humiles, vel quales deuotos? Non utique qualescūque: sed qui curiositatis,
vanitatis, & voluptatis vitijs jamdudum mortui, sanctæ humilitatis & perfe-
ctionis arcem conscenderint, qui possint cū Psalmista dicere Dño. *In via te-*
stimoniorū tuorū, Dñe, delectatus sum, sicut in omnibus diuitijs. Cæterum quisquis
in hac virtutū claritate nondum à Deo stabilitus est, ut in lumine earum am-
bulet tota die, sed adhuc vitiorū caligine circūfusus habet intellectum, licet
ingenij subtilitate vigeat, & acumine rationis polleat: nouerit tamen expe-
dire sibi magis orare, Psalmosque ruminare frequentius, legere verò par-
cius: & in ipsa lectione non scientiam instantem, sed spiritum viuifican-
tem quærere: non ut disertus, sed ut sobrius efficiatur: quēadmodū monet

*Aranea Di-
aconum im-
pudicum ne-
cat.*

*Transsub-
stantiatio
incomprehen-
sibilis.*
Jerem. 12.

*Religioso
proficere vo-
lenti quid
expediat
agere.*

Psal. 118.

Apostolus, non plus sapere, quàm oportet, sed sapere ad sobrietatem: non ut jactet se scire, quod nescit: sed ut scientiam suam Deo & sibi, sicut decet Monachum in humilitate conscientiae custodiat: ne fortè subsannet eum Satyricus, vel potius imundus spiritus, quod vsque adeò scire ejus nihil sit, nisi eum scire hoc sciat alter. Vnde cum Doctorum doctissimus Pater Augustinus dicat, orare & legere, vtrumque bonum est, si liceat: si non liceat, melius est orare, quàm legere: miramur valde quosdā orationis & deuotionis prorsus necessariā vtilitatē penè vel penitus negligere: lectioni verò atque meditationi totis diebus ac noctibus incubere: quasi non super inane pingat, aut pulverē in vento portet, qui scientiā in conscientia nondū à vitijs purgata multiplicat: & contēplationis subtilitas, quantomagis absq; perfectionis plenitudine ad alta volat, nō tantomagis, quēadmodū in multis experti sumus, periculosa ruina pateat. Quia ergo talibus valde metuendū est, ne solū lāp-darū nitorē prēferētes, olei verò pinguedinē negligentes, id est, de sola scientiae claritate absq; deuotionis & humilitatis mansuetudine gloriantes, à justo Iudice Deo, qui ob inordinatū scientiae appetitū proplastos de paradiso eiecit, cum fatuis virginibus reprobentur: curemus omnes, curemus singuli, tū pro indulgentia peccatorū, tū pro acquisitione virtutū, tum etiā pro vitanda eternae mortis miseria, atq; adipiscenda sempiternae beatitudinis gloria, Dño Deo nostro sacrificiū cordis contriti & spiritus humiliati, in ara deuotionis sedulè immolare. Siquis autē in sacra deuotionis assiduitate gratia duce tantū proficere poterit, ut bonitatē bonae religionis, & disciplinā non fictae humilitatis in fundamento stabilis conscientiae collocare praeualeat: hic jam securè cum Psalmista scientiam se doceri postulet: nec tamen scientiae salutaris efficaciam lectionis atque meditationis instātia solūmodo, sed multomagis vñctione illius, qui docet hominē scientiā, se adepturū esse praeumat. Testante enim Psalmista, vanū est omni homini ante lucem perfectae humilitatis ad scientiā anhelando surgere: ideoq; modis omnibus necessariū est, sedendo in poenitentia prius manducare panē doloris, id est cōpunctionis: & sic demū surgere ad lucē scientiae vel contemplationis: quoniā non inueniet locū de scientia superbiendi arrogantia vanitatis, vbi vniuersos angulos conscientiae bonitatis & disciplinae repleuerit maturitas,

*Perfinit.**Oratio lectioni & meditationi praefenda.**Sacrificium cordis contriti in ara deuotionis immolandum.**Psalm. 126.*

Caput III.

De felici consummatione Monachi desiderantis in Clara valle mori.

IOannes Apostolus & Euangelista, qui arcana verbi Dei, quantū mortalibus in tenebris & in vmbra mortis sedentibus scire fas est, fatu reuelauit sacro, in Patmos insula propter testimoniū ejusdē verbi Dei exilio relegatus, inter multiplicia cēlestis reuelationis mysteria, ad cōsolationē oīum in via Dei laboratiū, & sub pōdere tentationū gementiū, audiuit vocē de cōelo dicentē sibi. *Beati mortui, qui in Dño moriuntur.* Et ejusdē beatitudinis causā subdens, *Amodo, inquit, jam dicit Spiritus, ut requiescant à laboribus suis. Opera enim illorū sequuntur illos.* Hujus beatæ mortis, per quam transitur de labore ad requiē, de corruptione ad incorruptionē, de morte ad vitam, de miseria ad felicitatem, de fide ad cognitionem, jucundam memoriam sancti viri sedula meditatione pensantes: & ipsi votis & desiderijs continuis ad eam suspirabant dicentes, *Quando veniam, & apparebo ante faciem Dei,* & alijs morientibus pium congratulationis & compassionis impendebant affectū: sicuti de beato Bernardo Abbate legitur, quod vix vñquam mortuum sine lacrymis

*Apoc. 14.**Beata mors, qua transitur de labore ad requiē.**Psalm. 41.*

*Optat S.
Malachias
mori in Cla-
raualle.*

*Idem optat
monachus
S. Anastasii*

*Mula eius
non patitur
raptorem
sejferem.*

cōpassionis sepelierit: & reuerendissimus Alexandrinorū Patriarcha Ioānes excellentis personæ suæ authoritatis oblitus, ad morientes quoslibet fideles per semetipsum accedebat: sedensque coram eis obcunantium agonem cum multo pietatis affectu considerabat: proprijs quoque manibus morientium oculos claudens, animas de corporibus egredientes diuinæ gratiæ deuotissimè commendabat. Sed & beatus Episcopus Malachias Hiberniensis, in omnibus operibus suis memorans nouissima sua, vt in die defunctionis benedictionem consequi mereretur, cum venisset aliquando Clarauallē, & amicitiam familiaritatemque S. Patris nostri Bernardi ob sanctitatis suæ reuerentiā obtinuisset: tanto sanctę charitatis ardore anima ejus animæ viri Dei adhęsit, tantoque desiderio in Claravalle moriendi accensus est, vt reuersus in patriam, reliquo quo advixit tempore, hanc precum suarum summam Domino deuotus offerret: quatenus & in Claravalle, & in die cōmemorationis animarū omnium fidelium mori, atque juxta dilecti sui Abbatis cineres & ipse incineratus beatę resurrectionis gloriā præstolari diuina largitate mereretur. Nec frustratus est à spe sua, quandoquidem desiderium animæ ejus tribuit ei Dominus: & locū quidem pro gloria, diem pro merito, socialis verò pausationis triumphum, pro meritorum suorum prærogatiua fortitus est. Hujus gloriosi Præsulis fidem & deuotionem secutus est frater quidam, non minùs sanctę conuersationis odore, quàm naturali nomine Balsamus, qui erat Monachus S. Anastasij, quod est Cisterciensis Ordinis Cœnobium ad Romanæ vrbis mœnia situm. Hic cum venisset aliquando propter injuncta sibi negotia ad B. Bernardum in Clarauallē, vidissetque sanctę & numerosę illius congregationis disciplinam, in obseruantia sacri Ordinis maturitatem, concaluit cor ejus in ipso, & in meditatione illius exarsit ignis: ita vt si non charitas, quæ nequaquā quæ sua sunt querit, aliud imperasset, viuere & mori in Claravalle cunctis diuitijs & delicijs mundi præposuisset. Ne tamen vacuus inde recederet, & tam religiosum desiderium debita mercede priuaretur, humillimis precibus à sancto Abbate petijt, & pro fervore suæ deuotionis obtinuit, quatenus in obitu ipsius plenarium ei seruitium à Conventu Clarevallis persolueretur. Quo adepto Clarauallē jam suam, seque Monachū Clarevallis reputans, exultabat in Spiritu sancto: reuersusque ad propria, solebat ab illo tēpore singulis fratribus Clarevallis, quorum obitum cognouisset, singularia semper reddere officia: & in super vnoquoque anno duodecim Missas pro cæteris omnibus, quorum finem ignorabat. Hic itaque vir deuotissimus, licet in curis Monasterij, quibus admodum utilis ac necessarius erat, obedientia cogente assiduè detineretur, hanc tamen sibimetipsi temporis partem redimere studuit: vt inter easdem occupationes, præter cōmunes obseruantias Ordinis, & alia bona, quæ solo Deo conscio faciebat, singulis diebus per octo annos diceret Psalteriū, & ad minùs quotidie disciplinam acciperet. Quàm verò placita Deo fuerit sancta conuersatio ejus, hoc vnum quod subjicimus miraculum manifestò declarat. Missus aliquando pro negotijs Monasterij sui ad Domnū Papam Alexandrum, qui tunc in Francia morabatur, casu incidit in manus quorūdam schismaticorū, qui Pseudo-Papæ Octauiani partem tuebantur. Moxq; de mula cui infidebat, injuriosè depositus, retrudi in custodiam jubetur. Vnus autem ex eisdem raptoribus super mulam hominis Dei insiliens, cum secum eam ducere vellet: illa miris gestibus & saltibus recalcitrans, & quasi

pro domino suo pugnans, ire penitus recusauit. Cumque calcaribus & flagellis innoxium animal vndique caderent, vinci omnino non potuit: sed magis retrogradis passibus incedens, & semper in vetitum nitens, conatus omniū superauit. Videntes itaque schismatici diuinitus agi contra se miraculum, tandem victi tadio pariter & miraculo, virum sanctum dimiserunt: præcipientes, vt eandē mulam coram eis ascenderet & abiret. Illa verò mox cum tota mansuetudine recepto Dei famulo mirantibus vniuersis, sine vlla cunctatione vel coactione processit: ambulans alacriter, & portans dominū suum, quem læta recognouit. Porro desiderium illud moriendi in Clara-valle, quod pridem fecunda deuotione conceperat, quotidianis incentiuis auctum, semper in corde ipsius viuebat. Appropinquante verò vocationis ejus die, qui soli Deo cognitus erat, cui desiderium pauperum exaudire familiare est: ipso Domino, qui omnia ad salutem electorum suorum operatur, disponente, etiam ad domum Clarevallis, quam locum dormitionis & sepulturæ sibi fore semper optauerat, alia quidem occasione venire meruit. Contigit namque, vt supradicta domus S. Anastasij, quæ est filia Clarevallis, cujus erat ipse deuotissimus Monachus, spiritali pastore vacaret. Quapropter ab ipso summo Pontifice & à fratribus suis missus domū adiit Clarevallis, vt novum inde Abbatem ad arbitrium patris ejusdem loci assumeret: magis autem missus à Domino venit, vt de mundi hujus pelago egrediens desiderij sui portum jamjamque teneret. Dum ergo per dies aliquot ibidem moraretur, & de omnibus, quæ in sancto illo conuentu videbat & audiebat, ædificaretur, compungeretur, & ad deuotionem excitaretur: contigit vnū de fratribus præsentis vitæ finem sortiri. Cūque tabula defunctoria sonante grandis illius cœt⁹, Monachorū scilicet atque Conuersorū deuotissimū concursum & occursum videret, cōmendationis quoque solemnem executionē, & in elatione funeris cantus pietatem, magnæque multitudinis extensam & ordinatam processionem: sacerdotum etiam ac ministrorum pro anima defuncti fratris hostiam salutarem imolantium sacrū obsequium, Psalmodiæ nihilominus circa defuncti corpus religiosas excubias: totus in affectu pietatis resolutus, & hujus beneficii, quod semper operatur æstuantī corde participium mereri desiderans, cum gemitu valido petiuit animæ suæ vt moreretur: ex intimis medullis cordis clamans ad Dominum, & dicens. *Moriatur, Domine, anima mea morte iustorum: & fiant nouissima mea horum similia.* Exequiarum verò solemnij rite celebratis, delatoque ad tumulum corpore, dum sicut moris est, tam nouiter sepeliendi, quàm cæterorum fratrum ibidem paucantium sepulchra Conuentus amplissimo ambitu in modum coronæ gyrasset, explicitis jam Psalmis sepulturæ attinentibus, Antiphona *Gloria in excelsis Deo*, ab vniuersitate fratrum dulci modulatione decantabatur. Interim verò prædictus seruus Dei oculos non curiositatis sed pietatis indices circumquaque ducens ac reducens, sanctam illam multitudinem velut Angelicum chorū lætus intuebatur, totusque dulcedinis ac deuotionis affectibus in semetipso liquecens, quoniam in vita sua vnum ex ipsis fieri non licebat, nimirum obedientia renitente, vt saltem moriendo vnus ex eis fieri mereretur, feruentis desiderij æstibus optabat & orabat. Antiphona itaque percanrata, dum in clausula ejus vbi dicitur, *Domine miserere super peccatore*, cuncti solito more veniam peterent, & pro anima defuncti fratris supplices exorarent, seruo Dei eandem veniam cum cæteris petente, atque eundem

*Mirantibus
schismatici
miraculum.*

*Defunctorū
exequia quā
ta deuotione
fieri solita.*

Num. 23.

Optat peregrinus monachus mori in Clara-valle.

*Videt mona-
chus B. Vir-
gilem, S.
Bernardū,
& alios san-
ctos.*

Psalm. 127.

sermonem ardenti pietatis spiritu orante, rupti sunt fontes oculorum ejus, largissimoque lacrymarum imbre faciem rigans, non solum defuncto requiem, sed & sibi celerem in eadem domo vitæ terminum postulabat. Mox igitur diuinâ clementiâ desiderium servuli sui effectui mancipare volente, in ipso loco inuasit eum peremptoria febris, quæ illum usque ad exitum varijs incômodis vexans, & subrepentium delictorū, sine quibus præsens vita non ducitur, rubiginem purgans, voti sui compotem tam feliciter quàm celeriter fecit. Sequenti verò nocte, cum membra sopori dedisset, apertum est ei cælum, & vidit in eo Dominum nostrum Iesum Christum, ejusque beatissimam genitricem Dominam nostram, necnon & S. Bernardum, aliorūque sanctorum multitudinem copiosam cum gloria magna, quorum felicissima visione ita lætatus est, ut jam se quasi unū ex eis reputaret. Crescente autem languore in multa patientia gratias agebat Deo, oris confessione, cordis contritione, & sanctæ precis deuotione, portionem sibi in terra viuentium dari precabatur: sicque ad extrema deueniens infra decimum diem sancto sine quieuit. *Ecce sic benedicetur homo, qui timet Dominum: qui bona quæ in alijs videt veneratur & diligit: & licet ipse pro viribus virtutum studijs inuigilet, brauiū tamen laboris sui fraternis meritis interuenientibus plenius & perfectius se consequi posse præsumit: si eorum quos meliores se reputat, consortium, vel in vita vel in morte adipisci potuerit. Ecce servus iste Dei, cujus verè felicem consummationem descripsimus, doctus à Deo, de virtutibus suis non altum sapere, sed pro imperfectione sua semper timere, dum sanctissimæ congregationis beatam societatem votis ardentibus concupiuit: quod viuenti virtus obedientiæ denegauit, ejusdem obedientiæ pijsimus remunerator morienti benignè restituit: ipsumque ineffabili gloriæ eorū, quæ solis perfectis Monachis debetur, associauit in cælis: quorū sacris cineribus vel in sepultura sociari humilibus votorū suspirijs præoptauit in terris.*

Caput IV.

Item de Conuerso, qui petiuit à Domino, ut in Clara-valle moreretur.

*Mori in Clara-
valle, gra-
tia fuit exte-
ris quibus-
dā concessa.*

HANC autem moriendi in Claravalle gratiam, non huic soli tantum, sed & nonnullis alijs diuina nouimus largitate concessam: sicut etiam nostris temporibus cujusdā serui Dei tali desiderio vehementer æstuantis gaudium impletum vidimus & lætati sumus: atque ad portandum pondus diei & æstus sub disciplina Clarevallis non medioere incitamentum sumpsimus. Instabar aliquādo tempus Generalis Capituli, & Abbates Cisterciensis Ord. de vniuersis mundi partibus Cistercium festinabant. Inter quos Abbas quidam de filijs Clarevallis abbatizans in regione Hispaniarum longo & laborioso itinere generationis suæ matrem, id est Claramvallem, adibat, habens secum in comitatu Conuersum quemdam moribus honestum, deuotione præclarum. Is aliquoties audiens in patria sua nectaream famam de religione & sanctitate domus Clarevallis, incitabatur spiritu, desiderans videre Claravallē, cui clarissimus Abbas claritate Sanctitatis clarum nomen in orbe dedit. Iter itaque Capituli adorsus, quantomagis approximabat desideratæ Clarevalli, tantomagis optabat, si fieri posset, non solum eam videre, sed etiā fortis extremæ funiculum in ea fortiri. Vbi verò ad eam contiguus factus est, ut cminus sacri templi pinnaculū prospicere posset, deuotionis vnguentis ad aspectum reuerendi loci charitatis igne bullientibus, totus ad pietatem liquefactus est: eleuatisque manibus & oculis ad cælum, breuem quidem,

*Conuersus
Hispanus
hanc gratiā
optat & ob-
tinet.*

sed fidei plenitudine sincerissimā precem effudit ad Dñm: quodāmodo exclamans & dicens. O Dñe, si petitio pauperis & peccatoris non displicet maiestati tuæ, sit quæso sacer iste locus, qui tantarū sanctarū animarū tecū jam regnantium pignora seruat, requies mea in sæculum sæculi: hic Dñe, si dignaris, pausam, quoniā elegi eum. Ingressus itaque locū tabernaculi admirabilis quod fixit Deus & non homo, specialis patroni & tutoris ejusdem loci, scilicet S. Bernardi, necnon & insignis collateralis ipsius B. Malachie tumbas simpliciter veneratus est: & ut desiderij sui celerem consequi mereretur effectum, deuotē precabatur. Nec tardauit piæ petitionis effectus, sed repente cœpit viribus corporis destitui: lectoque ægritudinis receptus, sic lætus & alacer ad agonē morris, quasi ad epulas inuitatus, properabat. Sanè postquā eo prodente, & Abbate ipsius testimoniū perhibente, tam Monachis quàm Conuersis innotuit, illū ob desiderium moriendi in Claravalle, hanc sibi à Domino celerem mortē impetrasse, sacer ille conuentus oppidò gratulatus est: sicque feliciter morienti piè congaudens, sanctissimo collegio suo migrantē votis & desiderijs bonæ volūtatē associauit. Ipse sacramentali oleo inunctus, & viatico Dominici corporis & sanguinis munitus, infra paucos dies, Abbatibus qui in Natiuitate sanctę Marię Claravallē ante Capitulū Cisterciensē conuenerant, ibidem adhuc, ni fallor, demorantibus, in medio tanta & tam sanctę multitudinis, Abbatū videlicet & Monachorū & Conuersorū, sicut desiderauerat, fraternis orationibus protectū spiritum exhalauit. Cujus exequias magni & reuerendi cœtus illius frequentia solēibus & deuotis officijs celebrans, terrāque terrę adjiciens, mirabilem Deū in sanctis suis, quicquā tum apud se sincera supplicū vota valeant, in hoc paupere suo demonstrare dignatus est, in cōmune glorificabat. Cæterum quis ambigat, prauitine bonitatis abundantia nonnullis quandoq; concedi, quod sibi in se deest meritōrū, alienis meritis debere suppleri: & quia ubi infirmus & imperfectus quisq; Ecclesię in Religione perfectē incorporatur, perfectiorū meritis imperfectiorum regi deformitatem: dūmodo iidem imperfecti pura intentione perfectionis & sacre religionis pro modulo suo imitatores effecti de hoc mundo rapiantur: sicut Psalmista canit, quia, cum sancto sanctus eris: & cum iusto iustus innocentē innocens eris? Nec solum religiosa quælibet Ecclesia credenda est in mēbris suis adhuc in carne peccati strenuē militantibus infirmos meritis & precibus fouere, atque protegere, exitūque munire: verū etiam multo magis in mēbris suis post sacre peractęq; militię sudores, emertorū requie & beatitudine gloriosis id speranda est acitare: quemadmodū quidam perfectę religionis senior de fratribus Clarevallē, qui gratiam videndi quandoque res inuisibiles à Domino acceperat, testatus est, dicens, morientibus fratribus animas jam carne solutas ad animā carne solvendā non minori, vel potius maiori frequentia & deuotione, quàm carnē adhuc vegetantes occurrere: atq; ut malignorū spiritū cum multa truculentia ex aduerso occurrentiū malignas accusationes euadere, veriq; luminis, & æternę beatitudinis participū cōsequi possit, officiosissima charitate insistere. Quapropter, si non imeritō felices pronuntiamus eos, qui exercitatione dura & laboriosa penitentię tam viuorū quàm defunctorū fratrum suffragijs morientes fuleiri merētur: sic nimirū miseros, & ut ita dixerim, omnibus hominibus infeliciores plangimus eos, qui cur habitū religionis assumpserint, non attendentes, sed vitā suam morū corruptione deprauātes, etsi viuentiū honestis obsequijs tumulo

Oratio Cisterciensis.

Sicut enim in

Quod deest
meritorum
alicui, sape
alienis meri-
tis suppletur

Psalm. 17.

Anima de-
functorum
morientibus
adsum.

inferantur: tamen nec viuorum nec defunctorum opitulationibus quidquam consequuntur: sed qui spinas dissolutionis seminauerunt, ignem æternum malitiæ suæ stipendium sortientur.

Caput v.

De Religioso viro, cuius exequias animæ defunctorum visæ sunt celebrare.

ENimverò si cui fortassis scrupulū mouet, quod præfatus senior dixit, fratribus ex hac vita decedentibus animas carne solutas ad exitū morientium occurrere, nullatenus quæso, vel sancto viro ista dicenti, vel nobis ea quasi falsa scribentibus succenseat, sed patienter sustineat: & veraci testimonio nos asserere comprobabit, hæc non solum specialiter à sanctis viris cognita: sed etiam omnipotentis conditoris nutu etiam carneis oculis & corporalibus auribus visa & audita quandoque fuisse: quatenus tamen minus mortalis homo de misera seu beata vita animæ post mortem secundum meritorum qualitatē dubitet, quantum perspicacius subtile & inuisibile ejusdem animæ substantiā ad nutum creatoris cui omnia possibilia sunt, in carne uiuentibus coniungi, & ut ita dixerim, admisceri deprehenderit: præsentemque vitam, quā caducā atque transitoriā non ignorat, funditus despiciens, ad illā, ad quā per momenta singula decurrit, omni sollicitudine bonis operibus inuigilando se præparet. In partibus minoris Britanniae erat aliquando homo quidam secularis, qui licet secularibus negotiis deditus, curæque rei familiaris intentus esset, erat tamen fidelis & timoratus, atque in obseruantia mandatorum Dei pro modulo suo deuotus. Inter cetera verò bona, quæ vel publicè vel priuatim solo Deo testante faciebat, talem sibi fecerat consuetudinē, ut ad Ecclesiam vadens siue rediens, seu quacumque alia occasione cimiterium transiens, pro animabus fidelium ibidem pausantium deuotam Domino precem libaret. Contigit verò, ut expleto tempore vitæ suæ de hoc sæculo nequam migraturus lecto decuberet. Cumque jam morti se vicinū sentiret, medijs noctis tenebris misit ad Presbyterum suum, rogans ut ad visitandum se cum Dominico sacramento venire dignaretur. Presbyter verò segnitie pressus, & heu! plus diligens commodum carnis suæ, quàm salutem animæ parochiani sui pergere recusauit: diaconum tamen suum nomine Daniele bonæ conuersationis virum vice sua destinauit. Qui libenter obediens, & iussa celeriter complens, postquam morienti viaticum tradidit, ad propria redire non distulit. Mox ergo ut pauperculus ille, sed meritis diues, infirmus, perpetuæ sanitatis & non periturarum diuitiarum largitor Christus Dominum ad munimen sui recepit, lætus hominem exiit: & cum illo, ut credimus, qui pauperum susceptor fieri dignatus est, paradisi portas ingressus, lucidas beatorum spirituum mansiones accepit. Diaconus verò rediens, ubi ostio Ecclesiæ appropinquauit, inuenit illud apertum, quod clausum firmissimeque obseratum dimiserat. Vnde cum multum obstupisset, & ancipites mente versaret cogitationes, ita mox diuina virtute in eodem loco defixus est, ut se inde mouere non posset. Et ecce repente in cimiterio illo audita est vox clamantis atque dicentis. Surgite fideles vniuersi, surgite quantocyus, & exite de tumulis vestris, quotquot in isto cimiterio requiescitis, ut conuenientes in Ecclesiam commendemus animam defuncti hujus carissimi nostri, & rependamus ei vicem beneficii sui. Quoties enim per hoc cimiterium transire solebat, toties pro nobis orationem specialem facere consueuerat. Ad hanc vocem cœpere velociter exurgere mortui, factusque est fragor atque tumultus grandis, cum egredieretur de tumulis suis. Porro in Ecclesia videbantur cerei multi hinc inde parietibus

Laici pia consuetudo, dum transiret per cimiterium.

Diaconus egrotans deferre Eucharistiam.

Mortui de tumulis exeunt ad eius exequias.

rietibus affixi, qui eamdem basilicam copioso lumine illustrabant. Quam cum defuncti illi ingressi fuissent, cœperunt ibi suavi melodia Dñm in commune laudare, & commendationis officium solemniter decantare, ita ut vno dicente collectas & orationes, alij subjungerent, *Amen*, ceterasque responsiones, quemadmodum in choro psallentium fieri solet. Commendatione verò expleta, clamatum est denuo, ut singuli reuertentur ad sua loca. Quibus egressis de oratorio, factus est iterum sonitus & collisio tumorum, quando se in eis recollocauerunt. Tunc paulatim cœperunt deficere luminaria illa quæ in Ecclesia videbantur, quovsq̃ue penitus extinguerentur. His ita completis, solutus est Clericus ille, de loco in quo fixus hærebat, & intrans oratorium reposuit ibi sacramentalia vasa, quæ secū detulerat. Qui cum ad mansionem Presbyteri redisset, ille trutina inertie suæ metiens alios, & neminem profunda nocte facile vigilare reputans, quasi miseratus hominem pro labore, rogabat eum, citius stratum repetere ac dormire. Cui ille respondit. Non est mihi modo pausandum: sed tibi potius surgendum atque laborandum. Iam enim defunctus est æger, ad cuius exequias procedere nos oportet. Vix verba finierat, & ecce nuntius venit, supradicti viri obitum nuntians, aduentumque Presbyteri flagitans. Surgens itaque licet inuirus Sacerdos, cum diacono sine mora perrexit, & debitum pio funeri obsequium impendit. Porro Diaconus ille beneficio gratiæ Dei tam dignanter se visitantis nequaquam ingratus existens, sed de visione quam viderat, affectus vehementer atque compunctus: omnia quæ vel in re, vel in spe habere poterat, reliquit: exiensque de terra & de cognatione sua Turonis in Monasterio S. Martini Religionis habitum suscepit. Vbi etiam religiosam vitam ducens, fideliumque defunctorum memoriâ agens, proficientibus meritis postmodum prior ejusdem Ecclesiæ constitutus est. Præfatam verò reuelationem quibusdā familiaribus suis secretius innotuit: quæ tamen ob mirandam rei nouitatē silentio tegi nō potuit: sed ad notitiâ ejusdem loci Abbatis celerius peruenit. Qui de re tam incredibili, aut probabiliter edoceri, aut eam penitus reticere volens, coadunato fratrum cœtu in Capitulo coram omnibus eundem Priorem super hujusmodi verbo conuenit, districte præcipiens, atque in virtute obedientiæ adjurans, ut veritatem ab eis non celaret. Qua ille tandem adjuratione constrictus, licet verecundiæ suæ parci voluisset, ne in publico hoc fieret: tamen ad honorem Dei, & ad ædificationem proximi, quod sibi acciderat, verecundus ac pauidus explicauit. Cognita igitur veritate prædictus Abbas cum esset vir bonus & religiosus, super tam inauditis mirabilibus prognosticæ hujus reuelationis sacrum futuræ resurrectionis mysteriū quodammodo præsignantis, gratias egit Deo: generalemq; legem in Cœnobio suo sanciens, præcepit, ut quotiescumque cœmeterium aliquos de fratribus intrare contingeret, toties pro fidelibus ibidem pausantibus ad minus semel orationem Dominicam dicere non pigritarentur. Nemini ergo friuolum vel absurdum videatur, quod diximus, animas defunctorum fratrum decessui morientium fratrum quandoque interesse, atque ut ab instantibus tunc periculis eruantur propensius elaborare: cum præsentī manifestè doceamur exemplo, tantò tunc eas ad succurrendum feruentius & deuotius insistere, quantò quis in hac vita earum memoriâ habere, atque ad mitigandam districti ludicis sententiam precum suarum suffragia impendere sollicitior fuerit. Nam quid aliud etiam nobis innuitur per hoc, quod

*Defuncti
expleto offi-
cio repetunt
sepulchra.*

*Spectator
huius mira-
culi sit Mo-
nachus.*

*Abbatis
lex pro de-
functis.*

Suprà d. 3.
6. 21.

Qui defun-
ti viuentes
iuuent, &
quos.

de beatæ memoriæ D. Gaufrido Sorensi, quondam Episcopo suprà in hoc volumine continetur: quia scilicet dum adhuc esset Monachus in Claravalle, vidit manifestè quadam nocte infra vigilias sacras plallens alacriter & orans ab Aquilonari parte Ecclesiæ, id est ab atrio in quo defunctorum fratrum corpora pausant, multitudinem magnam candidatorum venientem, quæ perante gradum Presbyterij transiens, ostium quod ad infirmitorium vergit egressa est, cum eodè momento in infirmitorio quidam bonæ conuersationis senex in extremis agens agonizaret, nisi hoc, quòd beatæ fratrum defunctorum animæ fratrem corruptibilis vitæ induvias exuentem in suum consortium recipere, atque malignorum spirituum phalangas calumniari eam cupientium propulsare veniebant? Quantùm verò intelligimus, hæc de illis animabus solùmmodo sentienda sunt, quæ ab omni culpa simul & ab omni pœna emancipatæ, beatitudinis æternæ felicitatē jam adeptæ sunt: similiter & de illis morientibus, qui transactæ vitæ religiosa conuersatione hoc meruerunt, ut beatarum animarum præsidij in periculo mortis fulciantur.

Caput VI.

De Milite à periculo mortis per fidelium animas liberato

Compassio
quam Deo
cara.

Miles fugi-
ens hostes
transiit per
cœmeterium.

QVIA tamen relatione memorabilis huius miraculi ostendimus, qualiter fidelium animæ pro se deuotè oranti vicem beneficii sui in morte ipsius impenderint: libet nunc referte, quomodo quidam studiosè pro fidelibus defunctis orantes, seu elemosynas pro eis facientes, etiam de præsentis vitæ periculis, & de inimicorum gladijs ceruicibus suis imminentijs earundem animarum opitulatione liberati sunt: quatenus religiosus quisque mercedis laboris sui se priuandū esse non certus existat: si affectum cōpassionis & actum subuentionis porrigat animabus iuxta sententiam iusti Iudicis Dei vapulantibus: cum etiam sæculares nonnulli, qui in hac parte deuotionis feruentiores extiterunt, extremæ calamitatis pericula propter hoc pietatis negotium euasisse cognouerint. Constat enim compassionis affectu nil Deo esse acceptius, quandoquidē summæ miserationis pietas summā diuinitatis beatitudinem ad subueniendū miseris de cœlis ad terram descendere fecit: & quia defunctorum animæ quæ jam per se mereri nil valent, tantò gratius suscipiunt interuentionis beneficium sibi à viuentibus impensum, quantò per hoc pœnas suas aut mitigari, aut citius finire sentiunt: quas peccatis suis exigentibus duras vel diuturnas fore debuisse non nesciunt. Igitur miles quidam in actu & habitu sæculari, sæcularem animum bonorum operum studijs reprimere satagebat: seque mortalem esse, & tempore suo moriturum fore crebrò recogitans, mortuorum memoriam apud Deum prece & deuotione qua poterat, frequentius faciebat. Decreuerat namque, ut nulla umquam necessitate, nulla festinatione atrium Ecclesiæ transiens præpediretur, ut non stans facie ad Orientem versâ Dominicam orationem pro fidelium animabus intentè diceret, Dominūque defunctis misereri suppliciter oraret. Contigit verò, ut ab inimicis suis insidiantibus sibi quadam vice ita repente circumueneretur: ut aut in instanti periculum mortis incurrere, aut vitam fugæ præsidio tutari necesse esset. Cursu itaque rapidissimo fugiens, casu accidit, ut ad clausuram qua cœmeterium cingebatur currendo deueniret. Quia verò competentiorē compendij semitam ad effugiendum quos fugiebat, non inueniebat, citis saltibus clausuræ introitum per medium cœmeterium transiliens, cœpto cursui anhelus instabat.

Verum intercurrentum, consuetudinis suę, quam multo tempore illibaram seruauerat, recordatus, concidit corde: & quid sibi in tanto rerum discrimine faciendum esset, æstuanti mente pensabat. Aut enim debitum spirituale cum periculo vitę fidelium animabus persoluendum erat: aut debiti preuaricatore coram iusto Iudice Deo, qui in se confidentes in quantumlibet arcto necessitatis articulo seruare potest, conscientia reum tenebat. Sed quia in tanta temporis & discriminis angustia diu deliberandi spatium non habebat, vicit citò pietas fidei metum corporeę fragilitatis: decreuitque contempta morte fidelibus defunctis solitum precis subsidium nequaquam subtrahere: sed si ita placeret altissimo, supra tumulos eorū pro quibus orabat, gladijs inimicorū confossus occumbere. Itaque suppresso cursu gradum sistit, turbatumque tranquillans animū, facie, sicut solebat, ad orientem versa, Dominicam orationem tantò sinceriori pietatis affectu dicere cœpit, quantò se hanc novissimam ad Deum fundere precem, & quasi vltimum vale fidelibus defunctis offerre existimabat. Interim verò crudelissimo lethalis odij liuore exagitati rapidis passibus advolant inimici: cernentesque reuerenter stantem virum, cuius sanguinem sitiebant, metu mortis diriguisse putabant: & quasi jam voti sui crudelem effectum habituri de scelere in continenti, ut sperabant, perpetrando, impiè quidē, sed non impunè tripudiabant. Namque ubi præcipatione furibunda in insaniā versi, septa cimiterij irrumpere, imunitatē Ecclesię Dei violare, & hostiā submissa ceruice inclinatoque capite stantē imitatione primi fratricidę imolare festinabant: ecce repente vident armatorū multitudinē magnam totū cœmeterium replese: quam defunctorum animas fuisse, pro quibus ille orabat, non improbabiliter credimus: quę etiā intercessorem suū stipata corona ambientes, ut orationem quam pro eis inchoarat, absque impedimento perficere posset, sancta sollicitudine observabant: in aduersarios verò gladios & hastas terribiliter vibrabant. At verò Deo odibiles illi solo maligni desiderij voto homicidę, videntes tam subitā rerum mutationē, & armatorū turbam sibi iminentem, stupefacti & mente consternati fugam velociter iniere: & qui alienam vitam crudeli occisione perimere venerant, emolumenti maximi loco reputabant, si suam fugę præsidio seruare potuissent. Deuotus autem ille orator nil tale videns vel sentiens, postquam orationem suam compleuit, cursum quē pietatis intuitu tantę necessitatis articulo constrictus omiserat, repetens, pernici celeritate velut insequentium se inimicorum manus fugiens probè aufugit: & quia gladios furentium inimicorum, & de tam proximo sibi iminentium evadere potuisset, miratus expauit. Cæterum post aliquantum temporis inimicitiarum nube charitatis ardore dissipata, pacisq; pulchritudine inter partes stabiliter redintegrata, cum familiariter ab inuicem quærerent, illi quidem, quid causę extitisset, quòd mortis articulo sibi imminente, immobilis stans de loco non motus fuisset; ille verò, cur vitę ipsius pepercissent, cum oportunitatē perdendi eum nacti fuissent: cognita ab alterutro mysterij veritate, Dominum, qui facit mirabilia magna solus, magnificè collaudabant: & tam ipsi, quàm etiam plures alij qui tam grande miraculum percipere potuerunt, ad orandum pro fidelibus defunctis non mediocriter accensi sunt: quod vtinam & nos & omnes, quos hæc legere vel audire contigerit, religiosa deuotione imitari non pigremur. Quàm stupendum, quantoque admirationis præconio dignum censebitur illud, quod de Eusebio

Miles cursum sistit, ut oraret pro defunctis.

Hostes eius fugantur ab animabus pro quibus orabat.

*Dux Siciliae
hostem vin-
cit, animarū
stipatus mul-
titudine.*

*Proverbium
vulgare.*

Siciliæ ducediuinitus factum per plures jam orbis partes, etiam per scripturam divulgatum est. Is enim cum haberet aduersarium Principem quemdam, quidiuitijs multis & gloria terreni culminis exaltatus spem suam in robore & multitudine exercitus sui ponebat; ipse fiduciam suam Deo committens, pro liberatione animarum fidelium multa bona faciebat: & magno verè Dei miraculo per exercitum animarū sibi de cælis missum niueis & equis & armis optimè adornatum, tam ipsum æmulum suum, quam cunctum exercitū ejus in deditiōem recepit: atque per admonitionem earumdem animarum, pro impensis sibi ab eo beneficijs gratias agentium, & ad subueniendum defunctis exhortantium, confortatus, multò plura bona pro liberandis animabus fidelium, quam antea faciebat, per Ciuitates & Ecclesias suæ ditioni subjacentes agere decreuit. O quam certus de victoria esse poterit, qui pietate & precibus pugnat: ô quam irrefragabili veritatis testimonio subnixa est sententia, qua dicitur, quia *qui pro alio orat, pro seipso laborat*: sicut huic religioso Principi de quo loquimur, in summo honoris sui discrimine; & item deuoto militi, cujus supra meminimus, in supremo vitæ suæ periculo, tam feliciter, quam excellenter experiri donatum est. Si enim pietatis opus esse creditur, fideles pro fratribus & proximis, qui adhuc iustitiæ opera exercere, præmiâque iustitiæ promereri valent, orare: quanto magis negotium pietatis omni acceptiōne dignum esse censebitur, pro animabus fidelium intercedere, quæ jam nec opera iustitiæ, per quæ bona merita conquærantur, operari, nec vltra ad pœnitentiæ remedia confugere valent: sed solummodo peccatorum & negligentiarum suarum pœnas iusta diuinitatis censura soluere coguntur?

Caput VII.

De Sacerdote, qui dicens Requiescant in pace, audivit multas voces respondentes, Amen.

*Anima con-
gratulantur
orantibus
pro eis.*

*Amona-
chus in de-
functos pius.*

Verumtamen licet per se vltra operari nil valeant, pro se tamen laborantibus miro atque jucundo Dei omnipotentis dono collaborare, & quodammodo congratulari quandoque deprehenduntur: sicut ante multos annos cuidam religiosæ conuersationis monacho accidisse, certissima seniorū relatione audiuius: etiam & scripto ad posterorum memoriam signatum scimus. Apud prouinciam, quæ Germania trans Rhenum dicitur, quæ vulgò Saxonia vocatur, in Cœnobio, quod de Ordine Cluniacensi infra muros Patbrunnensis ciuitatis constructum, nomini SS. Apostolorum Petri & Pauli attitulum est, fuit priscis temporibus, dum adhuc Cluniacensis Ordo in statu suo vigeret, monachus quidā, secundum nomen suum Christū amans; nam Amona naturali nomine vocabatur. Hic cum esset Sacerdotali honore præditus, officium sanctū moribus sanctis adornare curabat, & diuina mysteria deuotione, qua spiritualem ministrum decebat, celebrabat. Vt autè tantò deuotius, quantò secretius in contraminatū sacrificium in arca contriti cordis offerre posset, capellulam quādam in honore sancti Alexij consecratam, & ab oratorio ejusdē loci cimiterio tantum interiacente remotā, causa dicendæ Missæ frequentare solebat: vnde & ipsum cimiteriū reciproco itinere assidue terere necesse habebat. Ad sacrā verò ædē vadens aut inde rediens, manū deuotæ orationis absq; tædio identitatis porrigebat fidelib⁹ defunctis: & quo se transactis diebus suis incinerandū fore recogitabat, incineratorū piacula piè pensans, eorum supplicia mitigari suppliciter precabatur.

Factum est autem in vna dierum, dum celebratis sacris mysterijs rediret, & pignus sanctæ orationis ijs quibus eum debitorem pietas effecerat, impigre, sicut solebat, persolveret, completaque oratione in conclusione subjungeret, *Requiescant in pace*, audiuit manifestè magnæ multitudinis turbam respondentem sibi, & dicentem, *Amen, Amen*. Quod vbi audiuit, totus intremuit: & has voces esse animarum pro quibus orabat, reputans, tam contiguas eas sibi inuisibiliter esse, miratus expauit: bonæque consuetudinis vltim, quem eatenus deuotè seruauit, tantò deinceps propensiori vigilantia persecutus est, quantò deuotionis suæ obsequium acceptabile Deo, fideliumque animabus gratum & fructuosum existeret, tam inusitati miraculi nouitate lætus agnouit. *Sancta ergo & salubris est cogitatio pro defunctis exorare: ut à peccatis soluantur.* 2. Mach. 12.

Caput VIII.

De puero qui post mortem peccata sua confessus est.

O æterna Dei sapientia, quæ ex ore altissimi prodisti, attingens à fine usque ad finem fortiter, sed tamen disponens omnia suauiter: quæ per Prophetam dicis, *Misericordia mea non deficiet, & miserebor, cujus miseri voluero*: quid amplius, quid excellentius, quid dulcius de tua piissima benignitate humana natura peccatis & vitijs obnoxia expectare poterat, quàm hoc, quòd pauperum tuorum sic piè misereris, scilicet vt mirabili nimis, & solùm omnipotentia tuæ possibili commercio inter mortuos & viuentes discurrente, illi quidè culpas & negligètijs suas, quas carnè vegetates minùs correxerant, viuètibz prodant, & sanctæ orationis subsidiū propensius querant: isti verò animas in tremendo já examine tuo còstitutas, datæ sibi potestatis auctoritate absoluerè præsumant: singularis quoq; sacrificij deuota oblatione cū sanctæ precis assiduitate, ad gaudia paradisi subleuare præualeat? Sed ecce, ô benignissime, ô misericordissime fili Dei viui, & fili B. virginis Mariæ, Dñe Iesu Christe, adhuc aliquid sublimi⁹ & dulcius nobis de melliflua petra dulcedinis tuæ profluxit: dū sacramentū videlicet Còfessionis, profundos & inenarrabiles gemitus còtriti cordis, baptismū quoq; amarissimarum pœnitentiæ lacrymarum vni ex pusillis tuis, quantomagis indebitè, tãtomagis piè còcessisse probaris: & quod infirmitas humanæ naturæ præsumere non auderet, vt fieret: hoc imenso pietatis tuæ munere factū meritò inter maxima laudis tuæ præconia deputando miratur. Obsecro autè eos, qui hæc lecturi sunt, ne ijs quasi falsò conscriptis derogare velint: quia nostra jam memoria res acta est, sicut hodieq; nōnullæ probabiles personæ de Ordine Cisterc. testificantur. Beatæ itaque memoriæ D. Hugo Bonevallis Abbas, quanta spiritaliū charismatū gratia decoratus fuerit, cunctis qui tantū virū nosse, vel famam virtutū ejus percipere potuerunt, liquet. Hic in obsequio suo puerū cursorem habebat, qui viuacitate & agilitate seruitij sui ad itineris còmoda pernecessarius extitit: ideoque tam ipsi Abbati, quàm cæteris exteriora negotia curatibus carus & acceptus erat. Contigit verò, vt in dimidio dierum adolescentiæ suæ horrendum spiritus ac carnis subire diuortium, duræque mortis, quæ nec ætati nec conditioni parcat, crudele vectigal solvere cogeretur. Graui namque repente corporis inualetudine correptus, dum florentis iuuentutis suæ vigorem quotidianis defectibus marcescere gemeret: experimento didicit, quàm veraciter sapiens dicat, quoniam *adolescentia & voluptas vana sunt*. Tandem verò de præsentī vitæ desperans, cœpit de futuræ vitæ statu, quantū

Sap. 8.

Exod. 33.

Inter viuos & mortuos piū intercedi cōmerciū.

Historia multis nota, nec dubia.

Eccl. 12.

*Agritus
Confessionis
querit reme-
dium.*

*Abbati post
mortem pec-
cata confite-
tur.*

*Locus in
quo confessus
fuerat, ma-
didus repe-
ritur.*

*Absolvitur
in capitulo.*

pandus ægritudinis patiebatur, vel potius prout pius Dñs inspirare dignatus est, pauida mente cogitare, seque lubricæ ætatis impulsu contra Deū ac creatorē suū multa deliquisse mœstus illacrymans, Confessionis remedium velut vnicam tabulā in hujus sæculi magno & spatiofo mari naufragantiū querere. Sed vtrum surripiente mortis articulo, quod piè desiderabat minimè confectus sit, an confessus Confessoris sui simplicitate vel negligentia canonicè absolurus non fuerit, ignoramus: tamen quod ab ijs, à quibus tam moriens quàm defunctus iuari debuerat, minùs quàm tali adolescentulo, vni vtrique ex pusillis Dñi expediret, procuraretur, Cōfessionis post mortē carnis factæ mirabilis probat euentus. Supradictō nēpe venerabili Abbati Hugoni quadam nocte in stratu suo quiescenti idem adolescens jam defunctus in visu apparuit, mœrentis atque in angustia cōstituti supplicē vultū & habitū prætendens. Deniq; cum multa reuerētia accedens, & genua sua super genua sancti Abbatis decenter cōponens, manus quoq; supplices cōtra pectus ipsius protendens, supra venerabiles jacentis artus sic quasi ad orationem procubuit: atque vt Confessionem suam recipere dignaretur, lacrymosa prece rogauit. Dehinc distinctis prorsus causarum euentuūq; articulis in quibus se peccasse dicebat, Confessionem flens & ejulans fecit: inter quæ in nōnullis etiam criminalibus se cecidisse, cum tantis suspirijs tamq; largo lacrymarū profluvio fassus est, vt vix in viuente aliquo tantæ cōtritionis & cōpunctionis amaritudo possit inueniri. Cōfessione autem facta pfundiores adhuc gemitus edens, vberioresq; lacrymas lacrymis superaddens, cum maxima contritione cordis suppliciter precabatur: vt sui misereretur, sibiq; supernū Iudicē iustis mitem, peccatoribus terribilem, sed pœnitentibus veniam promittentem, suis sanctis orationibus placatū reddere dignaretur. Interim verò religiosus Abbas ad tantæ cōpunctionis lacrymas & suspiria per cōpassionis pietatem totus in semetipso liquefcebat: & dum miseri angustijs per miserationis latitudinem respondere conatur, euigilat: secūque quod viderat & audierat mente pertractans, dum se ad cōpassionem defuncti intimis quibusdam stimulis vrgeri sentiret, vanam non esse visionē intellexit. Vt verò totius dubietatis scrupulus de corde ipsius tolleretur, mirū dictu, mira omnipotentis Dei clementia, quod spiritualis substantia spiritualiter gessisse visa fuerat, materiali experimento in assertionem veræ visionis ei probare concessum est. Nempe dum locum in quo pœnitens anima pœnitentiæ lacrymas fundens procubuerat, manu tangendo palparet: ita opertorium quo tegebatur, madefactum reperit, ac si spiritus, qui easdem lacrymas spiritualiter fudisse visus fuerat, liquidi elementi humorem in se habuisset. Sed in his similibusque diuinæ potentia mirabilibus, si rationis consulatur sententia, quæ dicuntur, incipiunt esse incredibilia: sin verò virtus agnoscatur diuina, desinunt esse mirabilia. Itaque reuerendus Abbas ex hoc jam nihil hēsitans, animam, quam sibi ad succurrendum Christi Domini clementia destinarat, in Capitulo fratrum absoluens, & tam suis quàm fratrum suorum orationibus, Missarumque celebrationibus deuotis, satisfactionem pro peccatis ejus offerens Deo, miseram & ream æternæ mortis supplicijs subduxit: immortalisque beatitudinis, vt piè credimus, per gratiam Dei participem effecit: sicque, quod impossibile erat apud homines, violentia sanctæ charitatis, cui etiam impossibilia cedunt, apud Deum possibile esse, ostendit.

Caput IX.

De Priorissa quadam per reuelationem ad confitendum admonita,

Apostolus more suo de altitudine mysteriorum Dei loquens: *ut innotescat*, Ephes. 3.
 inquit, *per Ecclesiam principatibus & potestatibus in celestibus multiformis sapientia Dei*. Dominus quoque beato Iob omnipotentiae suae opera dinumerando, *concentum*, ait, *cæli dormire quis faciet?* Mortali etenim naturæ impossibile est nosse, quantæ dulcedinis, quàmque intime suauitatis harmonia mulcet & delectat sublimes illas beatorum spirituum potestates per opera gratiæ multiformis sapientia Dei, per quæ sanctâ Ecclesiam suâ de lacu miseriæ & deluto fecis, id est inquinamento peccati erutam, ipsorum sacro collegio consociat, non habentem maculam aut rugam, neque aliquid huiusmodi. Ipsa namque sapientia & veritate attestante didicimus, facilius esse, ut cælum & terra transeat, quàm ut vnum jota, aut vnus apex de lege gratiæ ipsius pereat: id est, ut vel minimæ occasiones, per quas etiam vltimi quique in populo Dei salutis remedia consequuntur, sic retardentur, ut non effectui mancipientur. Quapropter quàm subtili occasione eadem benigna sapientia, cui peruigil cura est salutis hominum, cuiusque oculis nuda & aperta sunt omnia: quamdâ famulam suâ de statu conscientiæ ipsius admonuerit, exempli gratia notabimus, quatenus omnis homo sanum sapiens, tantò validius ejusdem sapientiæ amore inardescat, quantò dulcius audit eam per familiare sibi sapientis organum protestantem, delicias suas esse cum filiis hominum. Priorissa cuiusdâ Monasterij virgo erat Deo valde deuota: quæ tam seipsam, quàm subditas sibi sorores ad districtiōem disciplinæ regularis discretâ sollicitudine coarctabat. Et licet placita Deo fuisset sancta cōuersatio ejus, vnū tamen erat, quod puritati ipsius maculam inferebat: quāvis hoc ipsa in conscientia sua minimè deprehenderet. Fecerat namque in infantia sua peccatū quoddâ, quod per rili hebetudine neglectū, longitudine quoque temporis ita obliuione absorptū fuerat, ut nullatenus tale aliquid se fecisse meminisset. Nolens autē pius Dñs deuotâ sibi famulam, pro peccato, quod nequaquā verecūdia, sed obliuio celabat, cōfundi ab inimicis suis in porta, tali ordine & quid, & quando deliquisset, ei manifestare dignatus est. Quadam namq; nocte eidem venerabili Priorissæ dormienti apparuit in visu fœmina quædâ, quæ ipsam olim parvulam nutrierat, & quantū tenera ætas capere poterat, primis disciplinæ rudimentis imbuerat. Et proprio nomine eam cōpellans, sicut dudū infantem cōpellare consueuerat, Gilla, inquit, filia mea, quid agis? Quousq; dissimulans negligētia torpes, & peccatū illud quod in infantia tua sub cura mea posita cōmisisti, per Confessionis & pœnitentiæ remedia non diluisti? Cūque & qualitatē peccati ei intimasset, illa quasi rubore suffusa, & quod tantò antè perpetrarat ad memoriâ reducens, respondit. Numquid tanti æstimabitur peccatū, quod infirma & stulta cōmisit ætas, nondū per exercitiū & incrementum vitæ ad plenum explicita ratione, ut hoc tantopere confiteri, & pro eo pœnitere necesse habeam? At illa. Ergone parui ponderis esse putas qualecūque peccatū, quod non est confessionis rubore pœnitentiæq; labore delictum? Ausculta igitur diligenter quæ dico. Scias pro certo, & nullatenus dubites, quia sicut in cortinis seu parietibus effigies certis lineamentis expressisq; proprietatibus membrorum depictæ cernuntur: ita in anima omnis hominis qui qualitercūque in vita sua discretionē boni & mali habere potuit, peccata etiā minima quæ cōmisit, fœda impressione signatur: exceptis dumtaxat ijs, quæ

Iob 38.

Ecclesia
Angelis con-
sociatur per
puritatem.

Matt. 5.

Prover. 8.

Peccatū in
infantia ad-
missum &
obliuioni
traditum.Peccatum
nullum par-
ui ponderis
confendum.

*Priorissa
peccatum si-
bi reuelatū
confessa est.*

*Suprà diff.
3. c. 4.*

Ioan. 11.

*Examen cō-
scientiæ quā
necessarium.*

1. Cor. 14.

Cōfessionis & pœnitentię officijs per gratiam Dei relaxata fuerint. His dictis somno Priorissa excutitur, atque de verbis quæ audierat stupens, dum diligentius cogitat & recogitat, inuenit vanam non esse visionem; sed verè in infantia sua tale aliquid se fecisse recolit, quale in visu audivit; quod tamen ex quo annos discretionis intrauit, & habitum religionis sumpsit, nunquam conscientiæ ipsius aciem reuerberabat, quia à memoria penitus exciderat. Itaque gratias agens Deo, tanto sincerius & humilius confessa est & pœnituit, quantò sola largitate benignitatis Dei se hoc assecutam esse gaudebat: tantoque de cætero tam de præteritis, quàm de imminentibus peccatis suis sollicitior extitit quantò diuina hac reuelatione certiùs didicerat, decipi eos, qui vel de ignorantia vel obliuione sibi blandientes, impunitatem conscientijs suis temere promittunt. Suprà quoque in hoc volumine continetur, Conuersum quendam defunctum alteri Conuerso viuenti per visum apparuisse, eique peccatum quod ante duodecim annos, dum adhuc sæcularis esset, commiserat, quodque mortifera obliuione memoriæ elapsum fuerat, ad memoriā reduxisse, & vt quantocyus confiteretur & pœniteret, consuluisse: verbum cum timore, & tremore audiendum promens, scilicet quod peccatum ante mortem minimè solum, post mortem insolubile maneat. Quid ergo erit de peccatis quæ rubor confusio- nis, seu tædium duræ pœnitentiæ, vel quod his periculosius est, exactæ per tempus religiosæ vitæ confidentia, celari suadet: si illa Dei famula de peccato in annis puerilibus perpetrato ad confitendum & pœnitendum, etiam per reuelationem admoneri necesse habuit: & iste frater audiuit, peccato criminali, quod obliuio celabat, si ante mortem legitimè solum non fuisset, post mortem veniam negari? Verè horrendum est incidere in manus Dei viuents: quoniam terribilis Deus in consilijs super filios hominum. Expedit itaque omni homini, tum præcipuè religionem professo, præteritos annos vitæ suę sedulè recogitare in amaritudine animę suę, atque sine dissimulatione, oris confessione, cordis contritione, boni quoque operis executione, semetipsum dijudicare, si non vult cum hoc mundo damnari. Augusta nempe via quę ducit ad vitā exoneratos & expeditos vix recipit, quia iustus vix salvatur: oneratos verò & dilatatos curis & voluptatibus sæculi prorsus rejicit: nec obest ianuam vitæ intrare volenti, quantumcumque se humiliet: est autem horrendum malum, si vel transverso vnus digiti plusquam superliminare patitur, se erigat: quia mox impinger, & conquassato capite corruet. Confidimus autem in Domino Iesu, quia si quis in adolescentia sua laxioris vitę vias secutus criminibus & sceteribus se inuoluerit; si excitante illo, qui dicit, *Lazare veni foras*, euigilauerit ad circumstrepentes se laqueos mortis, conatusque ad arctioris vitæ vias redire, trepido & solici- to scrutinio non semel sed pluries, imò toto tempore vitę suę conscientia suam discusserit, & quidquid in ea inuenerit purè confessus fuerit, & insuper tam ea peccata quorum meminit, quàm ea quorum fortè non meminit, cum luctu & lacrymis pœnitentię Deo in oratione confitendo, continuè se pro eis humiliauerit, pœnitentię fructu non carebit. Ceterum, sicut Apostolus ait, quia *qui ignorat, ignorabitur*; ita profectò si quis secundum multitudinem iniquitatum suarum, multitudinem miserationum Domini querere detrectauerit; hujus, vt inde meritò tñmemus, misericordia obliuiscetur: & tam pro ijs peccatis suis, quorum meminit, quàm pro eis quorū fortè non meminit, iudicium durissimum portabit, quicumque est ille.

Recapitulatio finalis eorum, quæ in hoc volumine continentur.

EXPLICITIS ijs, quæ de initio Cisterciensis Ordinis, necnon & de reuerendis, atque in omni religione conspicuis viris, qui in Cistercio & in Clara-valle claruerunt, scribere necessarium duximus; simul etiam de exemplis, quæ pro rei similitudine, non incongruè, ut arbitror, juxta finē locis opportunis inseruimus, hanc à lectore nostro vicissitudinis gratiam postulamus, ut si aliquid in hoc opusculo inuenerit, unde ad amorem virtutum, odium vitiorum, sanctæque deuotionis feruorē, inflammari se sentiat, Deo, sine quo nihil boni fit: & patribus, quorū industria hæc ad nostram notitiam peruenerunt, gratias agat; nobis verò, quorum non paruo labore compilata, & in vnum corpus compacta sunt, piæ orationis suffragium impendere dignetur. Neque enim quasi noui alicujus operis authores hæc conscripsimus: sed sicut in exordio hujus voluminis præfati sumus, ea quæ à studiosis patribus sparsim exarata reperimus, ad manifestiorem rerum notitiam, majoremque legentium vtilitatem, in vnum collegimus: pauca tamen capitula, quæ à religiosis & fide dignis personis certa relatione didicimus, continuationi intexere curauimus: ita pulmentum filiis Prophetarum ex herbarum in agro veterum patrum collectarum concisione & decoctione parantes, ut coloquintidas falsitatis tamquam mortiferū elleborum in olera concidere nefas duceremus. Duplicis autem rationis consideratio, nos ad hanc partem sollicitudinis inuitauit. Et primò quidem, ut fratribus nostris, qui in remotioribus orbis partibus sacrum Ordinem nostrum professi, sanctā domum Cisterciensem, tamquam caput & matrem omnium nostrum; itemque sanctam domum Claræ-vallis, propter beatum Bernardum carius amplectuntur, de initio Ordinis nostri certam notitiam traderemus: vtriusque etiam domus primi patres quàm sublimē, quamque imitatione dignissimam vitam duxerint, ad ipsorum ædificationem panderemus: secundò verò ut Monachis nigri Ordinis calumniandi occasionem tollerem⁹: qui coram secularibus & rerum ignariis derogant Ordini nostro, dicentes, eū ex præsumptione cœpisse, & patres nostros, qui primò de Molismo egressi sunt, absque

Historia huius libri ex multis patribus sumpta sunt.

Ordo Cisterciensis non capis à præsumptione.

Dux Athletarū Christi S. Stephanus.

*S. Bernard.
fit Abbas
adhuc iuue-
nis.*

*Quātus nu-
merus mo-
nachorum
in Clara-
valle.*

*S. Bernard.
nouitiis
ministrat in
mensa.*

illa & deinceps copiosissimā dante benedictionem. Iste reuerendissimus Pater Stephanus post aliquantos annos fratres beati Bernardi ad ædificandam domum Clarævallis mittēs, ipsum venerabilem virum S. Bernardum in iuuenili adhuc ætate constitutum, sed sapientiæ & religionis maturitate multorum canos transcendentem, ideoque reuerendū, illis abeuntibus præfecit Abbatē: jã tunc vt credimus, spiritu reuelante prænoscingens, quātē proceritatis, quantæq; pulchritudinis cedrus illa futura esset in paradiso Ecclesiæ Dei: quantē etiam multitudinis cœtus ex diuersis mundi partibus collectus sub vmbra condensarum frondium, idest multiplicium meritorum ejus, ab æstu carnalium illecebrarum foret refrigerandus. Sed quis æstimare sufficiat, quā grandis multitudinis fuerit beatorum ille cœtus: vel ex quā diuersis prouincijs & insulis coadunatus? Nempe vt de mediterraneis, Italiæ, Germaniæ, Galliæque prouincijs taceam: ipsæ extremæ insulæ Hiberniæ, Britanniæ, Daciæ, & Sueciæ, quæ finem orbis faciunt, ad hunc cœtum perficiendū crebras personas mittebant: & propter Abbatē sanctū etiam locū sanctū celebri deuotione venerabantur. Vt etiam de Conversis taceam, quorum longē copiosior erat numerus quā Monachorum, post decessum beati viri simul in vno loco reperti sunt libelli professionum octingenti octoginta octo; exceptis quā pluribus alijs, qui negligentia & longinquitate temporis dilapsi non poterant inueniri. Vbi verò aliqui de hoc sacro cœtu disciplinæ vomere exculiti, virtutumque seminibus receptis ad eō profecissent, vt jam fructificare, alijsque prodesse posse sperarentur: sicut ex diuersis regionibus colligebantur, ita etiam mox ad diuersas regiones causa ædificandorū Cœnobiōrum emittebantur: sicque fiebat, vt licet per sepe nonagenarium, nonnumquam verò centenarium numerum excederent Nouitij, numquā tamen facer ille Conuentus nimie multitudinis angustiam pateretur. Sanctę recordationis Domnus Henricus Vite-scholæ, quod est Cœnobiū in Dacia de linea Claræ-vallis primus Abbas, referre solebat, quia cū esset nouitius in Clara-valle, & nonaginta tyrones in cella probatoria sub disciplina beati Bernardi instituerentur, quadam vice discumbentibus eis intrauit ad visitandos filios suos idem pijsissimus pater, quem sequebatur Conversus cum sporta inciso caseo plena. Et accedens ad præfatum Henricum, qui tunc Prior Nouitiorum erat, dulcissima manu sua frustum casei posuit ante eum, commonitorium hoc verbum dicens. Frater comede, grandis enim tibi restat via. Dehinc fidelis minister magni illius patris familias, qui faciet seruos suos discumbere, & transiens ministrabit illis, perante vniuersos nouitios transiens, ac singulis pitantiam charitatis porrigens, eundemque sermonem per singulos repetens, & corpora eorum iucundè refecit, & mentes ad sollicitudinem arctæ & angustæ vię, quam terere cœperant, excitauit. Licet verò frequenter viri virtutū de sacro collegio Clarævallis ad propagandā Cisterciensis Ordinis disciplinam per distincta orbis climata emitterentur, numquam tamen aut Hiberus æstus, aut Scythici frigoris horror, seu altera quęlibet inclementia cœli animas eorum inclinare poterant, vt non formam Ordinis quam in Clara-valle didicerant, in habitu & victu, ceterisque corporis necessarijs, virili constantia retinerent: pulchrè Horatianum illud sibi vendicantes, *Constantes animi, quos non locus alterat alter*. Nec solū diuersarum prouinciarum Episcopi & magnates, Cœnobia & disciplinā viri Dei in suis regionibus fundari postulabant: sed etiam superbarum urbium populi.

ex discipulis ejus Archiepiscopos sibi & Episcopos eligebant: felices se arbitantes, si de tantę perfectionis fonte pastores animabus suis providere poruissent: cum tamę perfectę ejusdę multitudinis perfectissim^o institutor hęc apud Deū & homines specialē gratiā obtinuisset, ut cum dignissimus esset cogi, & aliquoties in Archiepiscopū vel Episcopū electus fuisset, minimē ramen de amica sibi paupertate raptus, dignitatis hujus apice cōtra voluntatē suā insigniri cogeretur. Sed quid nos ista de ceteris vrbibus replicamus: cum ipsum caput mundi, ipsa quę est cęterarū Ecclesiarū omniū mater, sancta Romana Ecclesia, de hac humili societate, de hac B. Bernardi disciplina summū Pontificē in plenitudinē potestatis assūpserit: & in ipsa Apostoli Curia Cardinales aliquos in partē sollicitudinis asciverit? Tua sunt hęc, Christe Dñe, opera, qui glorificant te, & mandatis tuis obsecūdantes ita glorificas, ut serui tui, qui secundū præceptū Apostoli subjiçunt se omni creaturę humanę propter te, pleno pietatis judicio super omnē mortālē naturam exalcentur à te. Ceterū postquā Clara illa vallis primū & clarissimū Abbatē suū postvnu & triginta annos ad summi Imperatoris transmisit palatiū, ut jam tanto esset potentior ad subveniendū, quantō sumę majestatis faciē viciniū cōtēplaretur: per sanctos successores ejus, de quorū virtutibus superius aliqua cōprehendim⁹, sanctę religionis vigor cōservatus in eadē gloriosa domo illibatus duravit, sicut in temporibus venerabilis ac Deo digni viri D. Petri, ejusque successoris D. Warnerij postea Lingonensis Episc. diuina fauente gratia nobis p̄bare concessū est. Testis enim nobis est Dñs, quia cum in Claravalle disciplinis claustralibus & Sacri Ordinis observantijs subditi essemus, tantū ibi religionis & gravitatis, tantūque puritatis & honestatis vidimus, ut sæpius in gratia Dei exultantes dicerem⁹ in cordibus nostris, quia si ipse legislator noster beatissimus Pater Benedictus, cujus Regulā p̄fessi sumus, in carne viueret, & per se ipsum sanctū illū Conventū regeret, districtiūs sacri Ordinis instituta in loco illo observari non potuissent. Incuria nempe vel leuitas, seu dissolutio, quę est ruina ordinis, locum ibi penitus non habebant: sed vernantiū virtutū fraternęq; charitatis æmulatio ibi sancta vigeat: quodq; magis mirum est, adhęc singulos austeriori aliqua castigatione cogere Pręlatis op⁹ non erat: quia quasi hereditaria successione ad se transmissum tenebat sancta illa dom⁹ vitia declinare, & virtutib⁹ operā dare. Vidimus etiā ibi ex discipulis S. Bernardi seniores morū gravitate, religionis integritate, prudentia & simplicitate reuerendos, beatę memorię D. Gerardū Priorē, D. Gaufridū ejusdem sancti viri notariū, plurimūque ab eo dilectū, D. Hugonem de Monte felice, D. Petrū Catalanensem, ceterosque tā Monachos quàm Cōversos, qui à temporibus beati viri vsque ad nostrā ætatē durantes, & exemplū fervoris & deuotionis reliquo corpori sanctę illius fraternitatis effecti, faciliē in sua amabili cōuersatione monstrabant, quātę perfectionis plenitudo in Claravalle primis diebus effulserit: quandoquidē paucorū seniorū strenuū in sacri Ordinis observantijs exercitiū paucorū admodum deuotio potuit imitari. Sed ecce dum de puritate religionis, quę nō solū in Claravalle, sed etiā in Cistercio, ceterisq; bene ordinatis domibus Cisterciensis Ord. multos ad culmen perfectionis primis diebus p̄uexit, loquimur: quid à præfato venerabili viro D. Gerardo Priore, in Capitulo Clarevallis aliquando audierimus, nō sine multo timore & tremore reminiscimur. Is namq; dum quadā vice ad morū gravitatē disciplineq; custodiā melliflua nos admonitione exhortaretur, asserbat, anteriori tempore animas fratrum defunctorum cuidam spiritali viro ejusdem Cæ-

S. Bernard.
Episcopatus
recusans.

Episcopi ac
etiam Papa
& Cardina-
les ex Clara-
valle assum-
pti.

Fernor pri-
morum Cla-
revallis mo-
nachorum.

*Purgatoriū.**Negligentia
quā viiā-
da.**Nolle pro-
ficere perdisi-
onis occasio
est.**Non sunt
Patrum gesta
ex curiosi-
tate sola le-
genda.**Luc. 9.**Sanctus
Bernardus
Ordinis co-
lumna.*

nobis Monacho visibiliter apparuisse seque pœnalibus locis deputatos mi-
serabili querimonia prodidisse: non quia grauius aliquod peccatum cōmi-
sissent, sed quia quotidianas negligentias vitare, minori solitudine quā
oportuerat, curassent. Si ergo beatis illis temporibus, quibus negligentia vix
per rimulas intrabat, rubiginem culpæ districti Iudicis animaduersio pœ-
nali nimiumque molesta rasura abradebat: quid de nostrorum temporum
misericordia sentiendum est, quando negligentia non jam per rimulas, sed per
rimas, vel potius per rupturas tepiditatis irrupit? Quapropter ne fortè post
negligentiæ & torporis incuriam mors malitiæ & iniquitatis intret per fene-
stras nostras: quoniā tempus quod omnia consumit, etiam Religionē ener-
uat: cū procliuiiores sint homines ad sectanda vitia potius quā virtutes:
discussā totis viribus ignauia, vestigijs præcedentium patrum viriliter inhæ-
rere satagamus: eorum memoriam in cordibus nostris versando, eorumque
actus frequenter & libenter relegendo: quatenus per rectitudinem corporis
ipsorum nobis fortitudo nostri corporis quasi de speculo lucidissimo resul-
tet, sicque salubri verecundia confusi, discamus, bona quæ agimus omnino
imperfecta reputare: atque ad ampliorem iustitiæ perfectionem semper an-
helare. Siquis verò multum proficere volens, sed non valens, ideoque tæ-
dio affectus, remissius agere cœperit, audiat quid Sanctus Pater Bernardus
dicat. *Nolo, inquit, repente fieri summus, paulatim proficere volo.* Si ergo in stu-
dio proficiendi non cōtinuò sequitur effectus, est tamen omni volenti pro-
ficere, quidam proficiendi effectus, si non datur ultra: solumque nolle pro-
ficere, totius negligentiae & dissolutionis, atque ad extremum mortis &
damnationis occasio est.

Obsecro itaque eos, qui ista lecturi sunt, per Dñm nostrum Iesum Christum, ne solā hæc curio-
sitate legisse velint, sed diligenti cōsideratione pensent, quid in suis moribus à norma iustitiæ, quæ
in sanctis Patribus insigniter refulset, exorbitet. Et quidquid in se à tramite veræ religionis alienū
repererint, totum hoc in quotidiano vitiorum virtutūque conflictu ad lineam veritatis corrigere
festinent. Nam sicut iure omnium hominum stolidissimus censeretur, qui ad arborem viriditate
foliorum atque vbertate fructuum pulcherimam veniens, foliorum inanitate ventrem far-
ciret, & ab vtilitate fructus jejunos remaneret: eadem rationis æquitate stultissimus reputa-
tur, qui venustissimam seriem ac strenuam conuersationem Sanctorum Patrum relegens, ve-
lut chronica temporum, vel Annales Regum, ad solam curiosam notitiam rerum eam transcur-
rit, & nihil ex ijs quæ legit ad accendendum in se compunctionis fervorem, ad detergendam
conscientiæ suæ rubiginem, & ad librandam morū suorum inæqualitatem, manu sanctæ deuotio-
nis decerpit. Neque enim propterea Patrum præcedentium laudabilia gesta describuntur, vt vanæ
& iniquæ curiositati seruiatur: sed vt per ea rudes instruantur, infirmi confortentur, lasciui graui-
tatem sectentur, duri corde compungantur, deuoti ad perfectionem informantur: & vt per ædi-
ficationem consolationemque legentium, sancta Ecclesia roboretur, & laus Dei, cuius sunt
bona nostra, per gratiarum actionem amplificetur. Cæterum in hac sola parte veniam à studi-
osis lectoribus petimus: quod aliquibus in locis sensum vel summam verborum, quæ dicta sunt,
retinentes, eādem summam competenti formula orationis vestire curauimus. Nam de rebus ipsis,
absit, vt quantum in nobis fuit, minimum saltem articulum aliter quā rei euentus fuit, mentien-
di libidine læsā conscientia pōneremus. Ipse autem æternus Deus æterni Dei filius, Dñs noster
Iesus Christus, qui in diebus humilitatis suæ sacramentum perfectæ pœnitentiæ sanciens, & funda-
mentum veræ religionis jaciens ait, *Siquis vult post me venire, abneget semetipsum, & tollat crucem
suam, & sequatur me:* quique extremis diebus illis, quando senescente jam mundo fides fluctuat,
spes titubat, charitas frigescit, incentivum sancti amoris sui per Cisterciensis Ord. puritatem mul-
torū cordibus infudit, & ejusdem sacri Ordinis splendidissimā columnam, Reuerendissimū scilicet
patrem nostrū S. Bernardum in Claravalle erexit: ipse inquam Dñs & Deus noster, per merita &
intercessionem Sanctorū Patrum, de quorum vita & moribus ad ædificationem posterorū aliqua
conscripsimus, donet nobis ita vestigijs eorum inhærere, ita simplicitatis & innocentie sensum re-
tinere, ita per continentiam carnis in humilitate vera roborari; vt ad illam æternæ beatitudinis
gloriā, ad quam eosdem sanctos patres nostros indubitanter credimus peruenisse, etiā nos, coope-
rante gratia Dei, quandoq; peruenire mereamur: Præstante eodem Dño nostro Iesu Christo, qui
cum Patre & Spiritu sancto viuit & regnat Deus, per omnia sæcula sæculorum. Amen.

FINIS.

LIBER MIRACVLORVM

SANCTI BERNARDI.

NARRATIO HERBERTI ABBATIS COENOBII DE MORIS;

De Libro Miraculorum S. Bernardi, per insigne Miraculum seruato.



VISITANTE nuper venerabili Abbate Clara-vallensi Petro Monasteria sua, qua in Rhemensis provincia stant, Spiritu Dei venustissime florent: Nos quoque cum illo profecti venimus die quadam una cum ipso ad Monasterium Vallis-Regis. Inuenimus autem ibidem miraculorum S. BERNARDI multitudinem copiosam, qua propter legentium radium in codice vite eius inferri non potuerunt. Nam si prolixius scriberentur plurima inde volumina conficerentur. Hunc ergo Miraculorum Librum, quem in Clara-valle non habebamus, acceptum munus nobiscum ferre curauimus, ut eum transcribi faceremus. Portabatur autem in mantica cum alijs septem libris tam maioris quam minaris voluminis. Venientibus itaque nobis ad monasterium Longi-pontis, contigit, ut eorumdem librorum portitor equum cum ceteris ad aquam duceretur. Qui dum incaute dimissis habenis vadum excederet, lapsus in profundum stagni fluctuando & natando ferme unius horae spatio huc & illuc anxie peruagabatur. Exclamantibus autem qui aderant, quod equus ille librorum atque vestimentorum sarcinam habens cum puero superposito mergeretur; accurrunt undique, ut ei succurratur. Interim autem quadripes & ipse puer sub aqua latebat, nisi quod ora protensa modice superius apparebant. Quidam vero iuuenis indumentis exutus & natando diutius infectus perueniens, eripere voluit, sed fugiente caballo minime potuit. Tandem vero quesita de longe adducta nautica, miserante domina, reducti & liberati sunt simul adolescentulus, & caballus, non modo uiuentes, verum etiam salui & alacres. Ad antica vero continens ipsos libros inuenta est aqua in modum utris plena atque distenta. Qua dum postmodum incuria ministrorum clausa diutissime permaneret, tandem ea reserata inuenti sunt libri à minimo usque ad maximum, ita madefacti atque delati, ac si in profundo stagni diutius iacissent. Verumtamen solus ille Miraculorum Liber, cum tamen ceteris aqua imbutis atque submersis esset immixtus, ita repertus est incorruptus & siccus, ita pulcher ac steridus, ut minime tunc extractum de uinario crederes, sed potius assumptum de armaria dicere. Ne quemadmodum usque; badie cernitur, ne una quidem in eo litterula magnam vel modicam aqua stilla delensit aut tetigit; ceteri, sicut dictum est, libri ita fluctibus obliuiscuntur, & postquam more confecti viderentur, ut nulli deinceps visibus iudicarentur apti. Unde mirati & magna iocunditate repleti gratias egere multimodis diuina clementia, qui dilecti sui BERNARDI meritis veneranda voluit etiam nunc huiusmodi feno glorificare. Nos quoque magnifice consolati, propriam damnam de submersione librorum non modo lenissimè, verum etiam lenissimè tulimus: quippe qui in eius restitutione, iocunda vere piscatione, tantum & tale miraculum de inmensitate aquarum cum libris extulimus. Et quidem duplex nobis incubuit exaltandi materia, tu pro ipsa miraculorum gloria commendata, de quorum celsitudine praesenti miraculo certiores existimus: tu pro ipsa pueri vita donata, cuius liberatione sanctissimi Confessoris huius precibus & meritis attribuenda esse non dubitamus.

Canobia illa sunt Fusniacns, Bonnsfons, & Si-gniacns.

PHILIPPUS DE CLARA-VALLE, IN LIBRVM MIRACVLORVM,

PRÆFATIO

AD SAMSONEM ARCHIEPISCOPVM RHEMENSEM.



HARISSIMO Patri & Dom. S. Dei gratia Rhemorum Archiepiscopo, frater Philippus de Clara-valle, ambulare à claritate in claritatem tamquam à Domini Spiritu. Multa esset praesumptio, si non multa esset dilectio, quod vestrae praesumo scribere sublimitati. Quid enim servus ad Dñum, discipulus ad magistrum, ad Episcopum Monachus? Nihil mihi & illi, cum illi summa dignitas, me vilitas alta componat. Sepultus inter homines, non est reuocandus ad homines, nec reuocari debet ad phaleras gloriamque verborum, qui silentium imposuit ori suo. Scitis & vos, Dñe Pater, quia scribere nec monacho in usu, nec indocto in promptu, nec penitenti esse debeat in affectu. Durum quoque est, ut cum alij vacent & videant quoniam ipse est Dñus, ego stylum tabulasque involuam, quem non ignoratis durioris penitentiae martyrio confringendum. In veritate didici nihil esse efficacius ad pmerendum diuitias gratiae Dñi, quam sedere & tacere, & semper humilibus consentire. Humilitas virtutum Regina, primogenitum filium suum silentium parit; in quo, & de quo cultus iustitiae pendet, iusto attestante, qui ait. *Cultus iustitiae silentium.* Sed nimis progredior, & interrumpendus est cursus sermonis, quia fortassis incòmoda praelibatio est, si, quos pluribus deberis oculos, detineam pagina longiori. Idipsum autem quando praesumpserit pusillitas vel pusillanimitas mei, serui vestri: nisi praenunisset, vel intervenisset vestra humilis sublimitas, imò sublimis humilitas, amantissime Pater? Rogaris igitur, ut scribam vobis, quae comperta habeo de miraculis Patris nostri, amici vestri, qui vos diligit non verbo, neque lingua, sed opere & veritate. Et illa quidem egebant diligentiori disputatione & doctiori disputatore, cum illa tamen ego non scripserim, sed collegerim: certus autem quod auribus meis audierim, & perspexerim oculis uniuersa: ipsa tamen quae in itum & reditu Stampensis collocauimus effecit, ego nec vidi nec audiui: sed viderunt & audierunt, qui ministri fuerunt sermonis; & quibus credo sicut oculis meis. Ego enim tunc intraui scholam Iesu, & valedixi saeculo in saeculum, & in saeculum saeculi. Deceuius autem & haec & alia, quae fideli stylo à principio itinerarii ipsius excerpta sunt, alicui de linguis insignibus & religiosissimis commendare, qui potenti virtute verborum facta lucida perducant in lucem. Vos quoque, cum hanc Epistolam susceperitis, orare pro Philippo vestro, qui vester ero, quamdiu fuerò, in visceribus Iesu Christi.

Isai. 32.

Rk

De profectione Bern. Constantiam versus; Item de Personis & nominibus eorum, qui miraculorū aculati testis fuerunt

Cum in regno Teutonicorum verus Crucis servus BERNARDVS verbum Crucis annunciarer; necesse fuit ut Regi Conrado pro quodā pacis negotio loqueretur. Occurrit autem Franckevoert, quod in territorio Moguntino sup Mogum situm est castrum, & à Francorū vado nomen accepit. Ibidem quoque Constantiensis Episcopus Hermannus nomine, vir religiosus adfuit, obnixius supplicans, ut ad partes suas ascendere dignaretur. Cujus petitioni multa quidem negotia resistebant; maximè tamen Clara-vallensium suorū intima sollicitudo, & præcordialis affectus, ad quos redire omnimodò festinabat. Neq; n. filiorū vteri sui mater poterat oblivisci, sed toto fere anno avellā se viscera sua gravissimè querebatur. Vicit tamen constantia Dñi Constantiensis, cū opportunè, importunè, modò per se, modò per Regē & Episcopos supplicaret. Sic nimirū intolerabile sibi indicat vir benignissim⁹ pro se anxios contristari. Magis autē prævaluit timor Dñi, & spiritus ejus, suggerens apertū sibi esse ostiū magnū. Hoc enim studiū ejus, hæc consuetudo est, ut licet animū habeat affectione plenissimū, nullum tamen apud eum p̄pria obtineat affectio locū in deliberatione faciendorū, sed totum sibi vendicet divinæ inquisitionis voluntas. Acquievit ergo venire cū Episcopo. Et dominica prima Advētus Dñi ingressi sumus fines Episcopatus Constantiensis, & in villa cui nomē est *Kentingen* maxima populi deuotione suscepti. Multa ex hoc diuinæ miracula virtutis claruerunt: quæ etsi nos tacuerimus, lapides clamabunt. Propterea qui præsentēs fuimus, dignū duximus annotare ea, vitandæ gratia confusionis, & dubitationis abigendæ. Singulorum enim præscriptissim⁹ nomina; & singuli quod vidimus & audivimus, certa veritate testamur. Erasmus autem cū eo ego Hermannus Constantiensis Episcopus, & Eberhardus* capellanus meus: Abbates duo Baldovinus & Frovvinus: monachi quoq; duo, Gerardus & Gaufridus: Clerici tres, Philippus Leodiensis Archidiaconus, Otto & Franco: quibus addit⁹ est in ipso itinere Alexander Colonienis: Romā enim p̄fiscibatur, sed vidēs opera diuinæ virtutis, & audiens crebrā Patris exhortationē, cōpunct⁹ est & cōuersus. Singulorū nomina ex præscriptione primarū inuenies literarū.

* Melius
Euerardus

CAPVT II.

De miraculis per B. Bernardum factis, Friburgi, Basilea, locisque vicinis.

Hermannus Episcopus. Mihi sacerdos villæ *Heremheim* ob hoc ipsum vocatus, indicauit hominē cæcū iam annis decē, qui de domo sua erat, Dominica prima Aduentus signatū in transitu, vbi domū redijt, statim illuminatū esse. Hoc ab alio prius audierā & in tota regione certissimū est. *Eberhardus*. Ego à duobus honestis viris, quorum alter sacerdos, alter monachus erat, audiui, duos in villa *Lapendeim* ipsa die signatos similiter, similiter illuminatos. *Philippus*. Secunda feria me præsentē cæcus senex adductus est in Ecclesiā, & post man⁹ impositionē, sicut omnes audistis, illuminatum cū populus acclamauit. *Frovvinus Abbas*. Ego hominē illū videntē vidi, & frater Gaufridus mecū. *Franco*. Tertia feria in *Friburg*, puerū cæcū mater obtulit manē in hospitio: dūmq; reportaret eū post manus impositionē, iussit pater inquiri à puero, an videret, & ego ipse secut⁹ sum; & cū interrogasē puerū, clarè se videre respondit: & in multis pbatū est argumentis. *Gaufridus*. Statim ut ingressi sumus Ecclesiā, adolescens claudus per signū vitæ gressum recepit. *Episcopus*. Omnes vidimus eum ante altare cū populus in Dei laudibus acclamarer, *Eberhardus*. Ego illa ipsa die tres alios claudos erectos vidi. *Franco*. Mulierē cæcā, quæ in ingressū Ecclesiæ illuminata est & populo præsentata, omnes vidistis. *Gaufridus*. Et puellā, cujus arida manus restituta est sanitati, de qua inter oblationes cantatū est. *Gerardus*. Ego ipsa die puerum illuminatū vidi. *Otto*. Quarta feria, cum post missarū celebrationē Pater egrederetur Ecclesiā, mulieris manus aridas tetigit, quæ post paululū incolumitatē recepit: cantum omnes audistis: ego & Franco vidimus ipsas manus. *Gaufridus*. Sic & puero, cum egrederetur vicum, manus reddita est corā omnibus nobis. Sed & mulier clauda, quā Patris iussu, dum consequi nos non valeret, reuersus Henricus noster sup equū suum attulerat, nobis videntibus gressum recepit in ipso loco vbi puella clauda ex vtero cōperat ambulare, & simul duæ currebant. *Franco*. In ipso itinere puellæ cuidam manus arida restituta est. Et ego ei baculum Abbatis tradidi & fortiter eum tenebat.

Episcopus. Quid illud omisit, quod prima die in *Friburg* pro diuitibus iussit fieri orationē, ut auferret Deus velamen de cordibus ipsorum, quia pauperib⁹ accedentibus, ipsi crucē suscipere cunctarentur? Neq; enim otiosa fuit oratio: sed, ut scitis, ditissimi quiq; etiā pessimi vici illius signati sunt. *Philippus*. Meministis etiā cæci illi⁹ senis, qui in via signatus est, & quæadmodum sensit Pater sanctus exisse virtutē, non à se quidē, sed à verbo virtutis & signaculo vitæ: remisit enim cum paululum p̄cessissemus, qui inquirerent, an videret, & inventus est videns. *Gaufridus*. Ipse nobis secretò confessus est, & sæpius futura erga eos quos signabat beneficia præsentiret, & de surdis illis mulieribus, quæ eadē illa die, in villa *Crocingen*, per quā transivimus, videntibus nobis auditum receperunt, ad tactū prioris, sicut ex ipsius ore audiui, locutus est Deo, & nullū adhuc surdū hac vice beneficiū sensisse cognouisset, & sine hæsitacione tetigit eas. *Eberhardus*. Ego cum duabus illis etiā adolescētē vidi, qui in ipsa hora fuerat illuminatus. *Episcopus*. *Herzereheim* quarta feria manē, post Missarum solemnia, puellā cui restituta man⁹ est, ego obtuli. *Philippus*. Et ego puerum surdum & mutū ab vtero, quē p̄tinus audistis rectè loquentē, & audientē clarè. *Episcopus*. Ego ipse allocutus sum puerum, vbi signatus est, & libere statim respondit, & omnes audistis populi vocationem. *Gaufridus*. Vnde ei verba, quæ numquā audierat? *Episcopus*. Ab eo qui linguas infantium facit disertas. *Gerardus*. Hoc erat, quod præcedente vespere secretò colloquentibus Pater dixerat. Neminē adhuc mutū in hac vita se vidisse loquentē. Et post paululum, cum soleant, inquit, qui muti sunt à natiuitate, etiā surdi esse, mirum valdè est, an aliquando sic curentur, ut linguā quā penitus antè non nouerant, subitò intelligant, & loquantur. *Philippus*. Puellam claudā, quæ ibidē erecta est, & gressum recepit, & puerum illuminatum omnes vidimus. *Frovvinus Abbas*. infantulum cæcum mater attulerat, & signatus receperat visum: sed illa adhuc nesciebat, donec ego puero pomum obtuli, & extensa manu apprehendit illud. Et ex hoc p̄batus est videre. *Eberhardus*. Cum educeretur Vir sanctus de Ecclesiā: imò deportaretur magis ante ostiū, me præsentē & videntē claudum signauit, & tulit baculos ei⁹, & ille exiliens ambulabat. *Philippus*. Cæcum à natiuitate puerū, cujus dum egrederemur, Pater beat⁹ aperuit oculos, & ego vidi, & popul⁹ mult⁹ qui aderat, & nos fere omnes. Similiter ex media parte corporis paralyticū, cui etiā osculum dedit post signaculū, & statim sanus factus est corā nobis; nā & manū ejus aridā ante curauerat. In villa *Stieng* cæca ab annis quatuor mulier in aquæ transitu illuminata est corā populo, & omnes fere vidimus eā. *Gerardus*. Ego in eadē via puellā vidi, cujus man⁹ arida sanata est, videntib⁹ & acclamantib⁹ multis.

Episcopus. Sexta feria, Basileæ post sermonē habitum & datas, cruce mulier muta oblata est Viro Dñi, cuius cū tetigisset linguā, statim solutum est vinculū oris ejus, & loquebatur rectē. Hanc ego vidi, & ei locutus sum: sed claudum qui antea gressum receperat, de quo sic acclamavit populus, quis vestrum vidit? *Otto.* Omnes vidimus eum. *Ebrehardus.* Ego & milites Dñi mei in ipsa die, id est, sexta feria, puerum vidimus, quē ad hospitium sancti Viti cæcum mater adduxerat, & reducebat videntē. *Gerardus.* Multa eo maximē die facta sunt: quæ præ tumultu scire nequivimus. Audiui enim ipsum dicentē, quod cæcos eo die tetigisset, quos credebatur omninō illuminatōs esse, aut citō illuminandos. *Episcopus.* Sabbato juxta castrū *Rinnels* puer claudus erectus est, & ego cum audivissē vociferationē, (præcedebā enim,) rediij & inveni ambulantē claudū in medio populi exultatis *Ebrehard.* *Secking.* Vespere Sabbathi, dū egredereetur Ecclesiā homo Dei, puer, cuius erant nervi cervicis indurati, & caput erigere aut circūdūtere non valebat, oblatus est: & vbi signatus est, redijt, solutis nervis, & erexit caput, & liberē circūspexit. Serviens meus, qui in ipso hospitio pernoctavit, & puerum vidit, mihi hoc indicavit, cū alijs socijs meis.

Gausfrid. Ipsa est villa, vbi manē die Dominica puero manus restituta est, & alter claudus à natiuitate gressum recepit, & duo claudi, alter vir, & altera mulier, in egressu villæ erecti sunt, & baculis quib⁹ sustentabātur abjectis liberē incedebant, magnificantes Dñum. Nec longē pcesseramus, & ecce mulieris manus inualida signata est, & sanata. Omnes hoc vidimus, & ad singula clamor factus est, & exultatiō magna: hominē etiā mente captum, quē in eadem villa Pater signauerat, & statim quietum ac sanē loquentē & agentem gratias vidimus, & ex hoc sanum pmanisse audiui. Redeuntes juxta eandem villā Sacerdoti locuti sumus, & dixit ex his, de quibus certi erant, ipsa die ibi aut erectos aut illuminatos. Vespere quoq; vt Dux Conradus occurrit, claud⁹ puer corā eo & militib⁹ gressum recepit, videntibus etiā nobis. *Episcopus.* Ibidē contigit, q̄ modō sileo, sed suo loco à vobis velim commemorari. *Ebrehard.* Ipso die in ingressu Ecclesiæ *Domingen*, alterū claudū erectum vidim⁹, & ambulantē. Manē secunda feria, ex vtero claud⁹ in ingressu ejusdem Ecclesiæ, me præsentē & videntē, gressum recepit. Puer quoq; quem in hospitio nostro manē mutum videramus, corā nobis locutus est. Sed & hospita nostra nobis testabatur, neptem suam, quæ quadraginta annis cæca fuerat, à quarto anno ætatis suæ, ipsa die illuminatā. *Gerard.* Ego in hospitio die ipsa puerum cæcum illuminatum vidi, *Philippus.* Et ego adolescentulam cæcam, quæ propē villam illuminata est, quam & ex nostris, & ex populo, multi viderunt.

Gausfridus. Multa eo die vidimus, quorū jā non possumus recordari. Vnum tamen occurrit, ipsa, quam vidi, lætitiæ magnitudine ad memoriā revocante. Dico autem de muliere, quam diu claudam in villa quadam, per quā transivimus, erectam vidimus omnes. *Everardus.* Ego cum militibus dñi mei contuli: & ex his, quæ tam illi viderunt, quā ego ipse, numeravimus triginta sex miracula, quæ facta sunt ipsa die. Cæci vndecim illuminati sūt, claudis decem & octo gressus redditus est, mancis vndecim manus restitutæ, surdus vnus audiuit. Si plus in sūma veniunt, quā 36. inde est, quod prius personas numeraveram, modō signa. Nam erga puellā vnā multa sunt facta: quæ cæca, clauda vtroq; pede, & muta erat, & alteram manum aridam habens. Ad multa etiam alia tantum audivimus populum, qui sequebatur nos: sed quia reverti nequivimus, non vidimus ea.

Philippus. Tertia feria Scafhusen multa amissimus: quia tumult⁹ intolerabilis erat, & omnino abstinere oportuit. Patrem à benedictione infirmorum, aded se populus invicem cōprimebat. *Everar.* Ego ipse ante altare rogabam obnixiūs, ne cui manus imponeret: prorsus ignorans, qua ratione posset educi. *Ph.* In ingressu tamen Ecclesiæ clauda gressum receperat, me præsentē: & populi tantum omnes audistis. Vidimus & alteram claudā, quæ egredientibus nobis de villa supra montem signata est, & confestim solutis nervis liberē ambulavit. *Ever.* Me vidēte in eadem surdus recepit auditum, & mulier gressum, quæ clauda fuerat vtroque pede. Audiui etiam à milite quodam domini mei, qui ab ipsa turba sanctum Dñi defendebat, & præsens erat domini hora, quod aridum brachium cuiusdam sanatum sit, & claudus ambulaverit. *Episcopus.* Feria quarta mane in ingressu Ecclesiæ, me præsentē & videntē, cum populo & fratribus nostris, claudus vtroque pede, & manum habens aridam, ab vtroque incommodo liberatus est: & liberē ābulabat, & movebat manum. *P.* Cæcum puerū, qui ibi illuminatus est, ego vidi.

CAPUT III.

De miraculis Constantiæ, & per viciniam à B. Bernardo editis.

B*aldovivinus Abbas.* Vbi Rhenum transivimus, tantus ille quem audistis (omnes enim in altera parte remanens) populo præoccupante naues, fuit pro erectione claudi cuiusdam pueri, quem ego vidi. *G.* Cæcum senem qui in eodem itinere, dum transiremus villam, lumen recepit, ego vidi, & mulierem claudā longo iam tempore; quæ sub manu benedicientis exiliit: cui sic congratulabantur omnes, qui noverant eā prius: currū enim venerat, & pedibus reuertebatur. *Phil.* Puerum vtroq; brachio impotentem Pater signauerat, cuius dum alterū brachium extendisset, vnus ex militibus alterum dum ei offerre vellet, coram omnibus nobis extendit. *G.* Omnes vidistis, quātum exultavit mulier insolitam lucem mirata, quæ juxta Lacum illuminata est. *Episcopus.* Puerum paralyticum parte media, signatum atq; sanatum milites nostri se vidisse testantur. Filium quoq; similis cuiusdam, cuius erat manus arida, vt videbatur, fere duodennem, cum adduceretur, ego vidi: statim verō cantantes audiui, & inquisivi, quid accidisset. Miles autem quidam respondit sanatam manum filij Dñi sui. *A.* Ego hunc sanatum vidi. *G.* Ego alterum vidi pauperem adolescentulum: cui manus arida restituta est, in villa proxima Constantiæ.

Frovvivinus Abbas. Quæ Constantiæ facta sunt præ tumultu pauci viderunt: ego tamen cæcum illum, qui feria quinta ante altare illuminatus est, vidi. *Abbas Augiensis* adduci præceperat eum, cuius mendicus erat. Puer quoq; de hospitio nostro, quem ego ipse adduci feceram, ipsa die signatus (claudus enim erat) gressum recepit. Sed & pro tribus alijs signis in Ecclesia cātatum est, & campanæ pulsatæ sunt, licet nemo nostrum viderit, quid ageretur. *Gausfr.* Nulla sic ignoravimus, sicut ea quæ Constantiæ facta sunt: quia nemo nostrum se turbis immiscere audebat, & nos hæc quæ vidimus, loqui proposuimus. Ex eis quæ feria sexta facta sunt, nihil vos vidisse arbitror ipsa die. Nam Sabbato manē inter oblationes puerum vidimus cum multa devotione gratias agentem Patti, cuius oratione ipsa feria sexta amissum recepit gressum. Cuius devotionem vir sanctus intuens, ad meipsum conuersus, ait. Non est inuentus, qui rediret, & daret gloriā Deo, nisi puer iste. Prius autem in ipsa oblatione, adolescens sui diu iam duodecim annis, sicut ipse confessus est, sub manu signantis beneficiū sentiens, exclamauerat in gaudiō & exultatione, quod recepisset auditum. Omnes eum vidimus: aliqui etiam ex nostris locuti sunt ei. Sic & mulierē claudam, quæ ibidem gressum recepit, vidimus: & puellā claudam, quæ similiter est erecta. Altera quoq; puella quæ surda erat, ibidem recepit auditum. Hæc, vt scitis, Constantiæ in capella domini Episcopi sunt facta.

Rk ij

Cantus & psalmus campanarum ad miracula S. Bernardi.

P. In Solio, cum iam pararet exire, mulieris manus invalida sanata est: & hanc ego vidi. **B.** Ego adolescenti illi, qui in exitu ciuitatis auditum receperat, locutus sum, cum populus exultans vociferaretur *Philip*. Vespere Sabbati in hospitio apud *Vinterthur* puellam mutam vidistis, cum ea mater adduceret, & quomodo postea redierit loquens, ipsi scitis: de muliere enim interrogata liberè respondit. Nā manè Dominica die prae tumultu omnes exiitis Ecclesiā, nec vidistis quae fiebant, licet clamorē populi vociferantis audieritis. Ego autē vidi puerū mediata patris Ecclesiā, nec vidistis quae fiebant, licet clamorē populi vociferantis audieritis. Ego autē vidi puerū mediata patris corporis paralyticū, cui & brachiū, & manū, & tibiā simul, & pedē, quae omnia inuoluta erant, virtus diuina restituit ad Patris benedictionem. Duabus quoque, claudae alteri quidem pede vno, alteri verò utroque, gressus redditus est: & has praesens vidi. *Alexad.* Ipsa die in via, nobis videntibus, puer claudus gressum, & mulier surda auditum recepit: sed prope Tureguin coram multis qui occurrerant, claudus erectus est. *Gaus.* Turegi secunda feria mane in Ecclesia caeca mulier illuminata est. Hanc ego vidi tunc, cum adduceretur: & cum manus ei imponeretur, praesens adfui, & protinus illuminatam vidimus vniuersi. *Franco.* In eadē Ecclesia puella clauda gressum recepit, & mutus loquelam, praesentibus & videntibus nobis. **P.** Similiter & puella caeca visum. Multa quoque ibidem facta sunt, quae nemo ex nobis videre potuit, praetumultu. *Gerar.* Vbi fluvium Lindemach transuiuius, cui superpositus est vicus ille, infra dimidium milliare duo pueri manci manus, mutus vnus loquelam, surdus vnus auditum, senex caecus visum, corā omnibus receperunt. Hae nos omnia vidimus, & certissime ac diligentissime probavimus, acclamante ad singula multitudine, quae Sanctū Dñi deducebat in laetitia & exultatione, *Phi.* In ipso itinere clauda erecta est: quā in humeris deportatā vbi signavit Pater, deponi iussit & ambulare. Hae erat, cui sic congratulabantur vicinae mulieres, & omnes qui nouerant eā: sed & surdus quidā, ipsa die iuxta viculum, per quē transuiuius, corā nobis recepit auditū. *Ger.* Feria tertia, pfecti manē à viculo cui nomen *Birbovermeisdorff* priusquā fluvium *Rusa* transuiuius, duas mulieres claudas vidimus in itinere erectas. In vtriusque directionē Pater eū eas agitarer, sine vlla hesitatione cognouit. Substitit eam & vtrāque deponi fecit, & liberè ambulabat magnificantes Deū. *Alex.* Ipso die iuxta viculū puer intorto & rigido collo sanatus est corā nobis, & liberè caput mouebat. *Ebre.* Vnū omisit, ego vidi, & populus multus villae, quae dicitur *Frichen*, oēs enim praecedebatis. Ibi Clericus quidā de villa quae dicitur *Seckingen*, obnixius rogauit Sanctū Dñi, dū ingrederetur villā, vt aliquis faceret signū, quia populus durissim⁹ erat: & ecce mulierē claudā ab annis 20 offerebat, quā vbi signauit Pater, iussit deponi, & liberè ambulauit. *Alex.* Mane quarta feria apud castrum *Rinnelt* vbi pernoctaueramus, priusquā intrauit Vir sanctus Ecclesiam, in atrio exteriori intortum eollum pueri sanauit, & puellae manum inuolutam reddidit sospitati. *Gaus.* In Ecclesia post Missae celebrationē puellā ei obrulimus: quae ex utero matris suae caeca vix lucē solis videre poterat, nec aliud discernere. Cuius oculos spūto liniuit Pater beatus, & continuo clarē vidit, & omnia discernere. Ibidē quoque surdus auditum, & caecus quidam visum recepit. *Alex.* Puer etiam alter, cuius nerui ceruicis obdurati & retracti caput circumducere non sinebant, in Ecclesia sanatus in ipsa hora. In via quoque contracta mulier & omnino impotens, quam in ventilabro deportauerant in occursum sancti Viri, vt signata est, exiliit clamitans, & facta est laetitia magna in populo. Sed & prope *Basilea* vir quidam, qui grauitè audiebat, clarum recepit auditum.

Quinta feria ante lucem egressi festinauimus *Ronsle*. In ipso autem itinere surdus quidam recepit auditum, & puer altero oculo caecus, vidit utroque. Nec latuit Patrē, sed cū paululūm pertransisset eos, misit qui lectarentur, & inuentū est ita. *Ebre.* Cum misisset te (inquit ad Alexandrum) vt videres, an puer illuminatus esset, conuersus ad me, qui propius incedebā, ait: *Deum aperuit oculum pueri illius.* Sexta feria in Ecclesia *Ronsle* vbi intrauit, puer allatus est, altero oculo parum, altero nihil videns, & continuo clarē vidit utroque. Omnes vidimus eum. Nam continuo etiā alio signo conclamatum est, & dicebant caecum illuminatum esse, sed videre eum nequimus praetumultu. *Franco.* Puerū quendā claudum, qui post sermonē habitūm ad plebē, erectus est in ipsa Ecclesia, de quo etiā vociferati sunt, ego ambulante vidi in medio populi acclamantis. *Episcopus.* Sabbato in Ecclesia *Berche* post Missarum celebrationē, clericus altero oculo caecus jam per quinquennium, visum recepit. Et ego eum vidi agentem gratias & exultantem. *Otto.* Prius ibidem conualuerat puer intortum habens collum, cuius sub manu Patris, nerui crepuerunt & relaxati sunt, & pueri pater, & puer ipse in credibiliter laetabatur. Omnes audistis cantantē populum: ego puerum vidi. *Ger.* Adolescentem, cuius arida erat manus cum brachio toto, & ibidem curatus est, omnes vidimus. Et puellā, quae Dominica quarta Adventus Argentinae in Ecclesia post Missarum celebrationē erecta est, de qua sic exultabat Pater, sic populus acclamabat. *Phil.* Ipsa die prius quā navem ingrederemur, puer claudus erectus est, & coram populo liberè ambulabat, & qui aderant vociferabantur cum gaudio, sicut omnes audistis. Secunda feria in navi proficiscebamur, & non poterant accedere qui instruebantur: vespere tamen *Bagenbuch* in hospitio mulier clauda gressum recepit. *Gerard.* Ipsa hora qua mulier superuenit, querebamus inuicem nihil nos ea die vidisse, & illa statim sine baculo ambulare coepit gratulabunda & laudans.

CAPVT IV.

B. Bern venit Spirā in vigil. Natiu. Dom. ad Conuentū Imperatoris & Principum. Et de miraculis ibidem patris.

Rex Conradus cruce signatur ad sacram missionem.

Proverb. 21.

Tertia feria vigilia fuit Dominicae Natiuitatis, & navi venimus Spiram: ibi enim diem festum celebrauit Rex Conradus, ibi coronatus est: ibi adfuit Episcoporum Principūque conuentus. Illic Pater sanctus aduenit, inter principes quosdā pacē cupiens reformare; quorum inimicitijs ab exercitu crucis Christi multi detinebantur. Verumtamen non crebra solent in illis conuentibus apparere miracula: nec dignatur Deus, vbi tantus est cōcurfus multitudinis curiosae, reuelare gloriā suā: sed non fuit otiosus Patris adventus, ibi enim factum est (vt ipsius verbis utar) miraculum miraculorum. Siquidem Rex signatus est, praeter spem omnium, qui conuenerant: cucurrit velociter sermo vivus & efficax: verē ibi probatum est, quod *cor Regis in manu Dei est*. Prius enim apud *Frankenauert* Regē secretē conuenerat Vir beatus, admonens, vt ipse salutē p̄prie provideret, in tempore misericordiae vberis. Cui cum respondisset, nullum sibi huius militiae inesse propositum: tacuit Vir mansuetissimus dicens, non esse paruitatis suae importunius instare Regiae maiestati. Sic & Spirae cum in sermone publicē jam secundō Regem sicut prius peregrinationis aduocasset ex nomine, die tertia cū beati Ioannis Festiuitas ageretur, secretē aggr̄esus eum solita mansuetudine, suggerens providendum omnino, ne sic praeteriret eum poenitentia levis, brevis, honorabilis, salutaris, quam ad saluandos peccatores diuina pietas excogitauerat. A quo hoc tandē responsum obtinuit, quod deliberaret secum, & consuleret suos, sequenti die sup hoc responsurus. Exinde intra Missarum solennia beati Patris animum coepit spiritus stimulare diuinus, vt praeter morē nullo rogante diceret, non oportere sine sermone praeterire diem. Quid multa? locutus est, & in fine sermonis Regem, non vt regem, sed vt hominem tota libertate conuenit. Proponebat enim futurum iudicium, hominē ante tribunal Christi astantem, impe-

stantem Christum & dicentem. *O homo, quid debui tibi facere, & non feci?* Ex hoc autem ut merans regni culmen, diuitias, consilia, virilem animum, & corporis robur: his & huiusmodi verbis conuoluit hominem, ut in medio sermone non sine lacrymis exclamaret: *Agnosco prorsus diuina munera gratia, nec deinceps ipso prestante, ingratus inueniar: paratus sum seruire ei; quandoquidem ex parte eius submoneor.* Dixit: & ecce populus rapiens verbum de ore loquentis exclamat in laudem Dei, & resonabat terra in voces eorum. Continuo signatus est Rex, & vexillum ab altari per manum Patris suscepit, quod ipse in exercitu Domini manu propria deportaret. Signatus cum eo nepos ejus Dux Fridericus junior, signati alij Principes, quorum non est numerus. Ipsa autem die juxta capellam, ubi Pater sanctus Missam celebravit, puer claudus me presente gressum recepit.

Ebre. Sabbato mane cum Innocentium festus ageretur dies, exeunti de hospitio Patri sat. & occurrebā, adducens mecum militem, qui signari volebat: & ecce in media turba puerum cæcū intuens, quid vult, inquit, puer iste: Cujus verba tū minus intellexisse, quod Romana lingua loqueretur: adduc, inquit, puerum ad me: scilicet quod est ut imperavit, & cōfestim signatus puer visum recepit. Ego ipse in multis probavi quod clarè videret. *Ger.* Post Missæ celebrationē, in capellā, quæ dormitorio Canonicorum adiacet, inductus Vir Dei, virum signavit vno cæcū oculo, & visum statim recepit; cujus & tæcitas prima, & illuminatio secunda diligentissimè probata est. Sic & surdum, dum ab Ecclesia rediret, impresso crucis signaculo fecit audire: immittens digitos in aures ejus, & hoc vidimus & probavimus. *Episcopus.* Sic & cæcū illū, qui Dominica ante altare illuminatus est, dum graduale cantaretur, quē ego ipse adduxerā. *Ebre.* Multa ibidem facta arbitror, quæ non vidimus; sæpe enim cantantem audivimus populum, & nemo ex nobis irrumperē potuit, ut videret quid ageretur: vnum tamen surdum, qui ibidem recepit auditum, ego vidi, & obtuli eum.

CAPUT V.

De aliquo miraculo Spiritali.

Philippus. Ipso die conventus factus est; ubi manifestè Spiritus adfuit: neque hinc cuiquā dubitare licebit. Convocavit enim Rex omnes principes & milites qui signati erant, simulque residentibus universis, exhortatus est eos Pater sanctus, non humanis sermonibus, sed divinis. Vbi verò egressi fuimus, & Rex ipse cum principibus sancti Dñi deducebat, ne comprimerent eum turbæ, puer claudus oblatus est ei corā Rege. At ille signo crucis edito puerum erigit, & jubet corā omnibus ambulare. Quanta lætitia, quanta exultatione puer deductus sit, quis loquatur? Cōversus autem Pater sanctus ad Regē. *Propter vos,* inquit, *factum est hoc, ut noveritis, quia Deus verè vobiscum est, & acceptum est quod cupistis.* Ipsa hora priusquā egredieremur hospitium, puella erecta est, & cæca mulier illuminata. *Ebre.* Manè secunda feria tū ad Ecclesiā Vir sanctus pficeretur: multitudo languentium impediēbat nos, & omnes præcedere jussimus. Nec mora claudus quidā ante altare erectus est: utrū esset signatus, ignoro. Ambulantē tamen vidi, & ligni pedē in Ecclesia pendentē. *Otto.* In capella Regis, ipso præsentē puer claudus ex utroque gressu recepit. *Ebr.* Eadē die alij duo, claudus alter, & alter curus, erecti, & me præsentē ad majorē Ecclesiā ab universo populo sunt deducti. Nā vociferationē & sonantes cāpanas omnes audistis. Vix redierā domū: & ecce iterū clamor, iterū cōpulsatio. Festinaui ad Ecclesiā, & duos iterū claudos adduxerāt, qui ipsa hora receperant gressū. *Ger.* Vespere dum rediret Pater à curia Regis, multitudo languentium hospitij ianuas obsidebat, quos in ordinē fecimus residere: & singulos tetigit ac sanavit. Ibi puer claudus ex utroque gressum recepit. Alter cæcus vno oculo illuminatus, & vir claudus ab annis decem erectus. Hos ego vidi statim sanatos sub manu benedicientis. Vnus ē fratribus nostris, vñm adhuc surdum, qui auditum recepit, se vidisse testatur, & mulierem gratias referentem, quæ dolore capitis conualluisset. *Ebre.* Feria tertia puer cæcus illuminatus est: quem ego vidi. *Phil.* Item vir quidā in præsentia Regis & Principum, vñus oculi visum recepit. In ipso loco factum est, unde plurimum congratulamur, eo quod præsens esset Dux quidā Græcus, missus à Rege Constantinopolitano. Hic in capella Regis loquebatur Patri nostro, cum mulier cæca oblata est: ubi verò signata est coram eo, statim illuminata est, & homo ille compunctus est plurimum in hoc verbo. Sic & circa vesperam adstante Rege & ipso Duce, & Principibus multis, puer claudus offerebatur. Protinus autem fiducialiter loquens vir fidelis audientibus omnibus ait: *In nomine Jesu Christi tibi præcipio; surge & ambula.* Sonuit vox virtutis, & secuta est virtus, surgensque puer, libere ambulabat: & prius quidem tremantibus membris vel tibijs ibat, sed paulatim sub oculis omnium robōrabatur.

Ger. Anselmus Episcopus Hannenbergensis in fronte & faucibus gravissimè patiebat, ut vix aliquid gustare posset, aut loqui. Hic ergo rogabat beatum virum dicens, quia deberes etiam me curare. Cui jucundè respondens, si eandem, inquit, haberes fidem, quā habent mulierculæ, posset tibi fortè prodesse. At ille. Et si ego (ait) fidem non habeo, saluum me faciat fides tua. Tandem signavit eum Pater & tetigit: & continuo dolor, omnisque tumor abscessit. *Phil.* Visita est curiositas nostra, quia crebra miracula quotidie coruscant. In octavis Natiuit. Mariæ, dum ad Ecclesiā proficisceremur, in clauastro Canonicorum puer claudus gressum recepit, & coram ipso Patre nostro ambulat exultans. *Ger.* Inter Missarum solemniam curvus puer erectus est: & hunc vidi, cum ad altare deduceret mater incolumem, ut offerret pro adepta salute candelam. *Otto.* Post Missarū celebrationem mulier clauda gressum recepit, quam nos vidimus omnes ambulātem. *Ger.* Multa quidem & hac die & sequenti collata beneficia languentibus vidit Rex ipse, vidit curia, vidit vniuersa ciuitas Spirensis, à cujus memoria deleri non potuerunt in æternum. Nostra quidem schedula, ubi hæc annotaueramus, negligentia cuiusdam fratris amissa est, parcat ei Deus. Tria tamen occurrunt memoriæ, nam cetera inuestigare non vacat. Feria quinta pueri duo, quorum utrūque oculi vñus lumen amiserat, in hospitio illuminati sunt, & paralyticus curatus est: quem deportauerāt in grabato. *Phil.* In capella Regis, dum pficeretur reconciliatio, pro qua nominatim venerat Pater beatus, signavit hominem, cujus caput sine intermissione tremebat, sanatus est ipsa hora. Puer etiā claudus ibidem erectus est. *Ger.* Vespere in hospitij duo cæci illuminati sunt coram nobis. Manè sexta feria coram nobis cæcus visum recepit.

Sed eundem est nobis: & qui hæc deportaturus est, nuncius jam festinat. Querimus proinde, quid Dñs Episcopus reservavit. *Episcopus.* Optimè factum est, ut me commoneres: nā mihi fateor prorsus à memoria exciderant. Sagittarius quidā seruiens Ducis Conradi, cum nobis Dux occurrisset, detrahebat verbo crucis, & Sanctū Dñi blasphemabat, dicens quia non plus ille signa facit, quā ego. Vbi ergo ad imponendā manum infirmis Pater substitit, accessit homo, & vidit cui derogaverat, statimque cecidit exanimis, & diu jacuit sine sensu. *Alex.* Ego illi proximus erā, quando cecidit, & equus quidem immobilis stabat. Iniquus autem ille impulsus, subito virtute diuina cecidit retrò. Obstupimus omnes, & advocavimus Patrem, nec prius ille miser surrexit, quā descendens & orans erigeret eum. Sic in seipso cognita virtute, cui prius detrahebat incredulus, sequenti die signatus est ad præceptum Patris nostri, in exercitum Dñi pfecturus. *Episcopus.* Per omnia benedicta miseratio Dñi, qui

Sanat. S.
Bernardus
Episcopus.

Canisano
ri B. Bern
nardi in Ger
maniam.

Eadem aut
similis histo
ria refertur
in Exord.

novissime huic generationi vñ saltē ex antiquis sanctis referuauit, vt tamquā lucerna ardentissima temporis huius tenebras vitæ, doctrina, miraculis cōsecraret. Felices vos, qui sub pennis eius speratis, & satiamini ab vberibus consolationis eius: felix cōgregatio, quæ tanto Patre lætatur; cuius nos miseri seculares tenui saltē notitia gloriamur.

CAPVT VI.

Epistola Monachorum Clara-balsensium & Comitum S. Bern. ad Clericos Eccles. Colonienfis.

Dominis & amicis suis, Clericis Eccles. Colonienfis, salutem dicunt fratres & amici eorum, Everhardus, Gerardus, & Gaufridus, monachi qualescunque, Philippus Leodienfis, Volmarus Constantiensis, & ceteri tyrones spiritualis militiæ, quos Vir sanctus eripuit de mediō Babylonis. Ante omnia decet nos ex ipsis medullis cordium tibi gratias agere, Dñe Deus noster. Multiplicasti enim super nos misericordiam tuam, & magnificasti facere nobiscum, immemor omnium iniquitatum nostrarum, quibus dignē puniendis nec ipsa quidem gehenna sufficeret. Et vnde hoc nobis peccatoribus, vtiq; pessimis omnium, quos tua ordinante patientia, tellus invita cogitur sustinere? Vnde hoc nobis, vt sub tantæ sanctitatis patrocinio respiremus? Q verē inestimabilis cumulus misericordiarum! Incomprehensibilis diuinæ pietatis abyssus! Accumulauit gratiæ suæ munera sup Virum quem elegit, vt ad eum colligat vndiq; desperatissimos peccatores, in quo securius habeant sibi reposita sanctitatem: vos autē Christianissimi, *Vsq; quo grani corde?* Nonne si in Tyro & Sidone factæ essent virtutes, quæ in vobis factæ sunt his diebus, egissent penitentiā in cinere & cilicio? Ad signum vñum aliquando cōuersa legimus de populo, vtiq; dure ceruicis, hominum tria milia, cum in porta templi mendicantē claudum ex ore Petri, clara vox virtutis ambulare fecisset. Quantos ia breui Ciuitas Colonienfis vidit erectos! Et multi quidē de populo, ad q̄ vocabantur conuersi sunt, & oblatam sibi à summo Pont. indulgentiam, & indictam penitentiā, deuotissimē susceperunt.

Sed certē nili abundaverit iustitia vestra plusquam eorum, non intrabitis in regnum cœlorum. Laici de mundo sunt, licet cogitant quæ mundi sunt. Apostolis dictum est: *Vos de mundo non estis, sed ego vos elegi de mundo:* quorum vos hodie occupatis loca, quorum stipendijs vivitis, quorum potestatem tenetis, quorum autoritate polleris, quorum vobis vendicatis honorem, cum quibus (vt pace vestra dixerimus) communia vobis sunt omnia, præter conuersionem & conuersionem, præter opera & voluntatem, præter vitam deniq; & opinionem. Si in terra pasci gregem viderit, quis miratur? Pastorem autem similiter incuruari deorsum, similiter inhiare terrenis, & quæ inferius sunt querere, numquid non ridiculum est, & abusus magna? *At nunc erubescit Sydon,* ait mare. *Publicani & peccatores precedunt vos in regnum Dei.* Desperata est plaga Cleri huius, à planta pedis vsque ad verticem non est in eo sanitas. Ditata est Ecclesia terrenis possessionibus, sed virtutibus spoliata. Neque enim longa eis esse potuit cohabitatio, ex quo pauper factus ppter nos Rex gloriæ, ita paupertatem elegit, vt diceret, *Nisi quis renūciauerit omnibus quæ possidet, non potest meus esse discipulus.* Heu! heu! vidimus venenum additum Eccles. sicut dictum est Ludouico, quem nominatis Plum, qui præcipue ditauit Ecclesias. Legimus enim in historia eius, q̄ audierit vocem dicentem sibi *Venenum Ecclesia addidisti.* An fortē vobis videtur absolum, venenum interpretari diuitias? Christus etiam in Evangelio spiritus vocat: & Apostolus, eas laqueum definit esse diaboli. *Quicumq; inquit, diuites volum fieri in hoc seculo, incidunt in tentationem & laqueum diaboli.* Evadant ergo, qui volunt fieri pauperes, & secum decantent, quia, *Laqueus contritus est, & nos liberati sumus.* Agnoscite vocem iucundam, qui laqueum hunc transiistis, (fratres vestros loquimur, qui adhuc inter vos solo tantum corpore detinentur.) Neque enim otiosus fuit, videlicet ad clerū, sermo Dñi, vt magis inexcusabiles sint, qui adhuc in pditione persistunt: imò facilius trahat ceteros funiculus triplex, qui difficile rumpitur, cum verbo & signis, etiam proximorum decedat exemplum. Protrahunt epistolam, vt videtis, vbertas materiæ, & desiderium feruens, quo vos omnes habere cupimus socios in visceribus Iesu Christi. Verumtamen superledendum est nobis, præsertim q̄ copiosius hæc & efficacius ab ipso Patre nostro annuntiata sunt vobis, Dño cooperante, & sermone confirmante sequentibus signis.

Multi ex vobis curiosè legerunt exemplar libelli, q̄ ad illustrem Henricū, Regium spiritum magis quam sanguine, intus, de signis quæ vidimus à prima Dñica Aduentus vsq; ad discessum nostrum à curia, quæ nup Spira habitata est. Multi adhuc petunt, vt quæ facta sunt apud vos, non negligamus adungere: q̄ hæc vobis dulcius sapiant, quæ præsentibus ipsi vidistis. Quod triplex nobis consideratio pualit: vt novi fratres, dum sæcularibus adhuc terminandis negotijs detinentur, in lectione hac recalescant: & ceteri cogitent, quale sit q̄ amittunt, qui tanto Patri, (quem pfecto vbi Deus sustulerit, multi lacrymabiliter plangent, q̄ cum dissimulauerint, dum vocaret) animas suas committere, aut illecti voluptatibus nolunt; aut trepidant cordis pusillanimitate retracti. Sed & habeat (vt dignum est) nobilis Ecclesia Colonienfis memoriale sempiternum eorum rerum, quarum præsentia meruit exaltari. Non quidem vt nostrum hoc scriptum referuandum sit: sed vt luculentius hæc & diguius scribant, qui scientiam habent, & possunt diligentiam adhibere. Nec dubitamus multo plura, & apud vos, & in itinere, miracula claruisse, quàm tunc potuerimus nosse, aut possumus nunc recordari. Sed certissima tantum & pbatissima scripsimus: ea quoque addere proposuimus, quæ singulis adhuc diebus per fidelem seruum & deuotum famulum virtus Omnipotentis mirabiliter operatur. Sed & pauca ex his quæ vidimus, à Spira vsque ad Coloniam, huic annotationi præmittenda credidimus, vt prior narrationi ista cohæreant. Nonnulla quoque ex his, quæ præsentibus viderunt venerabiles Abbates Theodericus Campensis, & Hervvinus Steinfeldensis, sicut ab eis accepimus, sub eorum nominibus sunt scripta.

CAPVT VII.

De miraculis à Spira Coloniam vsque per beatum Bernardum editis.

Iam quia reuerendus Episcopus Constantiensis abest, locum eius Clericus ipse, noster iam frater VVolkmarus, suppleat in hac relatione, & primus ipse loquatur. *VVolkmarus.* Vtinam inter nomina electorum nomen meum jubeat Deus adscribi. Vtinam in libro vitæ vel vltimum inveniatur, ipsius oratione & meritis, in cuius laude præsentis, primum id fieri vestræ placuit sanctitati. Sexta igitur feria, sicut prioris libri finis declarat, soluta est Curia Spira, & nos VVormaciam festinauimus, vbi Pater sanctus, licet obnixius rogaretur, morā facere noluit, dicens, *quia oportet me & alijs ciuitatibus euangelizare.* Transferat enim per VVormaciā ante duos menses, & sermone habito innumerabilem ibi signauerat populum signaculo militiæ Christianæ. Prius tamen quàm egredieremur die sabbati, infirmos terigit, qui conuenerunt, vbi inter manus meas surdi duo, quos offerebam, astante populo & acclamante, auditum sibi redditum ferebantur cum multa exultatione. *Phil.* In itinere puer claudus erectus est: quem omnes verē vidistis. *Ganf.* Secunda feria: die festo Epiphaniæ apud Castrum *Gruzenache* regrediens ab Ecclesia Pater beatus, primum terigit & erexit, quem sex annis penitus claudum fuisse, parentes iui & alij phises

Theodericus
secundus
Abbas Campensis.

de populo circumstante, qui eum nouerant, testabantur. Hunc nos ipsi statim vidimus ambulantes. dum ad Ecclesiam deduceretur, in laudem Dei acclamantibus vniuersis. *Volkem*. Tertia feria *Pitthenbach* (Sic enim nominatur viculum, vbi pernoctauimus) die Apparitionis mane tria apparuerunt miracula, quæ præsens vidi oculis meis. Siquidem in ingressu Ecclesiæ furdus oblatu est: à quo statim vir Dñi sacratis digitis suis surditatem repulit, & immisit auditum. In ingressu quoque gressum puella altero pede clauda recepit. Necdum exierat villam Pater beatus, & ecce offerunt ei paralyticum in grabato; qui audita fama virtutum eius, à vico magno, qui supra Rhenum situs est & nominatur *Bobardus*, plastro sese fecerat deportari. Et hunc quoque signauit, tetigit, & erexit; & ad propria misit incolumem. *Gansfr.* In parochia Treuirensi situs est famosissimus vicus, vbi Rhenus & Mosella confluunt, vnde & Confluentia nominatur. Ibi multa coram omni populo ostensa sunt signa, quæ nostram notitiam aut memoriam effugerunt. Claudum tamen puerum, qui in Ecclesia sancti Florini post Missarum celebrationem erectus est, meminisse me vidisse. Sed & cæcum ibidem illuminatum asserit Fredericus noster: qui ab eodem vico secutus est sanctum Dñi vna cum Adolpho optimo adolescente. Hic ignorantibus propinquis & amicis nobiscum transiit Mosellam, indutus tantum superpelliceo, sicut venerat ab Ecclesia sancti Castoris, in qua canonicus erat. Reliquit alter Ioseph pallium cum adulteris, fugitque Egyptios & effugit. In eodem itinere cum paululum processissemus, claudus quidam notissimus in terra illa equo advehebatur. Huius ita nervus femoris aruerat, ut replicato genu, quantum mensura est palmi vnus, tibia illa breuior altera videretur. Signauit autem eum Vir sanctus, & nihil hæsitans de virtutis effectu, deponi iussit & ambulare: sed non fuit, qui obediret; forte quia minus sperauerunt id, qui astabant; aut quia minus intellexerunt verbum. Siluit ergo Pater, sed non siluit vox virtutis: subito siquidem exclamauit homo, laxari sentiens nervum, & extendi genu super equum quo vehebatur. Statim verò depositus liberè ambulabat, magnificans Deum; & tota illa die suum secutus est curatorem. Alter quoque, cuius similiter femoris nervus aruerat, ut vix summis digitis pedis vnus terram tangeret, sanatus est in via eadem, ita ut liberè talum deponeret, & sine baculo graderetur. *Volkem*. Feria quinta apud viculum *Riegemach*, mane priusquam egrederemur, me præsentem puer quidam gressum recepit, qui sex annis claudus exierat; sicut ab ipsis parentibus ejus accepi. Ibidem etiam mulier surda audiuit, & vir cæcus illuminatus est, cui vnus tantum oculus erat, & hic quoque ad nihilum valens. *Gansfr.* Memor sit in æternum dici huius ciuitas Colonienſis, qua suscipere meruit hominem sanctum, quem semper optauerat. Quia tamen insperatus aduenit, minor eo die fuit frequentia populorum. Sic nimirum gloriæ calcator humanæ, solemnes semper exceptiones, quoad in se est, fugere consuevit, & elegit magis occultè ingredi ciuitates. Raro tamen id potest, quia sequitur major gloria repellentē. Mane sexta feria, priusquam ingrederemur Ecclesiam, in hospitio nostro mulier cæca oculo vno ab annis decem ad tactum beatæ manus coram nobis visum recepit. Hæc in Ecclesia statim præsentata est Clero; & diu jacuit ante altare gratias agens Deo. Interea puer quoque cæcus in ipso hospitio est illuminatus. Ex hoc ingressu Ecclesiæ Pater sanctus, ad altare beatæ Mariæ, quod in Orientali parte locatum est, Missam celebravit: vbi verò completum, coram omni populo puella cæca illuminata est: & matrona diues & nota in ciuitate, cuius crura arida ab annis tribus extendi penitus non valebant, resolutis nervis, ad signum vitæ sine dilatione stetit erecta. In pulpito quoque, dum sermonem habiturus ad populum ascendisset, cæcus senex visum recepit. Multa quidem & alia signa facta sunt in ipsa die, & sæpius acclamabant: sed nemo nostrum inquirendi exitit curiosus. Sabbato quoque multa in hospitio vidimus, & cognouimus ea; sed quia annotare negleximus, superueniente multitudine cæterorum, nobis jam penitus exciderunt: verba tamen quæ ad Clerum habuit (neque enim exire voluit ad populum ea die) & quomodo formam hanc Clericorum, imò vitam prorsus, informem omnibus diuinarum testimonijs Scripturarum probauerit esse contrariam, non omnibus eis arbitror excidisse. *Vos*, inquit, Propheta notabat, cum diceret: *in laboribus hominum non sunt, & cum hominibus non flagellabuntur, ideo tenuit eos superbia.* Et Isaias eodem spiritu, imò Deus per Isaiam. *Miseremur*, inquit, *impio, & non discet facere, iustitiam, in terra Sanctorum iniqua gessit, & non videbis gloriam Domini.* Et expressius ac nominatim in alio Propheta. *Principes populi mei, inquit, eicientur de domibus deliciarum, propter pessimas voluntates suas, & cleri eorum non proderunt eis.* Sed hæc aliam ad narrationis ordinem reuertamur.

*Psalm. 72.
Isaia 26.*

*Iere. 12. v. 13
apud 70.*

CAPVT VIII.

De varijs miraculis Colonia Agrippina factis.

Dominica, priusquam Missa celebraretur, cæcus quidam per signaculum lucis & vitæ illuminatus, & adductus est ad altare: ea siquidem die ad promissum sermonem conuenerat populus inestimabilis, quantum nemo clericorum sese aliquando in Ecclesia illa vidisse dicebat. Celebravit autem Missam Pater sanctus ad altare B. Petri, quod in occidentali parte positum est, & obtinet in Ecclesia principatum. Ibi post Missæ celebrationem innumera coram omnibus miracula contigerunt. Honorata mulier & notissima in ciuitate, quæ per quinquennium vno oculo cæca, multa sese in Medicos fatebatur inutiliter expēdisse, sub manu signantis visum recepit. Altera quoque similiter illuminata est. *Abbas Campensis*. De multis, quæ ibidem vidi, duo tantum occurrunt memoriæ. Dico autem de puella surda & muta, quæ confectum audiuit & locuta est: & de iuvene clauda, quem ad serui sui orationem diuina virtus erexit. *Herm. Abbas Steinn.* In platea vbi sermonem habuit vir beatus, eò quod Ecclesia populum capere non sustineret, nobis astantibus cæcus quidam visum, & mancus aridæ manû simul & brachij adeptus est sanitatem. *Abbas Camp.* Vbi finito sermone domum regressi sumus, ex quo januam intrauit exteriorem, priusquam hospitij limen attingeret, me presente curvum erexit puerum: mulieri insanæ reddidit mentem: claudum ambulare fecit: & cæcam vno oculo matronam Pater beatus illuminauit. *Ger.* Hæc fuit, de qua sic mirabatur vnus de fratribus nostris, quod & diuiti beneficium tam facile præstaretur: & verè digna fuit omni admiratione celeritas. Prius enim quàm signata videretur, illuminatam se esse clamauit. *Ebre.* Ex quo pransi sumus, numquid nobis illa die miracula defuerunt. Et hæc quidem certius nouimus, & diligenter probauimus ea. Stabat enim vir sanctus in fenestra, & per scalam offerebatur infirmi: siquidē ostium domus aperire nullus audebat, tantus erat impetus & tumultus. Ibi quoque filia diuitis cuiusdam viri notissimi in ciuitate auditum recepit, quæ ex multis annis prorsus amiserat: hanc in Claustro quodam parentes ante locauerant: sed remiserant eam sanctimoniales, eò quod penitus amisisset auditum. Diu quoque sic manserat nihil audiens, donec ad tactum sacratæ manus Deus aperuit aures ejus. Post paululum quoque cōtracta mulier erecta est, & ambulabat. *Gerard.* Puerum curvum, qui erectus est ipsa die, & cæcos multos qui illuminati sunt, omnes vidistis. *VVol.* Ego ex ijs quos vidi, & quorum memini, numeravi quinque: quosdam vno oculo cæcos, quosdam utroque. *Abbas Camp.* Circavesperā illuminata est mulier, quæ

post manus impositionem duabus aut tribus horis residebat cæca. Tandem abire volēs, nec habēs à quo deducere-
retur, palpabat miserabiliter ad parietem cum fletu & ejulatu. Omnes miserabamur eam, sed statim congratulati
sumus. Acclamauit enim subito, quia videret, & festinantes ad eam multis hoc probauimus argumentis.

Ger. Dum hæc intus agerentur, ego foris adstabam, nec vllatenus poteram introire: ab hora nona vique ad ves-
peram sic perinansi cum quibusdam fratribus nostris, nec accedere quidem valens ad ostium, vel ad scalam: tantā
erat vndeque multitudo. Vix tandem nocte secedentibus turbis ingressus, vidi confestim hominem surdum, qui
recepit auditum. Vbi cenauimus, quia languentium conuenerat multitudo, rogauimus Patrem, vt ad signādos
eos egrederetur. Protinus autem duabus puellis surdis & mutis, ad tactum sacratæ manus, corā nobis Deus au-
ditum reddidit & loquelam. *Ebr.* Ibidem puer quidam & matrona de ciuitate ipsa, ambo claudi, ambo erecti
sunt. *Phil.* Secunda feria summo mane vir surdus auditus, & cæca puella visum recepit. Post paululum quoque
mulier cæca illuminata est: & tantus ibi tumultus factus est, & concursus, vt vix in hospitium potuerit retrahi. Vir
beatus: & nescio, an fuerit ibi maius miraculum, quàm quod euaserit incolumis. *Ger.* Circa horam tertiam exi-

* *Fortè* ex-
pectabat. *turū* Virum Dei exoptabat languentium multitudo: eò importunius instantes, quò modicum iam tempus vide-
rentur habere. Egressus igitur in plateam, signauit ex ordine residentes: & sub oculis omnium ipsa hora quatuor-
decim sunt sanati: claudi septem, surdi quinque, puer mancus, & mulier cæca, optatum quique beneficium

Christe, mi- perciperunt. Ad singula populus acclamabat, & in laudes Dei voces tonabant per nubila. *Christ vns genade, Ky-*
serere nobis rie leison, die Heshigewalle helften vns. Porro Archiepiscopus ciuitatis in ipso residebat hospitio, & coram eo quoque
Kirie-eley- Pater sanctus, ubi egressus est, puerum cæcum illuminauit. *Abbas Campensis:* Ex hoc iam turba erat intolerabilis,
son. Sancti vt nemini prorsus egredi domum, ingredive liceret. Consiliū ergo fuit, vt in domum Archiepiscopi deducere-
omnis adju- tur, liberius exinde profecturus. Ibi verò nobilis puer, filius sororis aduocati Coloniensis, ex longo iam surdus &
uent nos. mutus, coram nobis per manus impositionem recepit auditum patiter & loquelam. Ibidem quoque cæcus quidā
visum, & alter, cuius erat crux aridum & inutile, adeptus est sanitatē. Sed & puella quædā, cuius adhæserat lin-
guæ faucibus, & vix poterat loqui, curata est ipsa hora, soluto vinculo oris. Horum omnium testes sumus, testis
ciuitas Coloniensis: neque in angulo facta sunt hæc, sed in publico: vt ab omnibus Deus glorificetur, qui in sanctis
suis gloriosus est. Siquis fortè aut incredulus aut curiosus exiterit, multa ex his facile ei probare licebit: præter-
tū quæ in personis facta sunt non infimis, nec ignotis.

CAPVT IX.

De miraculis in itinere, Coloniā Leodium vsque, id est, Iuliaci, Aquisgrani, Traiecti, factis.

Vix tandem egressi Coloniā venimus *Bruneville*, quod est monasterium duobus à ciuitate millibus distans. In
via quoque præsertim populo Coloniensi, qui deuotione debita sanctum psequabatur, surdi duo oblatis sunt,
quorum Deus aperuit aures, cum iniecit Pater beatus digitos, & ore sacro inspirasset auditum. *Ebr.* Tertia
feria, mane in Ecclesia beati Nicolai, (in ipsius siquidem honore dedicatum est monasterium *Bruneville*, quod
Nigrum interpretatur,) coram altari puer cæcus illuminatus est, quem offerebat Dñs Abbas Campensis. Vix ad-
huc exultantis populi siluerat vociferatio, & ecce surdus & mutus audita donatus est, & loquela: *Volkem.* Al-
ter etiam surdus adstantibus nobis recepit auditum *Abbas Campensis.* Primum quod in via ipso die vidimus miraculū,
aridi cuiusdam brachij & manus restitutio fuit. *Ger.* Crebra vidimus in ipso die miracula: plena siquidem erat po-
pulis, & campus omnis nobis ciuitas erat. Secundum, nisi fallor, miraculum fuit cæcus vno oculo, qui confestim
illuminatus est: in ipso autē loco contigit, vnde magis constupimus vniuersi: obrulit enim mulier filiā jam adul-
tam, quam ex vtero surdam & mutā esse dicebat, & id ipsum multi ex circumstantibus, qui eā nouerant, testaban-
tur. Hæc autem per manus impositionem curata est ipsa hora, & audiuit, & locuta est liberè corā nobis. Nec lon-
gius adhuc processeramus, quando vir suædus recepit auditum. *Ger.* Vique ad hæc miracula ego turbas præcede-
bam: audiens autem tam crebros populi cantus, substiti, & quæ deinceps facta sunt in itinere diligentissimè pro-
bavi. Surda & cæca mulier audiuit: surdi tres audierunt, clauda vna ambulauit: illuminati sunt quinque cæci: alij
quidē vno oculo, alij verò vtroque: & vnius quidem pueri, qui omnino cæcus erat, illuminationem certi sumus Pa-
trem sanctum in spiritu cognouisse. Substitit enim & ad eum conuersus, inquiri fecit vtrum videret.

Abbas Campensis. Sic & cæco alio fecerat prius, & meipsum, cum pertransissem, remisera ad inquirendum: cū-
que redirem & illuminatum eum nunciasset: *ego senseram*, inquit. Vespera venimus *Iuliacum*, quod à Iulio Cæ-
sare castrum adificatum, & ejus nomine est insignitum: ingressus autem Ecclesiam Pater beatus, & intuitus ma-
liorem claudam iacentem coram altari, nouo quodam fauore spiritus, ita vt omnes miraremur, apprehendit ma-
num eius, & eleuauit eam, quanta fide, tanta etiam facilitate. Sic & in atrio Ecclesiæ, cum ingrederetur, coram no-
bis & omni populo cæcum illuminauit. *Ger.* Mane in Ecclesia post Missæ celebrationem cæcus puer visum rece-
pit, & vir surdus auditum. Honorata quædam mulier neptis Comitum Iuliaci ab annis quinque altero oculo ni-
hil, altero tam parum videns, vt vix posset sine duce tenere viam, ubi sanata est, clarè vidit vtroque. Aduocatus
etiam castri illius viginti annis vixerat cæcus, & illuminatus est ipse die. Multa quidem & alia facta sunt, sæpiusque
clamabat populus suum illud, *Christ vns genade*, & in castris & in itinere, sed nobis è plurimis pauca sufficiunt. *Ebr.*
In via, quorum ego memini, surdus puer auditum recepit, mulier cæca visum, altera quoque clauda gressum corā
omnibus est nobis. Est autem *Aquisgrannum* sedes, celeberrimus & amantissimus locus, voluptati corporum ac-
commodatior, quàm animarum salutis. Siquidem prosperitas stultorum occidit illos, & vix domui indisciplinatæ.

Prover. 1.

Non ad destructionem loquor, sed vtinam legat qui corrigat: vtinam & aliquis ipsorum recogitet & conuertatur,
& viuat. Illic ergo in Capella regis ad altare beatæ Mariæ feria quinta puella cæca visum recepit: ego ipse Patri
astabam, sed tantus illico tumultus, vt secedere oporteret. *Philip.* Claudus quidam senex ibidem erectus est, cu-
jus baculos in ipsa statim Ecclesia ad testimonium suspenderunt: hunc ego ipse diu repuleram, ad quid vellent acce-
dere, aut quid expeteret, ignorās. *Ebr.* Mulieres duæ, quarū manus omnino aruerant, ibidē sanatæ sunt ipsa hora.
Abbas Campensis. Alterius quidem manum Pater sanctus sua extendit manu, sed altera sanata est velut in simbria
vestimenti. Strabar enim post tergum ejus, & conquebatur, quod ad manum accedere non valeret. Cui ego, Ap-
plica, inquam, vestimento eius manum, si fortè palpare possis. Fecit, vt ei consului, subitoque cæpit tenere cu-
cullam, & dum traheret eam, digiti extendebantur, & sanata est statim. *Ger.* Nusquam in itinere illo sic compre-
hensus est Pater, vt in Capella illa, quia locus angustus erat, & turba impellebat turbam, sicut vnda soler vndam
præcipitare. Præter hoc multa ex his, quæ facta sunt, ignoramus. Gerardus noster, tunc Canonicus ipsius Eccle-
siæ, qui eadem die præbendam seculumque patiter reliquit, illuminatos ibidem asserit cæcos quinque. *Volkem.*

Trajectum

Traiectum vocatur locus, vbi quondam sedes Leodiensis erat, à beatissimo confessore Seruatio à Tongrensi ciuitate translata. Illic feria quarta pernoctauimus in Ecclesia beatæ Mariæ. Manè verdè feria quinta post Missæ celebrationem, in eminentem locum Patrem deduximus, vt sine oppressione sanaret infirmos. Ego illi proximus erā, & quæ fiebant noui plenius, & diligentius vniuersa probaui. Ibi cæci illuminati sunt quinque, visurdus audiuit, & mutus locutus est. Item surdus alter auditum, & manci manuum incolumitatem receperunt. *Gera.* Ipso die in hospitio surdus & mutus puer oblatus est: cumque signaret eum Pater sanctus; honestus quidam iuuenis, Conradus Colonienſis Canonicus abrenunciāns sæculo, sese reddebat in manus eius. Eleuauit se, vt suscipere eum, & continuò puer locutus, est & audiuit. Populus autem præstolabatur foris: & ecce puer audiens & loquens parentibus redditur, & sequitur exultatio copiosa. Notus enim erat in ciuitate puer: & hoc famosissimum fuit in populo. Nec mora etiam clauda mulier gressum recepit, tres quoque cæci illuminati sunt, & singuli quique deducti in populum cum lætitia & exultatione. *Phil.* Cum egrederetur Vir sanctus Traiectum, causa extitit, vt ad Ecclesiam beati Seruatij declinaret, pro negotio fratris Norberti, qui Canonicus erat eiusdem Ecclesiæ: sed is cōtinuò & præbendæ abrenunciavit & sæculo. In ipso autē itinere puer claudus erectus est coram nobis. In Ecclesia quoque beati Seruatij offerentes claudum hominem Patri nostro, rogabant, vt ei manum imponeret. At ille: *Nescio*, inquit, *si displicebit beato Seruatio, si id in domo eius præsumimus.* Acclamantibus omnibus & dicentibus, Domine non displicebit: *In nomine*, inquit, *Domini nostri Iesu Christi, & beati Seruatij, surge & sta super pedes nostros.* Surrexit igitur sine mora & cunctatione, & facta est lætitia magna in populo. Heri facta sunt hæc apud Traiectum. Hodie Leodij Clerus conuenerat vniuersus, qui in Ciuitate illa copiosissimus est, & in Camera Episcopi Patrem præstolabantur, vt sermonem haberet ad eos: & ecce præuenit eos Dominus sermone virtutis, & claudus quidam Clericus, ab tenibus deorsum sic dissolutus, vt omnino non posset stare super pedes suos, oblatus est Viro Dei. At illi debilia membra signans & attrahens: *Ambula*, inquit, *in nomine Iesu Christi.* Protinus autem confortatus, ambulare cœpit. Et egressus est sermo in clerum, & exclamauerunt, *Tua sunt hæc Christo opera, qui sanctos tuos ita glorificas.* Ipsi gloria & imperium nunc, & in omnia sæcula sæculorum. Amen.

CAPVT X.

Epistola Gaufridi Monachi Clara-vall. ad Hermannum Episcop. Constantiensem.

Domino dilectissimo, & Reuerendissimo Patri, Hermannō Dei gratiā Constantiensi Episcopo, puer sanctitatis ejus *Gaufridus Clara-vallis Monachus* qualiscumque, in orationibus suis filiorum meminisse suorum. Hæc quidem miracula, quæ à Spira vsque Leodium facta vidimus & cognovimus, ad Clerum Colonienſem eo descriptissimum modo, quo priora fuerant antè descripta, vt ad instar collationis, vicissim ea, quibus adfuiſimus, singuli loqueremur. Quia ergo libelli illius exemplar, vestram (Pater beatissime) diligentiam effugere non poterit, vt confido; reliqua describere & sanctitati vestræ dirigere non neglexi. Multa quidem nos & ex prioribus ignorasse, certissimum est. Nemo quippe in transcurso prosequi poterit vniuersa. Maxime tamen nocuit, vbi Teutonicorū exiuiſimus regionem, & cessauerat vestrū illud, *Christus vns genade*: & non erat, qui vociferaretur. Nequidem secundum vestrates, propria habet Cantica populus Romanæ linguæ, quibus ad singula quæq; miracula referrent gratias Deo. Multa proinde recta silentio ad nostram nō peruenire notitiam: licet ex his quoq; quæ certissime noui, omiserim non pauca scienter: veritus equidē, ne forrē quālibet curioso pateret copia tanta fastidiū. Illud sanè nō tā vobis loquor, de cuius credulitate non dubito, quā cæteris, in quorum manus hæc poterunt deuenire. Nil me scripsisse, nisi & aut vidi oculis meis, aut fratrum nostrorum, qui præſentes fuerant, certissima relatione cognoui.

CAPVT XI.

De miraculis Leodij, Gemblaci, Villarij, Montibus, Valencenis, &c. factis.

Igitur Dominica post octauas Epiphaniæ, & secunda feria Leodij mansimus, dum Philippus noster ea, quibus tenebatur implicitus, secularia negotia consummaret. Factū est autem Dominica die cum ad altare beatæ Mariæ in maiori Ecclesia Pater sanctus Missarum solemniter celebrasset corā vniuerso populo, puer oblatus est, quem ex vtero claudum esse dicebant: vbi verdè signauit tibiās eius, & renes tetigit, apprehendens manum ipsius erexit eum protinus, & deduxit. Conclamatum est statim à Clero, *Te Deum laudamus*: sed mugitus ætuum & singultus vociferationem laudis euicit. Dabat pro cantu lachrymas plebs ignara canendi. Duas quoque aridas manus ibidem tetigit & curauit, vt sensum pariter motumque reciperet. Necdum ab altari dimotus, senem cæcum per signum Crucis illuminauit: & iterum claudum ambulare fecit in facie totius Ecclesiæ, quæ conuenerat. Feria secunda in domo Episcopi manè, post Missarum celebrationem, cæcus vno oculo iuuenis ad tactum sacræ manus illuminatus est, & sub manu signantis exiijt clamitans, quia visum recepi. Nec mora afferebatur alter vtroq; oculo cæcus, & hic quoque ibidem illuminatus est ipsa hora. Aderat autem Episcopus Ciuitatis, explorator diligens omnium quæ fecerat. Audiens igitur adolescentem illuminatum se esse gratulabundis vocibus acclamantem, vt probaret, an verum esset, de multis interrogabat eum, & incunctatè ille ad singula respondebat. Ipsa die circa horā sextam exijt Pater sanctus, vt signaret ægrōtos: & ibi statim claudus quidā gressum recepit. Audientes autē, quia semel exiisset ad infirmos, in spatiosiore domo, multo plures prioribus præuenerunt. Post horam igitur nonā egressus ad eos, signauit ex ordine residentes. Et continuò ex his, de quibus certi sumus, illuminati sunt cæci quinque, & claudi tres receperunt gressum, dignè admirantibus vniuersis. Vespere quoq; in Capella Episcopi surdus quidam recepit auditū. Tertia feria prius quàm egrederemur, tres in ipsa Episcopi domo claudi erecti sunt, mulieres duæ, & puer vnus. Multa quidem & alia signa Leodij & in itinere facta sunt: sed è multis pauca sufficiant. Feria quarta profecti ab oppido cui nomen *Huy*, festinauimus ad monasterium quod *Gembolium* vocant. In ipso autem itinere senex cæcus vno oculo, & adolescens eodem laborans incommodo, ambo simul illuminati sunt. Feria quinta manè in monasterio prædicto Gembolio, puer claudus oblatus est Viro Dei, & confestim signatus ab eo gressum recepit, & coram omnibus ambulabat. Post paululum quoque in ingressu eiusdem vici, puer alter podibus manibusque contractus, sub oculis omnium, vtrorūque membrorum adeptus est sanitatem. Nec longè processerat, & ecce puer mutus ex vtero offerebatur in via: & hunc quoq; signauit & sanauit, statimque solutum est vinculum oris ejus, & loquebatur rectè. In ipso itinere oblatus sunt surdi duo, & qui mutum fecerat loqui, surdos fecit etiam audire. Novum in partibus illis edificatur monasteriū, cui *Villars* nomen est, & ante paucos menses illuc Pater sanctus congregationem miserat monachorum. Voluit ergo plantationem novellam, vel in transitu visitare, & peregrinantes filios consolari. Factum est autem, cum monasterio appropinquare cœperat, claudam mulierem tetigit, signauit, erexit, & præcepit liberè ambulare. Duabus quoque claudis in ipso loco gressum, &

iuveni euidam amissum vnus oculi visum reddidit coram fratribus ipsis, & alijs plurimis qui conuenerant,

Exinde festinabat ad oppidum, cui *Fontana* nomen est, vbi Philippus noster apud propinquos suos eum rogauerat hospitari. In eodem verò itinere offerebant ei cæcum à natiuitate puerum, qui nec ipsas quidem poterat aperire palpebras o. ulorum. Desperarant omnes, etiam qui plurimam viderant maximamque miracula. At ille nihil cunctatus manum imposuit puero, factaq; oratione brevissima (vt solebat) digitis suis palpebras ejus aperuit & sciscitatus est, an videret. Cui puer. *Video*, inquit, *Domine, video vos; & omnes homines video capillatos*. Plaudensque & vehementer exultans, agebat. *Deus, Deus, ultra non offendam ad lapidem pedes meos*. Feria sexta Fontanis priusquam egrederemur; puellæ contracta & arida manus sanata est & extensa. In via quoque juxta vicum quendam, puer claudus gressum recepit. Ex hoc accessimus ad castrum, quod nominant *Bins*, vnde tanta occurrit hominum multitudo, vt totam camporum planitiem populus operiret. Illic puerum claudum humeris afferebant, quem Vir Dñi signans deponi iussit, vt ambularet. Vix potuit nouis gressibus via parari, tantus erat cōcursus, tantusque tumultus: depositus tamen ambulare cœpit in medio populi, & deducentes eum in liberum campum plurimi secesserunt: aderat enim mater, aderat propinqui ejus, & multi qui nouerant eum, ipsa sua exultatione fidem miraculo facientes. Interim sanè dum secessisset cum puero pars non modica populi, geminata lætitia est, & alter quoque puer similiter claudus similiter gressum recepit. Tertius in eadem planitie claudus vir erectus est, & coram omnibus ambulabat, & currebat gratulabundus & laudans. Prope idem castrum cæcus vnus illuminatus est, & surdi duo receperunt auditum ipso loco, vbi substiterat, vt populo benediceret & dimitteret eos. *Mons* vocatur castrum primum in provincia Haynonensium, vbi sexta feria pernoctauimus. Illic manè sabbato priusquam proficisceremur, senex quidam de proxima villa multis eorū, qui aderant, & Philippo nostro non incognitus, quod à multis jam annis amiserat oculorum lumen, recepit. Sed & puer quidam scholaris cæcus altero oculo illuminatus tanta celeritate, vt non prius amoueret Pater beatus manum, quam puer clamaret, *Video Domine*, stupentibus vniuersis.

Hæc in hospitio facta sunt coram venerabili Episcopo Cameracensi Nicolao, & Clericis ejus etiam, & multis religiosis viris, qui de tota prouincia occurrerant Viri Dei. Iisdem quoque astantibus, cum egrederetur castrum, mulieris aridam manum sanauit, & gressum reddidit claudis. Plurima ipso die miracula conuicauerunt, adeo vt multa ex ipsis à memoria elaberentur: horum tamen certissime recordamur. Surdæ duæ auditum receperunt in via, & puer quidam vnus oculi visum. Nec longè processeramus, & ecce in campo mulier amissum ex longo vnus oculi lumen recepit. In eadem strata capellula quædam est duobus à prædicto castro millibus distans: illuc in occursum Viri Dei venerabilis conuenerat multitudo, vt faciem ejus videret & suscipere benedictionem. Nec fraudauit Dñs populi sui deuotionem, quin desiderata eis virtutis suæ magnalia demonstraret. Ibidem enim corā omnibus senex quidam, qui viginti, vt dicebatur, annis cæcus manserat, factus est vidēs, mulier surda audiuit, non sine multa ipsorum & populi exultatione. Alio quoque in loco cum substitisset, oblati sunt pueri duo, quorum vterque vno tantum videbat oculo, & mulier surda. Nec ante dimotus est quam & pueris visum, & mulieri reddidisset auditum. Adhuc autem in eodem itinere prope torrentem *Huns*, ante transitum puer cæcus illuminatus est; post transitum duæ surdæ receperunt auditum. Jam appropinquabamus hospitio, & ecce clauda mulier per manus impositionem gressum recepit coram multitudinis copiosa plebis: quæ in occursum beati Viri de tota venerat regione. Alij quoque debiles & ægroti desiderata adepti sunt beneficia. Sed longum est, singula quæque referre. *Valencenus* nominant oppidum, vbi ea nocte mansimus, oppidum grande & populosum. Illic factè priusquam ingrederemur hospitium, mulierem claudam notissimam populo signans & erigens Pater sanctus, fecit coram omnibus ambulare: vnde profecti, Dominica die venimus Cameracum.

CAPVT XII.

De miraculis Cameraci, &c. patris.

PLVRIMA autem & in Castro ipso, & in itinere miracula contigerunt: sed nos è pluribus pauca collegimus. In Ecclesia beati Ioannis post Missæ celebrationem puer surdus & mutus ex utero matris suæ audiuit & locutus est, & admiratæ sunt turbæ. Hic juxta me relederat mur⁹ & surdus, & coram me præsentatus; audiuit, & locutus est ipsa hora. Vix cessauerat Cleri jubilatio, & ecce senex claudus erectus est, & ambulabat. Ibidem contigit, vnde præ cæteris miraculis obstupimus. Puer enim cæcus à natiuitate operis albugine oculis (si tamen oculi dicendi erant, quibus nec color, nec officium, nec ipsa saltem caritas inerat oculorum) ad impositionem beatæ manus visum recepit. Multis hoc indicijs probauimus, vix credentes oculis nostris, quod talibus oculis visus posset inesse. In ipso loco etiam arida mulieris manus adepta est sanitatē. Ex hoc cum beatum virum turbæ comprimerent, vix deductus est in domum Regulariū Canonicorum. Ibi quoq; plurima languentibus beneficia contulit: sed hæc sunt, quorum certissime recordamur. Claudi duo ibi erecti sunt, puer cæcus & mulier cæca visum receperunt.

Secunda feria in vrbe Cameracensi, in Ecclesia B. Mariæ, ad altare sublimius Pater sanctus Missarum sollempnia celebravit, vt in eminentiori loco positum videre posset populus, & non comprimeret. Accedentibus ergo cæteris ad oblationem, puer adductus est surdus & mutus ex utero matris suæ. Hic in proximo vico natus, multis eorum, qui astabant, non incognitus erat: cœperat autem, qui adduxerat, obsecrare hominem Dei, vt puero manum imponere dignaretur: sed nos concursum populi metuentes, prohibuimus dicentes, vt finita Missa adduceret eum. præuenit tamen expectationem virtutis effectus. Offerens enim puer, sacratam manum ex more osculatus est, & pertransiit. Nec mora accedens vnus ex militibus fratris prædicti Episcopi, interrogauit puerum dicēs. † *Oxthm?* Quod latine interpretatur, audis tu? Protinus autem ad ipsum puer quoque respondit dicens. *Oxthm*. Surdus nimirum ex utero, ea tantum loquebatur, quæ ex ore interrogantis audiuisset. Addidit ergo miles loqui ad eum, & docebat invocare Deum, & beatam Virginem nominare, &c. Singula verò incunctanter puero respondente, qui propius astabant Clerici conuenerunt; cognitaque miraculi veritate, lenauerunt vocem magnificantes & laudantes Deum, qui dedit potestatem talem hominibus. Elenatus puer salutem populum, & exultat in gaudio ciuitas Cameracensis, loquentem audiens puerum, qui ex utero matris suæ nec locutus est aliquando, nec audiuit. Ipsa die in domo Episcopi (vbi Virum sanctum magna cum deuotione susceperat) puellæ manus inualida ad tactum ejus sanata est, & extensa. Vespere quoque clauda longo tempore filiam pater obtulit, & recepto gressu lætus reduxit ad propria. Tertia feria aridas manus duas sanauit, & mulier clauda experta est, quia efficax in Bernardi manu gratia curationum. Puerum quoque cæcum, cum jam egrederetur, illuminauit in porta, & in campo adulesca-

tem surdum fecit audire, & mutum loqui, coram vniuerso Clero & populo Ciuitatis.

Valcellam vocant monasterium tribus ab ipsa Ciuitate millibus distans, quod idem Pater noster missis olim à Clara-valle fratribus ædificauerat. Illic feria tertia pernoctauit, nolens fraudare filios visitatione & consolatione paterna. In ipso sanè monasterio manè feria quarta priusquam egrederetur, militem quemdam de regione eadem, qui à diebus multis debilis pedibus simul & cruribus ambulare non poterat, benedictionis virtute sanauit, ac referentem gratias ad sua remisit incolumem. In via quoque surdus vir aure altera recepit auditum. In oppido cui nomen *Gom* iuxta monasterium Canonorum Regularium, quod Montè sancti Martini vocant, nouo temporis nostri Martino claudam puellam offerebant. At ille signo crucis edito, *Vade*, inquit, *in nomine Iesu Christi*. Statim verò deposita exiliit & ambulabat currens & laudans Deum. Feria quinta in monasterio quod *Hamblerias* vocant, paralyticam media parte corporis siliam pater obtulit Viro Dei. Hæc & manus & brachij, & tibie simul & pedis etiam & linguae officium morbo invalescente perdiderat: vbi verò signauit eam Pater beatus, sanata est, euidenssimè loquens & ambulans, & liberè mouens manus. Ipsa die *Landunum* venimus, vbi sexta feria in monasterio B. Ioannis (illic enim hospitabatur) coram omnibus vir surdus auditum recepit. Sabbato quoq; *Rhemis*, cum jam pararetur iter, cæcum vno oculo puerum per signum crucis Pater sanctus illuminauit, astante clericorum & ciuium multitudine.

CAPVT XIII.

De miraculis in itinere versus Clara-vallem editis.

DOMINICA die festum erat Purificationis B. Mariæ: & Francorum Rex Ludovicus deuotissimus & Christianissimus princeps Cathalaunum occurrebat Viro Dei. Plurimi quoq; ex principibus vtriusque regni conuenerant, & legati Regis Romanorum, & VVolphonis inelyti Ducis, vt de via Hierosolymitana communi consilio tractaretur. Quo Vir Dñi colloquio sic detentus est per biduum illud, vt ad populum exire nequiverit: licet vehemenssimè desideraretur. Oportebat enim generale bonum votis anteferre priuatis. Egredienti verò feria tertia, mulier quædam occurrit aridæ manus postulans curationem: & iuxta fidem ejus factum est ei, vt fieret ipsa hora sana. Et hoc quidem miraculum jam inter vicinos & notos factum est, ne quis obijceret illud de Evangelio. *Quanta audiuimus facta in Capharnaum, fac & hic in patria tua.* Aderat enim venerabilis Episcopus Lingonensis Godefridus, beati Viri quondam filius professione, nunc pater officij dignitate. Aderat & principes quidam, & milites terræ nostræ non pauci. Quarta feria, cum jam desideratæ Valli magis appropinquaret desideratus & ipse; multiplicata sunt miracula manifesta, & priusquam Propheta probaretur, Propheticus honor non decrat, ne ipsa quidem in patria sua. Ipsa siquidem die in vico Campaniæ, cui nomen *Dauamant* in honore B. Agathæ; cujus festiuitas agebatur, Missarum solemnia celebrauit. Necdum secesserat ab altari, & ecce vir quidam cæcum filium offerebat, cujus oculos sputo liniens tetigit, & illuminatus est ipsa hora.

Lnc. 4.

In oppido cui nomen *Rosney* languidum & penitus debilem virum plastro deportabant, cui solùm videbatur superesse sepulchrum: & huic quoque coram omni populo & militibus multis manum imponens, ambulare eum fecit sine dilatione: & stupentibus vnineris, quo prius fuerat deportatus, plastrum sequebatur incolumis. Similiter & puerum, qui & ipse à diebus multis ne vnum quidem passum poterat ambulare, signauit, vbi castrum est egressus: & statim liberè ambulauit. In eadem strata, aliud situm est castrum, quod *Brena* ab indigenis nominatur. Illic transeunte Viro Dei per orationem & benedictionem ejus, puella clauda gressum recepit. Vbi verò egressus est, stipem quærebat ab eo cæca mulier & mendica. Intuens autem vir in eam misericorditer: tu, inquit, argentum quæris, sed Deus tibi visum restituet: accedensq; signauit eam, & coram omnibus illuminata est ipsa hora. Interrogata verò quamdiu cæca fuisset, ab his vndecim annis nihil penitus se vidisse respondit. Sic Apostolicus vir Apostolicum imitatus exemplum & petitionem mendicantis, & spem liberalitate sanctissima superauit. Nec longè processerat, & ecce puer vno oculo cæcus benedictionem flagitat; tactum requirit. Quid ei negaret, qui dederat non petenti: nihil cunctatus signauit oculum cæcum; & eum quo videre solebat manu claudens, mouit digitum coram eo, & quid ageret inquisiuit. Audientes peregrini quidam, quod homo Dei transiret, socium suum surdum ei cum precibus obtulerunt, cujus aures sputo liniens, & immittens digitos suos, auditum reddidit ei ipsa hora. Exinde cum paululum processisset, securus homo eum, gratias egit, & signum crucis ab eo accepit, vt in exercitum Domini proficisceretur.

Act. 3.

Ipsa die venimus *Barrum* super Albam quod nominatissimū oppidum est, tribus à Clara-valle millibus distans. Quinta igitur feria Vir sanctus Missarum solemnia celebravit in Ecclesia S. Nicolai. Illic ad noua diuinæ virtutis magnalia obstupere Barrenses. Addidit adhuc magnificare famulū suum Dñs, & oculos pueri cæci nati sub manu ejus aperuit. In eadem basilica post Missarum celebrationem, puella cōtracta, cujus tali ad hæserant renibus, erecta est, & liberè ambulabat. Altera quoq; puella, quæ stare omnino non poterat, ibidem adepta est sanitatem. Item mulier clauda gressum recepit, & quam citò signata est virtutem sentiens, iussit pulsari campanas, sicut ad singula quæq; miracula faciebant. In eodē loco, duo surdi & muti à natiuitate receperunt auditum, pariter & loquelam. Alter quidā puer, alter adolescens erat notissimus in oppido illo: adhuc autem surdus vnus auditum recepit, & puella ex vtero matris suæ impos manibus, sanata est ipsa hora. Alteri quoq; manum aridā ante domum eleemosynariam, cū jam proficisceretur, restituit sanitati. Ipsa die dispensator bonus multiformis gratiæ Dei fuit redditus Clara-valli, reportans manipulos pretiosos, instar Patriarchæ Iacob cū duabus turmis egrediens. Nam & triginta secum adduxit, & totidem ferè facto jam voto & constituta die venturos præstolabatur. Quid ergo dicemus ad hæc? Felix nimirum cuius oratio tam accepta, tam salubris tactus, sermo tam vivus & efficax inuenitur. Felix anima, quam implevit Dñs oleo gratiæ præ participibus suis: felix lingua tot animarum medens vulneribus desperatis: felix manus gratiā sanitatum, & tot virtutum affluens signis.

Genes. 32.

CAPVT XIV.

De miraculis Clara-valli, Trevis, Stampis, Senonis, & vicinis locis per Bernardum patratis.

PAUCOS dies Clara-valli faciens Pater sanctus, ne intromitterentur infirmi, fratrum quieti providens, interdixit? Ipsa tamen die qua exiturus erat, iuvenem Lingonensem, cuius aures altera ab annis multis penitus obsurduebat, venerabilis Episcopus noster obtulit, & confestim audiuit homo, & gratias egit celeri medicinæ. Egrediens autem Pater monasterij ianuam inuenit languentium multitudinē, cæcorum, claudorum, aridorū: plurimiq; in tumultu illo sub manu signantis desideraram adepti sunt sanitatem. Vbi verò montem ascendit, obuium habuit puerum surdum & mutum, qui diebus multis inter fratres hostos Fontarciz manserat, tantum innuens eis; Hæc

Ll ij

ius linguam sputo liniens, & auribus eius immittens digitos suos, Deum nominare iussit, cœpique puer paulatim loqui: sed adhuc vox in gutture laborabat. Quod aduertens vnus ex fratribus nostris, rursum obsecravit eum rogās, vt gutturi ejus manū imponeret. Statimq; locutus est liberè, cum multis lacrymis gratias agens Deo. Tandiu siquidem surdus & mutus extiterat, vt ei nomen proprium penitus excidisset, & nesciret quis vocaretur. Vix recordātis ciuitatis nomen, vnde fuerat oriundus, Parisiensem se esse dicebat. In eodem itinere surdus alter audiuit, pueri duo claudi gressum receperunt; & prope Mundivillam, sic enim vocatur viculus duobus ferme à monasterio millibus distans, curatus paralyticus senex nobis astantibus, turbis acclamantibus vehementer. Villa super Arnā nominatur, vbi pernoctauimus ipsa die. Manè verò in basilica post Missæ celebrationem adolescens altero cruce contractus, vbi à Viro Dei signatus est, extendit nervum, & coram omni populo gradiēbatur exultans. In eodē vico, ingressus hospitium & irrudentibus multis, cæcum vno oculo puerum & puellam mutam à natiuitate, consueta benedictione sanauit. Siquidem & puer illuminatus, & puella locuta est, audientibus & admirantibus vniuersis. In platea quoque cum detineret eum populus egredientem, sanati sunt manci duo; quorum alter etiam vnus oculi lumen recepit amissum, duplicique liberatus incommodo duplex gaudium reportauit.

Eadem die juxta castrum *Barrum*, q̃ aluit Sequana fluius, coram multitudine copiose plebis, quæ de tota regione conuenerat, curati sunt puer cæcus, & vir cæcus, puella manca & paralyticus senex; hunc in plaustro detulerāt, & ab annis sex sic elanguisse dicebant, vt nec sedere quidem, nec sine alio posset mutare latus. In ingressu villæ, quam *Bargonium* vocant, erectus est puer claudus ex vtero matris suæ: in ingressu quoque mulier quædam amissum ab annis quatuor gressum recepit. Nec longè progressi eramus, & ecce currebat post nos mulier cæca vno oculo: & hæc quoque vbi peruenit ad Virum Dei, ab eo signata est continuo, & visum recepit. Et reuertebatur gratulabunda & laudans. In ingressu diocesis Tricassinæ, in vico (cui *Falcena* nomen) est oblat⁹ à populo puer à natiuitate surdus & mutus, & ab vtroque morbo sanatus est ipsa hora. In via quoque, cum egredieremur, puellæ manum à natiuitate aridam & contractam benedicta Bernardi manus extendit, quasi esset cerea: & sanata est statim, ita vt teneret fortiter baculum, quem tradidimus ei. Mirabantur omnes, qui deducebant sanctum Dei, viri de eadem regione nobiles & potentes. Magis autem mirati sunt juxta vicum qui *Vanda* vocatur, puellam claudā, & mutam ex vtero matris suæ, benedictione percepta ambulante videntes, audientesque loquentem.

Altera autem die in maiori Ecclesia Trecenti congregatus est populus innumerabilis, vt audiret à Dei homine verbum ejus: factus ergo tumultus intolerabilis comprimentium sese turbatum; & periculum metuens, egressus est Vir beatus; cumque in hospitium Episcopi se recepisset, sequebatur eum languentium nutritio, & pueris soribus expectabat. Ingressa est autem puella clauda, & sub oculis omnium signante Viro Dei adepta est sanitatem, & liberè ambulauit. Erat autem nota in ciuitate puella, & ex propinquis ejus aderant eadem hora nonnulli. Post paululum quoque cæcus vno oculo puer illuminatus est, & alij quorum erant aride manus, sanati sunt, admirantibus & exultantibus vniuersis. Vespere quoque expectantes infirmos, juxta cancellum Ecclesiæ scriptum poni præcipiens, exiit ad eos, & signauit ex ordine residentes. Aderant autem venerabiles Episcopi Eodensis Lingonensis, qui ferè omnia, quæ scribimus, presens vidit; & Henricus Trecentis: aderant Clerici & Laici de ciuitate non pauci: coram his omnibus puella clauda & muta oblata est Viro Dei. Cumque signatam apprehensa manu deduceret, loqui cœpit, & ait. Non possum Dñe ambulare, non possum. Obstupimus enim nos, literata signari rogauimus eam, & gressum quoque recepit. Ibidem quoque cæcum oculum pueri sputo liniens illuminauit. Mulierem claudam ab annis quindecim, quæ in Ecclesia beatæ Mariæ à sanctimonialibus aliebatur, signans & attriciens, curauit prorsus ita vt, quod antè non poterat, & sederet, & liberè graderetur. Exultans igitur vehementer tulit baculos, quibus antea utebatur, in beati Petri Ecclesia suspendendos. Item juvenis quidam ejusdem Ecclesiæ set vus, amissum ab annis quinque ibidem recepit auditum. In eadem ciuitate facta sunt quæ sequuntur. Faber quidam longa ægritudine claudicans, vt sine baculo incedere omnino non posset: vbi à beato Patre signatus est, latus sedisti, gradiens pedibus suis. Deinde mulier epilepticam ei obtulit filiam, cui morbus ille loquendi prorsus ademerat facultatem: cui Vir beatus manus imponens signauit eam, statimque locuta est coram nobis.

Manè egressus Trecentis, dū transiret Vir sanctus villam, quam *Pruentum* vocant, oblatus est ei puer, cujus ei pedes retracti nerui torserant in peruersam, ita vt ambulare omnino non posset: acclamabant autem qui conuenerant, leuantes manus in cælum, dum Vir Dñi puerum attricaret. Nec morà signatum pedem omni facilitate detorquens, deponi iubet: & coram omnibus ambulare cœpit incolumis. In oppido quoque quod Romana lingua *Triangulum* vocant, post Missarum celebrationem feria sexta coram omnibus ad altare adducta est mulier cæca, ejusdem indigena castri. Cumque ei vir beatus imposuisset manum, interrogata à circumstantibus. *Imò cecidit videro*, inquit, & post paululum. *Videro*, ait, *clare, omnes vos video: benedictum Deus qui fecit mecum misericordiam*. Altera quoque illuminata est, quam ab annis decem cæcam fuisse testabantur. Ibidem clauda mulier gressum recepit, & mutus loquelam, acclamantibus omnibus, maximeque illius castri, qui nulla prius similia viderant. Ipsa die transenti prope castrum *Brainum* (quod lutum interpretatur) occurrit vir quidam filiam portans in humeris, quæ nec loqui vnquā potuerat, nec stare supra pedes suos: statimq; sub omnium oculis ab vtroq; est incommodo liberata. Apud Monasterium vbi *Lona* fluius in Sequanam influit, præsentem Comite Theobaldo & multis alijs nobilibus pariter & ignobilibus, mulieres tres, prima auditum recepit, secunda amissum ab annis septem vnus oculi visum, tertia paralytica sanitatem: hæc in grabato in Ecclesiam fuerat deportata, & vbi signata est, & iussa stare supra pedes suos, in medio populi stetit incolumis, & relicto grabato suo gratulabunda repetiit domum suam. Ipso die apud *Moretum* oppidum juxta leproforum domos, surdum & mutum à natiuitate puerum offerebant, cujus statim aures apertæ sunt, & solutum vinculum oris ejus. Vbi verò castrum egressi, flumen transimus, q̃ *Luten* vocant, occurrit Viro Dei populus innumerabilis, & ibi quoque puer, quem bene nouerant circumstantes, amissam loquelam ejus benedictione recepit. *Stampis* negotio Hierosolymitanæ expeditionis, & regni Franciæ, tam ipse quam ceteri qui conuenerant, intendebant. Reddidit tamen illic auditum surdus phrenetico, quem ligatum atulerat, mentem mulieribus duabus visum, alteri quidem vnus oculi, alteri vtriusque. Exiens quoque finito Consilio, cæcam puellam per signum crucis illuminauit. Apud viculum *Messam* qui tribus à *Stampis* milliaribus distat, coram vniuerso populo qui conuenerat, surdis duobus, viro & vetula mulieri restituit auditum. *Miliacis* oppidum transiens ipsa die mulierem languidam, & viribus corporis adeo destitutam, vt nec ambulare, nec stare posset, signauit atque sanauit, propriisque pedibus est reuersa quæ fuerat adportata pedibus alienis. Illic etiam Clericus quidam amissum vnus oculi lumen adeptus est, & puer claudus incessum: sic & *Moreti* vir cæcus vno

In Exordium Canobij Cisterciensis..

Cap. 1. **N**OS PRIMI HVIVS ECCLES. FVNDATORES &c. Verba sunt S. Stephani, tertij Cistercij Abbatis, qui proinde huius libri auctor est ut dixi in præfat.

Cap. 3. Primò egressi sunt Molimo 7. monachi : quòd reversi, postea associantur sibi alios 14. & sic egressi sunt 21. ex quibus quidam Molismum redierunt.

Cap. 10. Dicit auctor, Papam Patshal confirmasse Ordinē antequā Imperatori concederet investituras Ecclesiarum, quo peccato quidam malè cenfebāt, eū Papam excidisse: notat ergo auctor, hoc nō posse ab æmulis nobis obijci, quia Ordinē cōfirmarat papa ante lapsū

Cap. 12. Novum monasteriū fuit aliquando nomen propriū Cistercij, sed postea resumptū est nomen prius.

Cap. 15. Multa initio recusata, postea admissa: quosū sc. nō meminit Regula, nec silentiū eius est prohibitio.

Cap. 17. *Casulas sine pallio, &c. lege, sine palea, Gall. pailletes, papillottes bracteolæ cuiusvis metalli.*

IN chartam charitatis.

VERBA illa, *Antequā Abbatia Cister. &c. sumpta sunt ex Exordij magni Distinct. 1. cap. 21.* nec sunt S. Stephani auctoris huius decreti, quod ab illis verbis inchoatur, *Quia unus veri Regis &c.* Plura circa hoc dicere, nec vacat, nec omnibus placeret.

Ad Exordij magni Distinctionem 1.

Cap. 2. **H**ieronymus episcopus ad Paulin. monasticæ vitæ originē refert ad Eliam, Eliazum, & filios prophetarum. Ex Philone constat, hoc vitæ genus in tota Ægypto, & præcipuè circa Alexandriā floruisse.

Cap. 15. Agitur hic de obitu Alberici: huic n. successit Stephanus: exciderunt autē, quæ de ipso Alberico scripta erant, ut post Manriq. in præfatione monui.

Cap. 24. *Apparuit ei B. Virgo.* Adhuc cernitur in Vallis S. Petri Ecclesia hæc historia in vitro depicta.

Ibidem. Non sunt hæc verba Auctoris libri: sed antiquioris, quæ hoc & aliis capitulis inducit loquentem

Cap. 26. Notandum est recitandi horas B. Virginis, primò quidem privatim, postea in choro, & publicè.

Ad Distinctionem 2.

Cap. 2. **D**efunctus, qui hic traditus dicitur diabolo, in purgatorio fuit, alioqui liberari non potuisset, patet ergo, animas purgatorii à dæmone cruciari. **Cap. 6.** Monachus, de quo hic sermo, fuit scrupulo & involuntaria incertitudine vexatus: alioqui non iussisset eū Sanctus cōmunicare, nec se dixisset monachus scire, se in infernum, eo quod non cederet, descensurū.

Cap. 7. Quod de Christo viso amplecti S. Bernardū dicitur, non contigit Moris, ut vulgò creditur: eū hoc cœnobii fuerit fundatum sub mortē sancti Patris.

Cap. 24. Parum probabile est, quod monach⁹ apparens fertur dixisse, corpus in quo apparebat, sibi pro munere datum usque ad diem resurrectionis: ad quid enim huic corpus, potius quàm aliis: vel ad quid & illis?

Cap. 25. S. Maternus & alij, falsò hic dicuntur missi à S. Petro in Germaniā: cū n ipse Maternus à Constantino legatur fuisse delectus index cōtra Donatistas, post trecentos circiter annos à sancti Petri tempore, ut scribit Optatus lib. 1. in fine. Curiosa quoque, inutilis, ac indigna B. Gerardo martyre mox futuro oratio, qua peteret sibi revelari, quid egerit, & ubi fuerit anima ipsius Materni per dies 40 quibus mortuus fuisse dicitur, antequā à S. Petro suscitaretur. Adde quod non convenit inter Cæsarium & hunc auctore de responsione: vnde facile est iudicare, à Germanis confictam hanc orationem, ut originē Ecclesiæ suæ ad sæculū Apostolorum revocarent: quod & alij tētarunt alibi facere, cōtra veritatem historiarum.

Cap. 29. Henrici culpa non nisi venialis fuit, qua laborem manū non dimisit, & per alium vngi curavit, quē

per se vngere debuit: fort. illis suos inde scandalizās.

Ad Distinctionem 3.

Visitacionem hanc etrens Cæsarius, pro S. Elizabeth S. Annam petit. Sed cū librum clarævalis laudet huic Auctori notū, errare creditur ipse.

Hanc etiam eunuchizationem Cæsari⁹ referens, in cūcūstantiis fallitur, vnde Distin. eius 4. dicam.

Cap. 4. Miraculum illud continuum rotationis pullos corvinorum, cū à nullo notatum sit, dubium est.

Non videtur S. Bernard⁹ loqui de defunctis, quasi incerti sint, sed de vivis, qui bonis operibus ad ianuā cæli accessisse dicuntur, adhuc, tamen de sua salute incertis.

Ad Distinctionem 4.

Conversus numerantis in alio virtutes, quibus se iudicabat carere, humilitas à sancto Bernardo cōmendatur in Sermone *De alius. & bassitud. cordis.*

Hoc factū monachi sine caligis dormientis, dicit Cæsar. in Gallia contigisse, sed nec ille nec iste locū vel testem profert idoneum: & culpa siqua fuit, levius fuit, ac pœnitētia deleta. Sed nihil de hoc statuo.

Si miles resurrexit, ut hic dicitur, aliàs damnandus, supponendum omnino est, licet non dicatur, sacramentalen Confessionē tunc fecisse.

Ad Distinctionem 5.

De blasphemo illo iulore idem narrat cæsarius, quod hic. Quod autē dicitur De⁹ citius vlcisci Matris iniurias, quàm proprias, id facit, ne illa contemni & parvi fieri à Deo putetur: Dei autem maiestas, licet nō puniat, nō potest nō esse venerationi.

Quod de monacho cuculla exorta mortuo dicitur, à Cæsario etiā narratur. At hoc tempore ægroti longè humaniùs tractantur: & sicut in vltu carniū, ita & in vestitu cum ægrotis solet dispensari.

Historia hæc ferè incredibilis, certa tamē videtur. Hanc auctor ait se ab Abbate Belliloci Arnaldo accepisse, & ille asserbat à Priore Calacensi, qui testis erat oculatus, se eā audiuisse. Nec tamē quisquā debet inde præsumere, & salutis suæ non consulere.

Historia de Ordine ambitioso incerta est. Quod de fratris inobedientis pœna refertur, debuisse iste auctor expressione nominū propriorum probabile reddere: ut fecit in sequenti cap. probabilem narrationem de pio, sed inobediēti Pastore.

Multa sunt, quæ narrationem illam de discretis & indiscretis confessariis faciūt suspectam. 1. Non videtur adeo indiscretus fuisse primus confessarius, & multi illum in pari casu sequerentur. 2. Quāto ille miles erat, qui confessariū quasi pullū gallinaceum impune occideret, & omnes mutirent? 3. Illa noctis vigilia fabulosa videtur, maximè cū rei tam celebris locus, tempus, & personæ non exprimantur.

Quædā alia, præsertim capita 20. & 21. sunt incerta.

Ad Distinctionem 6.

Reginaldo non est ascribendum peccatum infidelitatis, sed solum mortus involuntarius contra fidē, quem quia vincere nō poterat, angebatur animo, reum se criminis scrupulosius iudicans.

Historiæ capitulum 5. & 6. piz sunt, utinam certæ. Certa est hæc historia, de qua in Notis Tomi seq. ad Distinct. 3. caput 25. fusiùs agā. Hic solum nota, non rectè hic dici, suffragiis viuorū animam pœnis æternis subductā: cū nullum peccatum mortale remittatur, nisi in hac vita: quo remisso, non est anima pœnis infernalib⁹ addicta, ut inde egeat liberari.

Illud in fantiæ erratū, ut ream teneret feminā, debuit cum aliqua notitia vel scrupulo gravius sceleris admissum esse, & adultæ menti obversatū: alioqui ei⁹ cōsecuta fuisset veniā per generalem cōtitionē.

QUIA in hoc & sequenti Tomo multæ spirituum seu animarum apparitiones referuntur, quas tamen inficiantur non pauci, vel in dubiū vocant: alij a theismo vicini, alij appetētes videri supra vulgus sapere, quod visiones & apparitiones falsas sæpe recipit: ideo de ijs quædā hoc loco dicenda.

Afferro 1. apparitionem spirituum fide certissimā esse. Nam Angeli apparere Abraham, Moyse, Iosue, Davidi, & Prophetis, B. Virgini, Petro, Ioanni, & alijs: Christo etiam dæmon, postea Angeli, Mat. 4. & innumerabiles in historijs Ecclesiasticis referuntur si miles apparitiones: quæ sufficerent ad tuēdas historias nostras: possent n. dici Angeli boni vel mali loquaces animarū apparere, vt reuera fit frequenter.

Afferro 2. nonnumquam animas defunctorū apparere: seu, vt verbis Augustini utar, Mitti ad vivos aliquos ex mortuis, diuina Scriptura testatur, ac proinde ad fidem pertinet. Nam Mat. 17. dicitur: Moyses Christo & Apostolis in monte apparuisse: hic autē mortuus erat. Item 1. Reg. 28. Samuelis anima Sauli apparuit. Nec dicas, dæmonem à Pythonissa evocatum adfuisse: nec magis potuisse animam Prophetæ evocare. Dico n. Samuelem nutu diuino ante evocationem adfuisse: vt ex Ecclesiastico constat, dicente cap. 48. illum post mortē prophetasse. At quæ esset eius laus: si non ipse, sed dæmon eius faciē mentis, prophetasset? Nonne impium esset, dæmonis præstigias tribuere sancto Prophetæ? Hæc duo exēpla ad probationem nostræ assertionis adducit Augustinus: quib⁹ alia duo addo. Prius habetur 2. Mac. 13. vbi dicuntur visi Onias Pōtifex, & Ieremias propheta orātes pro populo Dei. At hoc in somnis, sed non posterius istud, qd Mat. 27. refertur: vbi multi mortui dicuntur apparuisse multis, anima & corpore: ad hoc solum excitati, vt apparerent, non vt ad miseras huius vitæ redirent, nec vt corpora in cælū evolarent: cur n. illi, potius quā S. Ioan. Baptista, David, & alij illustres Sancti?

Patres quoq; apparitiones animarū probāt. Gregor. ait animam Paschalis Diaconi B. Germano apparuisse, Felicem atavum suū Tharsillæ, Virino Beatos Petrum & Paulum. S. Bernardus scribit, sancto Milachiz sororis animā sæpe visam, ejusq; ope salutem adeptam. Augustinus S. Felicis Nolani apparitionem celebrē suis civibus exhibitā refert & recipit. Mitto alios Scriptores Ecclesiasticos. Dies, nō animas, sed Angelos apparuisse. Verū, licet hoc ad apparitiones generatim probandas sufficiat: quia tamē non magis repugnat, animas apparere, quā Angelos, & illas apparuisse, dicunt Patres, cur id negemus? Ratio, cur id negetur, nulla reddi potest.

Afferro tertio, spirituum apparitionem Ethnicis fuisse notam. Illi enim ab Idolis suis responsa accipiebant, & dæmones passim auditu percipiebāt, & sæpe visu. Ideoq; mirati sunt valde, quando Christi imminente adventu, oracula siluerunt: & huius silētij causam investigarunt Cicero 2. de Divinat. & Plutarch. Tract. ea de re: sed eam non reppererunt.

At Plinius iunior hanc assertionem domestico probat exēplo, eoque duplici. Libro enim 7. epist. 27. querit Sura doctissimi viri sententiam: & suam interim profert. *Velim, inquit, scire, esse phantasmata, & habere aliquam figuram, numenq; putes: an inania & vana ex metu nostro imaginem accipere. Ego, vt esse credā, in primis eò ducor, quod audio accidisse Curtio Rufo, &c.* Postquam autē in duobus exemplis suam sententiā probavit, evidentiora sibi subiicit, dicens. *Hæc affirmantibus credo: illud affirmare alijs possum.*

Est liberis mihi Marcus, non illiteratus, cum hoc minor frater eodē lecto quiescebat. Is visus est sibi cernere quēdam in thoro residentem, admoventēque capiti suo cultros, atque etiā ex ipso vertice amputantem capillos Vbi illuxit, ipse circa verticem consui, capilli iacentem reperiūtur. Exiguū temporis mediuū, & rursus simile aliud priori fidē facit. Puer in paedagogio missus pluribus dormiebat. Venerunt per fenestras (ita narrat) in tunicis albis duo, cubantēque detonderunt: & quā venerant, recesserunt. Hunc quoque consui, sparsoq; circa capillos dies ostendit. Postea quid hoc portēueret, conjectando declarat.

Domesticum & nobis hic proferendum exēplum. Anno 1658. à die circiter 15. vsque ad 24. Februarij defunct⁹ ante novem annos, id est, anno 1649. huius dom⁹ monach⁹ sæpe vis⁹ & locut⁹ est rustico excutienti frumentū in Ecclesiæ extrema parte, ob bella à rusticis illic reconditum. Audierat ille aliquot diebus antea incessum ascendentis & descendentis per gradus, qui ibi sunt, quorū aditus muro erat obturatus, & vocem gementis audierat: sed nihil viderat. Interiectis ergo diebus aliquot, vidit ante Matutinū Officiū monachum per horæ spatiū deambulantem, ac deinde chorum ingredientem, vbi multa sedilia concuti audiuit, incertus, an quispiam nostrū hæc ageret. Adiit autē me initio Matutinarū precum, retulitque visionem: & ego neminem descendisse antea certissimē ei asserui. Biduo transacto, eidem rustico, antequam opus suū inciperet, oranti cōminas astitit, iussitque non timere: addidit, se esse animam F. Francisci, rogareque, à singulis nostrum sacrum pro se fieri, ab ipso autē peregrinationē ad B. Virginis ædem, quæ à Lætitia dicitur, gallicē Notre Dame de Liesse, suscipi: se ferē pœnitentiam suam cōplexisse. Insuper mandavit mihi per eūdem rusticum, se, cum ad Ordines recipiendos mitteretur, dormienti meridie seniori monacho aliquid pecuniæ clam abstulisse. Tertio quoque post triduum apparens, & adiuratus à rustico, signo crucis, vt monueram, monito, respondit, se esse ex Deo, eumque, quem dixerat: & suffragia postulavit, vt prius. Quarto eidem homini peregrinationē aggresso meridie in via apparuit, allocutusque est illum, & cum ille meo monitu exposuisset, me difficultatem pati circa pecuniam illā acceptam, declaravit ei locum, tempus, & alias actionis circūstantias: & intellexi, ad hoc mihi istud reuelari, vt illam boni nostri acceptiōnem condonarem. Deinceps visus non est spirit⁹ Vnus ex nostris ignorans, quid mihi fuisset revelatū, dixit mihi, se hoc idē olim ab ipso defuncto audiuisse Apparuit hoc anno defuncta quædā femina sociæ, quam moriens rogaverat, votū sacræ peregrinationis exequi, nec destitit mortua rogare, donec solutū fuit votum. Expectat lucem ab alijs historia apparitionis insignis, prædictiones etiam cōtinent.

Assumunt inrerdu spirit⁹ mali cadauera humana, quæ apparēt hominibus vivere. Cæsarlus exemplū huius rei habet Distin. 12. cap. 4. aliud, si tamē aliud, Gausfridus Serm. 16. aliud Phlegon Ethnicus, quod ipse vidit, & Hadriano Imperatori scripsit, de iuvene qui dæmonē corpus defunctæ femine gerentem diu carnaliter cognovit: hic post deseruit cadaver, quod Iudicū decreto in sterquilinum fuit abjectum. Hoc etiā sæculo tres vigiles Lugduni cū femina noctu in vico inventa rem habuerunt: at dæmone corpus illud deferente, cadaver foetidū apparuit: vigiles autē metu percussi, paulò post omnes extincti sunt. Historia Lugduni notissima est, & literis consignata.

Nomen defuncti apparuit.

Greg. 4. Dial. c. 11. 16. 40. Bern. in vit. Malac. Aug. 11. lib. 1. C. pro mor.

oculo, qui Viro Dei occurrebat ingredienti, confestim illuminatus est ad ejus benedictionem. *Senonis*, quæ Gal-
liz olim maxima ciuitas erat, in conspectu Cleri, qui ad eum fuerat congregatus, n uierem surdam & cæcam
per manus impositionem auditu dopauit: & præter alia, quæ scribere super sedibus viuentes prolixitatem. Ingre-
dienti oppidum, cui *Ioniniacum* nomen est, oblata est mulier cæca: confestim in habitu m versa priuatione, de
cæca facta est videns, exijtque sermo in populum, & vndique acclamabant, Anna videt, Anna videt; quia omnes
nouerant eam: vbi verò egressi sumus, geminata est populi læticia, & sub oculis omnium puer à natiuitate cæcus
vno oculo, negatum à natura minus adeptus est gratiæ beneficio.

CAPVT XV.

De miraculis Antisiodori, Molisani, &c. factis.

Adueniens igitur Antisiodorum Vir beatissimus, orationis causâ monachorum basilicam introiit, vbi pre-
tiosus ille thesaurus jacet, vbi *Oraxani* gloriosi corpus sacratissimum requiescit. Regredienti verò mulier
clauda, quæ genibus tantum & manibus gradiebatur, occurrit in porta, tenensque vestigia ejus, misericordiæ vis-
cera miserabili supplicatione pulsabat: cuius renes & genna signo crucis edito Vir beatus atrectans, eleuauit eam
in nomine Domini: & ad sanctissimi Confessoris altare misit suis pedibus gradientem: ipse etenim nomen, dū
mulier eleuaretur, vniuersus qui conuenerat populus inuocabat. Hoc in ciuitate illa nouissimum celeberrimum q;
miraculum fuit. Omnibus siquidem nota erat mulier illa, & tribus ferme annis in grabato viderant eam depor-
tari. Hospitatus est autem vir sanctus in domo Episcopi: & illic quoque videntibus multis aridan. manum muli-
eris extendit liberè, & sanauit. Sic & mane eum egredietur, simili in eorū modo laboranti beneficium simile co-
tulit: manus benedicta. Ipsa die Cableiam pertransiit, ad dū puerum offerebant: quem sanatum protinus
& erectum in beati Martini Ecclesiam deduxerunt. Ad eum siquidem & illa Ecclesia pertinet, & vicus ipse, quæ
in Bernardo reuixisse mirabantur. Adhuc enim prosequentes eum turbis, puella clauda, & alteram manum
inualidam habens, ab utroque incommodo liberata est coram eis. In castro Conodari nsi eadem die videntibus
nobis, in hospitio mulier cæca vno oculo per signum crucis illuminata est, & exijt magnificans Deum. In Eccle-
siæ etiam beati Aniani feria quarta dom ad oblationem inter Missarum solennia releuisset, obtulerunt puerum
cæcum: cujus statim oculos sub manu fidelis serui diuina virtus aperuit. Similiter & puella cæca, cū jam egre-
deretur castrum, coram omnibus qui prosequerantur beatum Virum, amissum ab annis multis signante ep vi-
sum recepit, & altera cæca vno oculo illuminata est prope fluvium, qui Armancia nominatur.

Ipsa die *Molismanum* venimus, quod est monasterium, vnde egressi sunt olim Patres nostri, à quibus Cisterciens-
is Ecclesia sumpsit exordium. Extat liber vsum Cisterciensium, vbi plenius id scriptū diligens lector inueniet.
Illic ergo, vt dictum est, quarta feria virum Dñi magna cum deuotione susceperunt: cumq; in hospitio resedisset,
vir quidam cæcus vno oculo ingressus est, & genu flexo misericordiæ n precabatur: vbi ei d signauit eum, sacra-
tis digitis cæcum tetigit oculum, & confestim illuminatus est, & gratias egit Deo. Factum est autem post vnam
horam, cū ad vesperasceret, esset quæ inclinata jam dies, egressus est Vir beatus, vt signaret iter sua os, qui pro so-
ribus expectabant. Primus illic conualuit puer cæcus oculo dextero, qui signatus sinistru: claudabat oculum, quo
prius videre solebat, & clarè discernens omnia, suscitantibus nobis, quidquid essenderetur, continuò responde-
bat. Id ipsum tribus alijs eodem laborantibus incommodo, per manum Bernardi sui beneficiū præstitit Deus;
puellæ videlicet, & seniori viro, & mulieri: similique & in eis probatum est diligentia. Adhuc autē in ipso loco
puellula debilis, & clauda ex utero matris, sanata est per manus impositionem: & exulabat in gaudio mater,
quod tunc primò stantem eam & ambulantiem cernere mereretur.

Feria quinta egredientem Molismente cœnobium Hominem Dei, deuotione debita prosequens innumetabilis
multitudo, quæ de rora conuenerat regione, mulierem claudam, quæ plaustrum subuecta fuerat, vbi signata est ab
eo, suis gradientem pedibus gratulabunda reduxit. In eodem itinere dū siluam ingrederemur, adolescens sur-
dus auditum, & mulier quædam amissum ab annis duodecim alterius oculi visum, per manus Viri Dei impositi-
onem receperunt, præsentibus & videntibus multis. Occurrentes deinde viri duo, & ipsi quoque quod amiserat,
singulorum lumen adepti sunt oculorum. Nec longè processeramus, & ecce concurrentibus turbis vndiq; puer
claudus, quem attulerant, ad tactū beati Viri sanatus est, & liberè gradiebatur exultans. Confinium dicitur villa
nostris proxima finibus, per quam transivimus ipsa die. Ibi quoq; sub oculis omnium qui conuenerant, puerum
claudum & mulierem claudam ex utero matris suæ signans Vir Domini & atrectans, amissum reddidit alteri vi-
sum, alteri novum contulit gressum. Ingrediendi denique *Claram-vallē* vnus de nostris occurrit, adducens sur-
dum & mutum puerum, qui in monasterio diebus jam quindecim Sancti præstolabatur aduentum. Nec fraudatus
est desiderio suo puer fidelis, sed continuò vt signatus est, recepit auditum pariter & loquelam. Et primò quidem
vix potuit nominare Deum, ac deinde præcipientibus nobis, invocare cœpit B. Virginis nomen: tandemq; soluto
penitus oris vinculo omnia loquebatur, vbertim gaudij lacrymas fundens. Multi etiam fratrum, qui eum nouerant
prius, nec audientem penitus nec loquentem, locuti sunt in auribus ejus, & audierunt eum ad plenum verba om-
nia formantem. Interrogatus autem, quamdiu mutus & surdus permansisset: tertius, inquit, annus transiit, ex
quo absurdi & obmutui, & eram annuens tantum. Et hæc dicens cum lacrymis benedicebat Dñm, qui fecerat
cum eo misericordiam. Ipsi & nos pro tanto patre & patrono, quantas possumus gratias referimus, & glorifica-
tes semper & laudantes Deum, qui est super omnia benedictus in sæcula.

CAPVT XVI.

De miraculis quibusdam Treviri, Rustia, & Francofurti per Bernardum editis.

Sexto Calendas Aprilis, ingrediente Viro Dei Treverim, obuiam ruit ex more populus vniuersus: & ecce offe-
rebant ei puellas sorores duas ex eadem ciuitate, alteram quinque, alteram quatuor annis miserabili cæcitatis
incommodo laborantes: vbi verò signauit eas Vir sanctus, ambæ illuminatæ sunt, & in Ecclesiam B. Petri dedu-
ctæ, vbi eadem hora Missarum solennia celebrant. Illic eas vidit Clerus & populus: illic probauimus diligenter
miraculi veritatem. Consummato demum sacrificio Vir Dñi iuxta altare refedit, vt super ægros manus impo-
neret, & bene haberet. Protinus autem claudus oblatu est, & ambulauit; oblatu est cæcus, & vidit; oblata est mu-
lier surda, & audiuit. Et hæc quidem in somnijs admonitam se esse dicebat, vt festinaret ad eum, cuius benedicti-
one receptura esset auditum. Non dubito, quin & alia multa diligens inueniat inuestigator: sed hæc ad memoriā
arbitror posse sufficere. Adhuc tamen in domo Archiepiscopi puerum cæcum vno oculo corā nobis illuminatum
certissime recordamur.

Veritus autem molestam vobis esse breuitatem, ex his quoque quæ *Rutilla* facta sunt, nonnulla subjunxi. Videbat Pater sanctus in somnis, quod nobis secretius intimauit, mulierem claudam in Ecclesia quærentem se, cum nec ab ea, nec à populo cognosceretur. Gloriabatur autem quod ignotus esset, & accedens clanculo signabat eam, & pertransibat: subitoque admirans illa erigebatur. Hujus autem visionis effectus apparuit manifestus. Siquidem dum in Ecclesia illa Missarum solemniam celebraret Vir beatus, allata est contracta mulier, quæ à diebus multis per terram repens erigi penitus non valebat, sed genibus & scabellulis quæ gestabat manibus utcumque gradiebatur. Guntrānus de *Sirca*, quod super Mosellam situm est castrum, à prædicto monasterio paululum distans, mulierem illam in Ecclesia fecerat deportari. Necdum ad beati Patris manum accesserat, & ecce accessit ad eam spiritus ejus occulte, sicut præviderat: subitoque curate exiit, & ambulabat laudans & magnificans Deum. Videns autem populus, qui claudam prius noverat eam, exclamauit in laude Dei, tollentesque scabellula ad altare protinus detulerunt, ut sisterent eam Dño, & Bernardo seruo ejus. Ibidem sanè ad castrum eius mulier de eodem vico clauda ab annis septem, & puellula contracta, cujus obstupuerant perni femoris utriusque, ut extendere genua, aut erecta stare non posset, desideratum gressum coram omnibus receperunt. Oblati sunt ei vir quoque cæcus, & mulier cæca, & confestim edito signaculo Crucis ab utroque repulit tenebras, & utriusque lucem restituit. Sed forte hæc nostra descriptio, licet studiosis breuior, obliuiosis prolixior videatur. Et ipsi itaque providentes, instar proverbij, quæ dicta sunt, perstringamus. Resultabat canoris vocibus Ecclesia Treuerensis ad Bernardi tactum ambulante clauda, audiente surda, cæco vidente. Duas quoque sorores cæcas idem Vir Dñi in ingressu ciuitatis illuminauit, & in domo puerum cæcum vno oculo. Rutilauit Rutila in Bernardi præsentia lux cælestis, cuius benedictio claudis duobus gressum, visum reddidit cæcisque duobus: in eadem Ecclesia, mulier clauda, quæ genibus & scabellulis ferebatur, erecta est priusquam perueniret ad hominem Dei.

Residebat aliquando *Frankenvoert* in folio Pater sanctus, & per fenestram ad manus ejus admittebantur infirmi, quorum innumerabilis multitudo undique fuerat congregata. Et ecce oblatus est inter cæteros adolescens quidam surdus & mutus ex utero matris sue. Cui vir beatus manum imponens confestim curauit eum, & liberè audiebat & loquebatur. Nullam tamen noverat linguam, sed ea tantum proferebat verba, quæ ex colloquentis ore audiuiisset. Hoc fuit quod maxime nostrum movit Hugonem, ut describi hoc miraculum postularet: sed nos multa similia videramus. In ipso quoque folio matrona quædam dives & honorata de regione eadem deportata est, quæ ex longo tempore jacuerat paralytica. Et hanc quoque signans homo Dei tenuit manum ejus & erexit eam, præcipiens ut liberè ambularet in nomine Dñi nostri Iesu Christi, & in virtute Spiritus sancti. Dixit, & factum est: exiliensque ambulabat. Tunc verò acclamabant omnes, sed specialiter exultabant milites, qui propriis humeris deportaverant, quam videbam regredientem pedibus suis. Nimirum videbatur sibi quodammodo miraculi participes pia devotio. Et hæc quoque excitavit amicum nostrum, ut sileri miraculum hoc, nefarium judicaret.

Tertium autem simile est huic. Erat siquidem in proximo vico vir paralyticus ab annis octo, notus omnibus, & omnium dignus miseratione. Neque enim movere poterat membra, nec, si domus in qua jacebat, undique flagrare cœpisset incendio. Hic ergo coram nobis & alijs quampluribus, qui beato Patri tunc assistebant, subvectus in culcitra depositus est coram eo: cui debilia membra edito signaculo salutis attrectans, confestim erexit eum, & tam perfectè curatus est, ut ad exercitum Dñi profecturus illic suscipere signum crucis; nimirum, cuius virtutem tantam, & tam celerem esset expertus. Cumque tollerent alij lectum ejus, non sic (ait venerabilis Hugo) sed magis ipse portabit, & imponens in humeros ejus dimisit eum, & tam viriliter ambulabat, ac si nihil prius sustinuisset incommodi. Quartum quod describi Hugo miraculum postulabat, puellæ cuiusdam erectio fuit: hanc in hospitium vespere obtulerunt humeris deportantes. Cujus cum signaret genua Vir beatus, contractos & obduratos quasi in modum virgæ ligneæ nervos sentiens: heu, inquit, huius ex toto retracti sunt nerui, & flectere genua, imò flexa extendere omnino non potuit. Et certè sic erat, nec poterat à diebus multis gradi pedibus, sed manibus & pedibus reptabat utcumque. Igitur ab Patris benedictionem laxatus est statim nervus uterque, & elevavit eam unus ex fratribus: ipse verò tenebat tibias, & paulatim extendebatur: cumque ambulare cœpisset incolumis, obstupimus vehementer omnes, sed & Sanctus ipse præ admiratione se signans, Dño virtutum gratias referebat.

CAPUT XVII.

De miraculis quæ Tullipar B. Bernardi contigerunt.

IAM ad ea quæ Tulli facta sunt, veniamus. Quater siquidem hoc in anno Vir sanctus illa ingressus est ciuitatē, nec unquam transijt absque miraculis. Primum siquidem Dñica ante Pentecosten in Ecclesia beati Stephani ad altare majus Missas celebranti, oblatus est puer cæcus, notus in ciuitate eadem, qui per manus impositionem visum recepit: & hunc usque hodie Tullensis habet Ecclesia virtutum B. Bernardi speculum, testimoniumque fidele. Secundò quoque accedens civitati, proximam villulam, quam *Calmas* nominant, pertransibat. Et ecce ruit obvia plebs devota, aquam afferens signandam atque benedicendam, quam protinus Evangelici instar miraculi sapore pariter & odore vini benedictione ipsa donavit: & qui gustaverunt, omnibus perhibent testimonium. Vnde & nunc in tota regione illa certissimum est celeberrimumque miraculum: apud villam *Calmas* sub Bernardi manu aquam in vinum esse mutatam. Nam super vestē cuiusdam sparsum est vinum novum, dum undique concurrentes certatim traherent vasculum, & multis diebus vini preciosissimi servavit odorem.

Tertiò deinde prædictam Tullensium civitatem ingressus timuit turbas, & quia grandis ei restabat via, nocte egredi festinavit. Idipsum autem suspicati nonnulli de populo observabant eum, nec exire vel nocte potuit sine turba: inter quos oblata est paralytica mulier in grabato, quam protinus elevans Vir beatus in nomine Dñi signavit atque sanavit. Hujus quoque curatio univèrsæ innotuit Civitati, quam nimirum adhuc hodie incolumis mulier inhabitat, quæ in ea diu jacuerat paralytica. Similiter autem & altera mulier cæca vno oculo, quæ ad eum deducta est extra ciuitatem, signante eo visum recepit, quod in hoc adventu verissimè certissimèque probavimus. Nuper sanè apud beatum Aprum Vir Dñi susceptus hospitio, monasterium illud plurimis miraculis illustravit, claudum erigens puerum, auditum surdo reddens adolescenti. Tres quoque cæcos vno visionis munere donans in ipsius nomine, qui Trinus adoratur & Vnus: ubi plurima quoque miracula claruisse non dubito, sed hæc coram me facta novi certius, fiducialiusque descripsi.

Finis libri miraculorum S. BERNARDI.

Joann. 8.

Epistola Gaufridi Monachi Clara-vallensis.

Magistro suo carissimo Archenfrido, & vtrique Capitulo, fratribus suis vterinis, frater Gaufridus, memores ejus esse, qui diligit vos in veritate. Nullis mihi ad te, Magister, verborum blanditijs vtendum esse, certis experimentis cognoui. Latere enim non potuit familiarem filium, quem prae ceteris fouere solebas tenerius, & amplius carius, non quod dignum, sed quia indigum esse sentires, adhærentem inquam lateri tuo latere non potuit, quam parum acceptes eos, qui verba venantur, sentiens planè cum Apostolo, Regnum Dei non esse in sermone, sed in virtute. Vt quid ergo verba multiplicantur? Tu scis Domine, quia amo te; tu scis, quia tuis & tuorum orationibus egeo, & quantum egeam, non ignoras. Sileo proinde de meipso, sciens, quod scienti me scribā. Ceterum cum memor sum, in quanta sollicitudine reliquerim vos, & totam pariter Claram-vallem, eo quod dubia videretur Domini Abbatis de itinere isto voluntas; scribo vobis, de quo magis præsumo, quæ in eo vidimus & audiuius, vt habeatis consolationem, & vestris eam nihilominus præbeatis. Hoc autem scire, nihil me scribere, nisi veritate compertum.

Dum appropinquaremus Pictauim, cepit Dominus Abbas infirmari: ita vt paulominus cum perire inciperet oneris, nos itineris hujus. Ibi ad nostram & ipsius consolationem facta est vox ad eum in visione cantans, *Et Ioan. 10. domus impleta est ex odore vnguenti.* Erat autem cantus vt versiculi, & tantummodo punctum vltimum * de erat in * id est vltimum hunc modum. *Et domus impleta est ex odore vnguenti.* Quo defectu quid significatum credamus, sequentia manifesta syllaba festant. Altera die cum iterum decubaret, sic in os ejus missum est Canticum novum. *Letabitur iustus in Domino: Psalm. 63.* vt euigilans sapius, nil aliud posset cogitare. Pictani, dum nocte sederemus, & ipse cum candela solus deambularet, extincta est cādela, & Abbas Cari-loci vidit eum sine lumine ambulantem. Proinde autem cum sonitu quodam, vt ipse confessus est, candela reaccensa est, & ardentem eam vsque ad nos deportauit.

In vrbe *Burdegali* res facta est digna miraculo, quod obstinatissimos animos Clericorum conuertit, vt concederent in sede Episcopali Regulares ordinari Canonicos, pro qua se per septem annos excommunicati parui pendebant omnino, ita vt quinquennium exularet Archiepiscopus, vacaret Ecclesia, redditus illi violenter diriperet; & tam exosus esset omni populo Archiepiscopus, vt in ingressu etiam omnibus nostris exprobrarent, dicentes, quoniam isti sunt de patronis Archiepiscopi. Sed mutauit animos eorum sermo Dei vivus & efficax, præter spem vniuersorum, qui nouerant negotij difficultatem, & obligationes pessimas nimis. In castro, quod dicitur *Brage-rach*, allatus est ad eum vir nobilis grauissima infirmitate laborans: & ex illa hora conualuit, vt postea didicim. Homo ciuitatis illius pauper & inops laudat hodie nomen Domini, qui longa infirmitate fractis viribus laborare non poterat, aut operari quidquam: sed benedicto pane vlcens, cum per aliquot dies sequeretur nos, fortis & incolumis est reuersus. In *Caturcensi* vrbe quidam seruus Episcopi percussus in capite, oculi vnius lumen amiserat: sed signante eo visum recepit. Ibidem *burgensis* quidam bibit aquam ab eo benedictam; & visum est ei ac si projiceretur super caput ejus plenum vas aquæ, & ea hora conualuit ex febre, qua per 7. annos laborauerat.

Iam verò *Petragorici* populi deuotionem quis explicet? Paulominus suffocabant eum, adeo vt necesse haberet clam discedere ab eis. In *Tolosana* vrbe satis deuotus susceptus est: sed per paucos dies plusquam nimis fuit deuoti. Paucos quidem habebat ciuitas illa, qui hæreticis fauerent: de rectoribus, quos ipsi *Arrianos* vocant, nonnullos. Ex his verò qui fauebant hæresi illi, plurimi erant & maximè ciuitatis illius. Denique non longè ante aduentum nostrum vnum è ditioribus ciuitatis illius cum vxore seduxerant, vt relicta substantia sua & parvulo filio in villam secederēt, quæ hæreticis plena est, & multis deinceps propinquoꝝ persuasionibus reduci nō potuerāt. Vocatus est ergo *Henricus*, vocati sunt *Arriani*; & pollicitus est populus, quod nemo eos deinceps susciperet de cætero, nisi venirent, & palam loquerentur. Fugas *Henrici* & *Arrianorum* latibula longum est enarrare. Fugerūt siquidem, qui in ciuitate erant *Arriani*, audientes signa & miracula quæ fiebant. Fautores eorum abnegauerunt eos, & credimus omnino perfecte liberatam ciuitatem ab omni hæreticæ contagio prauitatis. De militibus promissere nonnulli, quod deinceps expellerent, & non manutenerent eos. Siqui verò cupidi fuerint, & aliter voluerint agere, hæreticorum munera diligentes, data est sententia in hæreticos, & in fautores eorum, atque in omnes qui manutenerunt eos; vt neque in testimonio, neque in iudicio suscipiantur: nemo communiter in conuiuiis, neque in commercio. *Henricum* fugientem secuti & persecuti sumus; sed ille ed ampliùs fugebat.

In ipsis sanè castellis, quæ seduxerat, locutus est Dominus Abbas, & libenter audiente populo crediderunt, qui erant præordinati ad vitam. Milites quidem nonnullos inuenimus obstinatos. Sed non tam errore, vt nobis videretur, quam cupiditate, & voluntate mala; odorant enim Clericos; & gaudent facetijs *Henrici*, & quia id loquitur eis, vnde occasionem habeant & exultationem malitiæ suæ. Omnes tamen affirmabant, quod deinceps non manutenerent eum, siquidem Domini Abbatis colloquium refugisset. Data proinde sententia est in hæreticum, & in fautores eius, & patefacta est omni populo pessima eius vita, & quomodo in *Pisano* concilio, omnes quas nunc prædicat hæreses, abjuraverit, & redditus Domino Abbati litteras acceperit ab eo in *Clara-valle*, vt ibi monachus fieret. Credimus, annuente Domino, malitiam eius finiendam breui. Terra tam multiplicibus errorum doctrinis seducta, opus haberet longa prædicatione, sed Dominus Abbas nec tanto labori sufficere posse videtur, & multò magis timet molestus esse fratribus suis; & hic est, ni fallimur, ejus quem prædivinus puncti defectus, in capitu versiculi, quem audiuit.

Acceptis ergo à *Clara-valle* multis hinc inde literis, cum omni festinatione reuertetur: & credimus, annuente Deo, quod non longè post octavam Assumptionis *B. Mariæ* visuri sis desiderium, meritò desiderabilem virum. Vtinam enim nossemus, quantum & quam inestimabile donum dederit nobis Deus Patrem sanctum, advocatum fidelem, patronum potentem, pastorem bonum, plenum gratiæ & virtutibus coram Deo & omni sæculo. Denique, quod in certis locis virtutes occultet humilitate, certis didicimus experimentis: quando per eius discessum contritum sanabantur infirmi; uti sic esset illis bene, vt ipsum nemo magnificaret. Vbi vero necesse fuit, maluit, vt ipse confessus est, sustinere proprium periculum, quam saluti eorum non providere.

Erat in Ecclesia *Saturnini* in qua hospitabamur, Canonicus quidam regularis, *Ioannes* nomine, peritissimus medicæ artis. Is ergo septem, vt dicebatur, mensibus decubās, à sancto Pascha ita languebat, vt quotidie solum ejus obitum expectarent. Defecerant tibi ejus, ita vt nequaquam viderentur puerilibus brachijs grossiores. Specialiter sanè dextri femoris nervus aruerat, vt à sancto Pascha ne ad modicum quidem posset extendere genu. Languebat miser femiuius, & quotidie responsum mortis habens in semetipso, & ne ad urinam quidem aut egestionem surgere omnino valebat. Ob fetorem denique & languorē extra monasteriū factus erat, in burgo collocatus, non


sustinentibus Canonicis præsentiam eius. Rogat ergo obnixius, ut prope Dñm Abbatem deferatur & portant sex viri in grabato in camera, quæ proxima erat hospitio nostro. Ibi visitatus à Dño Abbate, confessus est ei peccata sua, & pro sua liberatione & sanitate obnixius obsecrabat. Vbi ergo benedixit ei Dñs Abbas, exiit de camera, & iunxit nos quoque cum eo,ibat autem secum cogitans & dicens, tanquam servus fidelis. En Dñe, signa quærunt: & nihil profecimus aliter, quousque dissimulaveris? Et cōtinuò exiliens ille cucurrit post nos, ita ut vix ingressi essemus hospitium quando sequentem nos vidimus, & ambulantem, ut ipse dicebat, non viribus, sed virtute divina. Exinde pergit ad Ecclesiam, gratias agens Deo, & fratres cantantes cum eo, *Te Deum laudamus*. Quanta devotione Domini Abbatis oscularetur pedes, scire potest nemo, nisi qui vidit.

Puer quidam septennis, ut dicebatur, languens inter brachia matris, ignorantis quænam esset passio, cum benedictus à Dño Abbate reverteretur, continuò vomuit lapidem, quem multi quoque viderunt, & sanus factus est ex illa hora. In ipsa civitate hominem jam senem, qui vnius oculi lumen amiserat, per signum crucis illuminavit. Sic & puerum, qui utroque oculo cæcus erat, alterum verò jam majoris ætatis cæcum similiter illuminavit. Fuit in ipsa urbe mulier quædam, quæ subitum in capite dolorem sentiens dixit, quia non comedam, donec veniam ad Virum Dei; dehinc cum cogere eam vir ejus, ut comederet, ubi primum gustavit panem, paulominus suffocata, & arctata gutture, pervasa est à Dæmonio. Exinde per triduum non poterat comedere aut bibere quicquam, donec præsentata Dño Abbati, benedictum panem & aquam sumpsit de manu ejus. Præcepit deinde Dñs Abbas, ut juxta nos in Capella pernoctaret, volens ad eam sine turba venire secretius. In nocte verò conqueri cœpit vehementius, ita ut nunc quidem Dæmon, nunc femina loqueretur: & modo in sinistrâ, modo in dextram partem vertebatur lingua, secundum quod mutabatur loquentis persona. Dicebat dæmon audientibus vniuersis qui adstant, quia non egrediar, donec veniat Abbas, donec veniat Abbatriculus. Admonitus interim Dñs Abbas in somnis, venit ad eam, quam in tanto cruciatu invenerat, quietam omnino dimisit. Et protinus mane facto celebrans missarum solemniam, dedit ei communionem sanctam, & incolumem remisit in domum suam.

Ex his qui manus habebant intortas in partem alteram, & digitos in palmam replicatos, tres sanavit Tolosæ, tres in confinjs eius. Allata est enim ad eum puella quædam, dum oblationem suscipiet, & signans manum, atque apprehendens digitos, cum omni facilitate aperuit. Idipsum quoque de duobus alijs fecit, nisi quod alterius, cujus erat manus contracta, uterque erubescens propter Episcopos, qui præsentem erant, parumper aperuit, & sic tradidit militi cuidam de templo qui præsens erat, ut ipse perficeret. Quartum ab hoc incommodo liberavit infantem quendam apud *Dameyseriam*, vidente Domino Engolismensi Episcopo & stupente, quod ubi signauit manum & dimisit, ipsa quasi esset corda quædam, in bonum statum conversa est, & digiti aperiri cœperunt. Ibidem sanè in hora eadem & surdum fecit audire, & mutum loqui. Quintum manum sanavit in castro quod dicitur *Viride folium*, ubi sedes est Satanæ, & ipse pessimi, ni fallor, hæretici puer erat. Sextum sanavit in castro, quod dicitur sanctus Paulus, quos ex fervientibus domini Legati remanere in terra aliena febris gravissima cœgisset: nisi subvenisset eis cœlestis medicina panis benedicti.

In Albigeniensi civitate factum est, quod cæteris non immeritò miraculis credimus præferendum. Erat enim populus civitatis illius, super omnes qui in circuitu eius sunt, hæretica pravitate cōtaminat⁹ ut audivimus; ita ut dño Legato, qui per biduum ante nos venerat, cum asinis & tympanis exierint obviam; & cum signa pulsarent ad populum convocandum, ad missarum solemniam celebranda vix convenere 30. Tertia die Dñs Abbas cum multa populi lætitia susceptus est. Sed tanta mala de illis audierat, ut penitus non acceptaret devotionem eorum. Sequenti vero die, cum beati Petri solemnitas esset; tanta ad audiendum verbum Dei multitudo convenit, ut non caperet eos grandis Ecclesia. Quos allocutus Dominus Abbas. Seminare, inquit veneram, sed præoccupatum à semine pessimo agrum inveni. Veruntamen, quia rationalis est ager, Dei enim agricultura vos estis, ecce ostendo vobis semen utrumque, ut sciatis quid eligere debeatis. Et incipiens à Sacramento altaris per singula capitula, quid hæreticus prædicaret, quæve esset fidei veritas, diligentius exponebat. Demum interrogavit eos, quid eligerent: & respondens omnis populus, cœpit abominari & detestari hæreticam pravitatem, & cum gaudio suscipere verbum Dei, & catholicam veritatem.

Pœnitementi, inquit, igitur, quicunque contaminati estis; redite ad Ecclesiæ veritatem. Et ut sciamus, quis pœnitentiam agat, & suscipiat verbum vitæ, levate in cælum dexteras, in signum catholicæ unitatis. Factum est ergo, ut levantibus omnibus dexteras in cælum cum exultatione, ipse sermoni finem imponeret. Et nos quoque Epistolam terminemus. Valere.



4th Oct 1860



